

K. 20

Q 549 48

C



6 vol.

Chymia



11. ul 13376/B

N. VII c
18



1/10/1914

70159

TORBERNI BERGMAN

CHEMIAE PROFESSORIS ET EQVITIS AVRATI REG. ORDINIS
DE WASA; ACAD. IMP. N. C. REGIARVMQVE ACADEMIARVM
ET SOCIETATVM, VPSAL, STOCKH. VTRIVSQVE, LONDIN.
GOETTING. BEROL., GOTHOB. ET LVND. SODALIS,
PARISINAE CORRESPONDENTIS,

OPVSCVLA
PHYSICA ET CHEMICA.

EDITIO NOVA EMENDATIO.

VOL. I.

Cum Tabulis Aeneis.

CVM PRIVILEGIO S. ELECT. SAXONIAE.

LIPSIÆ

Chez THÉOPHILE BARROIS le jeune, Libraire,
rue Hautefeuille, n°. 22.

Quamobrem, si qua est erga creatorem humilitas, si qua operum eius reuerentia et magnificatio, si qua caritas in homines, si erga necessitates et aerumnas humanas releuandas studium, si quis amor veritatis in naturalibus, et odium tenebrarum et intellectus purificandi desiderium; orandi sunt homines iterum atque iterum, ut missis Philosophiis istis volaticis et præposteris, quæ hypotheses thesibus anteposuerunt, et experientiam captiuam duxerunt, atque de operibus Dei triumpharunt, submisce, et cum veneratione quadam, ad volumen creaturarum euoluendum accedant; atque in eo moram faciant, meditentur, et ab opinionibus abluti et mundi caste et integre versentur, — in interpretatione eius eruenda nulli operae partant, sed strenue procedant, persistant, immorentur.

I BACO DE VERULAMIO.



LECTORI BENEVOLO

S.

EDITO R.

Nemo facile hac nostra aetate fuit, qui BERGMANNVM, virum, dum viueret, omni doctrinae genere ornatissimum, Chemicæ peritia eximiisque in hanc artem meritis æquipararet, nedum antecelleret. Cum vero eius auctoritas apud omnes naturæ scrutatores plurimum polleat, mirum profecto non est, scripta, quæ, tanquam æterna ingenii sui monumenta condidit, a doctis hominibus auide conquiri et studiose legi. Pauca autem priorum voluminum exempla in Suecia typis exscripta sunt, quæ, si numerosa etiam essent, in Germania tamen, ob locorum distantiam commode ab omnibus, quorum interest, comparari nequeunt. Quapropter, vt nostratium satis fieret desiderijs, bibliopola operæ pretium se facturum esse existimauit, si nouam horum opusculorum editionem adornaret. Hanc igitur, L. B. tibi nunc offerimus, priori re ipsa similem, verbis autem castigatiorem. In sententiis enim et argumentorum contextu, quicquam mutare, nefas erat et superfluum: hoc vero b. Auctoris memoriae ipsiusque libri præstantiæ debebatur, vt vitia typographica spississima, quibus prior editio horrebat, sedulo expungerentur. Scr. Lipsiæ mense Ianuario MDCCCLXXXVIII.

INDEX

I N D E X


Commentationum Primi Voluminis.

I. De Acido aëreo	pag. 1
II. De Analyfi aquarum	65
III. De Aquis Vpſalienſibus	143
IV. De Fonte acidulari Danemarkenſi	158
V. De Aqua pelagica	172
VI. De Aquis medicatis frigidis, arte parandis	177
VII. De Aquis medicatis calidis, arte parandis	218
VIII. De Acido Sacchari	238
IX. De Confectione Aluminis	264
X. De Tartaro antimoniato	318
XI. De Magnesia	343

O P V S C V L A

CHEMICA ET PHYSICA.

VOL. I.



INTROITVS

D E

INDAGANDO VERO.

Quam fit difficilis veritatis certa inuestigatio, ne-
minem fugere potest, qui eandem serio vm-
quam quaesuit. *Inuolutam veritatem in alto latere*
autumat dudum experientissimus SENECA.

Quod ad facta historica attinet, a nostris tem-
poribus paullo remiotiora, pyrrhonismus hodie-
nus non raro extra cancellos vagatur, quae ficta,
quae aliter gesta, quae omissa, fere pro lubitu de-
terminans. Sed haec mirari desinemus, si aliorum
fide adcuratius rimari cupimus, quae tam ratione
temporis, quam loci, propinqua sunt et qua-
si coram gesta, praesertim dum simul causas, in-
tentiones, et nexus noscere ex re est: contrariis
namque diuersissimisque narrationibus ita saepe con-
fundimur, vt et opportuna occasione, et perspicaci
exercitatoque studio, et maturo iudicio, nullis
praeconceptis opinionibus, nulla lucri vel damni ex-
spectatione sollicitato, gordiis soluendis opus sit.
Hi nodi vel perfunctoriae considerationi, vel igno-
rantiae, vel etiam interdum deliberatae malitiae, si-
milibusue causis, ortum debent. Si omnes de fa-
cinore consentiunt, singulae tamen descriptiones
proprium quasi characterem sui auctoris exhibent.
Hic laudat supra modum, fucum obducens; ille

cum larua multum de valore detrahit; alius acuto mycterismo suspectum reddit; quartus denique vti scelus detestabile depingit. Sed mittamus haec: fortassis in mundo physico aliter se res habet. Si hominum cogitata non semper expiscari licet, phaenomena et facta naturae tantae ambiguitati obnoxia esse nequeunt.

Ita certe videretur, sed aliud quotidiana testatur experientia. Quantane exstiterunt diuortia? Quot schismata, inter celeberrimos naturae mystas? Quot in dies noua oriuntur?

Dum vero hasce lites propius examinamus, easdem plerumque minus ipsa facta ferire reperiemus, quam eorundem explicationes. Scilicet in eo defudat philosophia naturalis, vt media modique, quibus in suis operationibus vititur natura, eruantur, hoc est, causae earumque nexus, et harum complexu theoria, vt vocari solet, perficiatur. Heic vero magna oritur discordia.

CARTESIVS, datis materia et motu, ab ovo incipiens, totum construit mundum, diuersas fingit corporum formas et adfectiones, singula phaenomena, omnes operationes, duce sublimi ingenio connectit et mechanice a priori explicat. Stupendum opus, si modo naturae systemati, quod est explicandum, consentiret, sed comparatione instituta mox tanta elucet discrepantia, vt, vbi ex sententia artificis maxima adest causa, ibi reuera minimus occurrat effectus, et contra. Tota igitur haec com-

pages

pages imaginaria, laxis superstructa nexibus, non potest non corruiere, vel potius instar phantasmatis euanescere.

Prodit dein alius Coryphaeus, immortalis NEWTONVS. Hic Icari casu prudentior, creationem nostras superare vires didicit, inuersamque ideo sequutus est methodum. Facta primum sollicitè colligit, eadem accurate examinat et acute comparat. Hinc leges naturae deducit, et ex effectibus bene cognitis causas diiudicat. Ita lentius quidem progreditur, sed tutius, et quamuis molestum sit iter, ad pleniorē tamen lucem continue tendit. Tale aedificium, solido innixum fundamento, eo firmatur magis, quo altius exstruitur.

Quamuis hodie omnes consentiant, nobis a priori de corporibus plane nihil esse notum, eorumque ideo diuersas indoles a posteriori, obseruando experiendoque, esse cognoscendas, tamen in applicatione etiamnum non pauci, si non palam, saltem occulte, Cartesianismo fauent. Cartesianismum voco, non quod haec methodus ab illo primum fuerit inuenta, nam a remotissimis inde temporibus Philosophi exstiterunt, qui, suis nimium fidentes viribus, meditando naturam rerum extricandam putarunt. Mutuo tantum nomina CARTESII et NEWTONI, quippe quae illustria et notissima exhibent exempla.

Dixi Cartesianismum implicatum etiamnum quodammodo vigere, et, re propius pensitata, non

mirum videbitur, ingenium humanum sibi placere in hac methodo. Scilicet ab vna parte perquam cara, molesta et longa est *via experimentalis*. Hanc igitur non omnium ferunt facultates; multis defunt idonea instrumenta; aliis necessaria dexteritas; plerisque sufficiens patientia et constantia, nam, si res non statim succedit, fastidiose conatum deserunt. Homo sibi relictus per naturam otio est deditus. Ab alia parte *via contemplatiua* nostrae sciendi cupiditati fauet, et cito, et facile sacra naturae referendo; demulcet inexplebile omnia explicandi desiderium; vanam arrogantiam focillat, omnia nostro intellectu peruia fingendo.

Nostris autem diebus adeo in oculos incurrit experiendi necessitas, ut risui semet exponeret, qui eandem negaret, agnoscitur ergo, sed cum tacita limitatione. Per plura nempe saecula experientiae sunt collectae, quae rite pensitatae causis denudandis sufficere creduntur. Hoc modo ad mensam libris circumdato in adyta naturae penetrare, et quasi e tripode, quid verum sit, pronunciare licet, idque sine laboratorio, sine vlllo idoneo apparatu, sine impensis, sine molestia, sine periculis, et quidem de rebus, quas numquam vidit, multo minus, uti decet, explorauit. Nec hoc inuentum se nouitate commendat, etenim ARISTOTELES dudum duo sancit philosophiae naturalis fundamenta, experientiam et rationem, sed illam nihilominus hac misere corruptit. Similiter hodie non numquam limpida turbatur veritas praeconceptionis opinionibus de genesi et metamorphosi materiarum.

rum. Hae, instar coniecturarum, modeste et candide propositae, vtilis esse possunt, ansam praebendo nouis experimentis, sed contra eadem ad modum sunt perniciosae, si tamquam axiomata lectoribus obtruduntur, si contraria experimenta ad consensum torquentur, vel si hoc fieri nequit, in *dubium* vocantur. Accedit aliud malum ex adamatis hypothesebus, mutilata nempe et minus fida tentamina. Qui opinionibus regitur, considerari potest, vti spectator, qui per vitra colorata obiecta contemplatur, nam singula tincta apparent eodem modo, ac vitrum, quod vsurpare placet. Leuissimae et maxime hiulcae similitudines, si cum systemate concordant, sufficiunt, immo magni ponderis argumenta praebent, sed grauissimae discrepantiae instar atomorum euanescent.

Tempus, quod in hisce nugis extricandis consumitur, certe melius obseruando et experiendo impenderetur, quo labore veritas pleno fulgore citius eluceret et suus constaret honos scientiae, quae iam ob contradictionum et dissensuum taedia, si non contemnitur, saltem illis sit suspecta, qui altius introspicere nequeunt.

Ceterum nec in philosophia naturali semper otiosae sunt animi perturbationes, odium, inuidia, et quae sunt reliquae. Tristis loquitur experientia, saepe pulcherrima inuenta dente rodi canino et aliorum merita maligno strepitu atteri. Sed eos non moramur, qui studio veritati oculos occludunt, quum etiam in luce meridiana caecutire velint. His surdis fabula narratur.

Quum

Quum veritas sit omnis inquisitionis finis primarius, saltim esse debeat, vt hanc metam cito, sed simul tuto, attingamus, hoc opus, hic labor. Dum itaque in edendis Opusculis defudo, in ipso limine lectori rationem reddendam existimo praecipuarum regularum, quas mihi sequendas proposui. In quovis explorando corpore duo generatim occurrunt momenta, *compositio* et *explicatio phaenomenorum*, quae ideo seorsim sunt consideranda.

I) Principia inuestigaturus.

A) Eadem non a leui cum aliis notis corporibus conuenientia diiudicanda, sed analysi directe separanda, et synthesi confirmanda puto.

Compositione non raro nouas acquiri proprietates, in nulla materierum ingredientium separatarum obuias, notum est, et vicissim principiorum nonnullas languescere, vel penitus euanescere. Hinc elucet, quam sit lubricum fundamentum in leui conuenientia.

Quamuis igitur terra ponderosa et magnesia in eo cum calce conueniant, quod acido aëreo vnitae in aliis acidis effervescent, quod illo expulso fiant causticae, cetera, non tamen in illis calcem delitescere concludo. Haec conuenientia sine dubio leuis est, quippe quae rite pensitata nihil aliud innuit, quam quod acidum aëreum pluribus adunari queat materiis, et, quod eius praesentia, naturalis corrodingi facultas corrigatur. Si e tali fundamen-

to radicem eruere licet, sine dubio etiam alkalini sales calcem fouent, qui iidem effervescunt in acidis et similiter causticitatem exercent, eamque longe maiorem.

Ex historia litteraria cognita sunt insulsa illa argumenta, quibus impugnatum fuit alkali minerale, quod tamen nostris diebus ab omnibus agnoscitur, et a vegetabili distinctum, quum diuersos constantesque praebeat sales cum acidis iunctum. Similiter terra ponderosa et magnesia cum acidis longe alios exhibent, quam cum iisdem calx. Eodem igitur iure distinguuntur. Quod fortassis calcem contineant quodammodo mutatam ambabus largiar manibus, vt primum ab iisdem calx extrahi potest, vel ex calce eaedem confici. Coniecturae, etsi probabiles, a veritate nihilominus multum distant, immo saepe vlteriore examine falsae reperiuntur.

Quae iam dicta sunt, etiam mutatis mutandis valent de acido aëreo, de acido sacchari, de niccolo, de cobalto et de magnésio.

In genere corpus, quod proprietatibus ab omni alio differt, et sibi simile semper haberi potest, diuersum distinctumque iudico, quamuis ab alio, etiam noto, ortum, etenim nouae constantesque proprietates non egerminant, nisi primitiuum fuerit principio quodam vel auctum, vel spoliatum, et, hoc facto, non amplius idem est corpus, ac antea.

B) Analysis praesertim via humida est peragenda.

Non

Non equidem nego interdum etiam siccam vtiliter et posse, et debere, in subsidium vocari, sed in plerisque casibus ignis magis ad diuersas materias confundendas, quam separandas tendit.

Contendunt quidem nonnulli, materias menstruis elicitas mutari, et longe alia indole in corpore decomposito adfuisse, quam qua postea gaudent. Sed non subsistamus in vaga enunciatione; eam face experientiae illustremus, et cito euanescet spectrum, incerti formidinem spargere tentans. Soluamus determinatum cretae depuratae pondus acido salis, quod iterum alkali fixo praecipitetur, et, si hoc fuerit aëratum, creta recuperatur, qua pondus, et qua indolem, omnino sibi similis. Si vero alkali adhibetur causticum, non nisi dimidium circiter pondus obtinetur, et sedimentum calci vltiae exstinctaeque congruit, nam aqua suscipi potest et nullam in acidis excitat efferuescentiam. Hoc experimentum vel centies cum eadem creta repetitum nullam aliam prodit mutationem. Idem valet de terra ponderosa et magnesia, itemque de argilla pura, cuius tamen pondus pro vario praecipitante vix differt sensibiliter. Similiter se res habet in aliis acidis. Soluamus iam metallum quoddam, praecipitemus alkali fixo, et habebimus calcem huius metalli; praecipitemus etiam alio metallo et recuperabimus ipsum metallum subtilissime tantum divisum. Alkali aëratum in quibusdam casibus longe ponderosiores exhibet calcem, quam causticum, si nempe haec acidum aëreum absorbet. Diuersa praeterea acida nullam hanc aliam prouocant differ-

ren-

rentiam, quam maiorem minoremue phlogisti privationem. Hisce cognitis, quae neminem in spagyricis versatum latere possunt, ponamus acido quodam menstruo extrahi calcem, vel magnesiā, vel argillam, vel ferrum, quaero, num vlllo iure in dubium vocari debeat, quod hae materiae re vera adfuerint in corpore, tentamini subiecto? Nequaquam. Num aëratae vel causticae, sub forma calcis vel metalli, compagem intrauerint, e qualitatibus corporis integri haud difficulter diiudicatur.

Inueteratus error de ortu alkali vegetabilis per ignem, heic in memoriam reuocetur oportet. Immaturae, et non raro inficetae, rationes, quibus hunc salem prius existere negarunt, iam resiliunt in suos auctores.

C) Experimenta veritati denudandae idonea instituenda sunt.

Non multitudine, sed qualitate tentaminum lux desiderata accenditur. Plerumque plura momenta sunt illustranda, et tum pro fine ita varianda quoque experimenta, vt illud, quod quaeritur, certo cognoscatur.

In explorando e. g. fluore minerali, quaestio est partim de acido eidem inhaerente, partim de basi. Vt prius sincerum obtineatur, minor adhibenda est acidi vitriolici concentrati portio, quam omni expellendo opus est, debiliorque caloris gradus, quam qui vitriolicum in auras resoluit. In basi autem cognos-

scen-

scenda, et vehementior sit ignis, et abundans; acidum vitrioli adfundatur oportet, ne quidquam eiusdem vim eludat et immixtum veram indolem obscuret. Nisi ita media et operationes finibus adaptentur, magna in dies augetur hallucinationum caterua.

D) Experimenta, maxima, qua fieri potest, ad curatione sunt instituenda.

Perfunctorie et leuiter tantum visa haud raro veritatem vel non illustrent, vel etiam obscurant, quum errores suffulciant. Pondere, mensura, aliisque idoneis instrumentis, singula momenta sunt demetienda, omniaque phaenomena sollicitè obseruanda. De factis sane, quae experiundo colliguntur, nullus oriri debet dissensus, quippe quae pro lubitu prouocari possunt, et ab omni parte quantum satis considerari. Aliter comparata sunt, quae solius naturae manu perficiuntur, neglecto enim opportuno tempore, haec non redeunt nisi vel inopinato, vel plurium annorum serie interposita. *Fronte capillata, post est occasio calua.* In multis tamen casibus imitando intervalla contrahere licet.

Pudet fere enarrare, quod Chemicum audiuerim, qui Thermometra, aliaque similia instrumenta, instar subtilitatum physicarum in Laboratoriis superuacanea iudicabat. Minimae circumstantiae suas sine dubio agnoscunt causas, ita plerumque potentioribus implicitas, earumque moderantes efficacias, ut sine illarum inuestigatione totus nequeat intelligi.

telligi effectus. In philosophia naturali nullae dantur subtilitates spernendae, nullae veritates otiosae. Quod nobis sterile videtur, ideo tantum est sine fructu, quod non satis illud cognoscamus, non satis examinemus. Quot myriades pyrum cadere frustra viderunt, sed NEWTONO vulgatissimum hocce phaenomenon theoriam grauitatis aperuit.

E) Aliorum tentamina, praesertim cardinalia, candide sunt reuidentia.

Auctorum, fide dignorum, experimentis nequaquam est diffidendum, sed plus vident oculi, quam oculus, ideoque, quae noua exhibentur, pluribus testibus in diuersis locis vtiliter confirmari puto. Hoc vero rite facto, campus vastissimus alibi cultorum eget industria. Fateri tamen oportet, multa occurrere, quae autopsia clarius meliusque intelliguntur, quam exactissima descriptione. Marggrafianum quoddam experimentum repetenti numquam, ne minimum quidem dubium, mihi suboriri potuit de euentu: illustris enim huius Chemici adcuratio, dexteritas et sana concludendi methodus, neminem hisce rebus initiatum, latere possunt. Interea multa non sine insigni fructu iteraui. Qui ad mensam de acido sacchari meditatur, illud facile pro saccharo, acido nitri soluto et dein crystallisato venditat, sed manum operi admouens meliora edoctus sententiam mutat, et non temere de aliorum tentaminibus pronunciandum esse discit.

Candor in obseruando maxime est necessarius: aequae, quae nostris opinionibus contrariantur, viden-
** da

da sunt, quam quae illis fauent. Et bene dicit celebris a MORVEAU, nos numquam magis proficere, quam inopinatis experimentorum euentibus, nostras analogias, nostrasque theorias infringentibus. Accidit tamen non raro, vt qui meliora videt, deteriora sequatur. Qui e. g. de terra, e vegetabilibus separata, negat, eandem diuersis mixtis esse compositam, et simul huius partem acidis solubilem esse concedit, proprio se iugulat gladio. Massae homogeneae sine dubio aut totum, aut nihil, suscipiatur oportet.

II. Phaenomena corporis tam per se spectati, quam respectu aliorum, suum habent fundamentum, vel in ipsis materiis, vel simul in rebus circumstantibus. Horum explicatio semper est quaerenda, recte enim ponitur: *Vere scire, esse per causas scire*. Illis rite cognitis, indoles clare perspicitur et secundum nostra desideria perfectissime flectitur.

Sed maxima opus est circumspectione, ne fictas pro veris habeamus, nubem pro Iunone amplectentes. Itaque

A) In inuestigandis causis adscendendum est a phaenomenis satis variatis et bene obseruatis; a causis proximis dein ordine ad remotiores.

Ex effectu de quantitate et qualitate causae iudicandum est, et quo melius ille cognoscitur, eo etiam propius haec determinatur. Perquam laboriosa et spinis obsita est haec via, admodum quoque longa, adeo

adeo ut satis diu interdum fateri cogamur, huius vel illius phaenomeni causam etiamnum ignotam esse. Erutis vero legibus, quas in suis operationibus sequitur causa, ea, quasi cognita, in multis casibus uti licet. Et sane malo cum NEWTONO ignorantiam ingenue fateri, et pauca, sed certa determinataque scire, quam cum CARTESIO omnia explicare e fictis falsisque fundamentis. *Quod praestet naturae voce doceri, quam ingenio suo sapere,* CICERO dudum inculcavit.

Quam levi saepe apparentia decipiamur, si illa placet, exemplo illustretur. Quod calx rite vsta omnem cum acidis efferuescendi facultatem exuat, notum est. Hoc phaenomenon multis molestiam paravit, qui acidum detestantur aëreum, tandem vero effugium patere creditum est. Scilicet calx vsta immittatur acidis valde concentratis et mox effervescentiam visibilem fieri adseueratur, quae in acidis debilibus oculorum aciem eludit, quum materia in igne exsiccata promte eadem absorbeat. Ut hoc fugetur phantasma, non nisi adcurata phaenomenorum observatione opus est. Impleatur pocillum vitreum acido nitri, iniiciaturque cretae frustulum, mox innumerae bullulae e tota superficie emittentur, idque continue, quamdiu vlla restat molecula visibilis. Sub hac tamen vehementi agitatione thermometer immisso ne minima quidem reperitur temperaturae variatio. Siue acidum sit dilutum, siue concentratum, eadem occurrunt phaenomena. Iam idem repetatur experimentum, sed, loco cretae crudae, adhibeatur aequale frustulum rite vstae.

* * 2

Sit

Sit acidum dilutum et primo momento perpaucae exeunt bullulae, mox vero omnino cessant. Praeterea insignis heic oritur incallescencia, quae tamen 100 gradus non attingit. Si acidum satis fuerit concentratum, (nimis nolet), initio non tantum parvae, sed etiam maiores et frequentiores erumpunt bullae, quae tamen cito pereunt, omnis visibilis motus sistitur, et in massa calcarea, et in liquore acido. Incallescencia vero heic perquam intensa reperitur, et, si frustulum sit maiusculum, 100 gradus attingit superatque.

Ex hisce phaenomenis attentius consideratis iam naturalis sponte emanat explicatio. In posteriore nimirum casu tantus elicitur aestus, ut liquidi partes, calcem usitam proxime ambientes, per aliquot momenta ebulliant. In casu autem acidi diluti, non nisi paucae bullulae aëreae, poros spongiosae massae, quae in igne dimidium circiter pondus amisit, implentes, ope caloris dilatatae prodeunt. In utroque cito omnis motus domatur, qui tamen cum creta cruda, usque dum plene fuerit consumpta, perdurat, sub nomine efferuescentiae, probe ab ebullitione distinguendae.

Ita interdum dormitat HOMERUS.

B) Causa quodammodo phaenomenis indicata aliquantisper vera adsumatur, et deducantur hinc necessario fluentes consequentiae, quae dein singula idoneis experimentis exploratae, positionem vel confirmant, vel euertunt.

Hanc methodum cum fructu saepe adhibent Mathematici, et instar lapidis lydii etiam in Philosophia naturali adhiberi debet, ad examinandas hypotheses variasque coniecturas. Et fateri conuenit, positionem, cuius omnes legitimae consequentiae experientia confirmantur, iure veram putari. Problema heic est indeterminatum, cuius incognitae quantitates tentando eruuntur.

C) Praeterea caussa, si fieri potest, ita cum effectui comparatur, ut clare perspiciatur exacta conuenientia, etiam qua quantitatem.

Hoc medio liquet, num caussa sola effectui sufficiat, an vero aliunde simul iuuanda. Exemplum occurrit in Commentatione de Terris geoponicis, vbi quaestio oritur de vsu aquae in vegetatione.

Tandem denominationes rerum, quantum fieri potest, veritati congruentes opto. Me quidem non fugit, verba valere, ut nummos, magnamque a mutatis nominibus timendam esse confusionem. Interea negari nequit, Chemiam, aequae ac alias scientias, olim ineptis nominibus fuisse refertam. In variis disciplinis ea dudum reformata vidimus, quam igitur ob causam Chemia: quae veram rerum indolem scrutatur, nomina adhibeat vaga, quae falsas ingerunt ideas, quae ignorantiam et histrioniam sapiunt? Quin etiam multa sine vilo incommodo corrigi queant nullum est dubium. Si loco Olei vel Spiritus vitrioli dicitur Acidum vitrioli concentratum vel dilutum, neminem seductum vel turbatum fore credo.

Praefertim in designandis nouis materiis, vt harum naturae conuenienter illud fiat, necessarium est. Itaque pro *Aëre fixo*, quod falsam suggerit ideam, substituo *Acidum aëreum*, quum hoc fluidum per suam naturam sit acidum, simulque non tantum aërea gaudeat subtilitate et elasticitate, sed etiam aut aërem purum contineat, aut huius principium quoddam proximum constituat, nam purissimus, qui obtineri potest aër, accedente phlogisto, semper illud (acidum aëreum) secernit. Magis itaque appropriatum nomen inuenire non potui. Credunt quidem nonnulli hoc subtile acidum idem esse ac vitriolicum phlogisticatum, sed qui vmquam haec bina vidit et comparauit, hanc opinionem serio defendere nequit.

Liceat tamen heic obseruationem addere, quae phlogisti in acido aëreo praesentiam innuere videtur. Acidum nimirum vitrioli purum in auram resolui nequit constantem, sed adueniente phlogisto fluidum gignitur aëriforme (ab acido aëreo toto coelo diuersum), quod in frigore persistit, modo aquam non contingat. Eodem fere modo se gerit acidum nitrosum, sed muriaticum per se aëriforme fieri potest. Quum igitur vltimum acidum contineat phlogiston instar principii proximi, vti experimentis, et analyticis, et syntheticis, euictum est, hinc fluere videtur, quod omnia acida aëriformia principium inflammabile foueant. Videtur, inquam, nam omnia vero similia, non ideo sunt vera.

Haec

Haec pauca praefari debui. Peritus et aequus rerum aestimator iudicet, quo successu in sequentibus veritatem indagauerim, num Scyllam vitare cupiens in Charybdim inciderim.

Opusculorum, quorum iam primum volumen in lucem prodit, maxima pars antea seorsim fuit edita, sed quum cito fuerint distracta exemplaria, et praeterea nonnulla suecice, alia latine, alia denique gallice conscripta, hortatu amicorum, praesertim exterorum, eorundem collectionem suscepi, et singulorum, alia lingua compositorum, translationem in Eruditorum vernaculam. Eadem non digessi secundum seriem temporis, quo primum fuerunt impressa, sed potius ita, vt antecedentia illustrent sequentia, quantum nimirum fieri potuit, in collocandis commentationibus, seorsim antea, diversisque temporibus diuulgatis. In nota tamen cuiusvis initio subiecta indicaui primam editionem. Primo volumini praesertim Halurgica inserui, in secundo Mineralogica et Metallurgica prodibunt, in tertio Attractionum doctrina, vna cum analysi quorundam corporum organicorum, in quarto et quinto reliqua.

Si haec Tentamina, summa, quam permiserunt res circumstantes, adcuratione et fide instituta, iis non displiceant, qui mecum serio veritatem quaerunt, contentus sum, aliorum nec cuius laudes, nec reformido censuram. Si enim errauerim alicubi, hoc a me non alienum puto, et vt corrigatur, quo citius, eo melius, opto, immo ipse in sequentibus addam

addam Tomis, quae in antecedentibus adcuratori
scrutinio emendanda vel augenda inuenerim. Qui
autem ea etiam, quae vera sunt, obscurare tentant,
eadem hinc tandem, in renitentium opprobrium,
clariora fore experientur. Quae forte in vno loco
breuitatis lucrandae ergo sine additis rationibus ad-
firmantur, alibi dedita opera demonstrata reperiun-
tur, in id enim incubui, vt nihil temere poneretur.
Qui itaque adsertiones examinat, non mox reiiciat,
sed simul fundamenta expendat, oro.



I.
DE
ACIDO AËREO*).

Quid verum --- curo et rogo, et omnis in hoc sum.

HORATIVS.

INTROITVS.

De natura et indole fluidi elastici, quod sub nomine aëris fixi nostro aevo Physicorum pariter ac Chemicorum exercet et sagacitatem et industriam, meas exteris correspondentibus ab anno 1770 aperui cogitationes, inter quos inclytum PRIESTLEYVM iam nominasse sufficiat, qui non tantum meae meminit sententiae in Transactionibus philosophicis anni 1772, sed in altera quoque editione egregii sui commentarii de aëre eandem variis roborat experimentis selectis. Anno quidem

1773

*) Haec commentatio anno 1774 coram Societate Reg. Scientiarum Vpsaliensi lecta fuit, et anno sequente in eiusdem nouorum Actorum volumine II impressa.

Bergm. Opusc. Vol. I.

A

1773 breuem meam de hac materie expositionem suis actis inseruit Reg. Scientiarum Academia Stockholmenſis, ſed, quum adcuratiſſimum mereatur examen haec doctrina, ab omni parte ſollicite conſideranda, eandem heic experimentis et obſervationibus firmatam exhibeo.

§. I.

Quid per aërem fixum intelligatur.

Ambiguitatis euitandae gratia, mox ab initio vocabula nonnulla explicentur oportet. Scilicet duplici ſenſu, aëris fixi adhiberi ſolet denominatio, vel latiori, vel etiam anguſtiori. Late ſumitur pro omni fluido eläſtico, quod ſub corporum decompositione in medium prodit, quocumque demum modo eliciatur, et cuiuſcumque praeterea ſit naturae. Multum abeſt, quin eiudem ſit indolis omnis haec aura; alia namque facillime poteſt accendi, alia momento citius ignem penitus exſtinguit, et quae ſunt reliquae diſcrepantiae haud exiguae: in eo tamen ſingulae conveniunt, quod aëri licet vulgari, qua plurimas proprietates perquam ſimiles, corporibus nihilo minus antea quaſi fixae inhaeſiſſe videantur elatere ſpoliatae, eundemque non niſi liberationis momento adquiſiſſe, et hinc epitheto *fixus* hic aër a vulgari fuit diſtinctus. Si talis retinenda denominatio, generalem iam explicatam ſignificationem eidem praefertim congruere haud diſſiteor, interim tamen alia anguſtiorque iam diu invaluit, quam etiam in ſequentibus uſu receptam adhibere cogor, eam tantum hoc nomine denotans ſpeciem

ciem, quae alkalinis terris et salibus inest, igne vel acidis extricanda, quaeque sub fermentatione e multis quoque vegetabilibus magna erumpit copia. Haec rite depurata iisdem semper gaudet facultatibus, et acidam luculenter prodit indolem, ideoque suae naturae convenienter *acidum aëreum* voco, cuius ex sequentibus elucebit ratio denominationis, praesertim eandem exhibent §. XXII et XXIII.

Mephiticus ille audit aër, qui animalia celeriter enecat, respirationi sustentandae prorsus ineptus, qualis in caverna Neapolitana, a cane dicta, aliisque scrobibus bene multis, reperitur. Cum vero perniciofa haecce et letifera qualitas plerisque competat fluidis elasticis, quae corporum antea fuerunt irretita compage, haec denominatio cum aëre fixo, late sumto, pari fere passu ambulat.

§. II.

Quomodo purus acquiritur aër fixus.

Triplici inprimis via metam attingere licet propositam, vel enim cum effervescentia a fortiori acido, vel etiam ignis iusto gradu expellitur, vel denique fermentatione liberatur. Singulas ordine eo, quo enumeratae sunt, describam.

Methodus prima.

Orificio A (Tab. I. Fig. 2.) lagenae vitreae AB tubus vitreus EFG ita mediante glutine apto est infusus, ut circumcirca nullus pateat aëri vel subtilissimus exitus. Cavitati aqua destillata (qualis semper in sequentibus intelligitur,) ad medium CD circiter infun-

infundatur, cui dein spathum calcareum pellucidum, in puluerem grossiorem comminutum, immisceatur, donec superficiem CD fere attingat. Postea ope infundibuli O, orificio L adglutinati et bacillo vitreo P imperfecte clausi, acidum vitrioli concentratum guttatim defluat, quo e particulis calcareis innumerae statim emergunt bullulae. Interea extremum G liberum maneat, vsque dum aër vulgaris in lagena supra massam efferuescentem, et in tubo eidem adfixo hospitans, plene fuerit expulsus a fluido iam prouocato grauiore (§. XXIV), dein vero orificio lagenae HI, aqua impletæ et inuersæ, infra superficiem aquae in vase MN haerenti, intro-mittatur.

Singulis ita ordinatis frequentes in lagena HI enantant bullulae, quæ superne collectæ aquam sensim exprimunt: penitus tandem euacuata, subtracto extremo tubi EFG, sub aqua probe obturetur, et fluidum elasticum eadem incarcerationum in aliam QR paullo minorem, (nam quidquam sub emergentia absorbetur), aqua plenam et inuersam, ope infundibuli transferatur, vti monstrat fig. 3. Acidum aëreum hoc modo in QR collectum purum esse confido et vrgeo, nisi forsan aeris vulgaris porriuncula contaminatur, quum hic ab initio vix plene queat expelli a fluido sub efferuescentia liberato: si vero vapor comitetur acidi vitriolici, in aqua certe hic restabit, saltem dum altera vice abluitur.

Si loco vitriolici nitrosum, muriaticum vel aliud quodpiam acidum, ita dilutum, vt nequaquam fumet, debita adhibeatur adcuratio, simili-

lis

lis omnino adquiritur aura. Acidi vis et quantitas ita moderentur, oportet, vt sub instillatione vix vllus oriatur calor. Cretam euito, cum haec acido salis fere semper sit inquinata.

Methodus secunda.

Vas retortum fumatur, e viridi vitro confectum eius magnitudinis, vt non vltra vnus pollicis diametro gaudeat, tuboque valde gracili instructum. Magnesia alba bulbus impleatur, in crucibulo gypso circumdatus collocetur, totusque apparatus ita in furno portatili prope parietem, vt collum igni nullo modo exponatur. Hisce praeparatis alius tubus retortae collo adaptetur arctissime, nullum circumcirca praebens exitum, ita curuatus, vt extremo G in vase MN superimponi queat apertura lagenae inuersae HI. Tandem prunis circumpositis crucibulum excandescat, bullulaeque erumpentes dissipentur, donec fere aer vulgaris exiuerit, tum vero sequentes in lagena HI colligantur, vti in methodo praecedente.

Paruum adhibeo vas retortum, vt et massa contenta facile iustum adquirat caloris gradum, et aeris vulgaris in collo tuboque hospitantis sit exiguum volumen. Vitreum eligo, quum argillacea me saepe fefellerint subtilissimis rimis, oculis non semper detegendis, fluido elastico exitum parantibus. Magnesia vix ignita suum facillime mittit aërem fixum, terra vero calcarea eundem multo retinet pertinacius, adeoque si haec adhibetur, longe vehementior requiritur ignis. Gypso bulbum circumdo, ne violenta excandescencia colliquescat, sed vt potius caemen-

tatione firmetur, porcellanae Reaumurianae adquirens indolem.

Methodus tertia.

Haec a praecedentibus in eo differt, quod fermentatione prodeat fluidum elasticum. Parum fere interest, qua utamur mixtura fermentante, sequentem vero plerumque adhibeo.

In lagena AB (fig. 4.) eius magnitudinis, ut 350 pollices cubicos capiat, sacchari 40 semuncias et boni e cerevisia fermenti totidem, 200 aquae pollicibus cubicis commisceo. Sex vel septem horis in calore medio, seu $+15$ graduum, elapsis ^a), aër vulgaris expelli solet, ideoque orificium G lagenae HI (fig. 2.) immitto, et mox bullae enatare incipiunt. Fermentatio aequè succedit, si extremum G, mox ab initio collo lagenae immittitur, nam aëris non requiritur accessus, sufficit, quod fluido elastico separando exitus pateat, idque saepissime sum expertus.

Probe vero est notandum, tam in hac, quam in praecedentibus methodis, ne ductus EFG nimiam adipiscatur longitudinem; cum hac enim impedimentum ex aëre removendo crescit. Pone hanc resistantiam $\tau\omega$ R aequalem, et vim fluidi, quod simul-

a) Thermometrum Suecanum hydrargyro est impletum et a puncto congelationis, quod 0 notatur, sursum deorsumque numerantur gradus. Gradus supra 0 signo $+$ praecedente distinguo, qui infra congelationem progrediuntur, nota $-$ signantur, $+100$ est punctum ebullitionis aquae.

mul elasticitatem acquirit, τω E, per se patet, si $R=E$, expansioni nullum esse locum, ideoque nec effervescentiae, nec separationi per ignem, nec denique fermentationi. Hoc ad oculum patet sequenti experimento.

Sit lagena firma aqua fere plena, cui creta vel alkali crySTALLISATUM immittatur, dein acido quodam impleatur celerrime et perfecte obturetur: initio quidem nonnullae emergunt bullulae, sed cito cessant, mixtura manet clara; etiam per plures annos, modo nullus fluido elastico pateat exitus, et ea tantum saturatur portio, cuius aërem fixum suscipere valet aqua, minima vero apertura effervescentiam mox provocat vehementissimam.

Quae secunda tertiaque methodo colligitur aura, similiter ac ope primae acquisita, lavari potest, et quocumque demum ex descriptis diuersissimis modis prodeat, easdem omnino praebet ostendit.

§. III.

Qualitates acidi generales.

Salina corpora sapore et solubilitate in aqua ab aliis distingui solent, et illa, quae in specie acida vocantur, varias exhibent, easque luculentas facultates sibi proprias, iam enumerandas, quarum quidem prima, sexta et octava aliis sunt communes, sed tamen modo et gradu longe diuerso. Scilicet 1:o aquae connubium lubentissime ambiunt; 2:o sapore gaudent acido; 3:o succos vegetabilium cyaneos rufant; 4:o alkalinos sales vehementissime adpetunt,

ambo mitigantur, naturam induentes neutralem, lenem, et haud raro crystallisationi pronam; 5:0 varias soluunt terras, itidemque 6:0 quaedam metalla; 7:0 alkalinis soluta praecipitant, et 8:0 phlogistica haud raro valide attrahunt.

Si aëri fixo, vti decet, rite collecto et depurato (§. II,) memoratarum proprietatum singulae competere reperiantur, de acida eiusdem natura vix vllum amplius dubitaturum spero. Ordine igitur memorata examinemus momenta.

§. IV.

Aqua aërata.

Lagena QR (fig. 3.) fluido elastico purissimo (§. II.) impleta, in loco, vbi hydrargyrus thermometri parum supra congelationis punctum eleuatur, officio haereat infra aquam, ope ponderis adfixi, ad fundum fere vasis demerso, vt pressione acceleretur copula, et sensim aqua surgere reperietur, vsque dum VIII, X, XII pluribusue horis, pro ratione capacitatis, lagenam impleuerit, nam vtriusque connubio elater aëris fixi perfecte coërcetur. Si denuo fluidi elastici portio eidem immittitur, aqua dein parum vel nihil eleuatur. In calore + 5 circiter graduum paullo maius volumen absorbet eo, quod ipsa occupat aqua; ad gradum vero + 10 vix aequale, et in temperie adhuc calidiore eo minus, quo altius tenetur hydrargyrus. Perfecta quidem adcuracione aegre determinari potest quantitas saturationi necessaria, quum elastica aura praegnans grauior

vior facta paullum subsideat et leuiori vasis aquae locum relinquat, similiter ac cum aliis salinis solutionibus, lagenae QR immixtis, accidit Aliis quoque modis haec unio perfici potest, immo paucis momentis, dum quassando massa diuisa plura praebet contactus puncta, sed de hisce alibi fusius ^{b)}, ideoque iam simplicissimum tantum memoraui.

Grauitatem specificam aquae ad satietatem vsque aëratæ (sit venia nouo vocabulo) reperi respectu destillationis circiter vti 1,0015 ad 1,000, thermometro gradum + 2 monstrante.

Facile igitur coeunt aqua et subtilissima aura, de qua agitur, cum vero haec sit perquam volatilis, in libero aëre, qua magnam partem iterum auolat, idque citius, in ratione incalescentis massae; interim tamen quo minuitur magis, eo retinetur residuum pertinacius, adeo vt semihorae coctionem postulent vltimae reliquiae. Congelatio eandem promte et penitus fecernit.

Antlia pneumatica ex aequali aquae destillatae volumine, altero simplici, altero aërato, bullas quidem extrahit, magna tamen obseruatur differentia, quum acidi aërei hoc modo auolet portio, quod etiam postea gussando facile percipitur sapore fatuo, minus acidulo et titillante.

A 5

§. V.

b) Videatur *Analysis et Synthesis chemica Aquarum Selteranarum, Spadanarum et Pyrmontanarum in Actis Acad. Reg. Stockh. 1775.*

§. V.

Aër fixus sapore gaudet acido.

Cum haec aura elasticum referat vaporem per se aegre degustari potest, saltem vix distincte; si vero aquae vniatur, quae ipsa sapore caret, hoc vinculo cumulatus et minus volatilis linguae sensum facile adficit debili, sed grata et titillante aciditate. Est haec genuinus aquarum mineralium frigidarum spiritus, quae sine dubio acidulis nomen dedit, et mediante quo, additis praeterea iusta proportionem salibus convenientibus, Selteranas, Spadanas et Pyrmontanas perfecte imitari licet, qualibus octavo iam anno vtor, cum insigni sanitatis emolumento.

Est vero notatu dignissimum, aquam adeo frigidam, ut paucis tantum caloris gradibus congelationem superet, aëre fixo saturatam, vix sensibilem prodere saporem, aut si in loco + 15 vel + 20 graduum temperiei per unum alterumve relinquatur horae quadrantem, pungentem sensim gratamque suam evolvere aciditatem. Nec phaenomeni ratio est obscura, quippe quae salium neutralium et mediorum indole sufficienter illustratur. Quo nimirum cohaerent arctius duo principia, eo debiliore sapore praedita reperitur unio, contra vero in lingua eo efficaciori, quo laxior eorumdem nexus. Cum iam in nostro casu frigus vincula constringat, calor autem laxet, hinc facilis emanat explicatio.

Ceterum alkalini sales viuidum illum non tantum celerrime sedant saporem, sed etiam vapidum substituunt, quod quidem haud difficulter intelligitur,

tur, si caustici quid continent, h. e. alkalini, aëre fixo non dum satiati (§. VII). Quod autem plene aërat, debiliori licet gradu, idem efficiant, hisce aqua potentius auram illam attrahi et quasi cumulari posse innuere videtur, nam acidorum mineralium paucae guttulae pristinam restituunt gratiam, alkalinos sales adgrediendo, eorumque expellendo fluidum elasticum, quod ab ambiente aqua mox iterum absorbetur.

§. VI.

Aër fixus instar acidi debilis reagit.

Quem linguae imprimit sensum aliis quoque prodit signis. Si aqua lagenae QR heliotropio ita fuerit tincta, ut perfecte caerulea appareat, aëre fixo enatante, qui quinquagesimae circiter capacitatis parti convenit, luculenter rufescit. Saturata heliotropii tinctura alias violacea est, sed quantum satis diluta omni privatur rubedine, et tunc in primis reactionibus observandis maxime est idonea.

Similiter aquae aëratae pars I tincturae modo memoratae caeruleae 50 distincte rufat.

Haec vero ab aëre fixo orta mutatio, in vase aperto cito evanescit, praesertim si calori vel radiis exponatur solaribus, quod volatilem acidi operantis innuit indolem. Parva quidem acidi mineralis portiuncula rubedinem itidem fugacem efficere videtur, sed adcuratiore examine fallacia denudatur. Scilicet alkalinis scatet materiis, quibus praeparatus fuit succus heliotropii: hae addito acido minerali idem arripiunt et suum vicissim liquori immiscent aërem fixum

fixum, quo evaporato omnis simul perit rubedo. Ponamus iam alkalinum praesens ad saturationem requirere quantitatem *m* adhibiti acidi, hinc patet $\frac{m}{10}$ decies addi posse, antequam suam acceperit mensuram, totiesque rubedinem prouocari volatilem, hac vero tandem completa, quod dein instillatur, rubedinem vel constantem efficit, vel etiam colorem caeruleum successiue destruit. Hinc igitur rubedinem fugacem aëri fixo, non acido minerali adscribendam esse elucet.

Syrupi violarum et aliorum succorum caeruleorum, quos hunc usque tentauī, colorem rufare nequit aër fixus. Est nimirum heliotropii tinctura omnium notarum acidis maxime obsequiosa, quae igitur aliis prodi nequeunt debilissima vestigia, hac facile deteguntur. Praeterea omnium acidorum non eadem vis est et efficacia: acetum destillatum syrupum quidem violarum rufat, papyrum vero cyaneam sacchari conis inuoluendis inseruientem, mutare non valet, et indicus color ne quidem concentratissimo cedit acido vitriolico. Quamuis igitur non nisi heliotropium vincere possit aër fixus, hinc tamen nihil contra veram eiusdem aciditatem concludere licet, virtutis tantum gradu reliquis inferiorem; hinc potius contra conficitur, eiusdem indolem peregrino minime adscribendam esse acido, quippe quod ita posset accumulari, ut tandem firmiores etiam colores caeruleos mutare valeret.

Praeterea notatu dignum est, aquam aëratam, omni peregrino liberatam acido, papyri, heliotropio caeruleae, colorem vix mutare, licet tincturam
distin-

distincte rufet. Ratio est, quod partim subtilissimi acidi sufficiens moles planam superficiem simul attingere nequeat, partim quod suae volatilitati absque remora heic possit obedire.

§. VII.

Alkali vegetabile aëratum.

Lagena QB aëre fixo impleta, ore infra aquae haereat superficiem, alkali tartari depurato fere saturatae, et lixiuium sensum lagenam intrabit, quod tandem elastica aura, quantum fieri potest, grauidatum, in patinam idoneam effundatur, et per aliquot hebdomadas in loco sicco relinquatur intactum. Sub hoc tempore crysalli et ad fundum et ad latera concrefcunt, quarum regulares sunt prismaticae, quadrangulae, apicibus vtrimque e duobus triangulis inuerfis, tectique instar conniuentibus, formatis, (fig. 5). Lixiuii saturatio inde colligitur, quod nihil amplius aëris fixi suscipiat. Si nimium alkalini salis tenet aqua, in ipsa lagena prodeunt crysalli. Idem alkali aqua solutum aërata, similes exhibet crysallifando figuras.

Crysalli modo memoratae nec in aëre humido deliquescunt, nec in sicco fatiscunt, sed clarae permanent et haud inepte *alkali vegetabile aëratum* audiunt, ad eandem normam ac alkali vitriolato vel alia quacumque basi vitriolata, illi denotari solent sales, qui acido vitrioli sunt saturati. Materias aëre fixo ad satietatem vsque onustas, in sequentibus brevitatis gratia similiter aëratas voco, cum illud contineant

tineant acidum, quod in aëre vulgari semper adest (§. §. XXII et XXIII).

In calore medio quadruplum aquae ut solvantur requirunt crystalli nostrae. Calcinatione fatiscunt et $\frac{52}{100}$ ponderis amittunt, lenta vero in acidis solutione non nisi $\frac{20}{100}$ auolant, unde harum 100 partes, aquae circiter 32, aëris fixi 20 et alkalini puri 48 continere patet. Hinc quoque sequitur, alkali vegetabilis puri 100 partes ad saturationem 42 fere aëris fixi partibus egere. Calcinatio consummata et aquam et aërem fixum abigit, acida vero si rite adhibentur (§. VIII), posteriorem solum, sed in casu praesenti vix igne, ac ne vix quidem, omnis expelli potest aër fixus, nisi diutina molestissimaque calcinatione. Unde pendeat vis corrosiva salium alkalinarum in §. XI. explicatur.

Quae cum acidis observatur effervescentia, e portuiculis oritur aëris fixi, quae mediante acido fortiori expelluntur, eodemque momento elasticitatem antea aut amissam aut cohibitam, recuperant, unde vi suae leuitatis non possunt non bullularum aërearum instar enatare et spumescentiam prouocare.

Sapor crystallorum alkalinus quidem est, sed mitis et nequaquam igneus aut vrens. Si vero aëre fixo mediante calcinatione, vel, quod melius succedit, ope calcis vstae, penitus spoliatur, maxime acris et corrosivus fit hic sal, qui ideo vulgo causticus vocatur, et in aëre libero libentissime deliquescit. Ratio est, quod iam sibi relicta plene exerceatur naturalis acrimonia, quae antea aëre fixo quodammodo

modo fracta fuit et debilitata: idem similiter accidit fortissimis acidis, quippe quae alkalina vel terrestri saturata basi mites praebent sales compositos. Qui phlogisto causticitatem tribuunt, obliuioni tradere videntur, quod hacce materia concentratissimum acidum vitrioli in sulphur abeat, nulla instructum asperitate; quod acida vitrioli et nitri phlogisto ita eneruentur, ut aceto concentrato queant expelli; quod spiritu vini omnia compescantur acida, cetera.

Alkali causticum, quod aqua et praesertim aëre fixo priuatum, *purum* voco, aëri expositum eiusdem humorem ea attrahit copia, ut solutioni sufficiat, unde oleum ita dictum tartari per deliquium, quod sensim quoque ex atmosphaera aëre fixo saturatur et in vasis lateribus crystallinas exhibet vegetationes.

Quod alkali vegetabile in crystallos cogi nequeat multi etiamnum vrgent, licet BOHNIVS, Professor Lipsiensis, ad finem dudum proxime praecedentis saeculi contrarium demonstrauerit: eiusdem vero methodus usque adeo delituit, ut eadem quasi nuper detecta nostris temporibus fuerit proposita ^c).

Alkali

- c) *Fixa seu alkalisata Salia per se et sine aliquo additamento in crystallos cogi posse, paradoxum chymicum hactenus visum fuit multis, hac de causa eadem vel cum sulphure calcinantibus, vel cum aqua fortibus similibusque irrorantibus: verum quia hoc modo eorum textura alkalina plane immutatur, aut notabiliter satis infringitur, a sagacioribus chymicis ille, quamuis crystallisationi proficuum, et ad ornatum faciens, damnatur; atque hoc quidem eo maiore*

Alkali vegetabile aërem licet fixum valide adpetat, perfecta tamen saturatio aegre obtinetur, nam quo minuuntur magis particulae causticae, eo quoque rariores per massam fluidam sunt dispersae, unde sequitur, ut et debilius hanc auram attrahant, et difficilius eidem occurrant, quod itidem in omni fere saturatione accidit. Interea concretionum aquam crystallisationis plus minus inquinant molecule adhuc causticae, quod color sedimenti, ex mercurio sublimato corrosiuo illis praecipitati, facile prodit. Scilicet alkali fixum purum hydrargyri calcem exhibet ferrugineam, plene vero aëratum albam, et alkali vegetabile pulcherrime crystallisatum non nisi albidam, flauis contaminatam atomis, ast hae crystalli in pulverem redactae et charta bibula libero per aliquot nycthemera expositae aëri, omnem tandem exuunt

iore iure, cum alkalia fixa etiam per se absque vilius heterogeneitatis admiscela in crystallos egregias, casu fortuito in sale tartari mihi primum obseruatas, redigere liceat. Euaporentur scilicet horum solutiones lento magis atque blandissimo igne, usque dum crusta quaedam in harum summitate appareat, quae studiose a fractura praeseruanda, ne nimia et pro crystallisatione necessaria aquae portio exhalet, sed a tegmine hoc salino aliquatenus coerceatur: in calore vero leniore per aliquot adhuc horas solutio detineatur, et sub crusta illa crystalli egregiae, ac non raro satis magnae, con crescunt, in calore moderato uti productae, sic in eodem conseruandae, quamuis salis tartari crystallos ab annis 6 possideam, ultra biennium tempore aequae aestiuo ac hyberno, in loco frigidioris ac interdum humidioris repositas. Ita BOHNIVS in Diss. Physico-Chym. 1696. editis, pag. 381.

exuunt causticitatem et mercurium sublimatum instar pulueris albi deiciunt. Hic color ab aëre fixo calci metallica adhaerente pendet (§. XXI). Hydrargyrus nitratus paullo aliter se habet, pro diuersa, qual praeparatur methodo: si nimirum in frigore solutio peragitur acido diluto, magna phlogisti portio manet, adhibito vero ignis auxilio, maxima eiusdem pars fumi rubri auolat. Quo iam specie inflammabili diuitior hydrargyrus solutus, eo pallidius praebet cum alkali fixo sedimentum, et vicissim, quo pauperior, eo obscurius rufescit cum caustico et albescit difficiliter cum aëratō.

Alkali e cremore tartari vsto extractum in experimentis vsurpo, quae summam requirunt adcuracionem, hoc enim acido salis plerumque caret, quod alias, aequae ac vitriolicum, sales e cineribus lignorum elixatos contaminat. Alkalia quaeuis obuia cum acidis efferuescunt, vnde quodammodo de media eorumdem natura iudicare licet: qua maximam partem aëre fixo seu subtilissimo acido re vera sunt saturata, haec tamen aura eius non est efficaciae, vt succorum caeruleorum impedire valeat virescentiam, si vero abundat, alkali eodem saturatum non obstat, quo minus rufescat tinctura heliotropii, quod quilibet aqua aërata, alkali aëratum solutum tenente, facile experiri potest. Ceterum alkali tartari siccum in centenario raro vltra 23 aëris fixi, 5 aquae, 2 terrae siliceae et alkali puri 70 continere solet, quantum circiter 15 in statu perfecte caustico essent, si 23 aëris fixi, a 55, quibus saturandis sufficiunt, totae quantae receptae fuissent. Cum vero aequalis fere sit

distributio; quaelibet adhuc sui ponderis circiter $\frac{1}{100}$ desiderat, qui defectus ob rationes nuper allatas, etiam in libero aëre aegre et tardissime refarcitur.

§. VIII.

Alkali minerale aëratum.

Alkale fixum, quod minerale audit, vel etiam ex plantis marinis extractum vulgo sal sodae vocatur, plerumque aëre fixo eo usque onustum reperitur, ut absque ulteriori eiusdem accumulatione in crystallos cogi possit decaëdras, vel potius octaëdras, apicibus duobus oppositis, qua maximam partem truncatis (fig. 6.). Si vero ope calcis vitæ causticitatem adquisiuerit, eodem modo ac vegetabile iterum satiari potest (§. VII).

Crystallorum recentium 100 partes continent aëris fixi 16, aquae 64 et alkalini puri 20, adeo ut 100 partes huius alkali puri aëris fixi 80 ad saturationem requirant. Hoc eo mirandum magis videtur, quo certius constat, aequale alkali vegetabilis pondus, etsi fortioris, non nisi 42 adsumere. Ast haec est in genere salium simplicium natura, ut, quo validiores, eo etiam ad satietatem minore egeant quantitate. Sequenti modo hoc demonstrari potest paradoxum chemicum. Sint duae lagenae, quarum altera maior determinatum continens alkalini salis pondus aqua solutum, quae, solutione et obturaculo connumeratis, aequiualet ponderi *A*, altera vero minor, cui acidum quodpiam inest, ponderi *B*. E parua magnae instilletur acidi portio, et mox utraque

que leuiter claudatur: efferuescentia consummata, denuo adfundatur et obturetur, quod eo vsque continuandum, donec ad satietatem fuerit instillatum. Sit, hoc facto, prioris pondus a et posterioris b . Cum iam $B-b$ maiori lagenae sit infusum, deberet minoris defectus maioris incremento aequivalere, vel $B-b = a - A$, hoc vero numquam accidit, nisi alkali adhibeatur perfecte causticum, alias constanter reperitur $B - b > a - A$ et differentia $B-b - a + A$ aëris fixi iam expulsi pondus indicat. Efferuescentia lente fiat et sine caloris incremento, in lagena iustae capacitatis, ne cum aëre fixo quidquam vaporis humidi exeat, conclusionem turbans.

Solutio maioris lagenae ad siccum vaporet, leniter igniatur residuum, vt aqua crySTALLISATIONIS et superfluum, si adest, acidum, abigantur, tandem ponderetur, vt constet ex incremento ponderis noti alkalini salis et aëris fixi expulsi, quantum acidi remaneat, alkali puro (aqua et aëre fixo liberato) saturando sufficiens. Hac methodo reperi

100 partes alk. min. puri	requirere	acidi vitriolici	177
—	—	—	nitrosi 135½
—	—	—	marini 125
—	—	—	aërei 80
100 partes alk. veg. puri	—	—	vitriolici 78½
—	—	—	nitrosi 64
—	—	—	marini 51½
—	—	—	aërei 42

Huic seriei adprime congruunt quantitates aëris fixi, alkali tam vegetabili, quam minerali, antea

B 2 tribu.

tributae. Quae de alkalibus iam allata sunt, de acidis, superflua liberatis aqua, similiter valent. Ita e. g.
 100 partes acidi vitriolici postulant alk. veg. puri $127\frac{1}{2}$

—	—	—	—	alk. min. puri	$56\frac{1}{2}$
—	—	—	—	alk. vol. puri	42

Alkali minerale crystallisatum in aëre sicco suam aquam, et cum illa pelluciditatem, cito amittit, in pulverem fatiscens. Duplo circiter aquae soluitur in calore medio. Ceterum de minerali alkali pleraque valent, quae de vegetabili in §. praec. attuli. Cur mercurium sublimatum deicere nequeat album, uti vegetabile, in §. XXI. explicatur.

§. IX.

Alkali volatile aëratum.

Vt alkali volatile in crystallos cogerem regulares, primum e sale ammoniaco, mediante creta et debito caloris gradu expulsum elegi, quod aëre fixo dudum est saturatum: dein aquam tepidam eodem satiaui in lagena clausa, tandemque sensim intenso frigori exposui. Hae licet cura adhibita, nihilominus perfecte regulares desideravi figuras, octaëdricae tamen esse videntur, quorum 4 multilati sunt anguli, uti fig. 7. monstrat, superiorem exhibens faciem.

Alkali volatile causticum, quod calcē vsta comparatur, vehementissime aquam attrahit, ideoque semper est liquidum, penetrantissimum et maxime volatile, modo vero antea descripto, (§. VII.) facile

cile mitigatur, quodam modo figitur et crystallificationi fit pronum.

Fixis debilius est hoc alkali, debet igitur secundum regulam antea propositam, maiorem saturationi poscere aëris fixi quantitatem, et hoc etiam tentamina instituta confirmant, nam 100 eiusdem puri partes 105 acidi aërei suscipiunt, et hinc quoque vehementior cum acidis oritur effervescentia. Centenarius alkali volatilis concreti aquae 12 partes, aëris fixi 45 et alkalini puri 43 circiter continere solet.

§. X.

Terra ponderosa aërata.

Basis, quae acido saturata vitriolico, spathum ponderosum (marmor metallicum Cronstedtii §. XVIII et XIX.) efficit, calcareae terrae perquam adfinis esse videtur, cum vero multis differat, distinguatur oportet, donec nova experimenta meliora doceant^d). Huius in acidis effervescentia praesentiam aëris fixi facit indubiam. Vt itaque hanc unionem intimius cognoscerem, volatile menstruum vltione expuli, residuo aquam adfudi, quassavi, post aliquot horas, percolatione facta, in libero aëre superficiem cremore tarde vestitam vidi, et quidquid solutum erat, hac via pedetentim separabatur, haud fere aliter, ac cum aqua calcis accidit. Pelliculae iam

B 3

con-

d) De hac terra videatur Disquisitio de Attractionibus electivis in Nouis Actis Soc. R. Sc. Vps., Vol. II. et §. XXXIII, et in Opusculorum No. III. pag. 390.

concretæ in acidis efferuescunt, vnde certo concludere licet, illud, quod igne expellitur, principium, iam esse recuperatum. Sufficiente excandescencia ponderis $\frac{35}{100}$ auolant et tigilli fundus caerulescit, lenta vero in acidis solutione vix ultra $\frac{7}{100}$ amittuntur. Hinc patet centenarium continere aëris fixi 7, aquae 28 et terrae ponderosae purae 65. Aqua terrae huius purae $\frac{1}{900}$ circiter sui ponderis suscipere valet, eaque onusta mercurium sublimatum corrosivum deicit flavum, dulcem vero nigricat, coloresque, e vegetabilium cohorte extractos, instar aquae calcis, mutat. Obseruetur praeterea, vitione hanc terram difficilius solubilitatem acquirere, quam si acido nitri unita, mediante igne hoc connubio spoliatur. Aëre fixo saturata licet aquam vix subeat vulgarem, subtilissimo tamen hoc menstruo foetam non respuit, haec namque ponderis $\frac{1}{550}$ arripit, immo longe copiosius, si teneritate gaudeat praecipitati recentis. Haec solutio papyrum fernambuco rubram facit caeruleam, heliotropio pallide tinctam saturationem efficit, huius vero tincturam abundans menstruum rufat, ast chartam, curcumae radice flavam, vix mutat: in libero aëre, auolante sensim menstruo superfluo, cremorem itidem ponit talem, qualem in proxime praecedente solutione prouocat idem menstruum, ex atmosphaera ad saturationem haustum.

§. XI.

Calx aërata.

Pellucidum spathum calcareum, mediante igne sufficiente, ponderis $\frac{45}{100}$ amittere, vna cum effer-
vescen-

vescendi facultate in acidis, acritatem vero et solubilitatem vicissim adquirere, experimenta testantur. Huius mutationis causa nostris temporibus pomum fuit Eridis. Ast nisi me omnia fallunt, haec lis iam et analytice et synthetice dirimi potest. Scilicet, si methodo secunda in §. II. descripta, quae sub vssione expellitur volatilis aura, colligitur, haec, examine instituto, nihil esse aliud reperitur, quam genuinus aër fixus, $\frac{34}{100}$ massae crudae pondere circiter aequalis. Idem quoque defectus post lentam in acidis solutionem observatur. Reliquae $\frac{11}{100} = \frac{55-34}{100}$ aqua constant crystallisationis, quae etiam idonea destillatione separari potest, quin vero omnis hac via colligi queat, nisi apparatu peculiari huic fini adaptato, obstat velocissimus aëris fixi exitus, qui vaporis aquei non potest non magnam secum rapere quantitatem. Hanc analysin plene confirmat synthesis. Sit lagena QR aqua calcis clara impleta et sensim per tubum subtilissimum, ut mox absorbeatur, aëris fixi tantum intromittatur, quantum calcis solutae convenit, paullatim tota liquidi massa fit turbida et pulverem lente deponit, qui cum acidis effervesceat, in aqua non soluitur, nulla praeditus acrimonia, h. e. calcis crudae singulis et omnibus instructus proprietatibus, quas tamen in igne iterum perdere potest, vna cum ponderis parte antea memorata. Iure itaque materiae calcareae instar salium mediorum considerari possunt, quorum crystalli figura gaudent tessulari, obliqua, quae alias spathacea audit, compositio vero talis est, ut 100 partes 34 circiter contineant aëris fixi (acidi aërei), 11 aquae et 55 calcis purae (aëre fixo et aqua plene liberatae).

Calx pura tota quanta solui potest aqua, probe vero obseruetur oportet, quod non tantum magna huius requiratur quantitas, cum vix vltra $\frac{1}{700}$ proprii ponderis suscipiat, sed etiam vehementi semihorae ebullitione ab omni aëre fixo purgata esse debeat. Nam minima huius, quae restat portio, vltra aequale calcis purae pondus saturat, quod mox fundum petit indissolubile. Si igitur quidquam remanet, hoc vel heterogenea immixta, vel calcem non satis vltam, vel aquam minus idoneam, vel denique eiusdem nominis paruam molem, indicat. Impedimenta bina intermedia residui in acidis efferuescentia facile deteguntur, nec perito examinatori maiorem parit molestiam extremorum indagatio.

Quum igitur calx pura et aër fixus seorsim haud difficile aquam subeant, curni etiam harum materierum miscela? Accedente aëre fixo antea dudum in alkalinis salibus et terra ponderosa solubilitatem diminutam obseruauimus, quod vero alia acida idem saepe efficiant, iam demonstrabitur. Alkali vegetabile purum maxime est deliquescentia et acidum vitrioli tanta aquam retinet pertinacia, vt nullo hucusque noto artificio solum exhiberi queat, hisce vero ad satietatem vnitis sal nihilominus oritur neutralis, cuius requiritur 16 aquae partes, vt in calore medio soluantur. En igitur luculentissimum exemplum, et quaerenti sexcenta occurrent similia.

Nouimus alkali vegetabile vitriolatum, gypsum, aliosque sales difficulter solubiles, facilius aqua suscipi, si haec acido acuatur; annon igitur calx aëratâ superfluo quoque aëre fixo, eo perducî possit? Sal-

faltim si acida huic competit indoles, similem expectare licet effectum, et talis etiam teste experientia reuera contingit. Aquae aëratae instilletur aquae calcis portiuncula, mox nubeculae contrahuntur ex calce aëre fixo saturata, quae vero sub leni quassatione iterum disparent, mediante aëre fixo superfluo. Minutissimus quoque spathi calcarei pellucidi pulvis lagenae, aqua aërata impletæ, immittatur, quae probe obturata per aliquot nycthemera feruetur in loco frigido, et hoc tempore elapso spathi quidquam solutum reperietur. Haec solutio, charta bibula colata, aëre fixo abundante tincturam heliotropii rufat (aqua calcis intensius caeruleam facit); papyrum fernambuco rufam aegre caeruleo contaminat (aqua calcis saturatam procreat mutationem); curcumae radice flauam non mutat, (aqua calcis ferrugineam efficit); in libero aëre cremorem ponit, quum abundans menstruum in superficie primum auolet (aquae calcis cremor aëri fixo ex atmosphaera ad satietatem attracto est adscribendus); tandem lente vaporans calcem aëratam sensim mittit, quae respectu ponderis aquae soluentis $\frac{1}{1300}$ circiter efficit, et oculo armato haud raro spathaceas monstrat figuras.

Ast in igne fortassis calx salinas primum acquirit proprietates? Ita etiamnum multi sentiunt, et certe haec thesis rite explicata analysi et synthesi antea propositis non repugnat, non enim tota inter calcem crudam et viuam discrepantia ex praesentia vel absentia aëris fixi et aquae crystallisationis pendet. Recipit nempe in igne calx materiam

caloris ^{e)}), expulsis antea aëre fixo et aqua, vt suam quodammodo temperet attractionis efficaciam, et hoc nouo connubio fit solubilis, sed causticitas e sola iactura in igne facta est deriuanda, vti mox videbimus. Terra ponderosa et singuli sales alkalini materiam caloris similiter suscipiunt, et hinc intelligitur cur mediante duplici adfinitate calx acidis soluta et alkali fixo caustico deiecta, illi omnino similis prodit, quae igne parata in aqua fuit exstincta. Calor, quem calx nuper vsta in aqua generat, nihil aliud indicat, quam caloris materiam laxè adhaerentem, quae retinetur et qua calefaciendi virtutem impeditur (fere vti acidi proprietates latent sub vnione cum alkali), ast accedente simul sufficiente aqua vi fortioris attractionis mox eiicitur caloris materia, quae sibi relicta superfluam aquam feruentem facit. Si paullatim exstinctio peragitur, mediante ambientis atmosphaerae humore, nulla caloris signa in sensus nostros incurrunt. Ceterum, probe est notandum, quod calx aqua incalescens vix omni privata sit aëre fixo, nam saltim intimus nucleus adhuc in acidis motum ciere reperitur, et hoc residuo expulso, mortua quasi et iners adparet calx, quae licet in

- e) Quod calor sit materiae cuiusdam effectus, numerosa phaenomena extra dubitationis aleam ponunt, quibus examinandis heic non locus est. Sufficit iam obseruasse, quod subtilis materia caloris in duplici praesertim statu occurrat, vel enim libera est, et tum omnia penetrat corpora, adeo vt singula eandem nanciscantur temperaturam, vel etiam attractione figitur, et donec fortiore quadam vi liberetur, non calefacit.

in aqua solubilis, in eadem statim nec dehiscit, nec villo modo aestuat. Quomodo heic efficaciore igne evanescit calefaciendi facultas, salua tamen solubilitate? Hoc forsan ex vehementia ignis est deriandum, cui tandem cedere cogitur maxima pars materiae caloris, per se valde volatilis. Calcem nimis vltam tamquam inutilem reiiciunt quoque caementarii, cum in puluerem aegre fatiscat, quod tamen missioni necessarium est et calce minus vltam momento extinctionis facillime obtinetur. Scilicet maxima aëris fixi parte mediante vltione abacta, volumen calcis multum quidem contrahitur, manet tamen textura valde spongiosa, quam adfusa aqua citissime penetrat, occultas moleculas caloris relaxat, earumque ope subito in vapores resoluta, totam compagem diffringit et subtiliter comminuit. Calx aeque ac terra ponderosa et magnesia, itemque sales alkalini, in statu causticis, etiam post extinctionem in aqua, cum acidis incalescunt ex liberata residua materia caloris, quae aqua sola expelli non potuit, in statu vero crystallisationis nullus cum acidis prodit calor.

Singulis illis, quae tam in hac, quam in praecedentibus (§ §. VII-X.) sunt allata, perpensis, vel quod convictionem auget, saepenumero visis, valde dubito, an ab adventitia quadam materia possit iure derivari causticitas, praesertim, cum haec plana et simplici via ab attractione electiva, cui omnia in globo nostro obedire videntur corpora, queat explicari. Eo nempe maior est hic vnionis nisus, quo purior materia, quae ideo infraactis viribus,

bus, instar esurientis, vndique sibi congrua quaerit, e pristino nexu, si valet, diuellit, hinc dilacerat, magnamque quasi acrimoniam exercet, quo vero sensim expletur magis, eo etiam fit debilior, tandemque plena saturatione penitus evanescit haec corrodingi facultas, non alio iterum provocanda modo, quam materiem abigendo saturantem. Materia caloris potius temperat, quam acuit causticitatem, insufficienter tamen temperat, ideoque eius praesentia insignem semper indicat eorum defectum, quae vehementissime adpetuntur.

Dixi antea, calcis aëratae figuram simplicissimam esse spathaceam, et quomodo ex hac granatica, basaltica, dodecaëdrica, aliaeque componantur, alibi, ut opinor, satis explicavi ^f).

§. XII.

Magnesia aërata.

Quae in pharmacopoliis occurrit Magnesia alba, licet terrae nomine vulgo insigniatur, salina tamen gaudet indole, cum in calore medio ponderis sui $\frac{1}{850}$ solvere queat aqua destillata. Idem etiam analysis euincit, terram quamdam peculiarem, aëre fixo et aqua saturatam, tamquam principia proxima exhibens. Idonea calcinatione ponderis $\frac{55}{100}$ perdit magnesia vulgaris, vehemens vero et diutinus ignis ex ipsa basi terrestri quidquam dissipat: lenta in acidis effervescentia $\frac{25}{100}$ tantum avolant. Hinc patet
cente-

^f) Vide Noua Acta Societ. R. Vps. Vol. I. pag. 150.
et Opusc. Vol. II. No. XII.

centenarium 25 circiter continere partes aëris fixi, 30 aquae crySTALLISATIONIS et 45 magnesiaE purae, quae vera terra esse videtur, saltim, quamvis materia caloris sit inquinata, huc vsque eandem aqua solvere non potui. Magnesia plene aërata et crySTALLINA in centenario aëris fixi 30 libras exhibet. Quae tam igne, quam acidis, expellitur aura, collecta modis antea descriptis (§. II), et examini subiecta, singulas aëris fixi sustinet notas. Vt omne fluidum elasticum, mediante igne separatum, lagenas HI intret, eo minori in praesenti casu laborat molestia, quo laxior eiusdem cum magnesia nexus: calci vero longe pertinacius inhaeret, unde vehementiori opus est igne, adeoque vitrum iustae crassitie et difficillimae fusionis adhibeatur oportet, probe vndique pulvere ossium vistorum vel gypso circumdatum, ne alicubi fluat. In genere quoque est notandum, quod, quo maior bulbi diameter, eo etiam difficilior ad centrum pergit necessaria excandescencia. Praeterea continue crescere debet ignis efficacia; si enim aliquando relaxatur, aquam fugit tubus GFE, hoc vero incommodum tubi extremo G, ad fundum H fere protrahito, minuitur. Fistulas argillaceas pro hauriendo tabaci fumo huic operationi saepe adaptaui et perquam idoneas inueni.

Maxima quae hodie vsurpatur magnesiaE pars in officinis pharmaceuticis e sale anglico paratur praecipitando. Si vero alkali adhibetur probe aëratum, parum deficitur, praesertim in aqua copiosa, etenim aër fixus, acido vitriolico connubio expulsus, derelictam adgreditur magnesiā eamque soluit, ast
ebul-

ebullitionis calore superfluum volatilis menstrui fugatur, magnesia ad saturationem redigitur et omnis fere subsidet.

Aqua plene aërata magnesia vulgaris soluit in calore medio $\frac{1}{300}$ circiter sui ponderis, duplum vero, si eiusdem ac in momento praecipitationis est tene-ritatis. Haec solutio heliotropii tincturam rufat, papyrus vero ea debiliter tinctam facit saturatiorem, itemque caeruleam, quae fernambuco rubet, cur-cumae vero radice luteam vix obscurat (syrupum violarum ob rationes alibi allatas non adhibeo); in-fillato acido innumerae enatant bullulae, alkali fixum purum terram deiicit, nullum in acidis cien-tem motum, si alkali ea adsit copia, vt omnem ra-pere queat aërem fixum, sin minore, effervescent-em praebet, plene vero aëratum nihil efficit, nisi aqua sit vtrique retinendo insufficiens, in quo casu magnesiā fecernit; alkali volatile purum itidem sedimentum procreat, sed effervescens, cum non nisi abundantem attrahere valeat aërem fixum; solu-tione mercurii sublimati paullum lactescit et sensim pulverem album parce deponit, postea vero tenues subnigraeque concresecunt crysalli, mercurio dulci et calee hydrargyri, qua partem aërata, compo-sitae; hydrargyri, acido nitri ope caloris soluti, mi-nima guttula deturbatur statim copioseque luteo-fu-sca, quae vero in frigore facta est solutio, pulverem album porrigit, post aliquot dies incanescentem, cum metallum parum amiserit phlogisti. Mutationes iam allatae inquinamento alkalino, sub praecipitatione adhaerenti, loturamque eludenti, forsan adscriben-dae videntur, praesertim cum magnesia pura mer-curinum

curium sublimatum colore ferrugineo deiciat, sed haec facile corrumpit suspicio, nam magnesia similiter se habet siue fixo, siue volatili praecipitata alkali, et praeterea reactiones, alkali volatili prouocatae, paucis momentis disparent, quae vero ex magnesia pendent, constantes sunt.

§. XIII.

Argilla aërata.

Argillam puram, hoc est terram aluminis, ficcam et compactam, vix ac ne vix quidem, aër fixus adgreditur, quod tamen eamdem non omnino respuat, satis nempe teneram et diuisam, aluminis euincit praecipitatio, alkali aërato facta, nam liquidum filtro optime colatum, licet clarum, in libero tamen aëre post aliquot dies, et in calore, aërem fixum abigente, statim, paullum turbatur, sensimque terrae portiunculam deponit, menstruo volatili antea suspensam. Argilla coloniensis igne vehementi torta aërem fixum quoque exhibet, ipsius terrae volumen pluries superantem, parcaque aëris inflammabilis portione inquinatum, quae ignis vi prima erumpit.

Comparauimus antea quantitates salium alkalinorum, quas aequales eiusdem acidi portiones suscipiunt (§. VIII). Addam heic numeros, ponderibus, quae eadem acidi marini mensura soluuntur, proportionales. Nimirum:

Argillae purae	1,0;	
Magnesiae purae	2,2;	aëratae 5,7
Calcis purae	3,5;	aëratae 6,0
Terrae pond. purae	8,7;	aëratae 13,5

En etiam pondera terrarum absorbentium, quae
100 acidi aërei partibus vniri possunt:

Magnesiae purae 150 (§. XII.)

Calcis purae 162 (§. XI.)

Terrae pond. purae 926 (§. X.)

Itaque lex de salibus alkalinis antea demonstrata (§. VIII), de terris quoque valet.

Silicea terra acidi aërei aequae ac aliorum, excepto acido fluoris mineralis, omnem eludit vim. Terris igitur simplicioribus iam, qua suam cum aëreo acido relationem, consideratis, ad metalla progredimur.

§. XIV.

Ferrum aëratum.

In statu elastico, quantum noui, aër fixus solus nullum soluit metallum, nec corrodit, nisi forsan sub calcinatione, aquae vero vnitus nonnulla adgredi valet. Ferrum lima in scobem redactum, aquae aëratae committatur, lagena probe clausa inuersa ponatur in loco frigido et 24 elapsis horis martis portio soluta reperitur, adeo, vt tinctura gallarum purpurescat aqua ^g), violarum syrupo fiat viridis, et alkali, quod phlogisticatum vocari solet, caeruleum generet berolinense. Si haec solutio libero exponitur aëri, superficies, quae primo menstruum demittit, pelliculam monstrat versicolore, atomis compo-

g) Tincturam gallarum adhibeo extractam spiritu vini, quae et efficacior est aquosa et incorrupta seruari potest.

tam martialibus, ea instructis tenuitate, vt varios reflectant colores. Sensim omne secernitur ferrum, sub forma subtilis ochrae, quae praeter propter $\frac{1}{100}$ ponderis aquae efficit, et recens adhuc tantum retinet materiae inflammabilis, vt et magneti obediat, et acidis solui queat mineralibus. Alkali causticum, tam fixum, quam volatile, metallum hocce ab aqua separant, plene vero aërata nihil valent.

Aqua aëre fixo foeta, e magnesia vel spatho calcareo mediante igne expulso, vel etiam e massa fermentante collecto, aegerrime ferrum calcinatum, nisi praecipitationis momento, et vix minerae magneti obedientis quidquam suscipit, si vero methodo vulgari adhibita fuit efferuescentia absque lotura, numquam non acido vitriolico contaminatur aqua, saepissime quidem adeo parce, vt syrupum violarum distincte mutare nequeat, papyrum tamen heliotropio tinctum rufet, quod aqua aëre fixo depurato grauidata, numquam valet (§. VI), et praeterea vna alteraue guttula solutionis terrae ponderosae, acido nitri vel salis factae, instar lapidis lydii fidissimi, lenta congrumatione acidi vitriolici debilissima prodit vestigia, nullo alio huc vsque cognito modo melius detegenda ^{h)}). Hoc inquinamentum eo certior solutae calcis martialis causam plerumque esse noui, quo saepius eo addito hunc obtinui effectum cui praestando aqua plene aërata antea fuerat impar. Sub ipsa calcinatione cum aëre fixo copu-
lari

h) De hac terra plura in Disq. de Attr. electiuis.

lari tamen videtur ferrum, licet hanc vnionem vix adgredi valeat aqua.

§. XV.

Zincum aëratum.

Zincum et metallicum et calcinatum, perquam copiose soluit aqua aërata, si tentamina, modo in §. praec. descripto, instituantur. Haec solutio aëri libero exposita cito superficiem atomis zincinis verficolorem exhibet, illa vero quae calcem continet, obscurior mihi visa est et parum diuersis coloribus resplendescens. Pelliculae, quas terrena et metallica corpora, aqua aërata soluta, hac via praebent, illis ferme similes sunt, quae sub euaporatione solutionum aliorum salium oriuntur, nam in vtroque casu menstruum in superficie primum desideratur sufficiens.

Alkali perfecte causticum, itemque tinctura gallarum et alkali phlogisticatum, metallum praecipitant flauo cinereum: alkalia plene aërata nihil valent in hoc negotio, quum autem, quae vulgo occurrunt, quadam adhuc praedita sint causticitate (§. VII), non omnino otiosa sunt.

§. XVI.

Magnesium aëratum.

Magnesium voco semimetallum, quod in magnesia nigra, alias vitriariorum dicta, delitescit, et a reliquis huc vsque notis distinctum esse videtur ⁱ).

Cal-

i) De Magnessio in sequentibus Diff. de Mineris ferri albis, itemque Disq. de Attr. electiuis plura exhibet.

Calcem huius nigram aqua aërata fuscipit et longe efficacius ipsum regulum, ita tamen, vt ferrum contaminans simul adgrediatur. Si regulus fuit adhibitus, solutio peculiarem spargit odorem, illi haud dissimilem, qui ex vsta prodit pinguedine. Ceterum praecipitationes et pelliculae eodem se habent modo, ac supra descriptum est, excepto colore qui ferro plerumque praesente turbatur. Alkali phlogisticatum alias magnesium purum deiicit ex albo flauescens, et tinctura gallarum similiter fere coloratum.

§. XVII.

Aëris fixi et reliquorum metallorum copulationes tentatae.

Metalla haëtenus memorata facile aqua aërata solvuntur, reliquorum vero nonnulla non nisi praecipitationis momento subtilissime diuisa eandem subeunt, et pleraque ne hoc quidem adminiculo eo possunt perducì. Sequentia aquae aëratae indidi, lagenas bene clausas et inuersas loco frigido per octo nychthemera seruavi, hisceque praeterlapsis exploravi: aurum nempe foliatum, aurum fulminans dictum, platinam, argentum foliatum, hydrargyrum, aethiopem mineralem frigide praeparatum, turpethum minerale, plumbum granulatum, cuprum calcinatum, cuprum granulatum, minium, cerussam, stannum foliatum, stannum calcinatum, nec non semimetalla, vismutum, niccolum, arsenicum, cobaltum et antimonium, tam regulina, quam calcis forma praedita. Cuiusvis lagenae aqua

in vascula diuersa fuit per chartam bibulam colata et adhuc omnem suum retinere aërem fixum inueniebatur, nam heliotropii tincturam eodem, ac antea modo, rufabat, praeterea vero pleraeque nulla prae-buerunt solutionis signa. Vismutum quidem, cobaltum et antimonium, aequae regulina ac calcinata, itemque regulus arsenici, in aëre libero pelliculas monstrarunt versicolores tenuissimas, aegre obser-vandas, et alkali caustico raras congrumationes, ast, tinctura gallarum instillata, violacea dederunt sedi-menta, adeo vt vix dubitem, quin ferro contami-nanti sint adscribenda haec phaenomena, saltem qua magnam partem. Cobaltum tamen depuratum, aequae ac niccolum, interdum solutionis signa prae-bent, sed haecenus mihi ambigua.

Aurum foliatum etiam aliter sed frustra tentavi: indidi nempe praeter folium aquae destillatae vel spathum calcareum, vel alkali aëratum, dein sensim acidum vitrioli instillaui, ita tamen vt non plene saturaretur, sed post aliquot dies nihil solutum in-veni. Semel quidem adhibita creta et aqua vulgari solutionis vestigia vidi, ast, re propius examinata in creta paullum acidum salis, et in aqua calcem, aci-do nitri solutam, detexi, quibus aquae regis por-tiuncula fuit enata, Ipsum acidum vitrioli nitroso nonnumquam contaminatum reperitur, quum eo fuscus eiusdem color deleri soleat. Argi opus est oculis, ne res circumstantes peregrinae nos decipiant.

Ceterum metalla hac via examini frustra expo-sita, non ideo omnem cum aëre fixo copulam re-spuere

spuere adfirmandum est, nam solutione et praecipitatione subtilissime diuisa huic forsan adcommodari possunt. Modo sequenti certitudinem quaesiui. Metallum nempe cuiusuis in appropriato menstruo solutioni, aqua destillata quantum satis dilutae, sensim addidi vel alkali tartari aëratum, vel magnesiā, vel spathum calcareum. Saturatione completa lagenas clausas et inuersas per vnum alterumue nychthemeron in loco frigido seruaui, tandemque aquam, percolatione facta, exploraui. Cretam euito, quae saepe acido salis est contaminata, unde in certis casibus confusio oriri potest. Calce cruda saturatio admodum tarde obtinetur, praesertim, si menstruum est acidum vitrioli, etenim partim superficies particularum, gypseam induens naturam, nucleum defendit, partim etiam vltima acidi vestigia, nisi saepius quassetur liquidum, ad fundum tantum, quod deficit, inueniunt, dum contra magnesiā, et longe melius alkali, sua solubilitate per totam sponte distribuuntur massam. Magnesiā tamen reliquis praestat, quum soluatur per se, at adeo lente, ut eiusdem aërem fixum ab acido expulsum, quā maximam partem, retinere possit aqua, dum sub vehementi efferuescentia pleraeque bullulae enatant et auolant.

Hac methodo praeter antea enumerata, quae aqua aërata directe solui possunt, auri pauxillum eam subire videtur, adeo tamen ambigue, ut examine instituto adhuc sim incertus. Magnesiā et calce tardissime ex aqua regis aurum deturbatur, alkali vero imperfecte, quum pars praecipitati hoc

C 3

iterum

iterum solvatur, adeoque vix eo perducere potest liquidum, ut omnem exuat flavedinem. Quae in stanno pulverem deponit purpureum solutio, aëre fixo solo aurum minime sustinet, nam ut ita praecipitetur, aliud requiritur menstruum, quod stannum suscipere valet.

Platinam, argentum, hydrargyrum, plumbum, reliquaque metalla et semimetalla similiter experimentis subieci, sed idem fuit euentus, nullaue fida reperi solutionis signa. Quod cerussa omnem mediante aëre fixo solutionem recuset, in primis miratus sum, quum haec nihil aliud sit, quam calx plumbi aërata, ideoque cum efferuescentia in acidis soluitur, et quae separatur aura singulas possidet aëris fixi proprietates. Cerussam adhibui creta nullo modo inquinatam. Similiter argentum, hydrargyrus, cuprum, stannum, vismutum, niccolum, aliaque acidis soluta et alkalinis aëratissae praecipitata, aërem fixum suscipiunt, non tamen mediante illo solui possunt, excepta cupri portiuncula, si acidum ante praecipitationem abundat. Calce et magnesia licet copiose additis, difficillime completa obtinetur praecipitatio: sales metallici semper papyrum heliotropio tinctam rufant, et haec proprietas aegerrime memoratis domatur terris.

§. XVIII.

Aërem fixum liquores inflammabiles auide absorbent.

Acida vulgaria peculiari saepe vehementia adgrediuntur corpora inflammabilia, uti notum est, pauco-

paucorum tamen hucusque cum phlogisto puro innotuit tale connubium, quod in genere sulphur audit. Ita etiam comparatus est aër fixus. Si lagena QR, aëre fixo impleta, orificio intra spiritum vini haereat demersa, proprii voluminis duplum absorberi reperietur, in temperie + 10 graduum. Simile cum oleo oliuarum instituat tentamen, et obseruabitur aequale, immo non numquam maius consumi aëris fixi volumen, ac illud, quo continetur oleum, adeoque stratum oleosum, aquae innatans parum vel nihil prodesse constat, cum aëris fixi diminutionem vix retardet. Oleum terebinthinae duplum fere sui voluminis deuorat, idque initio tanta auiditate, vt prima semihora quarta circiter totius pars euanescat. Aether aërem fixum non minuit, sed praeter propter in duplum expandit spatium, ast si haec dein aura per aquam transmittitur, pristinam recuperat et quantitatem et qualitatem, adeo vt admissio peregrina heic praesens, permanentem efficere nequeat mutationem.

Cum phlogisto puro aegre coniungitur aër fixus, in carbone tamen vnita esse videntur, et forsan fieri quoque potest per scintillas electricas, in aëre fixo crebro elicitas, quo medio aër fixus phlogisto ita oneratur, vt dein aquae respuat vnionem. Aër fixus, quem oleum oliuarum sibiinet vnitum tenet, si igne iterum expellitur, per aquam lagenae HI enatans, saltim qua partem mutatus, vel heterogeneis commixtus, recuperatur, nam et flamma accendi potest, et aquam fere respuit.

§. XIX.

Aër fixus alkalibus puris soluta deicit.

Est haec acidorum nota proprietas, vt alkalinis soluta praecipitent, quae etiam cum aëre fixo obtinet.

Sulphur aqua calcis solutum huic in lagena QR exponatur, statimque solutio clara congrumatur, calcem in acidis efferuescentem demittens, quum calcareum purum aëri fixo lubentius, quam sulphuri adhaereat.

Hepar, alkali fixo paratum, itidem praecipitatur, sed paullo tardius, quum alkali aëratum aqua haud difficile retineatur, vnde in hoc casu sulphur decidit solum. Si praeterea alkali, vti solet, maiori adest proportionem, quam quod sulphuri soluendo necessarium requiritur, nulla congruatio oriri potest, ante completam superflui saturationem.

Hepar volatile, quod sulphur alkali volatili puro solutum tenet, et alias spiritus fumans sulphuratus Beguini plerumque audit, mox et copiose aëre fixo deturbatur. Nullum alkali nisi causticum sulphur adgredi potest, ideoque vicissim, adueniente aëre fixo, eidem retinendo singula fiunt inepta.

Liquor filicum in aëre libero paulatim terram demittit filiceam, quod aëre fixo per illum enatante breui perficitur, idque eo celerius, quo parcius alkali continet. Hinc etiam ratio elucet, cur solutio alkali tartari, etsi saepius coletur, per longum tempus paullatim secernat terrestres flocculos. Scilicet

licet atomos siliceos sibi intime vnitos habet hoc alkali, vel sub ipsa vegetatione, vel etiam sub combustione, adquisitos. Nam notum est mangonium, quo vtuntur interdum calcinatores cinerum pottasinorum: addunt nempe arenam, quae sub operatione ita modico igne cum eis coalescit, vt dein siliceum, pondus augens, ope salis alkalini simul aqua soluatur. Siliceum hocce postea sensim discedit, prout alkali aëre fixo satiatur, cui lubentius adhaeret. Cum autem in lagena angusticollis et plerumque clausa, non possit non lente ex atmosphaera hauriri praecipitans, haec quoque separatio testudineo incedit gradu, ast si larga et aërata aqua primum soluitur, vel dudum facta solutio aëre fixo oneratur quantum satis, simul praeceps ruit omne hocce terrestre remouendum.

Sapo aëre fixo aegre decomponitur, partim quum alkali fere semper abundet, partim quum subtilissimum hoc acidum inter cognita sit debilissimum, cuius magna opus est copia: nam et aceti destillati vulgaris haud exigua requiritur portio, vt oleum suo cum alkali nexu priuetur; partim etiam, quum minimae, quae sensim separantur moleculae oleosae, intra fluidum tenax vix in guttas distinctas coalescere possint.

Cuprum alkali volatile aëratum adgreditur, aequè ac purum, et hinc pendet, quod haec solutio nec in aëre libero sponte, nec aëre fixo arte inmixto, turbetur vel praecipitetur.

§. XX.

Aëris fixi attractiones electivæ simplices.

Vidimus in praecedentibus aërem fixum cum alkalinis salibus, cum terris et metallis instar acidi coniungi, vt itaque gradus intensiōis, quibus varias hasce appetit materias, iam eruamus, restat. Puras aëratīs commiscui, idque in aqua destillata, et in lagenis mox obturandis, ne heterogenei accessus conclusiones turbaret, mutationes dein adcurate observavi vel ponderis vel qualitatis, quae fini iam proposito inferuire potuerunt.

A) Alkali vegetabili puro terram addidi ponderosam aëratam, sed post aliquot dies neque haec pondere fuit diminuta, neque illud vllō modo mitigatum. Itaque terra ponderosa suum maiori vi retinet aërem fixum, quam eum attrahit alkali vegetabile, quod etiam confirmatur terram hancce puram eidem alkali aërato solutoque immiscendo, nam et illa pondere aucta mitigatur, et hoc fit causticum. Si aquae, terra ponderosa pura onustae, alkali vegetabile perfecte purum instillatur, nulla euenit praecipitatio, alkali vero aërato mox congruatio oritur, hoc fit causticum et terra ponderosa subsidet aërata. Quum autem, suo vigori conuenienter, perexigua aëris fixi portione saturetur terra ponderosa, hinc quantitates commiscendae determinentur oportet (§. VII, VIII, X). Alkali nempe vegetabilis aëratī 100 partes tantum aëris fixi continent, quantum 390 terrae ponderosae purae saturandae sufficit, si materierum coniungendarum vtraque est libera (Conf. praeterea moment B).

De *calce* loco terrae ponderosae adhibita, singula iam memorata momenta similiter valent, excepta proportione, quae talis heic est, vt alkali aëratu 100 partes suo aëre fixo libero non nisi 68 calcis purae satiare queant.

Alkali mineralis nuper crySTALLISATI partes 263 et alkali vegetabilis puri 100, simul soluantur aquae feruidae 300, dein vaporet solutio in vase idoneo super igne, pelliculae, quae successiue generantur, ablatae, in cono ex papyro bibula confecto colligantur, vt adhaerente caustico liberentur, quod eo usque est continuandum, donec pelliculae 150-200 partes efficiant. Hoc examine instituto verum esse alkali vegetabile aëratum reperiuntur, lixiuium autem restans continet minerale causticum. Hinc respectu attractionis de praerogatiua inter alkalia fixa vegetabilia et mineralia facile iudicari potest.

Alkali volatilis aëratu 93 partes vegetabilis puri centenario suum mox porrigunt aërem fixum causticam induentes naturam: vltimae tamen portiones segnius decomponuntur.

Magnesia aëratae 168 partes tantum habent aëris fixi, vt alkali vegetabilis puri 100 partibus sufficere possit.

Metalla, mediante aëre fixo, aqua soluta, alkali vegetabili caustico praecipitari antea obseruauimus.

B) De minerali alkali, quae de vegetabili iam sunt allata, itidem valent, ratione habita terrae ponderosae, calcis, alkali volatilis, magnesia et metallorum, mutatis tantum proportionibus. Est vero

in genere notandum, quod numeri in quouis casu, secundum fundamenta antea stabilita, eruti, accurate tantummodo indicent, quantum materiae, de qua agitur, liberae saturandae sufficit, quum vero initio longe facilius, quam versus finem progredia-
tur operatio, completa resolutio decomponentis non raro duplum, triplum, immo interdum, sextuplum requirit.

C) *Alkali volatile* aërem derelinquit non tantum *terrae ponderosae, calci et alkalibus fixis*, sed etiam *magnesia* purae, nam haec solutioni alkali volatilil aëratil indita, sensim efferuescendi facultatem acquirit et alkali volatile efficit purum.

D) *Terra ponderosa* aërata, quantum hucusque percipere potui, in aqua *calcis* nec mutatur, nec mutationem efficit, vsta vero et aqua soluta pelluciditatem spathi calcarei inditi paullum obscurat, adeo tamen exigua virium attrahentium differentia esse videtur, vt praevalentia *terrae ponderosae* nondum omni exempta sit dubio. Eidem *magnesia* suum certo porrigit aërem fixum.

Superfluo aëre fixo soluta terra ponderosa praecipitatur alkalibus omnibus, calce et *magnesia*, puris, quae abundans menstruum absorbendo, eandem ad saturationem redigunt exactam, in quo statu aquam respuit (§. X).

E) Aquae, *calce* pura onustae, si immittitur *magnesia* aërata, haec eandem mitigat, et calx efferuescendi facultate gaudens in fundo tandem colligitur, vna cum *magnesia* pura. Calx, mediante aëre
fixo

fixo superfluo soluta, eodem se habet modo, ac terra ponderosa: abundans nempe menstruum laxius, quam saturitati necessarium, adhaeret.

F) *Magnesia* pura non soluitur aqua, quantum hucusque constat, si vero ope aëris fixi est suscepta, *alkalibus*, *terra ponderosa et calce* causticis deicitur, interdum pura, interdum aërata, pro quantitate praecipitantis. Scilicet exigua portiuncula, quae superfluo aëre fixo potest satiari, magnesiā in statum saturationis reducit, quo minus solubilis facta, qua maximam partem fundum petit, nisi abundat aqua, talemque praecipitationem etiam efficere valet alkali volatile purum (§. XII), quamvis alioquin vi attractiva inferior (mom. C): terra ponderosa et calx similiter adhibitae ipsae quoque saturatae simul decidunt. Ast sufficiente copia additae primum memoratae materiae non tantum superfluum aërem fixum, sed illum etiam arripiunt, qui magnesiae saturationi est necessarius, ideoque in hoc casu puram deiciunt.

G) *Metalla*, aëre fixo soluta (§. XIV-XVI), praecipitantur *alkalibus et terris* causticis. Quod ad zincum attinet, huius solutio, aequae ac reliquorum, alkali volatili puro congruatur, ast leni quassatione iterum disparent nubeculae contractae, quum alkali volatili facile solvatur hoc semimetallum.

Alkalia plene aërata, itemque in hoc statu magnesia et calx, solutiones recentes nullo modo mutant, si vero calori vel libero aëri fuerint expositae, adeo ut pars aëris fixi dudum auolauerit, et residua

vix

vix adhaereat, separationem prouocant, laxo, quo iam aquae vniuntur, vinculo adscribendam.

Quod zincum omnia alia metalla ex menst୍ରuis deiiciat, satis cognitum est, et quin idem in casu quoque praesenti locum habeat, nullus quidem dubito, modo ita aëris fixi quantitas aptari posset, vt non nisi vnico sufficeret, hoc vero vix sperare licet. Quamdiu igitur menst୍ରuum duobus pluribusue simul soluendis non est impar, nulla exclusio vel praecipitatio obseruabitur. Solutionibus zinci, tam reguli, quam calcis, linaturam martis addidi, et vicissim zincum solutionibus ferri, post aliquot dies nuperrime addita metalla, qua partem soluta reperi, absque tamen vlla priorum separatione. Itaque quaeri potest, cur non aqua aërata e primum indito ad satietatem suscipiat, cum tamen posterius adgredi valeat. Dicam, quod mihi met maxima se commendat probabilitate. Metalla aërata sunt sales difficillimae solutionis, adeo vt eorumdem non nisi perquam exigua portiuncula, teste experientia, aquam subire queat. Iam vero vnico sale satiata non tantum alios non respuit, sed etiam plurium praesentia mutuam iuuat solubilitatem, quod multis probari potest exemplis. Aqua nitro satiata non tantum salem communem suscipit, sed etiam eo, quantum fieri potest onusta, quidquam nitri denuo soluit. In nostro casu hoc eo minus est mirandum, quo certius constat, prius metallum posteriori relinquere sufficientem menst୍ରui (aëris fixi) quantitatem intactam.

Itaque, si quis ordo metallis est adscribendus, nulla certe adest ab illo discedendi ratio, qui omnibus aliis acidis competit, et talis est, ut primum locum sibi vindicet zincum, secundum magnesium et tertium tandem ferrum.

Concludimus igitur ex iis, quae in momentis praecedentibus sunt allata, sequentem Attractionum electiviarum seriem pro acido aëreo.

Terra ponderosa pura.

Calx pura.

Alkali fixum vegetabile purum.

Alkali fixum minerale purum.

Magnesia pura.

Alkali volatile purum.

Zincum.

Magnesium.

Ferrum.

H) Respectu aliorum acidorum, hucusque cognitorum, aëreum debilissimum esse videtur, nam non tantum aceto, sed etiam acidis vitrioli et nitri phlogisticatis expellitur. Interim tamen non semel vidi aquam, aëre fixo onustam purissimo, qui fermentatione, igne vel acido nitri fuerat elicitus, congruari solutione plumbi acetati, sed licet alia vice quantitates et res circumstantes similiter ordinauerim, nulla turbationis prodierunt vestigia. Quod acetum ebulliens cerussam suscipiat, eiusdemque aërem fixum expellat, notum est, num vero crystalli vetustae partem aceti aetate perdunt? An copiosa decomponuntur aqua, adeo ut acidum aëreum cal-

calcem plumbi arripere valeat, cum eadem salem efficiens, qui aquam omnino respuit, aceto autem soluitur sine manifesta effervescentia? In medio relinquo, donec causam dissensus experimentorum eruere potui. Acidum vitrioli euito, quum huius minimum inquinamentum plumbum acetatum deiiciat,

§. XXI.

Aëris fixi attractiones electivae duplices.

Alkali volatile purum nec terram ponderosam, nec calcem, nec magnesiā acido quodam vulgari solutas praecipitare valet, quod tamen alkali volatile aëratum promte et feliciter praestat, ideoque, quamvis prius multis aliis modis luculenter fortius appareat, interim tamen nonnulli, veram non perspicientes rationem, hinc debilius reputant. Ast longe aliter se res habet. Scilicet alkali volatile minori vi omnia appetit acida, quam calx, (quem casum exempli loco explicemus,) itaque hoc sale puro seu solo nulla peragi potest decompositio, si vero aëre fixo est imbutus, quarta aduenit materia connubium calcis ambiens, adeo vt duplici vi simul distrahatur sal calcareus, altera nimirum, alkali puro competente, acidum sollicitatur, altera vero aëri fixo propria, calx pura, et hae vires unitae pristinae binorum principiorum cohaesionem superant.

Idem valet de magnesia aërata, quae similiter sales calcareos decomponit.

Praeterea, quamvis alkalia fixa pura terris plerisque et metallis acida eripere queant, hoc non obstat

stat, quo minus vi composita negotium peragatur, dum aërata adhibentur. Hinc notabilis illa ponderis differentia, quae in praecipitatione eiusdem materiae saepe observatur. Sint 100 partes spathi calcarei acido solutae, hae alkali fixo crySTALLISATO deiectae, post adcuratam collectionem, loturam et exsiccationem, praeter propter iterum 100 praebent, calci crudae qua indolem similes. Si vero alkali puro operatio perficitur, praecipitatum non nisi 55 pondere aequialet, calcique vstae et exstinctae qua proprietates omnino congruit. Ita etiam reliquae comparatae sunt materiae, quae in statu naturali aëre fixo scatent. Metalla quidem aliter se habent, interim tamen praecipitantibus aëratīs insigne ponderis adipiscuntur incrementum, hydrargyrus nempe tertiam partem, ferrum fere anaticam lucratur, et sic porro. Argentum acido nitri solutum, alkali volatili aërato, et facilius, quam caustico, et ponderosius deiecitur. Hae accessiones aëri fixo sunt tribuendae, qui, a fortiori acido sede expulsus, derelicto adhaeret metallo, cuius secundum diuersam copiam, non tantum pondus, sed interdum quoque colorem mutat. Diximus antea, alkali vegetabile purum praecipitare mercurium sublimatum corrosiuum ferrugineo colore, plene vero aëratum albo (§. VII): diximus etiam, alkali minerale hanc hydrargyri calcem numquam albam efficere (§. VIII). En rationem.

Sit tantum praecipitandum, quantum 100 acidifalis partibus est vnitum, idque fiat alkali vegetabili plene aërato, cuius huic effectui 415 circiter sunt necessaria.

cessariae, etenim 100 acidi salis requirunt alkali puri 199 (§. VIII), et hae 199 recipere possunt aëris fixi 84, nec non aquae 132 (§. VII). Si vero alkali minerale adhibetur, 100 partes acidi salis postulant eiusdem puri 80 ad saturationem, quae in crystallisatione aëris fixi adsumunt 64 et aquae 256. Itaque, quum hydrargyri calx, vt alba appareat, in nostro casu 84 aëris fixi opus habeat, et alkali minerale praecipitationi sufficiens non nisi 64 porrigere possit, cur hoc alkali mercurius sublimatus numquam albus deiici queat, in aprico positum esse spero.

Quod etiam calces metallorum ignobilium, vialicet sicca paratae, aëre fixo non careant, valde est probabile. De floribus zinci vetustis mihi nullum superest dubium, quippe qui cum acidis efferuescunt et auram praebent, aëris fixi singulis instructam proprietatibus, recentes vero motum vix sensibilem excitant, immo vetusti excandescencia spoliantur menstruo volatili, quod ex atmosphaera sensim attraxerunt. Idem valet de cerussa vetusta, recentem enim nondum exploraui.

§. XXII.

Aër fixus verum est acidum.

Ex serie experimentorum hactenus proposita iam de aëris fixi cum acidis conuenientia concludamus. Ea nimirum constat, quod haec aura in lingua distinctum acidi sensum excitet (§. V): quod heliotropii tincturam rufet (§. VI): quod alkalia fixa vehementer appetat, mitiget, minori pondere, quam fortiora acida saturet; crystallisabilia efficiat, minus-

minusque solubilia (§. VII, VIII): quod alkali volatile eius copula magis fiat fixum, minus odorum et penetrans, itemque in crystallos concreascet (§. IX): quod calcem puram saturans eiusdem solubilitatem acrimoniamque tollat, nec non eam in crystallos cogat, abundans verò solubilem faciat (§. XI): quod eodem se gerat modo cum terra ponderosa (§. X): quod cum magnesia salem constituat medium terrestrem et crystallisabilem (§. XII): quod cum ferro, zinco et magnesio sales procreet, qui aqua soluti, heliotropii tincturam rufant, sicut omnes alii metallici (§. XIV-XVI): quod attractiones electivas, tam simplices, quam duplices, more acidorum exerceat (§. X, XI): quod alkalibus puris soluta praecipitet (§. XIX): quod vltima eiusdem vestigia, non obstante insigni volatilitate, pertinaciter aquae ebullienti inhaereant, aegerrimeque plene separentur, congelatione vero facile secernantur, haud fere aliter, ac hoc frigoris gradu acida debilia concentrantur (§. IV): quod denique phlogistica valide appetat (§. XVIII). Singulae iam allatae proprietates acidis in genere competunt, et pleraeque instar notarum characteristicarum considerari possunt, quae acidis sunt propriae, eadem ab omnibus aliis materiis distinguentes, aut igitur aër fixus, hisce singulis dotatus, est acidus, aut nulla hactenus innotuisse acidi criteria constantia fateri oportet.

Demonstrata, vti opinor, aëris fixi aciditate, plures suadent rationes, vt suae indoli conuenienter *acidum aëreum* vel *atmosphæricum* appelletur. Aëri nempe vulgari leuitate, pelluciditate, elastici-

D 2

tate,

tate, aliisque proprietatibus ita congruit, ut nostris demum temporibus dignosci coeperint. Praeterea in aëreo illo mari, quo terra nostra est circumfusa sub nomine atmosphaerae, haec aura numquam non adest, vel libera, vel aliorum corporum irretita compagi. Prius quotidianis phaenomenis luculentissime in oculos incurrit. Aqua calcis ubique locorum in aëre libero cremorem ponit, quod in lagenis perfecte clausis non accidit, et numquam fieri potest, nisi superficiem lambat aër fixus (§. XI): calx usta, quae per longius tempus atmosphaerae exponitur, sensim recuperat, quod igne perdiderat, adeo ut tandem calcis crudae naturam omnino induat et caementitiis operibus fiat inepta, nisi denuo suo spoliatur acido: terra ponderosa et magnesia in purum redactae statum, similiter in aëre pondus, efferuescendi facultatem, aliasque amissas qualitates recipiunt: alkalia pura in aëre libero mitigantur, deliquescentiam exuunt, crystallos formant, quae in acidis effervescent, cetera, aëri fixo attracto vnice adscribenda. Quum itaque ubique terrarum et quolibet tempore, haec singula eueniant, in atmosphaera semper adsit oportet aëris fixi liberi haud exigua copia.

Ast non tantum in statu elastico et libero nos circumdat, sed etiam ipsius aëris vulgaris principium quoddam proximum constituere videtur. Est haec ingeniosa infatigabilis PRIESTLEY coniectura iam consideranda.

Experimentum, hanc aëris innuens compositionem, est sequens. In tubo vitreo, arcus instar curvato, aëris vulgaris bullam includat heliotropii tinctura,

ctura, crurum vero quodlibet, ad certam altitudinem hydrargyro repletum, in diuerso vasculo immergatur quoque huic metallo fluido. Hisce ita praeparatis, ope machinae electricae ex mercurio vnius cruris per bullam in alterum crebro transeant scintillae fortiores. Hoc labore per aliquot minuta continuato superficies tincturae in vtroque crure reperietur et altius surgere, et caeruleum cum rubro commutare colorem. Tinctura rufata in libero aëre iterum caerulescit. Si loco tincturae aqua calcis adhibetur, haec congrumatur, et calcem in acidis effervescentem deponit. Hic igitur aër decomponi videtur, et in duo diuersa fluida elastica dividi, quorum alterum heliotropii tincturam fugaci imbuunt rubedine, aqua absorbetur, et aquam calcis praecipitat, h. e. genuinis aëris fixi praeditum criteriis: alterum vero, quod aquam non subit, ignem exstinguens et vitam animalem destruens, nam nullam cum vapore acidi nitri phlogisticati patitur mutationem. Quod haec phaenomena fluido electrico soli non sint adscribenda, dilucide patet, si mediante antlia pneumatica ita extendatur bulla aërea, ut omnis rufata tinctura e cruribus expellatur, et in eius locum caerulea surgat ad pristinam altitudinem: dein, uti antea, scintillae bullam transeant, nulla tamen amplius prodeunt aëris fixi vestigia. Hinc igitur elucet, illud quod heliotropii tincturam rufat et aquam calcis praecipitat, in aëre reperiri, et iam prima operatione fuisse ablatum.

Nouimus iam aërem vulgarem triplici constare fluido elastico, acido nempe aëreo libero,

quod tamen adeo paruum efficit quantitatem, ut hoc solum heliotropii tincturae visibilem impertire nequeat rubedinem; aëre, et igni alendo, et respirationi animalium inepto, quem vitiatum vocare liceat, donec eiusdem indolem penitus cognoscimus; aëre denique, vitae animali et igni sine conditione necessario, qui tantum quartam circiter aëris vulgaris partem efficit et mihi purus audit. Quodnam igitur horum fluidorum ab electrico mutatur? Vltimum credo, quippe quod maiori, quam acidum nitri, vi phlogiston appetit. Ponamus iam hoc duplici compositum principio, aëreo nimirum acido et alia quadam materie, quae electrico phlogisto lubentius, quam acido aëreo adunatur, illo adueniente hoc necessario secernetur et quasi praecipitabitur. Haec licet magna se commendent probabilitatis specie, quin tamen hinc de aëris compositione certo concludatur, alia obstant tentamina, in quibus mediante phlogisto fluidum aëreum itidem mutatur, idque sine ullis aëris fixi liberati indiciis. Salem sulphuratum Stahliani exempli loco exhibeamus. Linteas plagulas, alkali vegetabili caustico madentes, vaporibus ex sulphure accenso surgenti sufficienter exposui; hasce dein cucurbitis indidi diuersis, ad fundum depressis, orificia vesica bubula humida adligata optime clausi et per 16 nychthemera, in loco temperiei circiter $+ 18$ graduum, seruaui. Hoc tempore elapso vnius cucurbitae inuersae orificium aperui intra tincturam heliotropii, quae mox irruebat, parum ultra $\frac{1}{7}$ cavitatis implens. Hinc igitur constat, phlogiston sensim deseruisse acidum vitrioli, aëremque inclusum mutasse, interim tamen nullam tincturae rufe-

rufescentiam potui detegere. Alius cucurbitae orificium intra aquam calcis aperui, quae similiter intrauit, at nulla praebens congrumationis vestigia. Si scintillae electricae puro tantum phlogisto adueniente aërem fixum extricant, cur non in experimento memorato idem euenit? Verum quidem est, in priori casu phlogiston electricum totam massam longe vehementius permeare, adeoque forsan decomponere principium quoddam proximum: forte etiam mutatae experimenti nostri circumstantiae idem praestabunt aliquando, sed vsque dum nexum reuelent plura et idonea tentamina, iudicium suspendendum esse iubent sanae ratiocinandi leges.

Interea iure meritoque optimo aër fixus *acidum* audit *aëreum*, vel, si magis placet *atmosphæricum*. Acidum uniuersale etiam vocari posset, cum in omnibus naturae regnis copiosissime adsit, ast quoniam hac denominatione vulgo principium salinum indicari solet, quod diuerse modificatum omnia alia et alkalia et acida procreat, taliaque non dum certo de aëre fixo possunt adfirmari, ab hoc nomine ambiguo abstinendum puto. Haud equidem ignoro et alkali volatile et acidum salis, phlogiston instar principii proximi continere, eademque inflammabili hacce materia spoliata in auras resolui elasticas, sed, quae in utroque iam nominato casu obtinentur, licet in frigore persistentes, non tamen sunt eiusdem indolis, et neutra aëri fixo congruit. Quod in atmosphæra fingitur acidum vitrioli nec semper, nec vbique reperitur. Per plures annos idem alkali fixo purissimo captare quaesivi, sed ne miculam quidem

hactenus obtinui. Alkali vegetabile non raro tartaro scatet vitriolato, immo ipsum alkali tartari non semper eo caret, doliorum sine dubio sulphurationi tribuendo; nisi igitur probe cognita sit puritas salis alkalini, aëri expositi, errores vix evitantur. Itaque acidum vitrioli in atmosphaera non adest, nisi accidentaliter, idemque valet et de nitroso et de marino, quae ibidem non numquam occurrunt.

§. XXII.

Num aciditas aëri fixo est essentialis?

Quamvis extra dubitationis aleam mihi quidem iam posita videatur aëris fixi aciditas, fortassis tamen cuiuspiam suspicio oriri posset, hanc esse accidentalem, peregrino adscribendam acido, quod aëri vulgari intime et solutionis more vnitur. Hanc vero opinionem omni carere fundamento sequentia momenta euictura spero.

A) Ponamus aërem vulgarem e calce mediante acido vitrioli expulsum, non obstante lotura, hoc acido peregrino ita contaminari, vt dein aegerrime separari queant, et quamdiu haec persistit vnio aërem conficere fixum. Saturetur iam hoc fluido elastico aqua calcis, exploreturque calx praecipitata, reperietur haec cremori, calciue crudae omnino similis. Quaeritur itaque, num aër vulgaris, dum calci purae iterum adnectitur, inquinamentum acidum, eodem ac antea modo sibi vnitum retineat? An vero illud exuat, distinctis adsociandum particulis? Si prius, aut calx aëre fixo praecipitata, a vulgari, nullo vitriolico contaminata differret, quod tamen

tamen exactissimo contrariatur examini chemico, aut aëris fixi et vulgaris omnis evanescit disparitas, quod hypothesein de generatione aëris fixi evertit. Sin posterius, acetum destillatum calcem quidem praecipitatum solueret, gypsum vero intactum relinqueret, ast omnino nihil restare docent experimenta, ea, qua decet, adcuracione instituta. Ergo.

B) Deinde, si aciditas ex inquinamento dependet peregrino, ex diuersis acidis diuersus quoque oriri debet aër fixus, ast teste experientia, acido salis procreatus et rite lotus, aquam calcis aequae coagulat, ac vitriolico elicitus, nullaue in ceteris proprietatibus vel minima obseruatur differentia, quocumque demum expulsus fuerit acido, modo lotura sufficiente est depuratus. Si acido vitriolico prouocatus hinc suam ferrum, zincumque soluendi vim possidet, qui nitroso comparatur, argentum et hydrargyrum adgredi debet, et aurum variaque alia metalla ille, qui aqua regia prodit, sed neutrum accidere, irrita memet docuerunt tentamina.

C) Praeterea, si sub efferuescentia expulsus aër fixus acidis contaminatur, vnde igitur ea ille haurit, qui sub fermentatione prodit alteri omnino similis, idque mox ab initio, et longo satis interuallo, antequam suum attigerit fastigium fermentationis primus gradus? Si aëris fixi peregrina est aciditas, cur non haec ita potest accumulari, vt syrupum violarum, papyrum heliotropio tinctam, aliosque e regno vegetabili colores caeruleos, praeter heliotropii tincturam, rufet?

D) Demum, spathum calcareum et magnesia alba, solo igne genuinum emittunt aërem fixum (§. II), quamvis scrupulosissimo examini ne leuissima quidem praebeant acidi mineralis vestigia, et quamvis praeterea subtilissime comminutae, hac materiae per semihoram in lixiuio puro alkalino fuerint coctae, dein lotae et tandem siccatae, antequam vasi retorto concreduantur. Sic igitur omnis euanescere debet de peregrino acido suspicio.

Cum itaque aër fixus rite depuratus, diuersissimis licet mediis, et e diuersissimis materiis euocatus, siue sicca via, siue humida id fiat, nihilo tamen minus semper sit sibi perfecte similis et acidus, concludo omni, quae in physicis obtineri potest, certitudine, aciditatem ei competere essentialem.

Nonnulli aërem fixum pro vapore acidi vitriolici phlogificati venditant, sed qui vel leuiter vtriusque comparat proprietates, hanc opinionem nullo fundamento niti facile reperiet. Hic namque penetrantissimo odore irritat, colores e regno quouis organico delet, et ut reliqua taceam momenta, facile in genuinum acidum vitrioli reducit, quod neutrum de aëre fixo valet, qui praeterea attractionis vi eidem semper cedit.

§. XXIV.

Acidi aërei grauitas specifica.

Mediante globo cauo grauitatem specificam eadem dimensus sum methodo, qua aërem ponderant vulgarem Physici. Comparauit ter aquae destillatae et

et aëris fixi eiusdem voluminis pondera. Prima vice rationes inueni, vti 555 ad 1, altera vero vti 563 ad 1, et tandem tertia vti 560 ad 1. Calorem quidem medium + 15 gr. et altitudinem hydrargyri in Barometro mediam 25, 3 poll. geom. quaesui, paruas tamen non potui euitare discrepantias. Medium trium obseruationum est $559 \frac{1}{3}$, vel numero rotundo 559, vnde grauitas specifica emergit 0,0018, cum tamen aër vulgaris depuratus in iisdem circumstantiis vix 0,0012 attingat, adeo vt aër fixus vulgarem $\frac{6}{10000}$ circiter superet.

Noxia, quam cauernae nonnullae fouent, aura, eiusdem omnino naturae est, ac acidum aëreum, nam aqua absorbetur, eidemque pungentem communicat aciditatem, heliotropii tincturam rufat, aquam calcis coagulat, ignem exstinguit, animalia enecat, et, quod heic praecipue memorandum, vi suae grauitatis parum eleuatur. In puteo, anno 1717 ad acidulas Pyrmontanas effracto, infimum tantum stratum duorum vix pedum crassitie, perniciosum est, et dum solis heic penetrant radii, exhalationibus immixtis quodammodo fit visibile. Super ipsum fontem soterium pedis raro crassitiem possidet stratum letale, vnde etiam anseres, longioris colli ope eidem absque incommodo possunt innatare. Specuum halitus in vicinia Schwalbacensium, aliarumque acidularum, similiter se habent. In spelunca Neapolitana, a cane dicta, homines, immo canes maiores, capite erecto nihil omnino patiuntur, ast si nares alicuius animalis fundo propinquant, sopiente veneno mox adficiuntur. Oculis quoque
instar

instar subtilissimi fumi discerni potest mortifera aura, quae aestate : circiter pedis adtingit altitudinem, hieme vero vix vltra paucos digitos emergere valet.

Ex grauitate acidi aërei sequitur quoque, vt infima atmosphaerae strata hoc magis abundant, quam superiora. Quae enim fermentationibus, putrefactionibus, efferuescentiis, aliisque in magna naturae officina quotidie peragendis operationibus, ingens huius copia emergit, qua maximam partem iuxta terrae superficiem haeret, nouorum iterum corporum continua generatione figenda, illa quoque, quae in sublimiore regione fulgure forsan, variisque meteoris, e vulgari secernitur aëre, sensim omnis subsidere deberet, nisi atmosphaerae continuae agitationes, aërem vulgarem et acidum aëreum commiscentes, frictio et exigua grauitatis specificae differentia, multum impedirent, et hae remorae, vna cum huius supra memorata diminutione, perniciem mundi animalis auertunt. Interea hinc patere arbitror, cur loca editiora magis in genere sint salubria, quam humilia, et nullus dubito, quin varii morbi et epidemii, et endemii, ex diuerſa acidi aërei quantitate in atmosphaera oriantur. Ad superficiem terrae raro $\frac{1}{16}$ aëris vulgaris efficere reperitur.

Acidum aëreum non semper eiusdem esse tenuitatis, inde fluere videtur, quod quasdam particulas aqua lubentius, alias segnius absorbeat. Ab initio ad finem continuo retardari vnionem, nihil in se miri continet, cum hic effectus attractionis indoli apprime sit conformis, sed, quod iam me mouet, est

est sequens phaenomenon. Sit lagena QR aëre fixo impleta, eiusque dimidium sensim consumptum ponamus, reperietur postea in dato tempore copula segnius perfici cum residuo, quam cum aëre fixo, non antea aquae exposito, licet aequalis contactus. Hinc nonnullas moleculas vel ratione figurae, vel ratione magnitudinis, vel denique ratione peregrini immixti, ineptiores esse videntur.

§. XXV.

Acidum aëreum ignem exstinguit.

Ignem non tantum impedit, quin accendatur, unde in hoc medio bombardae et sclopeta explodinequeunt, sed etiam momento citius, et candentem, et flammantem, penitus exstinguit, adeo ut hoc criterio vulgo explorari soleat aër mephiticus.

Si vasculum vitreum cylindricum AD (fig. I) acido aëreo impletur modo antea descripto (§. II), dein vero operculo clausum prudenter inuersione erigitur et aperitur, vi gravitatis in eodem reslabit fluidum antea inclusum. Huic ellychnium accensum E, vel pruna immergatur, et momento omnis exstinguetur ignis. Si tamen vas apertum relinquitur, suprema strata cum aëre vulgari sensim commiscuntur, adeo ut flamina in illis tandem queat persistere, et paullatim hoc modo tota mutatur massa, eo tamen segnius, quo maior altitudo AC, et quo in vicinia tranquillior aër. Eadem phaenomena super liquorem fermentantem observare licet.

Fumum valide attrahit acidum aëreum, in stratum sibi parallelum expandit, diuque retinet, quod etiam in cryptis mephiticis accidit, fumo facis extinctae, vel sclopeti supra fatale stratum explosi.

§. XXVI.

Acidum aëreum animalia enecat.

Hisce experimentis talem plerumque adhibeo apparatus, qualem fig. 9 sistit. Vas vitreum AB, fundo ligneo BC, animali immisso, celeriter adglutinari potest, et foramine D versus summitatem est pertusum. Praeterea tubus EF, letiferum intro mittens vaporem, fundo ita adaptatur, ut circumcirca nullus pateat exitus. Intrans fatalis aura aërem vulgarem leuiorem expellit per D, initio tamen qua partem commiscetur, quod quidem impedit, quin mors aequae subita animal corripiat, ac dum acido aëreo solo immergitur, ast eo ipso phaenomena facilius posse distingui, tentamina instituta ine docuerunt.

Dum mediante tubo EF fatalis irruit aura, mox animal anxie circumspicit exitum quaerens, dein incipit anhelare, bulbi oculorum expanduntur, tremunt, omnes hebescent sensus, tandemque quasi obdormiscens expirat. Adfluxum moderando pro lubitu fere temperare licet mortis accessum. Ipsa vero animalia, eorumque aetas et vigor, quamdam efficiunt discrepantiam, etenim aues plerumque prius, quam canes, et hi citius quam feles, succumbunt, diutius vero amphibia, et pertinacissime insecta resistunt.

sistunt. Respectu aetatis iuniora et vix adulta paullo tardius enecantur, praesertim paulatim adsuesacta, nam, quae in ipso agone, libero exposita aëri, pluries vitam recuperarunt, dein tardius hoc fluido pereunt, quam quae illud prima vice hauriunt. Post mortem pulmones parum collapsae reperiuntur, in aqua non subsident, vti in vacuo pereuntium, sed natant, et saepe plura monstrant loca inflammata. Truncus arteriae pulmonalis, cordis ventriculus dexter cum sua auricula, vena caua, iugulares et vasa cerebri sanguine turgent, eumque in ventriculo dextro polypi instar non semel vidi concretum. Venae pulmonales, aorta, ventriculus cordis sinister cum sua auricula, plerumque conflagrescunt. Fibrarum muscularium in toto corpore deleta reperiuntur irritabilitas. Ipsum cor ex animali adhuc calente extractum, nec halitu, nec scalpello, nec acido vitrioli concentratissimo, ad motum excitare potui.

De principali mortis causa, heic operante dissentiunt auctores, et extra cancellos nimium vagarer, si iam tentarem tantas componere lites, contentus, si aëris fixi hac commentatione enincere potuerim aciditatem, quod mihi praesertim fuit propositum. Singula, qua potui adcuratatione, huic fini adaptaui experimenta, eadem diligenter iteraui et sedulo pensitraui, ideoque superuacaneum duxi, quatenam horum ab aliis ante me, et alio consilio, et alio plerumque modo, fuerunt instituta, commemorare, in primis cum peritum lectorem hacc fugere nequeant.

Index Paragraphorum.

Introitus	pag. I
§. I. Quid per aërem fixum intelligatur	2
§. II. Quomodo purus acquiritur aër fixus	3
§. III. Qualitates acidi generales	7
§. IV. Aqua aërata	8
§. V. Aër fixus sapore gaudet acido	10
§. VI. Aër fixus instar acidi debilis reagit	11
§. VII. Alkali vegetabile aëratum	13
§. VIII. Alkali minerale aëratum	18
§. IX. Alkali volatile aëratum	20
§. X. Terra ponderosa aërata	21
§. XI. Calx aërata	22
§. XII. Magnesia aërata	28
§. XIII. Argilla aërata	31
§. XIV. Ferrum aëratum	32
§. XV. Zincum aëratum	34
§. XVI. Magnesium aëratum	ibid.
§. XVII. Aëris fixi et reliquorum metallorum copulationes tentatae	35
§. XVIII. Aërem fixum liquores inflammabiles auide absorbent	38
§. XIX. Aër fixus alkalibus putis soluta deiecit	40
§. XX. Aëris fixi attractiones electivae	42
§. XXI. Aëris fixi attractiones electivae duplices	48
§. XXII. Aër fixus verum est acidum	50
§. XXIII. Num Aciditas aëri fixo sit essentialis	56
§. XXIV. Acidi aërei grauitas specifica	58
§. XXV. Acidum aëreum ignem exstinguit	61
§. XXVI. Acidum aëreum animalia enecat	62

II.

D E

ANALYSI AQVARVM*).

Neque vero negligentio rem se circa aquarum facultates cognoscendas exhibere conuenit. Quemadmodum enim gustu differunt, et pondere ac statione, sic quoque virtute aliae aliis longe praestant.

HIPPOCARTES.

§. I.

Succincta analyseos aquarum historia.

Non multa praeterire potuerunt tempora, antequam primi mortales discrimina aquarum obseruarunt, quamuis gustus vnicum fuerit examinis subsidium. Confectio ciborum, varia negotia et artificia, postmodum excoli coepta, disparem diuersarum aquarum, ratione certorum finium, habitum et bonitatem, sensim aperuerunt, licet ignoremus hodie, quo modo et ordine euenerit. HIPPOCRATES aquas ad potum aptissimas iudicat, quae clarae sunt, leues, saporis et odoris expertes, ab oriente profluentes, quae cautela etiamnum plerumque valent, praeter vltimam, quae forte in patria Hippocratis locali quadam nitebatur praerogatiua.

*) Huius Dissertationis primae VII. paragraphi publice ventilatae sunt in Auditorio Gustauiano, die 26. Iun. anni 1778, Respondente I. P. SCHARENBERG, Stockholmensi.

tiua. Duras, falsas, aluminatas, palustres et lacustres, vt pessimas improbat ^{a)}). PLINIVS non tantum aquas discernit nitrosas, aluminatas, acidulas, falsas, ferratas, bituminatas, sulphuratas, salubres, letales, medicatas, frigidas, tepidas, calidas, quae legumina tarde percoquunt, quae decoctae crassis obducunt vasa crustis, quae inebriant, quae pecudum colores mutant, et quae sunt plures: sed praedicat etiam decoctam et NERONIS inuento in niue refrigeratam, atque remedium dicit vitiosarum, si ad dimidias partes decoquantur ^{b)}):

Quod vero attinet ad artem aquas adcuratius, secundum contenta examina: li, vix vlla eiusdem attentione digna vestigia ante saeculum decimum septimum inueniuntur. TABERNAEMONTANVS, seu, quod verum eius nomen fuit, JACOBVS THEODORUS, ad finem saeculi decimi sexti varias enumerat in Germania aquas, atque inter has Selteranam, sed de examine earundem nihil adducit ^{c)}). ANDREAS BACCIVS, Medicus Italus, cuius opus anno 1596 prodiit, ne vlllo quidem verbo tales nominat explorationes, quamuis nemo ante eius tempora de aquis tam adcurate scripserit ^{d)}).

Plurium tamen *reagentium* vires Illustris R. BOYLE anno 1663 cognouit. Syrupum quidem violarum acido vitrioli et succo limoniorum affuso rufescere

a) Libr. de aëre, aquis et locis.

b) Hist. Nat. L. 31 in primis, et alibi passim.

c) Wassertschatz. Frankf. 1593.

d) Septem de Theriis libri. Rom. 1596.

scere antea notum fuit, sed hunc effectum, peculiari duorum liquorum qualitati adscriptum, omnibus acidis competere inuenit nobilis Anglus, simulque cum alkali primus viriditatem obseruauit: idem de succo cyani caerulei adferit: cupri caeruleam, alkali volatili factam, solutionem memorat: Rosarum colorem sulphuris halitu aboleri, sed eiusdem acido intendi; aquam ligno Brassiliensi tinctam, ab acido flauere, coccinella imbutam, eodem medio dilutius rubere, et alkali pristinam intensitatem restitui, narrat; itemque argentum ex acido nitri deiici, et alkali fixo, et muria, et tam eiusdem acido solo, quam vitriolico, non vero alkali volatili; argentum salitum in libero aëre nigrescere; hydrargyri vitriolum cum aqua flauere; hydrargyrum acidis solutum, alkali volatili addito album praebere sedimentum, sed fixo, aurantium, cuius primum color et deintotum sedimentum euanescit addito acido vitrioli; argentum quasi inaurari in dissolutis naturae sulphureae, et quae sunt reliqua ^{e)}, quorum sine dubio varia prius detecta fuerunt. Ita GASSENDVS rosarum tincturam cum acido vitrioli saturatius rubere indicat, alia vt taceam, sed tales umbras heic inquirere, nostrum non fert propositum.

DOMINICVS DU CLOS, eodem fere tempore, ab ipsis Academiae Scient. Parisiensis primordiis, anno 1667 et insequentibus, omnes Galliae aquas

E 2

explo-

e) *Experiments touching colours*, Oxonii 1663 primum prodierunt. Versio latina Amstelredami 1667 impressa est.

explorare adnifus eft, variaque praeter mox enumerata reagentia, vti infufum vel puluerem gallarum et fuccum florum paruae Iridis adhibuit, quibus poftea addidit vitriolum martis et fuccum Heliotropii. Refiduum poft deftillationem examinavit, figuram microfcopiis, faporem folubilitatemque aqua, et indolem ferro candente.

In Suecia dudum circa annum 1680 non fpernenda in hanc rem divulgavit tentamina VRBANVS HIERNE. Tres peritiffimus hicce Chemicus acidularum conftituit claffes, quae acidas, vinofas et acido occulto gaudentes complectuntur. Singulas peculiarem continere mineram ftatuit, maxime martialem, et fimul nonnihil fulphuris, fiue diftinctum fuerit, vt in acido Gas Spadanae, Pyrmontanae et aliarum aquarum eiusdem naturae, fiue occultum, alkali abfcondito folutum, fiue adhuc in primo fonte exiftens. Explorationem refidui, ob deperditas particulas volatiles, parui aestimat, et ponderationem quoque ineptam iudicat, cum fpiritus volatiles pondere careant: Intinctum linteum aquas minera matura faturatas, fed non acidulas indicare autumat: Infufione gallarum fola bonas aquas medicatas dignofci negat, omnes enim rudiores vitriolicae cum illa nigrefcunt, dum variae subtilioris indolis acidulae eadem non mutantur: neque tinctura incoctae carnis rem expedire adfeuerat, fi quidem omnes aquae vitriolicae, eidem etiam colorem inducunt^f). Acidulas Meduiefes anno fuperiore de-
tectas,

f) *Lilla Vattu Profuaren h. c. Brevis aquarum explorator.* Stockh. 1683.

testas, HIERNE anno 1678 instituit ^{g)}, postea vero plures, et quidem magno numero, apud nos frequentari coeperunt ^{h)}.

R. BOYLE anno iterum 1685 varia in medium attulit aquis adcuratius rimandis inferitura. Hepar sulphuris volatile plurimum laudat, ab alkali fixo, sulphure et sale ammoniaco destillatum, quod vitriolo tum viridi, tum caeruleo statim nigrescit, vnde sulphur occultum vitriolo detegi posse existimat; quin etiam arsenicum solutum vitriolo nigrescere et praecipitari observavit. Modum quoque salem communem sine vlla euaporatione detegendi sibi cognitum adfirmat, sed non describit ⁱ⁾. Vix solutionem lunae haec respicit, quum antea fuerit nota, parum tamen hactenus usitata, iam vero frequentius usurpari coepit, nam anno 1697 adhibebatur a NIC. VALLERIO, Sueco, qui in suis peregrinationibus Thermas Aquisgranenses exploravit, et praeter antea nominata, solutionibus nitri, salis communis et ammoniaci, sacchari saturni, acidis nitri et muriae, itemque spiritu salis ammoniaci utebatur ^{k)}.

Initio currentis saeculi aliae quoque materiae adhiberi coeperunt. D. REGIS et DIDIER anno 1699

E 3 tin-

g) Vid. tractatum eius de acidulis Meduensisibus 1680.

h) A. A. HÜLPHERS de fontibus soteriis Succiae.

i) Apparatus brevis ad naturalem et experimentalem aquarum mineralium historiam, concinnatus in forma epistolae. Lond. 1685 in 8.

k) Tentamina Physico-Chem. circa aquas Thermales, Lugd. Bat. 1699 in 8.

tincturam florum maluarum, vt acidis rubefcentem et alkalinis virescentem, vſurpabant¹⁾. D. BOVL-
DVC eodem tempore aquam calcis et acetum ſaturni in vſum trahebat. Non nemo a BVRLETO Aquis-
granum miſſus, poculum argenteum, in quo aqua thermalis adſeruabatur per triduum, quaſi inaurari admirabundus vidit, phaenomenon dudum BOYLEO notum ſulphurique adſcriptum, quod poſt illum HOMBERG eodem modo explicat^{m)}).

BVRLET anno 1707 ſolutionem aluminis, papyrum Heliotropio tinctam, eandemque vitrioli ſpiritu rubentem, acetum deſtillatum, Roſarum Damascenarum tincturam ſine vſlo acido extractam, et alia nonnulla adminicula in euundem vſum conuertebat. Ad euaporationem GEOFFROI anno 1707 vaſa vitrea latiora et aperta deſtillatoriis clauſis ſubſtituit.

Praeterea BOVL DVC annis 1726 et 1729 alias in medium produxit variationes. Scilicet euaporatio haecenus ad ſiccum perducebatur, et poſtea pars ſalina contenti denuo ſoluebatur: Is vero vel ſtrata totius reſidui ſeparare, vel ſub ipſa euaporatione ſingulas materias, ordine, quo ſe offerebant, colligere expeditius exiſtimabat. Per praecipitationem etiam cum ſpiritu vini rectiſſimo, quinam aquae, antequam calori fuit expoſita, ineſſent ſales oſtendebatⁿ⁾).

Ex

1) L'Hiſt. de l'Ac. des ſc. de Paris 1699.

m) Ibidem 1707.

n) Mem. de l'Ac. de Paris 1726 et 1729.

Ex illis itaque, quae breuiter sunt memorata, fati elucet, a medio faltem faeculi 17 pleraque iam cognita reagentia in vfu fuiſſe, ſi vero ipſas examinamus conſuſiones, ab eorundem obſeruatis effectibus deductas, haſce non ſemper metam attingere, ſed ſaepe a veritate plus minus aberrare, fateri cogimur.

Operae praetium non eſt vetuſtiſſimas de *heterogeneis in aqua obuiis* referre opiniones. THEOPHRASTVS PARACELSVS terram quamcunque ſibi cognitam, ſales, pinguedines minerales et quaelibet metalla, fluida hac materia contineri ac circumferri poſſe cenſebat: ſed, his merito praetermiſſis, ad tempora pergimus philoſophiae naturali magis proficua. Alumen aquis ineſſe quam diutiſſime creditum fuiſſe, dudum notauimus, quin et contendebat D. GIURE anno 1669 propriam acidularum naturam alumine et vena quadam ferri mollioris, ſeu ente huius metalli primo (non vitriolo) conſtitui, cui tamen mox DU CLOS, qua ſalem, contradicebat. Noſtro tempore alumen in aquis naturalibus rariffime deprehenditur.

Salis cuiusdam gypſo ſimilis, mentionem eodem tempore facit DU CLOS, ſed B. ALLEN primus forſan fuit, qui anno 1711 ſalem, calce et acido vitrioli conſtantem, nomine ſelenitae, in aquis obſeruauit^o). Per nitrum olim nihil intelligebatur aliud, quam natrum, ſeu alkali minerale, quod in acidu

E 4 *ſalem, calce et acido vitrioli conſtantem* ſalis

o) Natural Hiſt. of Mineral Waters of Great Britain, Lond. 1711. in 8.

lis Egrenſibus 1682 HIERNE primus obſeruauit ^p), et F. HOFFMAN poſtea in variis fontibus ſoteriis detexit ^q). Eiuſdem naturam adcuratius explicauit BOVLDOC anno 1729.

Sal catharticus amarus vel potius magnesia vitriolata, ab anno 1610 ad Epſom inuentus magni fuit aeſtimatus, de quo N. GREW anno 1696 paruulum conſcripſit tractatum: ſed quamuis in aquis ad Seidliz, Seidſchütz et pluribus aliis locis inuentus fuerit, et magna quantitate conſumtus, vera tamen eiſdem compositio vsque ad annum 1755 latuit, cum Celebris I. BLACK in naturam magnesiae adcuratius inquirere coepit ^r), cuius dein in variis aquis praesentia innotuit, etiam ſoli acido aëreo nuptae ^s). Sal Glauberi in pluribus adest fontibus, et cum magnesia vitriolata ſaepe confundi ſolet. Muriae detegendae methodus ad finem ſaeculi 17. inuenta fuit, quamuis ſapor et cryſtallorum formae illam antea prodere potuerint.

Calcem in aquis requirit LISTER anno 1682, et in lixiuio vltimo eandem ſalitam inuenit LE ROI anno 1752 ^t). Magnesium ſalitam MARGGRAFI 1759 ^u). et calcem nitrata F. HOME 1756 inueſtigauit ^x). Quum aqua vitriolata a gallis nigreſcat, pluresque acide

p) Breuis aquarum explorator.

q) Opera, Tom. V.

r) I. BLACK Act. Ed. Tom. II.

s) Act. Stockh. 1773.

t) Mem. de l'Acad. de Paris.

u) Mem. de l'Acad. de Berlin.

x) Experiments on Bleaching. Edinb. 1756.

dulae eandem habeant proprietatem, flatim fufpicio orta eft, has eodem fale infectas effe. THEOPHRASTVS PARACELSVS illud extra controuerfiam pofitum credebat^y); alii autem, qui, euaporatione peracta, vitrioli cryftallos fruftra quaerebant, tandem ambigere coeperunt, fed variis femet extricarunt modis. Nonnulli his aquis nec ferrum, nec vitriolum inefle credebant, fed mineram ferri molliorem et ens, vt vocabant, ferri primum: alii vitriolum fingeabant volatile, et fic porro.

F. HOFFMAN, ineunte hoc faeculo, nouum fyftema aquarum mineralium ftabilire tentauit, acidulis verum et fubftantiale acidum inefle negans. Conceffit quidem vaporem acidum, qui vna cum principio quodam elaftico aethereo, quod fpiritus mundi nomine venditabat, vitam aquarum medicatarum efficeret; fed hic volatilis putabatur et facile diffipandus. Acidulas contra alkalinas effe contendebat, quia cum acido efferuefcunt et fyrypum violarum viridem efficiunt; quae tamen figna ambigua funt (vid. §. VII). Cum aliud non agnofceretur alkali, quam quod ignem tranfierat et ibi natum credebatur, multi hoc adefle negabant. HOFFMAN ipfe a fpiritu fulphuris illud oriri exiftimabat, qui pro diuerfa fubtilitate cum calce efficeret alkali, ignis vel patiens, vel volatile^z). HENCKEL a fale culinari alkali deriuat, quamuis fe ignorare fateatur, quomodo eius pellatur acidum.

E 5

Tan-

y) De Therminis.

z) Oper. Tom. V.

Tandem D. I. P. SEIP explicationem dedit, quae cuncta feliciter tollere videbatur incommoda. Genuinum spiritum mineralem cum plerisque antiquioris aevi acidum putabat sulphuris volatile; sed cum illi ex subito mutata aquae indole hoc cito auolare concluderent, is subtilem acorem ferro vnitum iam metallum deferere contendit, vt cum alkali coniungatur, quod in ductibus subterraneis fortiozem, quae pollet, attrahendi vim exercere non potuit, atque hinc notabilem oriri statuit mutationem, qua verae acidulae in libero aëre corripuntur. Hunc spiritum rursus destillatione pelli arbitrabatur, atque tum propria forma obtineri ^a). Quousque haec explicatio veritati rei sit consentanea ex sequentibus patebit (§. VIII).

D. G. C. SPRINGSFELD in ea tamen anno 1748 erat opinione, vt crederet aërem proprie esse causam, quae contenta aquarum subtiliorum clare seruetur soluta, quia abitus eius semper efficit turbationem et sedimentum ^b). Haec sententia dein altiores fixit radices. Anno nempe 1755 prodierunt commentarii Domini VENEL de aqua Selterana, vbi rationibus satis validis ostendit acidum sulphuris volatile non esse verum spiritum mineralem, quem ipse contra nihil aliud esse contendit, quam ipsum aërem.

Has

a) Beschreibung der Pymontischen Mineralwasser 1717. Ultima et optima editio prodiit anno 1750. Filius D. SEIP, natus minimus, Göttingae etiam 1748 dissertationem edidit de spiritu aquarum mineralium, praesertim Pymontanarum.

b) Iter medicum ad aquas Spadanas.

Has propositiones argumentis tam analyticis, quam ſyntheticis confirmat^{c)}. Et quamvis veritatem non prorsus tetigerit, concedendum tamen eſt, propius eum acceſſiſſe, quam ullum alium ante illum: arte praeterea aquam Selteranam imitari conatus eſt. Dolendum, quod Chemicus hic perſpicaciſſimus, qui explorationibus aquarum in Gallia praefuit, nihil ante obitum ulterius in hoc argumento ediderit.

Certis tandem experimentis euicſum eſt, genuinum ſpiritum mineralem, qui characterem et vitam dat aquis frigidis ſubtilioribus, idem plane eſſe, ac aërem fixum, vt noſtra aetate vocari coepit. Hic ipſis eſt communis, atque in aquis Selteranis, Spadanis et Pyrmontanis, aliisque pluribus comparet, ſed ſales diuerſi, nec non eorundem proportio variata, quamlibet ſpeciem determinant.

Hinc aqua tantummodo aërata nec Selterana, nec Spadana, nec Pyrmontana iure vocari poteſt, neque is earundem artificialem praeparationem callet, qui aquam aëre fixo, vel vt iam rectius dicitur, acido aëreo, ſaturare tantum nouit: requiritur praeterea illa diuerſorum ſalium doſis, quae cuiusvis indolem conſtituit. Aura, quae thermis ineſt, non numquam acido quoque aëreo conſtat, vt in Carolinis Bohemiae, ſed haud raro alius eſt naturae, de qua mox plura occurrent.

Anno dudum 1771 Vpſaliae nonnulli aquis utebantur arte productis, quae Selteranas, Spadananas et Pyr-

c) Mem. des ſc. Etr.

Pyrmontanas naturales non tantum qua partem volatilem, sed qua totum etiam contentum, exacte referebant, et harum usus postmodum per plerasque regni prouincias inualuit ^d).

Anno 1772 libellum Londini edidit D. PRIESTLEY, quo docuit, quomodo aqua aëre fixo, e creta per acidum vitrioli expulso, saturari possit. D. LANE antea per fermentationem ad eundem finem peruenerat, addito insuper ferro, unde aqua euadebat martialis.

Vapor hepaticus, quo imbutae sunt variae Thermae, multum faceffiuit negotii, quum sulphur extricari non potuerit, quamuis latex saepe illud sponte sublimet, vt ad Aquisgranum. Instar omnium, qui in hac palæstra defudarunt, nominandus est C. LVCAS; metam tamen non attigit ^e). Iam vero hoc mysterium in aprico positum est (§. IV, VII, *F*; VIII, *E*).

Postremum referre debeo, cognitionem heterogeneorum in aquis, nostro aeuo adquisitionem, plures excitasse ad aquas secundum contenta ordinandas. His nixus fundamentis edidit Cel. Prof. et Eques I. G. WALLERIVS systema Hydrologicum 1748 ^f), F. A. CARTHEVSEUS tale condidit 1758 ^g) et D. MONNET 1772 ^h), vt illos taceam, qui intra fines certarum

d) Vet. Acad. Handl. 1773.

e) Essay on Waters, Lond. 1756. Vol. III. in 8.

f) *Wattu-Riket*. Ad finem brevis comparet introductio ad aquas examinandas.

g) Rudimenta Hydrol. System. Fr. ad V. 1758 in 8.

h) Nouv. Hydrologie 1772. Ds. MONNET anno 1768 ediderat opus in hoc argumento egregium: *Traité sur les eaux minerales.*

rum regionum ſubſiſtentes, non omnes aquas notas pertractarunt.

Inuentis recentiorum ſingulis, quae ad aquas penitus examinandas viam ſternunt, recensendis immorari non iam permittit inſtituti ratio: haec etiam in libris recentioribus paſſim leguntur. An de cetero in hunc finem quidquam profuerint: aciditas aëris fixi eſſentialis demonſtrataⁱ⁾; calcis et magneticae mediante hocce ſubtili menſtruo in aqua ſolutio; examen fontium Vpſalienſium^{k)} et acidularum Danemarkenſium^{l)}, nec non analyſis et ſyntheſis aquae Seidſchützenſis, Selteranae, Spadanae et Pyrmontanae^{m)}, aequus et peritus rerum aeſtimator ipſe iudicet.

§. II.

Aquarum explorationes maxime ſunt neceſſariae.

Aqua per ſe ſpectata et ab omni liberata heterogeneo, quantum coniectura adſequi licet, eiſdem plane eſt indolis, dum vero varia lambit vel penetrat ſtrata, plus minusue, pro re nata, oneratur, partim mechanice irretitis ſubtiliſſimis puluiſculis, partim intimiore attractione ſeu vera ſolutione. Hinc nulla in ſuperficie telluris aqua reperitur omni-

i) In Trans. Phil. pro anno 1772 Celebris PRIESTLEY ita ſcripſit: Mr. BERGMAN of Upſal, who honoured me with a letter upon the ſubject, calls it the aerial acid, and among other experiments to prove it to be an acid, he ſays etc.

k) Diſputatio Vpſaliae 1770 ventilata.

l) Diſputatio Vpſaliae 1773 habita.

m) In Actis Acad. Stockh. 1773 et 1775.

omnino pura, quin etiam pluuiæ et nix, quamuis naturæ vi propria e subtilissimis ortæ vaporibus, longè perfectius, quam in vlllo Laboratorio, quasi destillatæ, purissimo licet modo, qui excogitari potest, collectæ, vario tamen modo inueniuntur contaminatæ, vt anni tempestates, climata, aliaue ferunt rerum momenta.

Particulæ heterogeneæ, quas aquæ circumuehant, diuersæ sunt et qualitatis et quantitatis, ideoque iam ad vsus nostros idoneæ reperiuntur; iam ineptæ, perniciosæ, immo interdum letiferæ; iam efficacissimæ ad plures tollendos, vel saltem mitigandos morbos. Aquæ salutares quæ vires omnino discrepant, pro copia et indole molecularum, quæ iisdem inhaerent. Illæ igitur, quæ, teste experientiâ, in certis casibus felici cum successu adhibentur, in aliis inertes vel noxiæ esse possunt. In paranda cereuisia, in pane pinsendo, in coquendis leguminibus, in lauandis et dealbandis linteis, in inficiendis quibuslibet materiis, in præparandis coriis, pellibus, papyris, inque aliis opificiis bene multis, tanti est momenti aquæ natura, vt nisi idonea eligatur, tota operatio fiat frustranea. Cibis conficiendis multum aquæ impenditur, et in potionibus nostris maiorem semper efficit partem, adeo vt si vnicuique adulto vnus tantum cantharus per singulos dies tribuitur, calculus in genere magis sane defectu, quam excessu laborabit.

Hinc tamen haud obscure elucet, quomodo exigua heterogeneorum perniciosorum dosis, quotidie con-

congesta, intra breue tempus lernam malorum parere queat

Ex allatis fatis constare arbitramur, pernecessaria esse aquarum examina, non tantum in dilucidationem Philosophiae naturalis, sed etiam in comoda et emolumenta, tam publica, quam priuata, nimirum vt

- 1) Purissimam ad internos vsus eligamus.
- 2) Vt noxiam et minus aptam euitemus.
- 3) Vt eas, quae in medicina vtilis sunt, rite diiudicemus. Dum experientia plurium annorum efficaciam fontis cuiusdam comprobat, et simul quid contineat aqua, notum est, multorum annorum tentamina anticipare licet, statimque de virtute aliarum iudicium ferre, quae contentis hanc vel alias, antea probe exploratas, exacte referunt.
- 4) Vt opificiis aptissimas eligamus.
- 5) Vt deficientibus bonis aquis impuras emendare possimus, et heterogenea, quae vsus desideratos maxime impediunt, separare.
- 6) Vt arte aquas eximia vtilitate commendabiles imitemur, si per naturam sufficiens earundem copia fatis commode haberi nequit.

§. III.

Exacta aquarum exploratio, inter difficiliora Chemicæ problemata, merito numeratur.

Quo minorem, quod quaeritur, totius partem efficit, eo difficilius idem, tamquam aliis magis inuo-

inuolutum et absconditum, inuenitur. Via ficca interdum $\frac{1}{12000}$, quin etiam infra non numquam elicitur, fed in aquis explorandis neceffarium faepe eft, vt $\frac{1}{50000}$, immo etiam $\frac{1}{100000}$ detegatur.

Vbi totum contentum exiguum eft, et pluribus praeterea materiis conflatum, difficilius peragitur feparatio. In aquis interdum fumma heterogeneousum vniuerfa, $\frac{1}{8000}$ tantum totius efficit, et compofita tamen deprehenditur fex, feptem vel octo diuerfis, fed commixtis et facile inter fe confundendis, ingredientibus, quorum fingula et qua indolem et qua quantitatem determinari debent.

Huc accedit, quod nonnulla contenta adeo fint subtilia, vt fensus nostros fugiant, aut adeo volatilia, vt clanculum auolent. Quaedam etiam principia inter explorandum decomponuntur, atque ideo peculiaribus artificiis funt inueftiganda.

Crederes paucorum granorum differentiam per cantharum non multum variare vim aquae fingularem, fed aliud plane experientia edocet.

Momenta iam adducta, illis etiam, qui Chemiae prorfus ignari funt, de fumma propositae quaestionis difficultate aliquatenus instruendis generatim fufficiunt. Haud mediocriter etiam in hac fcientia verfatis, propria opus eft exercitatione, vt in cafibus obuiis perfpicue fatis praefcripta exfequantur. Multum igitur abeft, vt puluere tantum gallarum et fyrupo violarum rem omnem heic confici poffe, iure exiftimetur.

Iam

Iam viam, quam nostro negotio extricando conuenientissimam inuenimus, sumus monstraturi, sed antea nosse iuuat, quatenus aquis frigidis inesse soleant materiae peregrinae.

§. IV.

Heterogenea aquis immixta.

Subtilissimae molecule *silicis*, *calcis*, *magnesiae* et *argillae* interdum mechanice aquae inueniuntur admixtae. Argillaceae claritati officiant, colorem parientes opalescentem, reliquae minus notabiles variationes efficiunt, cum subtilitas particularum et aqua ambiens pellucas easdem reddat. Haec, satis subtiliter diuisa, tandem adeo amplam respectu ponderis nanciscuntur superficiem, ut frictio, sub descensu vincenda, illam superet differentiam, vel saltem eidem aequiualeat, qua grauitas specifica molecule sollicitat, et quamdiu hae conditiones locum habent, quae semel irretita sunt, suspensa haerent.

Per solutionem autem variae tam inter se materiae, quam aquae, et multo quidem intimius adunantur, iam enumerandae. Cuilibet subiungam citationes, quae indicant loca, ubi in sequentibus de diagnosi et mensura agitur.

Aër purus in plerisque continetur aquis ad pollicem fere cubicum pro quouis cantharo, qui per coctionem et antliam pneumaticam expulsus, ex atmosphaera paulatim compensatur (§. VII, S; VIII, A, B).

Acidum aëreum in omnibus quoque reperitur, ſed diſpari plane quantitate, a centeſima voluminis parte ad aequale aquae ſpatium. Hoc, vna cum aëre ſupra nominato, ſub antlia pneumatica ſua dilatatione bullularum auget numerum. Salubrem, grate titillantem, refrigerantemque ſaporem conciliat (§. VI, *A, B, C*; VII, *A, F, K, S*; VIII, *A, B, C, D*).

Aër inflammabilis interdum ex aquis erumpit, non tamen in illis hoſpitatur, ſed e fundo enatat et ad ſuperficiem expanditur.

Alia Acida libera non niſi per accidens in aquis inueniuntur (§. VI, *C*; VII, *A, H*; VIII, *D*).

Alkali vegetabile raro adeſt et ſemper fere acceſſorium (§. VI, *C*; VII, *B, C*); interdum *vitriolatum* vel *ſalitum*, ſaepeius vero *nitratum* (§. XI, *B, 1, 2, 3*).

Alkali autem minerale occurrit ſaepe aut *aëratum*, aut *vitriolatum*, aut *ſalitum* (§. VII, *F*; XI, *B, 1, 2, 3*).

Alkali volatile nonnumquam, fortassis e vegetabilibus aut animalibus putrefactis mutuo acceptum, adeſt (§. VI, *B, C*; VII, *B, C*; VIII, *F*).

Terra ponderoſa interdum forte inuenitur acido ſalis vnita (§. VII, *F, L*; X, *D, 6*; XI, *B, 4*).

Calx ſaepe occurrit iam *aërata*, iam *vitriolata*, iam *nitrata* vel *ſalita* (§. VII, *G*; X, *D*; XI, *A, C*).

Magne-

Magnesia non adeo frequens est, sed non numquam tamen vel *aërata*, vel *vitriolata*, *nitrata* aut *salita* adest (§. X, D; XI, A, B, 4).

Argilla vitriolata siue alumen raro in aquis reperitur (§. VI, C; VII, N; X, D; XI, B, 4).

Inter metalla, praecipue in aquis detegitur *ferum*, idque vel *aëratum* (§. VI, F; VII, D, E; X, D, 4), vel *vitriolatum*, et non numquam forsitan *salitum* (§. XI, B, 5).

Magnesium huc vsque non est repertum, nisi *salitum*, quamquam et *aëratum* et *vitriolatum* inueniri poterit (§. VI, F; X, D, 4; XI, B, 5).

Cuprum tantum repertum fuit *vitriolatum*, (§. VI, A, F; XI, B, 5) et

Arsenicum rarissime, formaque calcis instructum (§. XI, B, 5).

Extractium e vegetabilibus vel animalibus, quibus aqua, strata penetrans, quae talia continent, interdum contaminatur. Hinc putredini obnoxiae sunt aquae, si eius iussa adest portio (§. VI, A; VII, P).

Hepatici quidquam etiam inuenitur, praesertim in aquis thermalibus, interdum quoque in martialibus frigidis, saepissime vero tam subtile, ut statim in aëre libero plane auolet et vix ullo alio modo prodatur, nisi odore (§. VI, B). Genuinum hepar raro adest, quamuis praesentiam mentiatur eiusdem vapor, sulphure constans, ope phlogisti et materiae

caloris in auram elasticam refoluto, quod luculenter demonstratur in Commentatione de Productis ignis subterranei. Quo modo denudandum sit sulphur, mox explicabitur (§. VII, F, T).

Pinguedinis bituminosae nulla certa in aqua indagare potui vestigia, sine alkalino subsidio vix immiscenda. Petroleum in aqua destillata quassatum sub quiete iterum enatat, non tamen inficiandum est, quod vel optime filtrata dein fortem eiusdem odorem retineat, sed Hydrargyrus nitratus nihil praecipitat (§. VII, P).

Singula haecce heterogenea numquam simul circumferuntur, sed pauciora aut plura aquis singularibus. Sic alia continent meteoricae, alia terrestres, alia denique marinae.

Nivales aliquantulum calcis salitae cum exiguis acidi nitri vestigiis in sinu fouent. Nuper liquefactae aëre eiusdemque acido prorsus sunt priuatae, quae materiae alioquin maiori vel minori quantitate in omnibus fere aquis adsunt. Num hinc nivales animalibus noxiae?

Pluviales iisdem plerumque materiis inquinantur, sed maiori dosi. Per se patet, has in atmosphaera suspensas absorbere, et sub casu quasi converrere, varia aliena, quibus abundat mare aëreum, ideoque numquam obtineri puras: statim post diutinas pluuias aut nives minima horum quantitate gravidatae reperiuntur.

Fontanae, vbi purissimae sunt, parum continent heterogenei. Alioquin in illis inueniri solent calx

calx aërata, calx falita, muria atque interdum paulum alkalini. Quae minerales vocantur, gypfum praeterea tenent, magnefiam aëratam et vitriolatam, vitriolum, ferrum aëratum, etc.

Fluuiatiles per motum ita faepe purificantur, vt calcis tantum aëratae, muriae et interdum alkalini quidpiam contineant. Hae fontanis leuiiores effe folent, eoque puriores, quo vehementius volvuntur et quo duriori fundo.

Puteales praeter maiorem quantitatem iam nominatorum, gypfum faepe et nitrum praebent.

Lacuftræ minus funt clarae, quam antea recensitae, atque etiam grauiiores, et fedimentum quoddam terreftre fponde deponunt; materias omnes antea nominatas tenere poffunt, et praeterea extractiuo plerumque inquinantur.

Paluftræ minorem habent motum, atque ideo funt minus clarae, grauiiores et extractiuo vberius contaminatae, vnde colorem plerumque magis vel minus ex fufco, flaufcentem oftendunt.

Marinae falem communem, magnefiam vitriolatam et falitam, gypfum et plurimum extractiuum continent, quod partim ex innumerabili animalium caeterua, quae in hoc abyffo degunt, moriuntur et refoluuntur, partim etiam ex eleuationibus terrae locis ibidem colligitur.

Vnde ortum trahant heterogenea immixta, diverfique caloris gradus, dedita opera inquiri in examinandis productis ignis fubterranei.

§. V.

Duplici via exploratur aqua, per reagentia aut per euaporationem.

Ad particulas aquarum heterogeneous cognoscendas, duabus potissimum viis peruenimus, Reactionibus vel Euaporatione. Reagentia vocantur materiae, quae additae statim, aut breuiori saltem tempore, colorem aut claritatem mutando, inquinamenta praesentia produnt. Haec respectu temporis valde sunt compendiosa, sed non semper accuratam praebent decisionem, praesertim vbi de quantitate quaestio est. Possunt tamen per pondera sedimentorum in hoc etiam negotio saepe haud exiguum praestare vsum, quod mox erit ostendendum, quamuis huc usque in eum finem non fuerint adhibita.

Altera methodus in eo consistit, quod per euaporationem et crystallisationem separetur contentum.

Vbi tempus suppetit et aquam accuratius explorare volumus, vtraque adhibenda est methodus, mutuam enim habent probandi vim, et reagentia euaporationis rite instituendae modum indicant.

Analysis tandem per synthefin confirmetur oportet, vt certius ferri possit iudicium. In hunc vsum adhiberi debet aqua niualis purissima, lente destillata et in aëre aperto empyreumate suo liberata. Huic debita quantitate vniantur heterogenea reperta, quo facto, aqua artificialis in quouis tentamine omnino vt naturalis se habere debet.

§. VI.

§. VI.

Qualitates physicae obseruandae.

Variae qualitates sensibus nostris mox perceptibiles, de indole aquae iudicandi ansam praebeant haud spernendam.

A) Visus plura discernit momenta.

Claritas, crystalli aemula, maximam indicat puritatem, obscuritas contra et color fuscus satis perspicue innuunt, heterogenea adeo crasse esse immixta, vt transitum lucis impedire queant. In fundo argilloso et limoso aqua numquam perfecte limpida, sed vbi arenam pertransit, plerumque est clarissima.

Color in bona aqua prorsus desideratur: sed inde non sequitur, quod omnis aqua coloris expers, eximia haberi debeat. Color *fuscus*, in rubedinem aut flavedinem vergens, in pigris et stagnantibus locum habet, iam a martiali, iam ab extractiuo, iam forsitan aliquando a pinguedine deriuandus. *Caeruleus*, vitriolum cupri; *viridis*, vitriolum ferri, prodit, et sic porro.

Si inter quassandum plurimae adscendunt bullulae aëreae, hae acidi aërei copiam indicant.

B) Odor bonis aquis nullus est. Quae acido aëreo abundant, subtilem et suffocantem spargunt halitum: quae hepatici quidquam continent, putrium ouorum et pulueris pyrii desflagentis odorem praebeant: stagnantes et corruptae putridum habent foetorem.

F 4 C) Quo

C) Quo perfectius *sapore* caret aqua, eo melior. Lingua tamen sensibilis et aquis adsueta, etiam inter purissimas discrimen obseruat. *Acescentia* leuiter titillans ab acido aëreo originem ducit. *Amaritudo*, salem Glauberi, nitrum, magnesiā vitriolatam, nitrata aut salitam, atque etiam calcem nitrata et salitam comitatur: leuis *austeritas* calci aut gypso, *adstringentia dulcis* alumini, *salsedo* sali communi, sapor *lixiuosus* alkali, *aeruginosus* cupro, *atramentosus* ferro competit.

D) *Gravitas Specifica* fundamentum subministrat aliquatenus aestimandi quantitatem heterogeneorum immixtorum, quae tamen non semper accurate sibi inuicem congruunt, quum mutua quaedam penetratio in nonnullis saltem casibus habeat locum.

Generatim tamen verum est, quod aquae leuiores grauioribus sint puriores. Bilanx hydrostatica et rite adornata araeometra huic negotio in primis sunt idonea, si vero desiderantur talia instrumenta, ponderatio ita peragi potest, vt aqua destillata aut niualis purissima cum aliis comparetur in lagena vitrea angusti colli, quae ad certum signum impletur et exacte ponderatur. Quo grandius vasculum vitreum, eo melius, spatium tamen vnus aut duorum quadrantum (quarter) sufficere soletⁿ⁾: maiores
res

n) Cantharus suecicus 8 habet quadrantes, quorum quilibet $12\frac{1}{2}$ pollices suec. decimales vel geometricos comprehendit.

res enim quantitates crassiora requirunt pondera, quae minus sunt adcurata.

Quocumque demum modo tentamina instituantur, aquae comparandae eodem gaudeant oportet caloris gradu, nam alias necessario fallunt.

E) Temperatura etiam est obseruanda Thermometro idoneo: vtrum per totum annum eadem sit in latice explorando, an vero atmosphaerae sequatur vicissitudines? Num per hiemem in glaciem concre scat? Num quidquam sub refrigeratione secernant aquae thermales? Num ea peracta foetor et sapor hebeant, vel penitus euanescant?

F) Momenta loci minime sunt negligenda. His accenseri debet situs, tam ratione Geographiae politicae, quam naturalis, solique ambientis eleuatio et indoles. Quantitas aquae etiam obseruari debet, vtrum constans sit omnibus anni partibus, an vero siccitatem et pluuiam manifeste respiciat? An stagnet, segnis vel velox currat? Quot per horam cantuari effluant? Quot venae erumpant? Cetera.

Num in alueo sedimentum deponatur salinum, terrestre, aeruginosum vel ochraceum? Num corpora immissa crusta obducantur? Num in vicinia salini quidquam efflorescat? Vel in ductibus et laquearibus sublimetur sulphur? Num tranquillae vel cum quadam ebullitione expromantur? Et quae sunt reliqua.

Ceterum obseruare iuuat, si vlla vegetabilia in ipso latice crescunt? Et quatenam? Si qua animalcula in illo degunt?

§. VII.

Reagentia praecipua.

A) *Tinctura Heliotropii* pigmento, quod vulgo Lakmus audit, obtinetur, linteo puro incluso et aquae destillatae immerso. Cito haec tota caerulefcit, ast, lumine illam transeunte considerata violaceum praebet tinctum. Si aqua sensim additur, rubedo inquinans debilitatur, tandemque omnis euanefcit, et talis minimam acidi liberi portiunculam detegere valet: hac enim mox rufescit. Acidi vitriolici concentratissimi vnicum granum tincturae plane caeruleae grana 172300, vel pollices cubicos geometricos 408, visibili imbuunt rubedine o).

Idem aut fere simile vas vitreum ad talia experimenta semper est adhibendum: differentia enim diametri non nihil adfert diuersitatis, vbi massam intuemur radiis lucis illam permeantibus. Illud, quo in hisce tentaminibus vtor, cylindricum est et diametro gaudet 17 linearum decimalium p).

Charta, saturata Heliotropii tinctura, quae paulum amyli per coctionem fuscipit, illita, in certis casibus expeditior est. Haec aquae destillatae, quae in quouis cantharo 12 acidi vitrioli concentratissimi grana continet, immersa et mox extracta rufescit, eademque aceto destillato rubens etiam alkali prodit,

o) Libra pharmaceutica Sueciae 12 constat vnciis, et harum quaelibet 480 granis.

p) Pes suecanus 10 habet pollices decimales et hi singuli 10 lineas.

dit, quum hinc plus minus caerulei coloris recuperet. Ipsa caerulea charta quodammodo alkali praesentiam reuelat, nam eo saturatius caerulescit. Aqua destillata, quae in cantharo salis sodae crystallisati grana 40 continet, chartae, aceto rubefactae, colorem caeruleum restituit, inmo longe minor eiusdem alkali quantitas rubedinem obscurat.

Tinctura tamen non prorsus carere possumus, utpote magis sensibili. Aqua, acido aëreo saturata, chartae colorem non variat, sed vna eiusdem pars tincturae circiter 50 dilucide rufat. Eodem fere modo se habet acidi vitrioli concentratissimi granum 1, aquae destillatae granis 3445 immixtum. Itaque, positis grauitatibus specificis aquae destillatae, acidi vitriolici concentratissimi et acidi aërei respectiue uti 1, 2 et $\frac{18}{10000}$, memoratorum acidorum vires, quodammodo comparare possumus, etenim, calculis subductis, eadem in aequali pondere reperiuntur uti 3445 : 555 : $6\frac{1}{2}$: 1, sed in aequali volumine uti 6890 : 1.

B) *Tinctura Fernambuci aquosa* rubra est, sed alkalinis facile caeruleum acquirit colorem. Charta, hac tinctura, amyli albi pauxillo in eadem per coctionem soluto, oblita, etiam rubet et reactionibus aeque est apta, vnde tinctura, quae molestiorem requirit apparatus, carere possumus. Granum 1 alkali sodae nuper crystallisati 4295 aquae granis solutum, vel quod eodem recidit, 10 grana in cantharo aquae destillatae, rubrum chartae colorem in caeruleum commutant, debilem quidem, sed
tamen

tamen haud difficulter discernendum, immo oculus adfuetus distinguit, si tantum 6 grana adsunt.

Acida chartam fernambucatam flavescere cogunt, et quae alkalinis antea caerulea facta erat, pristinam initio rubedinem recuperat.

C) *Tinctura curcumae aquosa* ab alkalinis magis vel minus in colorem badium mutatur. Charta per hanc, similiter ac praecedentes ope amyli colorata, eandem habet facultatem, vnde tincturam negligi posse constat. Vnicum salis sodae nuper crystallisati granum aquae destillatae 859 eam impertit potentiam, ut chartae flauum notabiliter obscuret, ideoque cantharus idem non prius efficit, quam 49 eiusdem alkali grana susceperit. Acida flauedinem reddunt pallidiorem. Alkali volatile chartis omnibus variationes infert cito euanescentes.

Singula haec tria reagentia, prodesse possunt: primum praecipue acidis, et duo posteriora alkalinis detegendis inseruiunt. Fateri quidem oportet, quod caeruleum Heliotropii rubefactum alkalina etiam prodat, adeo ut chartae curcumatae et fernambucatae superuacaneae videri possent, ast simul obseruare iuuat, harum posteriorem sensibilitate omnibus reagentibus palmam praeripere, immo etiam terras, ponderosam nempe, calcem et magnesiā, ope acidi aërei in aquis solutas, indicare, et quod ad priorem attinet, segnior quidem illa est, sed hoc ipso quodammodo quantitatem relative innuit, et praeterea, si aliquando ad candelae lumen colorum
muta-

mutationes eruere opus fit, in eadem, quae alkalinis prodeunt, melius distinguuntur.

Syrupo igitur *violarum* nullo modo indigemus, praefertim, quum 1) fere numquam genuinus obtineatur, saltim in Suecia. 2) Quum spontanea fermentatione cito rubescat, et 3) quum non tantum ab alkalinis, sed etiam a ferro virescat, quod conclusionem reddit ambiguam.

Regula ceteroquin generalis, quod caeruleum e regno vegetabili ab acidis rufescat, ab alkalinis autem virescat, duas patitur exceptiones, haftenus notas. Lakmus nempe alkali magis quam antea caerulescit, et Indicum soluitur acido vitriolico, saluo colore caeruleo. Succu diuersorum vegetabilium caerulei inaequaliter ab acidis et alkaliis adficiuntur, quod occasionem suppeditat exquirendi progressionem, qua semel nudata et completa, horum salium vires relativas dimetiri possumus. Acidum aëreum purum non nisi in tincturam heliotropii vim exferit, acetum destillatum syrupum violarum variat, sed non chartam, sacchari conis inuoluendis inseruientem, quae iterum ab acidis fortioribus rubet, et sic porro. Praeterea certum pondus acidi vitriolici aut alkali diuersis aquae purae quantitibus successiue admisceri deberet, et harum in succos varia efficacia adcurate notari, vt dein comparatione effectuum quantitates acidorum et alkalium ignotae quodammodo determinari possent. Sed labor hic vtilis longam requirit experimentorum seriem.

D) *Tinctura Gallarum*, spiritu vini e puluere gallarum ad saturitatem extracta. Vsurpari etiam potest

potest aquosa, sed haec situm facile contrahit. Hac ferrum solutum detegitur, quod tardius praecipitatur, parca purpureum et vbera nigrum. Aqua destillata, quae in cantharo grana 3 vitrioli martis crystallini continet, ab vnica huius tincturae gutta, purpurescit distincte intra 5 minuta. In 3 hisce vitrioli granis ferrum non nisi $\frac{1}{24}$ grani efficit.

E) Alkali, quod vocari solet *phlogisticatum*, optime praeparatur ex 4 partibus caerulei Berolinensis, quae cum vna parte alkali tartari in sufficiente aqua decoquuntur. Liquor clarus dein acido quodam satius percolatione liberandus est caerulei Berolinensis portiuncula, quae secernitur. Hic aptissimus est ad detegenda minima ex ferro inquinamenta. Aqua destillata, quae in cantharo vitrioli viridis 1, vel maxime 2 grana possidet, mox ab vnica huius lixiui guttula conspicuum exhibet caeruleum Berolinense. Alia quoque metalla praecipitat, cuprum rubro fuscum, magnesium album, et sic deinceps.

F) Acidum vitrioli concentratum aquae instillatum, spathum ponderosum mox deturbat, si quid inest terrae ponderosae, quod rarissime accidit (§. IV). Pluribus bullis emergentibus ostendit, vtrum portio quaedam notabilis salis alkalini, calcis aut magnesiaes adsit, acido aëreo soluta. In cantharo saltem 390 salis sodae nuper crystallisati grana contineri debent, vt efferuescentia fiat manifesta, quae tamen quantitas acido salis forti non mouetur. In eundem etiam finem alia vsurpari possunt acida mineralia; sed effectus tamen semper minus erit conspicuus, cum in tantam efficaciam concentrari nequeant, ac
vitrio.

vitriolicum. Est tamen perquam vtile *nitrosum concentratum* in detegendo sulphure aquae thermalis, hepatico foetentis odore. Hoc nempe acidum, phlogiston arripiendo, sulphur, eius ope materiae caloris adunatum, deturbat, quamvis consuetas explorandi methodos omnino eludat. Acidum nitri concentratum iusta instillatum dosi mox foetorem tollit, quod decompositionem certo indicat, sulphur tamen subtilissime diuisum lente subsidet.

G) *Acidum sacchari* calci, quocumque modo immixtae, reagens est inter huc vsque nota maxime sensibile. Vnicum calcis purae granum in aquae destillatae cantharo albas dat nubeculas et strias, si portiuncula acidi sacchari crystallini, capitulum aciculae exaequans, superficiei imponitur vel soluta instillatur.

Dum calx parcius est immixta et minima acidi crystallus ad fundum deiicitur, post breue temporis spatium puluisculus calcis saccharatae inuenitur circa locum, vbi crystallus fuit posita. Vix vlla aqua calce prorsus est libera, et purissimae, saltem intra 24 horas quidquam calcis deponunt saccharatae, quamvis interdum adeo parce, vt visum fugiat, nisi tubo vitreo lineae in fundo ducantur. Talis est aqua Varbyensis, optimis in Suecia aquis merito accensenda.

Sal acetosellae, et qui *microcosmicus* audit, etiam calcem deiiciunt, sed lentius et minus conspicuo, quam acidum sacchari, effectu.

H) *Al-*

H) Alkali fixum aëratum omnes terras et metalla soluta praecipitat. Si praecipitandum acido aëreo facile soluitur, alkali causticum magis conspicuam plerumque efficit separationem, non tamen semper, quia terra ponderosa inde non deturbatur. Si forte inest acidum minerale liberum, quaevis alkali aëрати particula immissa bullulas emittit.

I) Alkali volatile aëratum omnes praecipitat terras et metalla; sed causticum in calcem et terram ponderosam nihil valet. Aqua destillata, quae in cantharo 98 vitrioli cupri granis est grauidata, vix caerulescit: si tantum $6\frac{1}{2}$ grana in eadem adsunt quantitate, cuprum in ferro polito distincte praecipitatur, sed guttae nonnullae alkali volatilis soluti non nisi nebulam aegre visibilem prouocant, quae tamen vberiore vitriolo ex cinereo caerulea mox prodit, et agitatione probe diffusa, aquae debilem turbidumque impertit tinctum. Cuprum omne deiectum, si alkali volatile abundat, iterum soluitur cum colore cyaneo pulcherrimo, nam tantum huius metalli, quantum continent 4 vitrioli caerulei grana, toti cantharo visibilem infert tinctum, si sufficiente alkali volatili primum praecipitatur, et dein soluitur.

K) Aqua calcis illi instillata, quae acidi aërei quidquam continet, statim turbida euadit, quum ea calcis portio solubilitatem amittat, quae subtili isto acido saturatur.

L) Terra ponderosa salita ad minima acidi vitrioli vestigia, cuicumque menstruo vnita vel immixta

mixta fuerint, detegenda plurimum valet. Hoc enim acidum terram ponderofam omnibus aliis eripit, fpathum generans ponderofum, cuius fere nihil fufcipere potest aqua. Aquadeftillata, quae in cantharo 12 grana falis Glauberi nuper cryftallifati foluta tenet, ab vna alteraue guttula folutionis terrae ponderofae falitae mox ftrias monftrat albas: fi 3 dicti falis grana adfunt, poft pauca minuta ad fundum nubeculam contrahit, quod etiam accidit, dum 1 tantum in cantharo granum continetur, fed vt vifibilis fiat, duarum vel trium horarum mora opus eft. Hinc, vt eo melius diiudicari queat, quam fit magna huius reagentis fenfibilitas, memorare iuuat, grana 12, 3 et 1 falis Glauberi non nifi 3, $\frac{78}{100}$ et $\frac{26}{100}$ grani refpectiue continere acidi vitriolici, ideoque ipfum Heliotropium hoc refpectu virtute fuperat.

M) *Calx falita* aptum haberi folet medium alkali fixum detegendi, quia calx aërata feperatur et fundum petit: fed hoc experimentum eft ambiguum. Si enim magnesia adefit vitriolata, duplex etiam fit decompositio et gypfum oritur.

N) *Aluminis* folutio non nunquam adhiberi folet, aft parum prodeft, quum alkali tam fixo, quam volatili, nec non calce aërata, falita vel nitrata decomponatur. Si aluminis fruftulum inftar parui pifi aquae explorandae immittitur, poft horae quadrantem ad fundum confpicitur ftatum fpongiofum horizontaliter fufpenfum. Sed, vti dudum monitum eft, cauffa perquam eft ambigua, nifi aliunde cognita.

Aluminis grana 7, aquae cantharo soluta, vnica alkali siue aëratī, siue caustici soluti guttula, visibilem statim exhibent secretionem argillaceam.

O) *Argentum nitratum* aqua destillata solutum, praestantissimam pandit viam detegendi minima acidi salis vestigia; haec enim siue libera, siue cuilibet alii vnita basi, argentum statim arripiunt, salem metallicum procreantia difficillime solubilem, qui ideo forma mucilaginis albae secernitur. Granum salis communis vnicum, in aquae destillatae cantharo solutum, prima solutionis lunae gutta strias exhibet albas, quales tamen desiderantur, si tantum salis granum dimidium continet eadem aquae quantitas. In vno autem muriae grano acidum circiter dimidium efficit. Acido vitriolico longe tardius mouetur eadem solutio, etenim nisi 98 salis Glauberi grana (quae $25\frac{1}{2}$ acidi sicci in sinu fouent) in cantharo adfint, nulla mox oritur congruatio visibilis. Quin argenti saliti $\frac{1}{4}$ sit acidum, pondere huius sedimenti, ex aqua perfecte ope solutionis argenti praecipitati, acidi muriatici copiam eruere licet. In vitriolo argenti vix maior est acidi quantitas.

Si hepatici quidquam adest, argentum, quod salitum decidit, plus minus fufcescit. Praeterea obseruetur oportet, quod solutionis argenti vnica gutta visibilem praebeat praecipitationem in aqua, omni destituta acido et salis et vitrioli, si haec tantum 12 salis sodae nuper crystallisati grana pro cantharo continet. Calx et magnesia, acido aëreo vnitae, similiter argentum deturbant, sed quantitates non dum exacte determinare licuit.

P) Hy-

P) *Hydrargyrus nitratus* magna circumfpectione eft adhibendus; nam diuerfam habet indolem pro diuerfis folutionis momentis. Si enim haec in frigore peragitur, parum admodum phlogifti perit, fal facile cryftallifatur albus, vix acris. Praecipitatur hic ab alkali vegetabili cauftico, albo flauescens; ab eodem plene aërato, albus; a fale fodae flauus, fed cito albescens; ab alkali volatili nigro grifeus; a fale Glauberi et acido vitrioli libero albus, granofus et parce, nec nifi poft horulae fpatium confpicitur, fi praecipitans parua fuerit quantitate. Ab acido marino, muria et aliis falibus, qui eundem continent acorem, albus, vbertim et ad fimilitudinem cafei. Solutio hydrargyri frigide facta acidum falis mox prodit, quamuis non nifi dimidium falis communis granum in cantharo aquae deftillatae adfit, acidum vero vitrioli tardius detegit, nam in aquae cantharo 4 circiter falis Glauberi grana requiruntur, hoc eft I acidi, antequam eadem celeritate vifibilis procreatur praecipitatio.

Absente acido tam falis, quam vitrioli, hydrargyrum deiciunt alkalia, itemque calx et magnesia, acidi aërei ope folutae. Vnica gutta folutionis hydrargyri vifibiles contrahit nubes, quamuis non nifi 6 grana falis fodae, nuper cryftallifati, aquae cantharo inhaereant.

Solutio fuperfluo acido et coctione diutina facta, phlogifto magis fpoliatur, quod ex vaporibus rubris apparet. Haec tardius cryftallifatur, acrem valde faporem praebet, praecipitatur ab alkali vegetabili fufco flaua, fed fenfim dilutius flauescit, atque, fi

alkali plene fuerit aëratum, ſedimentum quidem ab initio euadit fuſco flauum, ſed poſt aliquam moram flauo albens; a ſale ſodae fuſco luteus puluis deiicitur, ſed poſtea albefeens; ab alkali volatili albus; ab acido vitrioli libero aut baſi cuidam adſtricto, flavus, ſed praecipitatum ſtatim albefeit, ſi pauxillum acidi ſalis adfunditur; a minimo acido marino, libero vel ligato, albus oritur et copioſiſſimae inſtar mucilaginis. Praecipitatum nigreſcens vel hepatici quidquam, vel hydrargyrum fere metallicum indicat.

Mucilaginoſum etiam ab hydrargyro nitrato praecipitatur. Aqua deſtillata, quae in cantharo 3 gummi ceraſorum grana ſoluta continet, ab hydrargyro nitrato ſtrias nubeculasque albas mox contrahit.

Q) *Mercurius ſublimatus corroſiuus* in explo-
randis aquis etiam adhiberi ſolet, praefertim vt alkali prodat aëratum. Si in aquae deſtillatae cantharo 280 grana ſalis ſodae nuper cryſtallifati adſunt, vnica gutta ſolutionis, Mercurio ſublimato ſaturatae, mox puluerem praebet ruſeſcentem. Micula ipſius Mercurii ſublimati aquae immiſſa melius, quam ſolutionis gutta, alkali prodit. Cur heic praecipitatum ruſeſcat alibi dilucide explicatum eſt^q).

Ceterum et calx, et magnesia, aëratae, mediante duplici adſinitate hydrargyri calcem deiiciunt, ſed lente.

R) *Plumbum acetatum* in puluerem album ab acido ſalis, tam libero, quam ligato, praecipitatur, et

q) Com. de acido aëreo §. XXI.

et haec combinatio aceto foluitur, fed non fatis aptum eft reagens, quia plumbum falitum etiam multa foluitur aqua. Acidum vitriolicum melius detegit, nam praecipitatum feu vitriolum plumbi, quod formam habet granorum fubtilium, in aqua aegerime foluitur, immo ne quidem ab aceto. Aqua deftillata, quae in cantharo 118 falis communis grana fouet, plumbi acetati micula fuperficie ei impofita, ftrias quidem monftrat, fed parum lactefcentes; aucta falis communis quantitate luculentius comparent. Salis Glauberi idem prope pondus requiritur (115 grana), vt plumbi vitriolum vifibile fecernatur, vnde plumbo acetato vtrumque acidum praeter propter aequaliter indicari videtur, fed obferuetur oportet, in 118 falis communis granis acidum 60 circiter efficere, in 115 vero falis Glauberi non nifi $29\frac{1}{2}$. Quum acidum vitrioli efficiat in centenariio vitrioli plumbi fere 28, quodammodo iudicari potefl de quantitate huius acidi ex pondere vitrioli, fi aqua perfecte a plumbo acetato praecipitatur. Dum vero fimul, vti fere femper, adefl acidum muriaticum, conclusio fit vaga, nam plumbum falitum multo eft folubilius.

Plumbum acetatum aetate fponfe fuum acidum mittere videtur, nam pars aquae immiffa in fundo remanet infolubilis.

Sedimentum fufcum vel nigrum, fulphur folutum adefle indicat. Alkalia, calx et magnesia, mediante acido aëreo folutae, plumbum etiam deiciunt, quamuis nec falis, nec vitrioli adfit acidum. Vnica folutionis plumbi gutta ftrias exhibet albas, fi

tantum aqua 6 continet grana salis sodae nuper crystallifati.

S) *Vitriolum martis* nonnullis etiam in casibus vsum pollicetur. Si huius salis crystallus immittitur vitro vnus vnciae, aqua destillata repleto, quod statim bene clauditur et in frigido collocatur loco, soluitur vitriolum sine ochra delapsa, nisi menstruum resorbuerit aërem purum, qui phlogiston fortissime attrahit, ideoque huius portionein basi vitrioli eripit, sed haec calcinata iam plus, quam antea, requirit acidi, vt suspensa haereat, quod si non additur, ferrum sub ochrae facie necessario decedit. Idem luculenter patet, vbi ope alkali praecipitatur: nam sedimentum ab initio viridescens, in vasculo pleno et perfecte clauso suum conseruat colorem, si aqua aëre est privata; in aperto autem cito cum ferrugineo commutatur, quia aër externus in illud agit, si vel nullus antea aquae inesset. Dum nihil aqua fovet, quod vitriolum deturbare valet, guttulae nonnullae lixiuii alkalini immitti possunt, antequam clauditur vitrum. Si vero aër intus est, nullo opus est praecipitante, quum basis vitrioli cito dephlogisticetur, et hoc facto, vt dudum monui, non eadem, quae antea, acidi quantitas illi soluendae sufficiat, adeoque semper quidpiam ochrae secernatur. Si maior quaedam acidi aërei quantitas simul aquae inest, ochra albescit. Ochrae copia quantitati aëris praesentis determinandae quodammodo inseruit.

Ceterum notare iuuat, quod non tantum alkalia, sed etiam calx et magnesia, tam acido aëreo, quam muriatico et nitroso nuptae, vitriolum ferri decom-

po-

ponant, quamvis non semper sedimentum oriatur, acidum enim salis ferrum, licet phlogisto valde pauperatum, suspensum tenet.

T) *Arsenicum album* aquae tantum inferuit, quae genuinum quidem hepar non continet, sed eiusdem tamen vapore plus minus est imbuta (X). Si tali arsenici albi exiguum granum immittitur, hoc pedetentim flavescit ex attracto sulphure, eoque in auripigmentum mutatur.

V) *Sapo* non omnibus soluitur aquis, et ratio latet vel in acido libero, vel maiori salis medii copia, basi terrestri aut metallica dotati. In utroque casu fit decompositio: acidum cum alkali saponis combinatur et oleum liberatur. Tales aquae durae vocari solent, atque ad vestes abluendas, nec non ad pisa, fabas, legumina et carnes duriores coquendas, sunt minus aptae.

Aqua destillata vix sui ponderis $\frac{1}{10}$ fuscipit, idque imperfecte, nam opalescit et aliquo tempore praeterlapso, quod suspensum erat, decidit instar mucilaginis. Spiritus vini melius operatur, quippe qui ultra $\frac{1}{3}$ soluit et dein sine turbatione patitur admixtam aquam destillatam, minime vero duram. Si tantummodo in cantharo 8 adsunt grana aluminis, magnesia salitae, calcis salitae, vnica huius gutta turbat solutionem alcohole factam, et dein aquae destillatae aequali volumine dilutam.

X) *Hepar sulphuris* memoratis addunt nonnulli, quum tenerrimo acido, immo etiam purissimo aëreo, decomponatur, sed illo, aequè ac calce sa-

lita, alumine, mercurio sublimato corrosiuo, hydrargyro nitrato, saltim calide praeparato, et plumbo acetato, in aquis explorandis facile carere possumus. Idem valet de lacte. Si hepati paululum acidivitriolici additur, mox aura elastica generatur, qua similiter ac acido aëreo imbuti potest aqua, dein hepaticum spirans foetorem (§. VIII, E).

R) *Alcohol vini* sufficienti quantitate omnes praecipitat sales, qui in aqua hospitantur et spiritu vini solui nequeunt. Tales sunt singuli, acido vitriolico compositi, qui autem muriatico aut nitroso constant, plerique soluuntur, quamvis inaequalem possant copiam^r). Heic memorasse iuvat, quod meis experimentis congruenter, alcohol vini, in calore + 15 graduum, suscipiat sui ponderis ex magnesia nitrata exsiccata $\frac{1}{10}$, ex magnesia salita exsiccata $\frac{1}{7}$, ex calce nitrata exsiccata $\frac{1}{7}$ et ex calce salita $\frac{1}{8}$.

Praeter reagentia modo considerata longe plura passim adhiberi solent, quae iam sicco, ut aiunt, pede praetereunda existimamus, quum nihil aliud indicent, quam quod dudum in scenam productis proditur, nec melius. Et ne quidem tota cohorte scrupulosius examinata necessario indigemus. Dum res permittunt circumstantes, superflua, si placet, non nocent, quum vnum alterum firmet, sed plerumque pauca, rite selecta, scopo sufficiunt. Pro acidis liberis non opus est nisi tinctura et charta heliotropii,
ligata

r) Vid. III. MACQUERI experimenta in Comm. Taurinensibus.

ligata autem argento nitrato et terra ponderosa salita haud difficulter deteguntur. Alkalia libera chartis fernambucatis et curcumatis innotescunt, at nupta acidis alcohole vini in conspectum prouocantur. Terrae calcareae aëratae sacchari acido deturbantur, et quod, ea perfecte separata, ope alkali aëрати deici potest, magnesia est, vel argilla, quarum prior aceto destillato cum efferuescentia soluitur, posterior vero sine motu et tarde suscipitur. Metalla alkali phlogificato egregie nudantur, sed praeter ferrum rarius horum vllum inest, ideoque Gallarum tinctura plerumque sufficit. Si aliquando adest terra ponderosa acido vitrioli haec inuestigatur. Hepar salinum vel terrestre rarissime aquis frigidis naturalibus circumfertur, facile quolibet acido mox decomponendum: sulphure separato, claritatem turbante, redit pelluciditas. Plerumque non nisi vapor hepaticus aqua continetur, qui odore licet hepar referat, non tamen aliis acidis instillatis statim decomponitur, quam illis, quae etsi diluta, phlogiston auide appetunt et valide arripere possunt, quale est acidum nitri. Praeterea aër quoque purus ad Aquisgranum, sed extra aquam, sulphur ex hoc vapore extorquet, quod heic nullo ligatur vinculo alkalino (§. VIII, E).

Tandem addo, quod reagentia non tantum aquis, nuperrime e fonte haustis, sint immiscenda, sed etiam in exiguum spatium euaporatione redactis. Si heterogeneorum tantummodo qualitates indagare proposuimus, vnus vel duo aquae pollices cubici et cuiuslibet reagentis vna paucaeue sufficiunt guttae,

fed fi simul fedimentorum pondera defideramus, maioribus menfuratisque opus effe per fe patet. In poculis vitreis claris haec inftituantur oportet experimenta.

§. VIII.

Quomodo colligenda heterogenea volatilia.

Materiae elafticae aërem referentes, quae maiori vel minori quantitate in aquis reperiuntur, magnam in illis examinandis curam facefferunt, et ad noſtra vsque tempora methodus easdem exacte colligendi ignota fuit. Praeterea media, initio adhibita, vt quaffatio in vafe vitreo, cuius collo vefica vacua eft alligata, vel coctio cum deductione ad ampullam vitream inuerſam et aqua replētam, manca fuere et imperfecta. Prior namque vix totum extorquet contentum, et poſterior haud exiguam partem iterum recondit, quae ſub tranſitu per aquam abſorbetur.

Sequenti vero ratione aura, ſpiritus mineralis nomine vulgo nota, omni adcuratione ſecerni et colligi poteſt.

A) Quo ditior aqua fuerit materiae aëriformis, eo minor quantitas requiritur examini ſubiicienda. Earum, quae illa abundant, non niſi dimidio quadrante opus eſt, et pauperrimarum octuplum ſufficere poteſt. Ad hunc uſum retorta adhibetur vitrea, anguſto et longo inſtructa collo, quae extremo ſuo paululum curuatur ſuſſum ABC (Tab. II. fig. 2). Magnitudo ita eligenda eſt, vt aqua exploranda ebulliens per collum effluere nequeat, non tamen iuſto inaius relin-

relinquatur ſpatium, ne in apparatu nimium aëris vulgaris ſupra aquam includatur.

Immiſſa quantitate, cuius volatilis aura quaeritur, vas retortum ita collocetur, vt igni poſſit exponi, ſed antequam hic accendatur, lagena vitrea DE, Hydrargyro repleta, ſuper extremitate colli ſurſum curuata ita inuertatur et ſuſtentetur in idoneo vaſculo, hydrargyri pleno FG, vt orificium lagenae paulum haereat infra ſuperficiem metalli fluidi. Inuerſio expeditam et hiſce operationibus exercitam requirit manum, ne hydrargyri quidquam effundatur, vel quod eodem redit, quidquam aëris intromittatur. Magnitudo lagenae tanta eſſe debet, vt, omne fluidum elatiſticum expellendum, et quidquid aëris vulgaris in retortae collo ſupra aquam hoſpitatur, illa contineri poſſit, adeoque capacitas paullo maior eſſe debet voluminibus aëris, in collo occluſi, et aquae explorandae ſimul ſumtis, hoc eſt, totius retortae, ſi aqua eſt ſaturata, ſi vero fuerit vulgaris, multo minor ſufficit.

Omniſus rite diſpoſitis, ignis eſt admouendus, qui ad plenam uſque ebullitionem aquae continuari debet. Calor penetrans bullarum prouocat copiam, quae aeſtu increſcente augetur, hydrargyrum tranſit et in ſuperiore lagenae parte colligitur. Coctio aliquot minutorum per ſe quidem non ſufficit ad omne fluidum elatiſticum expellendum, ſed quod ſupereſt, exigua admodum eſt portio paruique momenti.

Hiſce peractis notetur quouſque attingat ſuperficies hydrargyri in lagena inuerſa, vt dein extensionem

tionem cubicam, apparenter vacuum, demetiri liceat. Si lagena cylindrica, huic operationi adaptata, et in notas capacitatis partes diuifa, adhibetur, mox fola obferuatione innotefcit fluidi volumen, e quo fubtrahenda eft moles aëris in collo hofpitantis, vt habeatur quaefitum. In eundem finem, fi apparatus defcriptus defideratur, adhiberi poteft ampulla florentina, vel alia iuftae capacitatis, cuius collo vefica bene compreffa alligatur, quae dein fluidum elasticum mediante ebullitione extricatum recipit. Sed conclusio minus erit adcurata.

Sub refrigeratione extremum colli retortae hydrargyro eximendum eft, alias hoc fluidum metallum retortam fenfim implet, nam quod fupra aquam vacuum apparet, vapore tantum aqueo eft impletum, qui frigore in aquam iterum redigitur.

B) Collectum fluidum elasticum partim aëre puro, partim acido aëreo conftare folet. Vt hoc pateat, et vtriusque, fi ambo adfunt, quantitas determinetur, alterutrum feperari debet, quod hoc modo efficitur. Quaffetur nempe fluidum aërifforme in aqua calcis, quae lagenam inuerfam intrat, fi haec probe claufa, ex hydrargyro in vafculum aquae calcis plenum prudenter traducta, iterum aperitur. Hoc medio abforbetur acidum aëreum, et folus, fi ineft, aër purus remanet, cuius volumen a toto fubtractum, quantitatem acidi aërei oftendit.

C) *Acidum aëreum genuinus eft veterum fpiritus mineralis*, quod analyfi iam propofita euidentiffime

tiffime demonftrari poteft, nam omnes aquae huius virtute celebres, illius multum, immo interdum aequale expromunt volumen, fingulas poffidens huius subtilis acidi proprietates, et, quod thefin extra omnem dubitationis aleam ponit, eo vel in aperto vafe lente diffipato, vel celeriter ope ignis fugato, aqua gratam titillantemque aciditatem amittit, quam iterum plene recuperat, reftituta iactura. Adeo igitur perfecte confentiunt analyfis et fynthesis, vt, qui vinqum has operationes debita cum attentione inftituit, non poffit non veritatem clare perfpicere. Quo modo naturales aquas aëratas imitari poffumus, alibi fufius indicaui^s).

Fieri quidem poteft, vt acido aëreo aliquando acidum vitrioli phlogifticatum (vulgo acidum fulphuris volatile dictum) fit admixtum: fed rariffime hoc fine dubio euenit. Hoc faltem certus adfeuerare non haefito, quod aqua Pyrmontana, Spadana, Selterana, aliaeque, quarum penetrans et volatilis efficacia, libero acido vitrioli phlogifticato tribui folet, ne minimum quidem eius atomum in finu foueant. Hae memoratae aquae, analyfi inftituta, continere inueniuntur et calcem, et magnefiam aëratam, immo tertia etiam alkali minerale aëratum, quod cum libero acido vitriolico, ne quaquam confiftere poteft. Hoc enim quantumvis phogifticatum, fortiori tamen vi calcem, magnefiam et alkali, quam acidum aëreum attrahit, atque ideo non poteft non expellere debiliorem hofpitem, ipfius occu-
pans

*) Conf. Commentatio in hoc volumine fexta.

pans locum, hoc est, suam amittens libertatem, itaque sine aperta contradictione acidum vitrioli phlogisticatum praesens statui nequit, quamdiu alkalinae materiae aëratae in eodem latice degunt. Regeritur quidem, in sinu terrae hanc decompositionem non fieri posse, et, quin hoc interdum verum sit, dubio caret ^{t)}, sed hoc certe non valet de Pyrmontana, de qua tamen in specie adleritur, nam in lucem prodiens mox alcohole vini adfuso magnesiā suam et calcem vitriolatas perfectasque secernit. Acidum vitrioli phlogisticatum cum aëreo confundere potest nemo, nisi qui hoc posterius nec vidit, nec examinavit. Odor enim prioris est pungens, penetrantissimus, posterioris vix sensibilis; sapor prioris acris nauseosus, posterioris mitissimus gratus; prius quā formam, in liquorem cogi potest, posterius vaporosum manet; prius fortius ab omni basi posterius expellit, longeque diuersissimos cum quolibet efficit sales compositos ^{u)}; paucis: illis vix quidquam est commune, praeter generales acidorum proprietates. Si vera esset eorum adfertio, qui vtrumque confundunt, prius quoque syrupi violarum colorem in viridem mutaret, quod numquam praestat posterius, sed mihi semper acidum vitrioli phlogisticatum, nisi marte inquinatum, distincte memoratum syrupum rufat.

D) Aquae acido aëreo abundantes, pungentem, sed gratum habent saporem acescentem, vt antea dictum

t) De acido aëreo, pag. 7.

u) Conf. Disq. de Attractionibus electivis.

Etum est, vnde procul dubio ab antiquissimis retro temporibus dictae sunt *acidulae*. Veram hanc esse denominationem, nostra aetate a plerisque negatur, quoniam tales aquae cum acidis, non vero cum alkalinis, efferuescunt, et praeterea syrupi violarum colorem in viridem mutant, quae signa alkali liberum inesse certo indicare creduntur. Sed obseruandum heic est: 1) efferuescentiam numquam adcurate loquendo denotare alkali liberum, sed adunatum acido aëreo, quod alio fortiori accedente acido, separatur, elasticitatem recuperans, ideoque sub forma bullularum in fluido grauiore enatat. Alkali perfecte causticum ne minimam quidem spumescentiam in acidis prodit. 2) Talis efferuescentia etiam oritur, vbi calx aut magnesia aëratae acidum attingunt, atque hic est casus in aqua Pyrmontana, quae omnino nihil continet salis alkalini aërat. Aqua tamen Spadana huius aliquantulum in sinu fouet et Selterana maiorem copiam. 3) Materiae alkalinae tam salinae, quam terrestres, acido licet aëreo saturatae, tamen vt alkalia reagunt, certam enim vim exerunt in varia corpora, quae acido aëreo debilissimo non mutantur. Haec vero efficacia per acidum quidem aëreum minuitur: sed non prorsus tolli potest quantitate, saturationi tam salis, quam aquae soluentis, necessaria. 4) Acidum aëreum cum alkalinis efferuescere non potest; ipsa enim huius acidum expulsio per aliud fortius, non autem eiusdem combinatio cum alkalino, talem prouocat motum et spumam. Sic per additam portiunculam salis alkalini, praesertim caustici, aqua Pyrmontana, aut Selterana, maxime aërata, statim languescit
et

et fatuum acquirit saporem, idque sine vlllo motu visibili.

5) Viridescencia fyrupi violarum fallax plane est signum (§. VII, C), nam aqua destillata, in qua paululum vitrioli martis soluitur, vim statim obtinet hunc syrupum reddendi viridem.

Cum igitur in acidulis alkalinum non tantum sit acido aëreo saturatum, sed etiam aqua praeterea idem copiose contineat, quia heliotropium inde rubescit, pro alkalinis immerito venditantur. Est hoc acidum abundans adeo debile, vt omnes alkalinas facultates ligare nequeat: est etiam volatile, sed nec debilitas, nec fugacitas essentialem eiusdem indolem tollunt.

E) Ex aquis thermalibus sulphuratis in lagena ED colligitur *vapor hepaticus*, cuius praesentia proprio foetore facile dignoscitur. Hic non numquam adest simul cum acido aëreo libero, et extra aquam ab aëre puro decomponitur, quod non potest mirum videri, quum acidum nitri concentratum idem in aqua valeat. Res eo redit, quod hepaticum vaporosam formam facile tueatur, vnde amplissimus oritur contactus siccus, mediante quo aer purus arripit phlogiston, in vapore hepatico sulphur cum materia caloris nectens, et hoc demto vinculo sub consueta forma sulphur prodit. En ortum sublimati sulphuris ad Aquisgranum. Hinc quoque intelligitur, quod vapor hepaticus immisso alio medio, phlogiston arripiente, cito destruaturs sulphur deponens. Vaporis hepatici antea memoravi partes consti.

conſtituentes, ſed quum alio loco illum dedita opera examinauerim ^{x)}, analyticiam demonſtrationem heic omittendam eſſe exiſtimo.

F) Sales volatiles, magis vt ita dicam corporei, ſi quando adfuerint, per deſtillationem in vas recipiens propelli, aut rariffime collo retortae adreſcere reperiuntur, quum aquei vapores illos ſecum rapiant. Huc proprie ſpectant alkali volatile et ſales ammoniaci, reagentibus antea deſcriptis (§. VII), haud difficulter eruendi. Interdum tamen aqua transiens etiam acidi quidpiam continet, quod facta exploratione variae indolis inuenitur. Scilicet nitroſum occurrit, dum calx aut magnesia nitratae aquae inhaerent, quippe quarum principia proxima adeo laxè cohaerent, vt ebullitione paulum diuturniore ſeparentur: muriaticum autem non niſi e magnesia ſalita hoc caloris gradu diuelli poteſt: vitriolicum quoque phlogiſſicatum obtineri poteſt, ſi liberum adest. Quantitates ſalium decompoſitorum innotescunt, acida liberata ſaturando baſi, eiſdem ac derelicta indolis. Noui connubii pondus, quantum igne fuerit reſeratum, indicat.

§. IX.

Quomodo colligenda ſunt heterogenea fixa.

Dum vaporat aqua, intra arctiores heterogenea fixa continue redigantur limites, adeo vt tandem omnibus retinendis fiat impar. Hinc ſenſim ſeparantur

x) De productis ignis ſubterranei §. XII.

rantur primum difficiliora folutu, et dein illa, quae minus aquae requirunt. Quomodo haec institui debeat operatio, iam explanatius est describendum.

A) Vafa latiora effe debent, quum in ratione superficierum vaporent liquida: fictilia, eius compositionis, vt huic operationi tuto inferuire queant: fatis compacta, vt nihil falini abforbeant: fuperficie denfa et glabra, minime defquamanda, vt facile pura feparari et abradi poffint, quae fub euaporatione adhaerefcunt. Ferrum et cuprum corrodon- tur, ideoque huic fini generatim omnino funt inepta. Nec conuenit ftannum. Argentum autem nimis carum eft, et non nullis in cafibus minus tutum, maxime fi quidpiam acidi nitrofi fuerit laxatum. Vafa ex ollari confecta lapide non vno nomine funt commendanda, fed partim minus planam habent fuperficiem, ideoque inaequalitatibus et foueolis re- fidui quidpiam facile abfccondunt, partim molliora funt, quam vt fine periculo abradi poffint pertinacius adhaerentia. Vitrea optima forent, modo operatio in his fine ruptura femper peragi poffet. Parua fatifque tenuia vafa vitrea intenko et aperto igni, prudenter gubernato, fine metu exponi poffunt, fed quae magnae deftinantur moli, huic fufientandae iuftam requirunt craffitiem, qua, fubitaneis incalfcentiae refrigerationisque variationibus inepta, facillime franguntur. Magnitudo difcrepat pro di- verfis tentamini neceffariis quantitativibus.

B) Quantitas aquae determinatur generatim ex copia contentorum. Dum heterogenea abundanter vnus fufficit cantharus, fed vbi parce adfunt, fex octo.

octo, aut plures requiruntur. Si desiderantur vasa tantae capacitatis, vt totam simul quantitatem ferre nequeant, saepius adfundere cogimur, prout per euaporationem locus paratur. Magna tamen circumspeditione hoc fieri debet, ne aqua frigida vas calidum diffringatur.

C) *Euaporatio* modica praestat, per ebullitionem enim nimis vehementem quidquam dispergitur, immo non numquam decomponitur. Operculo opus est ad puluerem carbonaceum fauillamque cohibendam, sed quod tamen per aperturam, aliquot pollicum diametri, vapores emittat. Haec vero ab initio claudenda est, donec erumpens fumus eo usque fuerit condensatus, vt puluisculum impediat.

D) Pro variis contentis, diuersa heic comparent *phaenomena*. Si calx aërata et ferrum aëratum adsunt, statim per intensiorem calorem, + 80 vel 90 graduum, spoliantur illa acidi aërei copia, qua erant solubilia. Formant igitur in superficie, vbi menstruum primum deficit, cuticulam, quae, per motum fracta, fundum petit, quam primum massa quieta euadit. Ratio est, quod calx et ferrum, vbi acido tantum aëreo saturantur, aquam respuant, sed abundante in aqua acido hocce subtili, suscipi possunt. Hac abundantia leuiter illis adhaeret, atque ideo sub euaporatione auolat; quod etiam sponte accidit, quamuis lentius, vbi aqua in aperto vase per aliquot dies seruatur.

Membranula modo memorata obtinetur cohaerens, et variis iridis coloribus pro diuerso situ distincta,

stincta, si ferrum illam efficit. Creditum fuit, hanc continere pinguedinem quandam bituminosam, praesertim, quia cum nitro detonat; sed ne minimum quidem eiusmodi pinguedinis vestigium huc vsque inveniri potuit. Quod ad detonationem attinet, illa in praesenti casu oritur e phlogisto, remanente in hac terra martis, quae recens eius adhuc tantum possidet, vt omnibus acidis solui queat, sed hoc residuum inflammabilis materiae sensim dissipatur, idque eo citius, quo interea maiori adficitur calore, et quo liberius aër accedit atmosphaericus. Variatio colorum simultanea nihil aliud quam vel subtilitatem, vel dephlogisticationem particularum diuersam, innuit.

Si magnesia aërata aquae inest, non simul ac semel illa separatur, sed pedetentim sub toto euaporationis stadio vsque ad siccitatem.

Calx aërata et molecule filiceae praesentes decidunt, appropinquante ebullitionis feruore, quum eo aqua tantam adquirat leuitatem, vt illas vltius sustinere nequeat.

Inter sales gypsum ante omnes alios separatur, sed diu post calcem aëratam et ferrum aëratum.

Si salium solutiones saturatae commiscuntur, singuli sub euaporatione in conspectum prodituri videntur, ordine solubilitati congruo, ita nempe, vt quo difficilius quodlibet aqua suscipitur, eo etiam prius separetur idem. Hoc posito alumen; alkali vegetabile vitriolatum, si quando adfuerit; vitriolum ferri; nitrum prismaticum; vitriolum cupri; alka-

alkali vegetabile falitum; alkali minerale; muria; vitriolum zinci; magnesia vitriolata et poſtremo ſales deliqueſcentes. Hic tamen ordo quantitate ſoluta ſaeppiſſime turbatur.

Itaque heterogenea diuerſa aut ſeparari poſſunt, quam primum in conſpectum veniunt, aut etiam euaporatione ad ſiccum continuata, mixta coniunctim obtineri. Prior methodus in caſibus nonnullis ſatis eſt expedita, ſed in plerisque minus proficua, praefertim vbi magnesia aërata adeſt, quum haec non ſimul ſecernatur. Praeterea, ſales, licet ſollicite ſegregati, ſe inuicem tamen plus minus inquinant, in primis ad finem operationis incommoda adferunt deliqueſcentes. Si quaelibet materia ſeorſim et adcurate eſt colligenda, aqua ſaepius filtro percolari debet, quod aequè moleſtum erit, ac integri reſidui ſolutio et repetita euaporatio, ſed, ob deperditas in filtris moleculas, longe incertius; vnde poſterior methodus mihi quidem videtur praeflantior. Si res permittunt circumſtantes, vt repetatur analyſis, prior comparationis ergo adhiberi poteſt.

E) Euaporatione ad ſiccum continuata, totum ſollicite colligi reſiduum, et, ſi placet, ponderari debet, ſed adcuratius totius contenti pondus per ſummam tandem ſingulorum heterogeneorum invenitur, nam per inaequalem exſiccationem aquae cryſtallificationis plus vel minus fugatum eſſe poteſt. Quae cryſtallina indui poſſunt forma, in hunc ſtatum reducta ponderanda ſunt, quum tales aquae inſint.

§. X.

Examen residui, aqua non solubilis.

A) Totum residuum probe exsiccatum lagunculæ immittitur, eique præterea alcohol vini ad altitudinem digiti infunditur: vasculum dein bene obturatum quassetur et post quietem aliquot horarum, liquidum filtro separetur.

B) Deinde residuo remanenti aquae destillatae frigidae octuplum, ratione ponderis, infunditur, mixtura quatiatur et post aliquam quietem liquidum filtri ope separetur.

C) Postremo per quartam horae partem in tanta aquae destillatae copia coquatur, quae pondus residui quadringenties aut quingenties circiter superat, et postmodum filtro colligatur.

D) Quod iam tandem remanet nec alcohole vini, nec aqua solubile, si ferreis scatet moleculis, in vase aperto radiis solaribus per aliquot hebdomadas exponatur, subinde humectandum, quo fit ut ferrum satis dephlogisticatum respuat acetum. Candescencia ope ignis idem breviori tempore efficit, sed simul magnesiâ calcinat, quo pondus minuitur y). Ferri praesentia colore fusco facillime innotescit. Diuturna calcinatio solaris nihil habet difficultatis, quum peregrinator residuum siccum, quo libuerit, sine difficultate secum portet.

Resi.

y) De acido aëreo, pag. 6, 29.

Residuum plerumque tribus aut pluribus constat materiis commixtis, quae sequenti ratione a se invicem separantur. Eidem nempe, si opus est, calcinato, et ponderato 1) adfunditur acetum destillatum, quod sub digestionem soluit calcem et magnesiā aëratas, residuo inhaerentes. Acidum quoddam minerale in hunc finem etiam adhiberi potest, si abest ferrum, quod colore et antea tentatis reactionibus dudum exploratum esse debet, sed quum interdum quidquam argillacei adsit, acido minerali facilius suscipiendum, acetum destillatum potius usurpandum suademus. Quod aceto non suscipitur, probe lotum et exsiccatum pondere amisso indicat, quantum fuerit solutum.

2) Solutio acetosa ad siccum vaporans calcem acetatam praebet, filamentosam et muscum referentem, quae in aëre humido persistit, si calcem, deliquescentem autem, si magnesiā tenet. Hoc ulterius confirmatur acido vitrioli diluto, quod, ne abundet, parce et sensim est instillandum, hoc enim in priori casu totam massam in gypsum mutat, in fundo remanens, sapore fere destitutum; vel in posteriori perfecte soluit, generans magnesiā vitriolatam, peramaram, in crystallos prismaticas evaporatione cogendam; vel si basis est mixta, partim in gypsum, partim in magnesiā vitriolatam abit.

3) Ut cognoscatur pondus terrae solubilis, quae in aqua fuit suspensa, gypsum et magnesiā vitriolata seorsim solvantur, alkali aërato praecipitentur, lauentur, exsiccentur et ponderentur. Euitari etiam

hae possunt ambages, si nouimus, 100 partes gypsi 34 circiter calcis purae continere, quae 62 fere aëratas efficiunt, et 100 magnesia vitriolatae 19 fovere magnesia purae, quae 42 aëratas aequiualent.

4) Quod acetum respuit, vel argillaceum est, vel martiale, vel filiceum. Primum non adest, nisi aqua fuerit subturbida et opalescens. Hoc aequè ac secundum acido salis soluitur, sed alkali phlogisticato metallicum solum deicitur, quo facto, terrestre alkali praecipitari potest. Quod acidi muriatici sufficienti copiae resistit, filiceum esse solet, tubo ferruminatorio vltius explorandum, quippe quod alkali minerale fusum cum vehementi effervescentia intrat et eo totum soluitur.

5) *Magnesium aëratum* aquis forsan aliquando inest et tum inuenitur in residuo numeri 4, ita extricandum. Primo vehementer calcinetur residuum, dein adfundatur acidum nitri dilutum, cui paulum sacchari additur, et tandem post horulam filtro separetur liquidum. Instillato alkali decidit pulvis albus, qui ignitione nigrescit, qua pondus bilance determinandus. Ratio huius operationis ex sequentibus elucebit ^{z)}, quam, vt repetitiones, quantum fieri potest, eultem, sicco, vt aiunt, pede heic praetereo.

6) Si quando *terra etiam ponderosa* aërata residuo inhaereat, quod omnino fieri potest, quamuis
huc

z) Conferatur in sequentibus Dissertatio de Mineris ferri albis.

huc vsque nemo detexerit, illa pariter ac reliquae abſorbentes, aceto ſoluitur, a calce discrepans eo, quod cum acido vitriolico ſpathum formet ponderoſum, ne quidem aqua millies grauiore ſolubile. Huius ſpathi 100 partes 84 circiter continent terrae ponderoſae purae, quae fere 130 aëris congruunt.

§. XI.

Examen reſidui aqua ſolubilis.

Iam ſolutiones paragrapho praecedenti commemoratas examinabimus.

A) Quae per alkohol vini (§. X, A.) obtinetur, calcem praecipue continet et magnefiam ſalitam, nec non calcem et magnefiam nitratam, atque terram ponderoſam ſalitam, ſi vna aut plures earum adfuerint. Vt cognoscatur quaenam, et quanta copia adſint, vaporet ad ſiccum, dilutum adfundatur acidum vitrioli, et operatio ſecundum regulas antea datas (§. X, D, 2, 3), inſtituatur. Non numquam ſpiritus etiam continet vitriolum ferri dephlogiſticatum, quod e ſolutione, aqua ſatis diluta, alkali phlogiſtico ſecerni poteſt: ſolutio ex fuſco ruſcit.

B) Solutione per aquam frigidam facta (§. X, B.)
 1) leni euaporatione *crystallifatio* eſt tentanda, quae, ſalibus deliqueſcentibus ſeparatis, melius ſuccedit: excepta muria, cuius aqua frigida tantum fere ſoluit, ac feruida, quae ideo continua euaporatione in cryſtallos eſt cogenda, reliqui ſales facile omnes magis regulares induunt formas, ſi 80 ad 90 gra-

H 5

duum

duum calore vaporent tantum eo usque, ut solutionis gutta in vitro frigido deposita, intra horae minutum primum grana vel spicula crystallina exhibeat. Lenta refrigeratio praeterea subitaneae est praefenda. Euaporatio cum ebullitione ad cuticulam interdum quoque egregias procreat crystallos, sed plerumque ob multitudinem concretas. Vbi quaestio est de sale separando, et non de figura, aliter est procedendum.

Quae successiue prodeunt crystalli, imponantur chartae bibulae, ut exsiccentur, non tamen eo usque, ut quidquam aquae crystallisationis abigatur. Forma, sapor, ceteraeque qualitates infra breuiter memorandae (mom. *D*), quodammodo cuiuslibet veram indolem patefaciunt. Sed, ut omne tollatur dubium, singula curatius explorentur, idque ita, ut sub numero 2) seorsim comprehendantur sales alkalini; sub 3) neutrales; sub 4) medii terrestres; sub 5) medii metallici; et denique sub 6) plures sales commixti, qui difficilius separantur.

2) Num *sal* propositus sit *alkalinus*, pluribus mediis certo determinare licet, nimirum sapore lixivioso, effervescencia in acidis, variisque reagentibus (§. VII, *B*, *C*): per connubium acidi vitriolici etiam, quale sit alkali, inuestigatur.

Memorant auctores alkali quoddam minerale imperfectum, sed illud saltim, quod mihi hactenus videre licuit, nihil aliud est quam alkali genuinum, impurum, praesertim deliquescentibus contaminatum salibus. Sed de hoc alibi forsan plura.

3) Sa-

3) *Sales neutrales* mihi audiunt, qui acido et alkalino fale componuntur: medii autem, qui basin continent per se non salinam, terram vel metallum. Neutrales perfecti, quales sunt in aquis occurrentes, nulla nec acidi, nec alkali vestigia libera exhibent, nec solutiones addito alkalino fale vllo modo congruantur.

In examinandis, tam his, quam illis, duo potissimum momenta sunt obseruanda, nempe, vt exploretur, quodnam insit acidum, et quam basin sibi vnitam teneat. *Acidum vitrioli* per terram ponderosam salitam (§. VII, *F, L*), et plumbum acetatum detegitur (§. VII, *R*). Adfusione acidi vitriolici concentrati *nitrosus*, vbi adest, expellitur, particulari odore et fumo rubro dignoscendum: similiter illi cedit *muriaticum*, sed alio odore et fumo griseo. Dum haec acida perexigua insunt quantitate, fumus in loco sicco vix erit visibilis, sed in hoc casu minima nitrosi vestigia conspicua fiunt, admoto superne paruo chartae folio, alkali volatili imbuto. Vt in conspectum veniat rarissimus acidi muriatici vapor, charta tantummodo aqua madefiat, quam mox circumdabit, vti nitrosus alkalinam.

Ceterum acidum nitrosus detonatione, et muriaticum variis subsidiis facillime proditur, nimirum argento nitrato (§. VII, *O*), hydrargyro nitrato (§. VII, *P*), et plumbo acetato (§. VII, *R*).

Bases paullo difficilius discernuntur. *Alkali vegetabile* via humida disiungi nequit, nisi per terram ponderosam, duplici tamen attractione variis effici-
tur

tur modis ^{a)}. *Alkali minerale* a vegetabili expellitur, quod tamen non conturbatione, sed crySTALLIFICATIONE patescit. *Alkali* vtrumque fixum cum proprio odore pungente *volatile* excutit.

Alkali minerale vitriolatum a magnesia, eodem acido dotata, probe est distinguendum. Conueniunt crySTALLIS prismaticis, in aëre sicco fatiscentibus, amaris, sed prioris plerumque maiores et valde depressae, sapore frigidior, mitior, facillime momento discernendae, si enim fragmentum exiguum aquae calcis immittitur, hoc solutum claritatem nullo modo turbat, magnesia vero vitriolata statim decomponitur, acidum nempe calci iungitur in gypsum abiens, quod vna cum basi derelicta in fundo colligitur. Si eidem aquae commixti insunt hi sales, crySTALLIFICATIONE perfecte separari nequeunt. Sequenti modo vtriusque quantitatem determino. Sensim nempe *alkali minerali* soluto magnesiā praecipito, hanc cum acido vitrioli iterum coniungo et crySTALLIFICATIONE obtineo magnesiā vitriolatam, cuius pondus, a tota massa antea crySTALLIFATA et ponderata subtractum, mihi pondus *alkali mineralis vitriolati* praebet. Idem e praecipitata magnesia colligitur, cognitis principiorum proportionibus, quae vtrumque componunt salem. Constituunt auctores plures variationes tam *alkali mineralis vitriolati*, quam *magnesiae vitriolatae*, quae tamen singulae a diuersa pendent puritate. Ita sal Anglicus, Epfomensis, Seydschützenensis, Seidlizenensis, ceteri

^{a)} Comm. de Attr. electiuis,

ceteri rite depurati eamdem exhibent magnesiā vitriolatam.

Alkali vegetabile, aequae ac *minerale*, cum *acido muriatico* copulata, cubica figura, decrepitatione in igne, et quodammodo sapore concordant, prius tamen aliquanto est acrius, et praeterea alia proprietate perfecte dignoscitur, si enim eiusdem solutioni plene saturatae instillatur acidum tartari, genuinus et purus Tartarus statim decedit, quod sal commune non accidit, quum *alkali minerale* longe aliter ac *vegetabile* se habeat respectu acidī tartari.

4) Si *basis est terrestris*, quod manifesta, addito *alkali aëratō*, praecipitatione innotescit, terrarum species ita determinantur. *Ponderosa*, cum *acido vitrioli*, spathum generat ponderosum (§. X, D, 6): *calcarea* cum eodem dat gypsum (§. X, D, 2): *magnesia*, salem, qui vulgo amarus audit (§. X, D, 2): *argilla* praebet alumen.

5) Si *metallum* quoddam adest, colore plerumque aut ochra illud cognoscitur. *Cuprea basis* forma metallica praecipitatur in ferro, si sal humectatus eidem adfricatur, vel ferrum nitidum solutioni immittitur: colore praeterea cyaneo, sapore aeruginoso, *alkali volatili* (§. VII, I), nec non phlogificato (§. VII, E) detegitur.

Ferrum colore viridescente aut flauescente, pro diversa dephlogisticatione; sapore, atramento haud dissimili; ochra; tinctura gallarum (§. VII, D); *alkali phlogificato*, quod caeruleum Berolinense deiciit (§. VII, E). Quomodo hoc vitriolum a magnesia

gnesia vitriolata et alumine fit feperandum, dedita opera explicabitur in Differtatione de confectione Aluminis^{b)}).

Zincum cum acido vitriolico dat vitriolum album, cuius cryftalli figura gaudent prifmatica, ab alkalinis album praecipitatur, etiam ab alkali phlogifticato, a nullo autem alio metallo deturbatur.

Magnesium, vitriolum etiam praebet album et praecipitata alba; fed a zinco differt, quod calcinatione nigrefcat et pofttea acida refpuat, nifi phlogifticata fuerint, vel etiam apto additamento e. g. faccharo, talia euafent.

Arsenicum non quidem aqua in forma regulina foluitur, et frigida albae eiusdem calcis non nifi pauca grana in cantharo fufcipit. Praeterea rariffime haec calx in officina naturae occurrit folubilis, fed cum tamen fieri poffet, maxime in regionibus metalliferis, vt eo aqua aliquando contaminetur; oftendi heic quoque debet, qua ratione detegi poffit.

Si refiduum ficcum prunis iniicitur, vel quod melius eft, in carbone ope tubi ferruminatorii flammæ exponitur, odor alliaceus haud obfcure fentitur. Certiffimum hoc eft femimetalli huius praefentis indicium. Alia quoque excogitata funt fubfidia, fed quae plerumque adhiberi nequeunt, nifi aqua folum teneat arfenicum, quod raro aut numquam accidit. Si aquae arfenicali clara hepatis fulphuris folutio inftillatur, et nihil adest, quod impediat,

b) Comm. in hoc tomo nona,

pediat, flauum statim decedit praecipitatum, quod autipigmenti, seu arsenici sulphurati est species.

6) Varii *sales*, licet admodum diuerfi, semel tamen *commixti*, difficulter iterum segregantur, quod in aquarum analyfi notabilem saepe difficultatem procreat. Salium nempe neutralium et mediorum nonnulli connubia magis composita ineunt, quae pertinaciter persistunt, quamuis crystallisatio pluries repetatur, saltem se inuicem contaminant et aegerime puri adquiruntur.

Qua partem hoc obstaculum dudum fustulimus, separando deliquescentes (§. X, A), qui alioquin cum crystallisationis aqua alios intrant, et distinctas impediunt concretiones. En praecipua, quae restant, incommoda.

Alkali minerale liberum a muria vix perfecte separatur. Noto horum, simul sumtorum, pondere, sensim alkali saturetur exacte acido vitrioli, quo facto aequalis eiusdem acidi portio saturetur alkali minerali, quo crystallisato patebit pondus salis alkalinii muriae admixto, adeoque ipsius muriae.

Quomodo sint separanda alkali minerale et magnesia, si eidem acido vitriolico nubunt, antea indicauimus, itemque alkali vegetabile et minerale salita (B, 3). Cognito pondere summae et vnius ingredientis, alterius pondus facile eruitur.

Alumen et magnesia vitriolata seiunguntur creta, non calce vsta, quae vtrumque decomponit. Ast creta, vel potius calx aërata, alumen destruit,

magnesium autem vitriolatam nullo modo mutare valet.

Postremo, si alio modo distinctae concretiones obtineri nequeunt, metallica alkali phlogificato, et terrestria alkali fixo praecipitanda sunt. Sedimenta tractantur, uti antea est praescriptum (§. X, D). Quantitates alkali praecipitantis, et salium mediante eo enixorum, non possunt non quaesitam porrigere cognitionem (mom. sequens D).

C) Solutio, quae fit aqua ebulliente (§. X. C), vix aliud continet, quam gypsum, quod tam crystallisatione separari, quam alkali decomponi potest.

D) Ut eo facilius dignoscantur sales, eorumque mutuae relationes diiudicentur, notabiliorum, quae huc pertinent, addo sequentem adumbrationem. De alkalinis aëratīs alibi egi^c).

Alkali vegetabile vitriolatum.

Vulgo *tartarus vitriolatus*.

Centenarius continet alk. veg. puri circiter 52, acidi vitriolici 40 et aquae crystallisationis 8. In calore medio (+ 15 gr.) 1 pars requirit, ut solvatur, aquae 16, ebullientis vero non nisi 5. Sapor debilis, amaricans. In humiditate non deliquescit; nec in calore fatiscit; in igne decrepitat, aegre fluit.

Forma crystallorum primitiva prisinatica, hexagona, utrimque terminata pyramide hexaëdra. Figurae deriuatae pluribus variant modis.

Alkali minerale vitriolatum.

Vulgo *sal mirabile Glauberi*.

c) De acido aëreo, pag. 13. seq.

Centenarius continet alk. min. puri 15, acidi vi-
triolici 27, aquae 58. In calore medio 1 pars re-
quirit aquae $2\frac{6}{7}$, ebullientis $\frac{4}{5}$. In humiditate non
deliquescit, in calore fatiscit, in igne liquefcit, ex-
ficcatur, tandemque funditur. Sapor amarus, frigidus.

Forma prismatica, hexagona, irregularis, duo-
bus lateribus oppositis latioribus: apicibus obliquis,
duobus planis, ex angustioribus duobus oppositis
prismatis lateribus, in formam tecti conuiuentibus.

Alkali vegetabile nitratum.

Vulgo *nitrum prismaticum*.

Centenarius continet alk. veg. puri 49, acidi
nitrosi 33, aquae 18. In calore medio 1 pars requi-
rit aquae 7, ebullientis vix ultra 1. Sapor acris,
amaricans, frigidus. Nec deliquescit, nec fatiscit.
Cum phlogisto ignito detonat.

Forma prismatica, hexagona, saepe striata; api-
cibus hexagonis, pyramidalibus, plerumque obli-
que truncatis.

Alkali vegetabile salitum.

Vulgo *sal digestivus Sylvii*.

Centenarius continet alk. veg. puri 61, acidi mu-
riatici 31, aquae 8. In calore medio 1 pars requi-
rit aquae 3, ebullientis 2. Sapor salsus, acris. Nec
deliquescit, nec fatiscit. In igne decrepitat, funditur.

Forma cubica, interdum prismatica, quadran-
gula, truncata ad perpendiculum.

Alkali minerale salitum.

Vulgo *muria vel sal communis*.

Centenarius continet alk. min. puri 42, acidi muriatici 52, aquae 6. In calore medio 1 pars requirit aquae $2\frac{1}{2}\frac{4}{7}$, ebullientis $2\frac{1}{2}\frac{3}{7}$. Sapor falsus. Nec deliquescit, nec fatiscit. In igne decrepitat, dein fluit.

Forma cubica.

Calx vitriolata.

Vulgo *gypsum*.

Centenarius continet calcis purae 32, acidi vitriolici 46, aquae 22. In calore medio 1 pars requirit aquae 500, ebullientis 450. Sapor vix vllus, terreus. In igne fatiscit et tandem violentissimo funditur.

Forma spathacea vel octaëdrica, apicibus duobus oppositis profunde truncatis, adeo vt tabulam referat margine circum circa cuneiformi.

Magnesia vitriolata.

Vulgo *sal amarus*.

Centenarius continet magnesiae purae 19, acidi vitriolici 33, aquae 48. In calore medio 1 pars requirit aquae 1, ebullientis vix $\frac{2}{3}$. Sapor amarissimus, frigidiusculus. In calore fatiscit; in igne spumat, efficcatur, funditur.

Forma prismatica, tetragona, apicibus pyramidalibus, quadrangulis.

Argilla vitriolata.

Vulgo *alumen*.

Centenarius continet argillae 18, acidi vitriolici 38, aquae 44. In calore medio 1 pars requirit aquae 30, ebullientis $\frac{3}{4}$. Sapor subdulcis, adstringens.

gens. Nec deliquescit, nec fatiscit. In igne spumat, exsiccat, induratur.

Forma octaëdrica.

Calx nitrata.

Centenarius bene exsiccat, continet calcis purae 32: aqua restans aegre determinatur, quum calcinatione simul abigatur quidquam acidi. Ad fidem pronum est, quod saltem 25 efficiat, et si ita, acidum nitrosum erit 43. Deliquescit. Sapor valde amarus, acris. Alcohol vini soluit, et recipit ebullitione anaticam portionem. In crystallos persistentes cogi nequit.

Magnesia nitrata.

Centenarius bene exsiccat, continet magnesiae purae 27. Posita aqua 30, quae heic vberior adesse videtur, erit acidum nitrosum 43. Deliquescit, in crystallos tamen prismaticas, tetragonas, obliquas, truncatas cogi potest, sed quae cito patiuntur deliquium. Sapor valde amarus, acris. Pars 1 alcoholis vini requirit 9, in calore medio.

Calx salita.

Vulgo *sal ammoniacus fixus*.

Centenarius probe exsiccat, continet calcis purae 44. Posita aqua 25, erit acidum muriaticum 31. Deliquescit. In crystallos persistentes cogi nequit. Sapor amarissimus. Alcohol vini ebulliens pondus illius sibi aequale soluit.

Magnesia salita.

Centenarius bene exsiccat, continet magnesiae purae 41. Posita aqua 25 erit acidum muriaticum 34. Deliquescentia $\frac{66}{100}$ aquae attrahit. In calore me-

dio 1 pars alcoholis vini requirit 5. Sapor amariffimus.

Cuprum vitriolatum.

Vulgo *vitriolum caeruleum*.

Centenarius cryftallinus continet cupri 26, acidi vitriolici 46, aquae 28. Sapor acescens, aeruginofus, caufticus. In calore fatifcit. Pars 1 requirit in calore medio fere 4 aquae, ebullientis longe minus.

Forma prismatica, hexagona, compreffa, vtrimque oblique, et parallele truncata.

Ferrum vitriolatum.

Vulgo *vitriolum viride*.

Centenarius continet ferri 23, acidi vitriolici 39 et aquae 38. In calore medio pars 1 requirit aquae 6, ebullientis $\frac{3}{4}$. In calore fatifcit lutefcens, in igne ferrugineum. Sapor acescens, ftypticus, caufticus.

Forma fpathacea. Phlogifto pauperatum ferrum calcinatum deponit: refiduum deliquefcens ferrugineum facile alcohole vini fufcipitur.

Zineum vitriolatum.

Vulgo *vitriolum album*.

Centenarius continet zinci 20, acidi vitriolici 40, aquae 40. In calore medio pars 1 requirit aquae ultra 2, ebullientis longe minus. Sapor acescens, adstringens, caufticus.

Forma prismatica, tetragona, terminata apicibus pyramidalibus, tetragonis.

Vfus cognitae proportionis principiorum ingredientium egregius est et multifarius. Sit e. g. pondus

dus magnesia^e praecipitatae, antea (mom. B, 3) memoratae m , erit $\frac{3}{1} \frac{3}{9} : \frac{4}{1} \frac{5}{9} m$ quantitas acidi vitriolici eidem saturandae necessaria; $\frac{4}{1} \frac{5}{9} m$ magnesia vitriolata hinc orta^d); $\frac{3}{2} \frac{3}{7} : \frac{4}{1} \frac{5}{9} m$ indicat pondus illius alkali mineralis vitriolati, quod prodit magnesiā vitriolatam praecipitando, ope alkali mineralis; $\frac{1}{2} \frac{5}{7} : \frac{3}{1} \frac{3}{9} : \frac{4}{1} \frac{5}{9} m$ alkali minerale purum, huic operationi necessarium; et $\frac{1}{2} \frac{5}{7} : \frac{3}{1} \frac{3}{9} m$ idem aëratum^e). In hoc casu datur m et mox determinantur singulae formulae. Similiter in aliis casibus connexae reperiuntur causae, adeo vt dato vno phaenomeno multa alia innotescant.

§. XII.

Analysis synthesi est confirmanda.

Dum per experimenta antea proposita et descripta, singula heterogenea, tam qua indolem, quam qua copiam, sunt determinata, et quidem talia, qualia aquae inhaerent, ad plenam de analysi recte instituta certitudinem, nihil restat, nisi vt iusta proportionē singulae materiae separatae iterum aquae purae adunentur. Si haec postmodum tota sua indole examinatam exacte referat, analyseos rite peractae hoc non potest non esse argumentum validissimum.

Raro quidem necesse est, vt ea, quae in antecedentibus traditur, adcuratione, omnes examinentur aquae: sed vbi de ipsa arte aquas in genere ex-

I 3

plo-

d) De acido aëreo, pag. 29.

e) Ibidem, pag. 18.

plorandi quæstio instituitur, nulla, quæ ad rem faciat, circumstantia omitti debet; cum omnia in certis casibus, vsum præstare possint, immo prorsus sint necessaria.

§. XIII.

Selectus et correctio aquarum.

Aquæ, si vsum respicimus, in quatuor dispesci possunt classes: 1) earum, quæ sine difficultate in vsum conuerti possunt quotidianos, vt aqua bona fontana, fluuiatilis et lacustris. 2) Earum, quæ vsurpari quidem possunt, sed incommoda tamen adferunt, nisi ratione quadam antea fuerint purificatae. Huc spectant aquæ duræ, vt vocantur, et pigræ, quæ sufficientem non habent motum. 3) Earum, quæ, ob sua contenta, non quotidie quidem per totum annum vsurpari possunt, sed certo tamen tempore, certoque modo, aduersus ægritudines et morbos adhibentur, vt aquæ sic dictæ medicatae, et tandem 4) earum, quæ ob naturam aut quantitatem heterogeneorum raro aut nunquam interne adsumi possunt, quamuis alias multas adferre possint vtilitates.

A) Non opus est, vt de prima aquarum classe operosius iam agamus, quæ diuturna dudum experientia deprehensa est innoxia, atque ideo nulla fere indiget correctione. Quo minus aqua acido sacchari, alkali fixo et solutione argenti euadit turbida, eo purior est, eoque meliori iure ad primam classem referenda.

[B) Se-

B) Secunda classis notabiliter solutione acidi saccharini salisque alkalini fixi turbatur, et pro quantitate praecipitationis deterior habetur. Aquae huc spectantes austerae sunt, vel quasi sicco et terrestri, bibentibusque minus grato, sapore praeditae, ad obstructionem saepe disponunt, et longiori saltem usu labem sanitati minantur.

Ad extrahenda se materiis solidis contenta longe sunt ineptiores, quam antea nominatae. Ad cerevisiam igitur conficiendam, ad spiritum frumenti parandum, ad decoctum coffeae, ad infusum theae et alia multa minus valent. Ad vestes ablundas magis vel minus sunt inhabiles, partim quia impuritatem non facile solvunt, partim quia saponem destruunt, et scopo proposito inutilem faciunt. Ad albedinem linteorum augendam, (*Suecice Blekerier*) aqua durior, ob rationes allatas, nullum praestat usum. Ad pisa, fabas atque alia eiusmodi legumina coquenda, non est idonea, cum haec inde non mollescant et macerentur. In carne vetusta et dura idem observatur.

Ad linum et cannabim putrefactione praeparanda, eo minus sunt utiles, quo certius constat, illas gaudere virtute antiseptica, adeo ut quae illis immerguntur, vigorem diutius retineant, quam in aqua meliore. Haec observatio ansam praebet experiendi, annon tales aquae in itineribus maritimis longioribus, cum fructu adhiberentur, quum facile, ubi opus fuerit, usibus variis adaptari queant. Stannum hisce aquis plerumque nigrescit. Vegetabilibus etiam irrigandis minus ido-

neae a nonnullis putantur; fed ad hanc rem, quantum coniicere licet, non modo innoxiae, fed etiam perutiles erunt.

Aquae, proprietatibus iam descriptis praeditae, durae appellari folent. Effectum maxime praestat in his terra abforbens, acido quodam foluta. Si menftruum eft acidum aëreum, folae ebullitio emendationi fufficit. Subtiliffimum hoc acidum calore auolat, terra igitur, eius ope fufpenfa, non diutius aquae inhaerere poteft, fed quaeuis minima particula derelicta praiceps ruit, poris inaequalitatibusque corporum obuiorum infigitur et pertinaciffime adcrefcit. Hinc athena pro potu theae parando, poft aliquod tempus non raro crufta terrae abforbentis obducuntur; leguminum obftruitur fuperficies, vt aqua penetrare nequeat, et fic porro. Durities, quae huic tantum cauffae originem debet, non magni eft momenti, cum folae coctione et refrigeratione corrigatur, vt vero depofito calcareo fedimento fiat palato grata, in humilibus et amplis vafis libero aëri debet exponi, vt ex atmofphaera certam acidi aërei portionem recipiat.

Si vero terra abforbens ope alius cuiusdam acidi fuffinetur, non adeo facile illa feperatur, atque tum praefertim plura antea enumerata incommoda procreat. Decompoftio faponis inde euenit, quod alkali lubentius coniungatur cum acido minerali, quod in fale medio terreftri inuenitur, quam cum oleo, quod propterea extruditur, et, in aqua infolubile per fe, in guttas fluentes, aut membranam fupernatantem colligitur.

Ceteri

Ceteri effectus vel ipfo fale medio completo provocantur, vel etiam ex eo eueniunt, quod sub coctione pars menftrui euolat, quo facto basis derelicta materiis obuiis tenaciter adfigitur. Cum acido nitri hoc facile accidit, fiue calci, fiue magnesiaë alligatum fuerit, atque etiam cum acido falis, fi magnesiaë hoc adiunctam habuerit.

Haec durities non fola ebullitione tollitur, fed alkali fixo, terreftrēm bafin praecipitante. Soluuntur aqua cineres clauellati, aut aliud quoddam alkali, quae folutio inflillatur aquae, quamdiu guttae illam turbant. Vbi terra fundum petiit, denuo exploratur, an quidquam nouo additamento deturbetur. Dum nihil vltius decedit, facile inueniri poteft, quantum falis alkalini propofita aqua requirat, fi alkali, eiusque folutio, ante et poft experimentum, ponderantur. Poftremo aqua purificata lente a feditamento decantari, vel fi opus fuerit, colari debet.

Aquae ftagnantes tempeftate calida corruptioni funt obnoxiae et millenis infectis hofpitia praebent. Tollitur hoc malum in Europa australi lapidibus arenariis, qui filtra vocantur. Aqua potui vel cibi confectioni adhibenda, tales pertransit et eo eiusmodi liberatur heterogeneis, quae non per folutionem fuerunt immixta.

Aquae medicatae frigidae, quae particulari vi et efficacia valent, longe maiori fcotent acidi aërei portione, quam aquae communes, atque in genere, ceteris paribus, earumdem excellentia a quantitate subtilis huius acidi deriuanda eft. Cum vero raro

aut numquam absint alii sales, effectus earum praecipui inde determinantur; quamvis enim aqua Selterana et Pyrmontana plurimum contineant acidi aërei, nemo tamen eandem utrique vim in ratione acidi aërei tribuet, quae potius ex salibus crassioribus erit deducenda, quamvis hi per verum illum spiritum mineralem quasi vivificentur, maioremque agendi et penetrandi virtutem obtineant. Quomodo quantitas acidi aërei inhaerentis innotescat, antea expositum est (§. VIII, *A, B*).

Aquae medicatae frigidae generatim aut ferri expertes sunt aut hoc metallo praeditae, quae res notabilem, respectu utilitatis et usus, diuersitatem adfert. Praeterea multae sunt aquae martiales, quae, vel ferrum continent acido vitrioli totum quantum solutum, aut saltem aliqua ex parte. Hae aquae crassiores, ubi modice tantum ferro sunt onustae, in nonnullis quidem casibus cum successu adhiberi possunt: plerumque tamen sunt ineptae, immo saepe admodum periculosae. Itaque, quum fontes minerales ferrati frequentes reperiantur, saltem in Suecia, et multum intersit bonos a malis, salubres a noxiis discernere; admodum foret proficuum, si tales notae characteristicae adferri possent, quibus in casu obuiio, sine artificioso apparatu, sine operosis tentaminibus et sine artis spagyricae scientia, tuto diiudicaretur, utrum aqua martialis proposita impone vsurpari queat, an non? En subsidia huic scopo adprime inferuentia.

In olla lapidea dimidius circiter aquae explorandae cantharus per horae quadrantem probe ebulliat,

et

et deinceps ab igne remota in quiete refrigeret. Hoc facto, praeter propter octaua pars hauriatur pocillo vitreo, cui dein duo, quatuor vel maxime sex guttae instillantur tincturae gallarum (§. VII, D). Si iam nullus prodit tinctus purpureus vel violaceus, nigrescentia nulla, ne quidem post aliquot horarum moram, hoc bonum est augurium, quo fontis innocua et vere acidularis indoles, quantum satis confirmatur.

Scilicet aqua martialis, quae nuda ebullitione omnem cum adstringentibus reagendi facultatem amittit, suum ferrum aëreo acido solutum tenet, quod subtilem et nobis amicam indicat naturam. Si autem vitriolicum acidum metalli menstruum est, hoc quidem coctione ochram deponit, sed nihilo minus vis in adstringentia salua remanet.

Iam vero adhuc tertius datur casus in eo consistens, quod pars ferri acido aëreo, reliquum vitriolico adhaereat. Posito igitur, quod posterius adeo exiguum sit, vt, priore per coctionem separato, in gallarum tincturam praestare nequeat effectum sensibilem, aderit tamen vitrioli martis quidquam. Certe aderit, sed longe infra tria in cantharo grana (§. VII, D), adeoque omni nocendi vi exutum, et, si placet, etiam hae minutiae in conspectum facile prouocabuntur. Decoquatur nempe aqua, vsque dum non nisi vigesima pars restet, cui instillantur nonnullae guttae tincturae et mox tingetur.

Similiter fere thermale aquae, quae praeclara quadam efficacia valent, aut acido abundant aëreo,

vt

vt Carolinae in Bohemia, aut vapore hepatico, vt Aquisgranenfes. Aqua cum craffioribus falibus fine elastica aura, sine motore, mortuae quafi sunt, et fi non penitus inertes, faltem graues et modicae virtutis.

Generatim variae aquae medicatae, tam frigidae, quam calidae, adeo parce continent fixa principia, vt sola ebullitione et refrigeratione fiant idoneae, quae in vfus adhibeantur domesticos, fi, defectu alius, hoc artificio opus est.

Si aqua, ob exiguam falis metallici quantitatem admixtam, est inutilis, tolli etiam hoc potest per alkali fixum, modo dudum descripto (mom. B), fi vero copiosius adfuerit, illud e remedio incommodi oritur, quod alius, licet magis innoxius, fal in locum prioris succedat. Sic, vbi vitriolum praecipitatur, alkali exsurgit vegetabile vitriolatum, quod debiliori quidem sapore praeditum, quamdam tamen adfert amaritiem, pro ratione quantitatis, maiorem vel minorem. Ceteroquin hic fal noxios in corpore nostro effectus non praestat, sed lenius quoddam purgans reputari potest, neque impedit, quo minus haec aqua in multiplices vfus conuertatur. Hinc igitur elucet, quod etiam aqua, vitriolo contaminata, vrgente necessitate, ope remedii iam descripti, vtilissimum sit refugium.

D) Aquae, quibus plurimum inest falis cuiusdam neutralis, vt alkali mineralis vitriolati, muriae, et qui sunt alij, vel noxius quispiam fal metallicus, vt vitriolum viride, caeruleum et album. ad inter-

nos

nos non minus, quam domesticos vſus ſunt ineptae, quamuis materia, qua onuſtae reperiuntur, vtiliter colligi et in alios fines adhiberi queat.

Aqua marina non modo fortem habet ſaporem ſalis communis et amarum magnesiaſe ſalitaſe, ſed ſingulari etiam modo nauſeam mouet, adeo vt eamdem ſaepe expellat ventriculus. Hoc nauſeoſum in profundo ſexaginta orgyrum deficit vel aegre ſentitur, vt experimenta docent, in aquis tantae profunditatis inſtituta. Ratio in eo forte conſiſtit, quod innumerabiles piſcium, vermium et animalium exercitus, in vaſto oceano hoſpitantes et ſenſim morientes, aut integro corpore, aut omni ſaltem, quod ambiens aqua extrahere valet, ad ſuperficiem colligantur, vt ibi, ope aëris, putrefactione deſtruantur; quem etiam in ſinem falſedo, quae heic ea praeciſe quantitate adeſt, qua haec promouetur operatio, plurimum conſert.

Aquam marinam vſibus hominum per vaſtiſſima maria proficiſcentium aptam reddere, ars diu fuit exoptatiſſima maximique momenti. Quae ex profundo 60, plurimumque orgyrum hauritur, ſiti quidem reſtinguendae, ob falſedinem non conducit; ſed anatica tamen portione aquae dulcis admixta, in cibis praeparandis vſum procul dubio adferret egregium, quippe quo dimidio aquae dulcis penu par-citur f).

Aqua vero ad ſuperficiem obuia vnice per deſtillationem potui apta redditur, id quod recentioris

aeui
f) Conf. Commentatio quinta.

aeui docuerunt experimenta. Varii in hanc rem excogitati fuerunt adparatus, immo vapor etiam, e lebetibus, dum cibi parantur, adscendens, captatus fuit. Suppellex ad hoc requiritur exquisita, quae non tantum maximam, quae obtineri possit, aquae copiam porrigit, sed simul minimo indiget ligno. Sed iam non haec moramur. Sufficit, quod marina destillata et dein aëri exposita, vt empyreuma exuat, fiat grata et salubris. Quae prima transit abii-cienda est, si quid putredinosi inest. Forti et diutina ebullitione acidi muriatici quidquam laxatur, sed hoc incommodum euitatur facile pauxillo cinerum clauellatorum, quod ab initio adiicitur, magnesiâque salitam decomponit.

Index Paragraphorum.

§. I. Historia analyseos aquarum	pag. 65
§. II. Necessitas analyseos	77
§. III. Difficultates analyseos	79
§. IV. Heterogenea in aquis praecipua	81
§. V. Duplex eadem eruendi via	86
§. VI. Qualitates physicae obseruandae	87
§. VII. Reagentia praecipua	90
§. VIII. Quomodo colligenda heterogenea volatilia	106
§. IX. Quomodo colligenda heterogenea fixa	113
§. X. Examen residui aqua insolubilis	118
§. XI. Examen residui aqua solubilis	121
§. XII. Analysis synthesi est confirmanda	133
§. XIII. Selectus et correctio aquarum	134

III.

D E

AQVIS VPSALIENSIBVS*).

Tales sunt aquae, qualis terra per quam fluunt.

PLINIVS.

§. I.

Vpsalia bonis abundat aquis.

Bona et vsui sufficiens aqua inter praerogativas locales, colonos allicientes, merito primum est considerata, quippe quae non tantum magnae in arctum coactae hominum animaliumque multitudini, sed cuilibet etiam minimae familiae sine conditione est necessaria: inopia, aequae ac prauitas, innumera adfert incommoda. Et, si quae Sueciae vrbs, certe Vpsalia hoc respectu sua gaudeat sorte oportet, nam praeter amnem, qui mediam percurrit, plures habet fontes et puteos eximiae indolis. Quum autem etiam intersit ea cognoscere principia, quae hisce veluntur, varia institui tentamina iam describenda. Ne autem multitudine obruerer, notabiliores tantum aquas examinaui, quae toti quasi vrbi

*) Huius disquisitionis ea portio, quae de fonte molen-
dini agit, anno 1770 publici iuris facta est, succana
lingua conscripta, publiceque ventilata in Audit.
Carolino maiori, Respondente PETRO DVBE, We-
strogoto.

vrbi communes sunt, dum reliquarum quaelibet vix nisi vnicae inseruit familiae. Huc referendae sunt sequentes, nempe:

I) *Fons arcis* ad radices collis, in quo arx regia exstructa reperitur, scaturiens. Hic collis fabulo constat et altitudine gaudet perpendiculari fere 100 pedum suecicorum, a superficie amnis numeratorum. Extra urbem longa vtrisque protrahitur serie per varios sinus et anfractus, interdum humilior et fere repens, alibi tergum eleuans multum eminet. Huic non tantum fons arcis, sed etiam reliqui fontes et putei, ab australi amnis parte siti, vti inter iam describendos singuli, excepto vltimo, sub numero VI, suas debent aquas. Est harum adeo diues, vt ad eius radices fodiendo haud difficulter nouae aperiantur scaturigines.

Fons, de quo iam sermo est, a multis retro annis fere desertus fuit, et sensim quisquiliis oneratus, quum sub dio sine tegmine omnibus patuerit. Hinc venae fuerunt confipatae, adeo vt anno 1767 fere exsicicaretur fons mense Februario. Autumnus praecedens erat praeter consuetum modum pluiarum inops. Dein tamen iterum fluere coepit, sed tandem venae fortiores alium quaesierunt exitum, anni propiorem, vbi etiam anno 1775 lapidibus caesis stratus, tegmineque ab iniuriis munitus, eximias promit aquas et reliquis omnibus meliores.

II) *Fons ad molendinum* academicum erumpens per totum saeculum decimum septimum turri fuit conseruatus, quam tamen fatale incendium cum vrbe anno

anno 1702 destruebat. Dein neglectus venis suis alium quaerere exitum coactus fuit, qui anno 1759 noua turri inclusus, lapidibusque caesis, qua decet cura, stratus. Quum sit prope ripam situs, vere et autumno, dum amnis magnam vehit aquarum copiam, per aliquot dies quotannis inundari solet. Mihi in sequentibus Fons molendini audit, quamvis vulgo non numquam a Sancto Erico nomen mutuetur.

III) *Fons* a villula propinqua *Sandvikensis* dictus, ab vrbe distat octaua circiter milliaris parte. Ad ripam amnis scaturit sub dio.

Anno 1776 ad hunc exstructa est officina regalis pro destillando spiritu frumenti, cui eximiam et sufficientem exhibet aquam, aggere circumposito iam in lacum mutatus.

IV) *Puteus* ab *Odino* dictus, qui tamen vix tanta gloriari potest aetate, prope Academiam Gustavianam situs est, profundus et lapidibus circumseptus, sed quum canali, aquam auferente, careat, haec antliae hydraulicae ope est haurienda.

V) *Puteus* a Theologiae quondam Professore *Luth* denominatus, magis septentrionem versus reperitur, lapidibus circumdatus. Aquam vectis ope in altum euehit, qui eam desiderat.

VI) *Puteus tractorius* vocatus, nescio vnde, solus est ab altera amnis parte, qui omnibus patet, raro tamen aqua hinc hauritur, et numquam nisi ad viles vsus.

§. II.

Qualitates physicae aquarum Vpsaliensium comparatae.

A) Claritate gaudent crystallina fontanae: puteales parum illis cedunt, excepta numero sexta, quae paululum opalescit, minus tamen quam amnica.

B) Sapore nullo praedita sit oportet aqua bona. Hoc respectu ceteris praeferendus est fons arcis: hunc sequuntur fontes Sandvikensis et molendini, quorum aquae, licet eximiae, gulae tamen doctae et delicatulae terrestris quidquam produnt.

Putei ab Odino et Luthi dicti, gratam exhibent aquam, sed quum fere stagnet, paullo minus vividam. Aqua putei tractorii terrestri abundans palato minime arridet.

C) Qua temperaturam fontes per totum fere annum aquas promunt, quae hydrargyrum thermometri ad $+ 6$ gradus suspendunt. Sub canicula fervente vix vno alteroue gradu eleuatur. Putei 7 circiter caloris gradus monstrant, et annis atmosphaerae vicissitudinibus semet quodammodo accommodat.

D) Gravitas specifica paululum variat. Amnica omnium est leuissima, quam sequitur proxime fons arcis. En pondera in temperatura $+ 15$ graduum:

Aqua

Aqua destillata	—	—	1,0000
Aqua niuis purae	—	—	1,0000 $\frac{1}{2}$
Amnica	—	—	1,0001 $\frac{1}{2}$
fontana arcis	—	—	1,0002
fontana molendini	—	—	1,0002
fontana Sandvikensis	—	—	1,0002
putealis Odini	—	—	1,0003
putealis Luthi	—	—	1,0003
putealis tractoria	—	—	1,0012

E) *Copia* quidem abundante pluuiæ in fontibus et puteis paullum increfcit, fed ex eiusdem defectu nihil patiuntur. Fons molendini quauis hora 3900 cantharos aquae, hoc eft $3\frac{2}{5}$ pedes cubicos, eiicit: fons arcis pauperior eft, fed Sandvikensis multo maiorem exhibet quantitatem.

§. III.

Principia euaporatione collecta.

A) Singulae omnes ebullitione puluerem cinereum fecernunt, vnde etiam aliena pro potu theae sensim crusta obducuntur. Quum autem pleraeque exiguum tantum portionem hac via deponant, operae pretium non est, eandem seorsim colligere, ideoque euaporationem vsque ad siccum continuare praestat. Post diutinam siccitatem initio Iunii sex euaporando singularum cantharos obtinui residua, quae exsiccata, ponderata et per sex diuisa sequentes exhibent numeros, contentum cuiuslibet canthari exprimentes.

Aqua	amnis in cantharo vehit	—	8 grana
—	fontis molendini	—	9 $\frac{1}{2}$
—	fontis arcis	—	10
—	fontis Sandvikensis	—	10
—	putei Odini	—	12
—	putei Luthi	—	12 $\frac{r}{2}$
—	putei tractorii	—	51

B) Vt salinum a terrestri separetur, residua aqua destillata probe sunt lauanda, ficcanda et ponderanda. Hoc facto, terrestris materia acido salis exploretur oportet, quae in nostro casu vehementem excitat efferuescentiam et maximam partem soluit. Illud, quod nullo modo acido menstruo cedit, in carbone ope tubi ferruminatorii per se fusionem respuit, si bene lotum: addito sali microcosmico etiam resistit: borace soluitur, sed tarde: alkali minerale in cochleari argenteo fusum illud cum efferuescentia suscipit et plene soluit, exceptis residuis aquae amniacae et tractoriae, quae qua exiguam partem intacta relinquuntur^{a)}. Est itaque siliceus hic pulvis, qui, licet aqua specificè grauior, sua subtilitate suspensus fuisse videtur, fieri enim potest, vt materia grauior puluerisando eam tandem adquirat superficiei amplitudinem, qua frictio aquae, sub ipsa subsidentia remouendae, superpondium ex grauitate inhibet. Quamuis terra silicea reuera sit qua indolem salina^{b)}, tanta tamen quantitate heic solutam vix credo, fieri

a) In sequenti Opusculorum tomo occurret de Tubo ferruminatorio, eiusdemque vsu, commentatio.

b) Conf. Commentatio huius tomi duodecima.

teri nihilo minus oportet, nec quiete, nec percolatione eandem a nostris aquis separari posse. In crustis, quae athena pro potu theae obducunt, etiam calci aëratae immixta reperitur.

Solutio acido salis facta, alkalibus explorata nihil aliud, quam calcem exhibet. Continent igitur aquae nostrae calcem aëratam et paullum terrae sili-
ceae, quantitates tamen differunt, vti mox videbimus. Aqua amnica, itemque tractoria, praeterea argillacei quidquam vehunt, quod antea in igne alkali intactum reperimus.

C) Aqua prioris momenti, qua salinum eluitur, evaporatione spontanea praebet salem communem, calcem salitam et alkali minerale vitriolatum. Calx salita spiritu vini rectificatissimo est separanda °). Lixivium ultimum, evaporatione in angustum redactum spatium, praeterea perquam exiguum alkali mineralis inquinamentum non raro monstrat, quod e rufo fuscescit, nullum tamen cum alkali phlogisticato demittit caeruleum Berolinense. Aqua tractoria praeter memoratos sales spicula quoque per pauca nitrosa exhibet, quae in pruna distincte detonant, et loco alkali mineralis vitriolati portiunculam gypsi exhibet.

D) Vt aëreum harum aquarum cognoscerem, singularum definitam quantitatem in retorta vitrea ad ebullitionem coëgi. Extremum colli sursum

K 3

ver-

c) Conf. Diss. de Analyfi aquarum, §. X, A; XI, A.

verfum in lagenam inuerfam et hydrargyro imple-
tam aëreum ducebat. Aura collecta qua partem
aqua vulgari absorbetur et verum est acidum aëreum,
qua reliquam autem constat aëre puro, igni et re-
spirationi perquam idoneo. Vulgaris tamen aër,
qui in retortae superiore parte et tubo hospitatur,
ante expulsiōnem inceptam, subtrahatur oportet.

E) Eadem materiae in singulis fere occurrunt,
sed proportione diuersa. En quantitates quolibet
cantharo contentas,

Calcis aëratae amnica	vehit	—	2 gr.
—	fontana arcis	—	5
—	fontana molendini	—	5½
—	fontana Sandvik.	—	5½
—	putealis Odini	—	5½
—	putealis Luthi	—	6
—	putealis tractor.	—	21

Pulueris silicei amnica	—	—	½
—	fontana arcis	—	½
—	fontana molendini	—	½
—	fontana Sandvik.	—	½
—	putealis Odini	—	½
—	putealis Luthi	—	½
—	putealis tractor.	—	1

Argillacei amnica	—	—	½
—	putealis tractor.	—	1
—	reliquae	—	0

Salis

Salis communis amnica	—	—	1½gr.
—	—	fontana arcis	3½
—	—	fontana molendini	2¼
—	—	fontana Sandvik.	2¼
—	—	putealis Odi	3¼
—	—	putealis Luthi	3¼
—	—	putealis tractor.	18½
Calcis salitae amnica	—	—	¼
—	—	fontana arcis	½
—	—	fontana molendini	½
—	—	fontana Sandvik.	½
—	—	putealis Odi	½
—	—	putealis Luthi	½
—	—	putealis tractor.	I
Alkali miner. vitriolati amnica	—	—	O
—	—	fontana arcis	¼
—	—	fontana molendini	¼
—	—	fontana Sandvik.	¼
—	—	putealis Odi	½
—	—	putealis Luthi	½
—	—	putealis tractor.	O
Calcis vitriolatae putealis tractor.	—	—	8¼
—	—	reliquae	O
Alk. miner. aërat	—	—	O
—	—	fontana arcis	¼
—	—	fontana molendini	¼
—	—	fontana Sandvik.	¼
—	—	putealis Odi	1½
—	—	putealis Luthi	1½
—	—	putealis tractor.	O

Extractiui mucilaginosi amnica	—	$\frac{1}{4}$ gr.
— — putealis tractor	—	$\frac{1}{8}$
— — reliquae fere	—	o
Nitri putealis tractoria	— —	$\frac{1}{8}$
— — reliquae	— —	o

Aërei in omnibus eadem fere quantitas adest, sex nempe pollices cubici, quorum circiter duae tertiae acido constant aëreo, reliquum aëre puro, qui a vulgari distinguatur oportet ^d).

Quantitates iamiam determinatae pro re nata paullum differunt. Diuersae anni tempestates, inaequalis pluviae niuisque copia, et quae sunt reliqua, contenta vel augent vel minuunt. Fieri quoque potest, et, quin saepe re vera fiat, vix dubito, vt labentibus pluribus annis sensim mutetur plus minus proportio, etenim venae, quas penetrat aqua, primum facillime solubilia et subtilissima porrigunt, quibus pedetentim exhaustis necessario vel defectus vel saltem diminutio orietur. Ceterum viae hae subterraneae sine dubio variis mutationibus sunt obnoxiae; heic veteres occluduntur, alibi nouae aperiuntur. Quum itaque non eadem sit vbique particularum elotarum indoles, hinc haud difficulter efficitur, aquas harum varietatum esse participes.

F) De puluere filiceo antea notauimus, hunc sua subtilitate eam habere superficiiei amplitudinem, vt in aquis nostris suspensus haereat. Idem quoque valet de magna calcis aëratae portione, quae tamen

vna

d) Conf. Comm. de acido aëreo §. XXII.

vna cum siliceo ebullitione secernitur. Scilicet calore aqua intumescit, multumque grauitatis specifice amittit, adeo vt molecule antea suspensae fundum petere queant: eo praeterea ipsae particulae aquae mobiliiores fiunt, faciliusque pondere terrarum a se inuicem separantur. Conducit quoque huic negotio calx acido aëreo soluta, quippe quae mediante calore spoliatur suo menstruo volatili, quo facto, subsidens mechanice immixtis adnectitur molemque auget. Ex allatis facile intelligitur ratio, ob quam athena nostra pro potu theae crusta obducantur calcarea, quae atomorum siliceorum in centenario 3 vel 4 circiter libras continet.

Aquae plene aëratae cantharus 27 grana calcis aëratae suscipere valet ^e), in nostris itaque aquis quatuor tantum acidi aërei pollices cubici vix ultra vnicum granum soluent. Mirum forsan videbitur, particulas sola subtilitate suspensas claritati nihil officere, sed primo obseruamus putealem tractoriam, quae maxima terrestris quantitate oneratur, paullum opalescere: praeterea notandum est, particulas eo vsque attenuatas, vt filtrum queant penetrare, fundumque petere frictione impediuntur, sine dubio pellucidas esse, saltim dum eas aqua circumdat.

§. IV.

Aquarum Vpsaliensium cum reagentibus habitus.

A) Papyrus heliotropio caerulea vix magis fit saturata: fernambuco rubra paullum caerulescit:

K 5

cur-

e) Conf. Comm. de acido aëreo §. XI.

curcumae radice lutea non mutatur. Rationes singularum mutationum alibi sunt expositae^{f)}).

B) *Tinctura gallarum*, spiritu vini facta, nulla prodit ferri vestigia, nec *alkali*, quod *phlogisticatum* vocari solet.

C) *Acida mineralia* nullam prouocant mutationem visibilem. Acidi sacchari crystallisati micula, singulis aquis immissa, sub descensu plerumque strias albas prouocat, et, vbi in fundo quiescit, sensim puluerem album colligit, hoc acido, calce saturato, constantem. Haec phaenomena parcissime occurrunt in aqua amnica, magis conspicua sunt in fontanis et vberima in putealibus, praesertim putei tractorii. Acidum sacchari etiam ex aqua niuis pauxillum praecipitat, sed non nisi post aliquot horas visibile^{g)}). Aquae nostrae probe coctae acido sacchari vix congruantur, praesertim fontanae, quum ebullitio maximam terrestris partem deturbet.

D) *Alkalia fixa* terram praecipitant albam, quae explorata calcaream monstrat indolem. Aqua putei tractorii mox et copiose eandem exhibet, reliquae multo lentius parciusque: aqua tractoria cocta *alkali* vix congruntur.

E) *Aqua calcis* statim fit turbida et paulatim puluerem deponit calcareum. Hoc phaenomenon acidum aëreum prodit, quod calci purae unitum decidit, et simul secum ad fundum deiicit calcem, antea

f) Diss. de Analyfi aquarum §. VII.

g) Diss. de Acido sacchari §. VI.

tea mediante abundantia huius acidi suspensam, hac namque sublata, menstruo caret calx aërata^{b)}).

Aquae nostrae subito coctae itidem aqua calcis copiosius adfusa paucillum turbantur, quod pertinationem acidi aërei indicat, cuius vltima vestigia aegre aquam deserunt.

F) *Terra ponderosa salita* intra viginti quatuor horas in amnica nullam, in fontanis perquam exiguum, in putealibus vero, praesertim tractoria, magis conspicuam, efficit pulueris albi secretionem. Hinc optime de praesentia acidi vitriolici iudicaturⁱ⁾).

G) *Calx salita* nullam efficit mutationem, nullum enim adest praecipitans satis efficax.

H) *Aluminis* frustulum immissum sub solutione decomponitur: acidum vitrioli arripit calx aërata, vnde basis derelicta stratum exhibet fundo parallelum.

I) *Argenti solutione* omnes mox lactescunt. Aqua niuis vix mutatur.

K) *Hydrargyrus nitratus* frigide solutus congrumationem albidam, calide vero praeparatus luteam prouocat: copiosissimam in aqua putei tractorii. Aqua niuis hydrargyro frigide soluto vix turbatur, sed distincte illo, qui igni fuit expositus.

L) *Hydrargyrus salitus corrosiuus* non nisi post plura nyctemera interdum pauculum pulueris albidum depo-

b) Conf. Comm. de acido aëreo, §. XI.

i) Comm. de acido aëreo, §. XII, et Disq. de attract. elect.

depositum exhibet, alkali forte volatili adscribendum.

M) *Plumbo acetato* statim lactescencia oritur. Sedimentum saturninum aquae amnicæ aceto destillato totum soluitur: aquarum fontanarum pauxillum intactum relinquitur, vix observandum, nisi magna adhibeatur copia: putealium adhuc maior portio vim aceti eludit, quum plumbum salitum suscipi queat hoc menstruo, non vero vitriolatum.

N) *Vitrioli martis* frustulum immissum sub solutione ochram deponit. Si lagenæ, vnciam circiter aquae capienti, nonnullæ instillantur guttæ solutionis vitrioli viridis, quæ mox alkali vegetabilis quibusdam guttis præcipitantur, oritur sedimentum viride, quod cito flavescit, quamvis etiam lagena plena optime claudatur. Hoc phaenomenon aëris puri in aquis nostris præsentiam indicat, qui phlogiston sedimento eripit. Aqua nuper cocta, in vase clauso frigefacta, modoque supra memorato tractata colorem viridem, phlogisto residuo debitum, per annos intactum conseruat.

O) *Sapo venetus*, in aquis nostris fricatus, spumam prouocat copiosam, excepta aqua puteali tractoria, quæ admodum paræ eandem exhibet. Singulæ saponis portionem suscipiunt, quam retinent lactescentes, et ne quidem putealis tractoria pristinam recuperat pelluciditatem.

§. V.

Vsus aquarum examinatarum.

Ex allatis elucere arbitror, eximias esse aquas Vpsalienses, excepta puteali tractoria, quæ tamen ebul-

ebullitione correctâ, adhiberi potest, multoque sine dubio foret melior, si frequentiori usu minus stagnaret, certe non omnino cruda est, nam saponis quidquam soluit. Praeter hanc et amnicam reliquae omnes frigidae haustae palato arrident, singulis tamen hoc respectu praeferenda est fontana arcis, sed pro potu calido aequaliter inseruiunt fontanae. Ad lintea lauanda, ad pisa coquenda, ad potum coffeae, itemque, ad praeparationem cereuisiae et spiritus frumenti, plerumque amnica eligitur, eam inprimis ob causam, quod minori molestia sufficiens haberi queat copia, interim tamen omnes fontanae et puteales duae puriores iisdem inseruire possunt operationibus, immo etiam quibusdam in casibus iure praeferuntur. Ita in lauandis tenuioribus linteis, itemque in iisdem amylo firmandis, et heliotropio leuissime tingendis, adeo ut paulum caerule scat albissimus color, fontanae sunt vsurpandae, quum mediante amnica in rufescentiam vergat.

Index Paragraphorum.

§. I. Vpsalia bonis abundat aquis,	pag. 143
§. II. Qualitates Physicae aquarum Vpsalienfium,	146
§. III. Principia euaporatione collecta,	147
§. IV. Aquarum Vpsalienfium cum reagentibus habitus,	153
§. V. Vfus aquarum examinatorum,	156

IV.

D E

FONTE ACIDVLARI
DANEMARKENSI*).

Iusta confessione, omnes terrae quoque vires aquarum sunt beneficii. Quapropter ante omnia ipsarum potentiae exempla ponemus. Cunctas enim quis mortaliū enumerare queat?

PLINIVS.

§. I.

De aquis medicatis in genere.

Duobus potissimum modis morbos, quibus corpus nostrum affligitur, innumeros tollere, aut saltem mitigare conantur Machaoniae artis magistri. Aut enim remedia fortiora, quae intra paucas horas speratum praestant effectum, aut debiliora, exigua saepeque repetita dosi sumenda, praescribunt, quae, post plures tandem hebdomadas aut menses, vim suam exserunt. His adnumerantur non immerito aquae minerales, quae admirandas quotidie efficiunt curationes, alia saepe methodo, huc vsque nota, vix obtinendas. Haec autem medendi virtus non soli aquae per se spectatae, vtpote quae sic eandem ubique.

*) Haec dissertatio in Auditorio Carolino Maiori publice ventilata fuit d. 15 Dec. anni 1773, Respondente C. H. WERTMÜLLER, Stockholmensi.

que haberet efficaciam, sed solutis atque immixtis particulis, quae materiam hanc fluidam, velut suum vehiculum, armant quasi atque alleuant, in primis est tribuenda. Hinc cordati omnis aevi medici firmum scientiae salutari fundamentum subministraturi, aquas medicas, seu peculiari vi sanandi conspicuas, chemico examini subiicere consultum duxerunt. Qui finis eximius, si ante haec debita adcuracione obtentus fuisset, de vero quarumlibet aquarum mineralium usu et fructu exactissime iam possemus iudicare. Vbi enim medicamentorum compositiones rite cognoscimus, eorumque effectus ad varias occasiones accurate obseruamus, stabilis tandem et solida virium obtinetur cognitio, mirum quantum profutura, vbi-cumque postmodum eadem proportione et pari modo inueniuntur commixtae materiae ingredientea. Ratio autem, cur huc vsque scientia adeo necessaria adquiri non potuerit, haec procul dubio est, quod completa aquarum exploratio inter difficiliora sit problemata chemica. Materiae solutae multiplicis plerumque sunt indolis et minimae simul quantitatis. Huc accedit, quod ex praecipuis haud paucae quoad veram indolem ad nostra vsque tempora fuerint incognitae, vnde examina aquarum maxima licet cura atque diligentia instituta, non potuerunt non multum habere imperfectionis.

Posthac nulla analysis firma ac genuina est habenda, antequam ex aqua pura et particulis analytice detectis per synthesein produci possit alia, quae naturali explorandae prorsus sit conformis.

§. II.

Situs fontis Danemarkensis.

Fons acidularis iam paullum curatius examinandus, in paroecia Danemarkensi situs est, tres circiter quadrantes milliaris, austrum versus, ab Vpſalia distans. In vicinia variae inueniuntur venae aquae mineralis, sed, quae prae ceteris fuerunt vsitatae, quatuor potissimum sunt, minimo inter se spatio disiunctae, et per argillam in prato Wallbyensi exsistentes. Hae anno dudum 1733 detectae acidulae, singularique multorum commodo frequentatae, postea, nescio quo fato, desertae atque ad vernum tempus huius anni fuerunt neglectae^{a)}. Tum enim Legionis Vplandicae Chirurgus experientissimus, Dom. ABR. SOEDERBERG, non tantum decens his aptavit receptaculum, sed etiam necessariam aedem curauit superstruendam; paullum tamen propius, quam antea ad viam regiam. Atque hunc deinde fontem medicatum insignis hominum multitudo per aestatem proxime praeterlapsam non sine fructu frequentauit. Situs maxime est planus, sed plagas versus, inter austrum et occidentem locatas, e longinquo

a) Dn. D. I. G. WALLERIVS, Prof. et Eques Celebrissimus, ante annos dudum 36 fontis huius primum detecti descriptionem edidit sub titulo: *Wålmente Tankar om Danemarks Hålſo-brunn*; referuntur etiam curationes aliquot felices, his acidulis effectae, sed multam forte haec aqua ab illo tempore subiit mutationem, quod comparatis inter se experimentis, quae in illa et hac nostra descriptione comparent, facile patescit.

quo monticulus exsurgit, unde hanc mineralem aquam originem ducere, probabilis est coniectura.

§. III.

Qualitates fontis physicae.

Venae quatuor memoratae longe supra centenos cantharos aquae per horas singulas emittunt, quae limpida prorsus videtur, sed manifestum tamen observatur discrimen, si cum aquis in fonte ad molendum academicum, aut ad arcem urbis regiam fito, fuerit collata. Vbi segnis progreditur vel etiam stagnat, superficies colores refert iridis, ad fundum vero ochra conspicitur flavescent. Si aedes fonti superstructa diu fuerit clausa, odor hepaticus haud obscure sese prodit, qui etiam, quando in ampulla clausa paucis momentis quassatur aqua, admotis postea naribus, distincte potest sentiri.

Sapor atramentum refert, sed acidum tamen gratum et viuidum, quod alias acidulas, notabili quadam vi insignes, tantopere volatiles reddit atque efficaces, heic magna ex parte deesse degustanti mox patet.

Temperatura aquae intra nonum et decimum gradum frigus congelationis superat.

Gravitas specifica exigua est, ad aquam destillatam maxime ut 1,0026 ad 1,0000.

§. IV.

Acidi aërei quantitas.

Ad quantitatem materiae subtilis et volatilis, quae acidum aëreum seu atmosphaericum merito vocatur,

tur, in hoc fonte acidulari contentae explorandam, varia instituta sunt experimenta. Parte aquae Danemarkensis vna dilucide rubescunt decem tincturae Heliotropii plane caeruleae, quatuor tamen eius partes non tantam coloris efficiunt mutationem, quantam praestat vna Spadanae.

Per quassationem in vitro clauso paullo maior bullarum prodit numerus, quam in aquis fontanis communibus, pari tractatis modo. Huc si referas, quae de sapore antea diximus, notabilis heic elucet defectus acidi aërei, qui multo etiam luculentius patescit, si totum penu coquendo exhauritur, et in hydrargyro colligitur^{b)}, tum enim unus cantharus huius vix septem pollices cubicos geometricos fovereprehenditur, quam ideo quantitatem septies fere Spadanae eiusdem voluminis, immo tredecies circiter continent aquae Pyrmontanae ad nos translatae.

§. V.

Principia euaporatione collecta.

Ad materias omnes fixiores, quae calore coctionis non auolant, obtinendas, portiones determinatae sequenti modo euaporabant: aqua quatuor minutis coctioni exposita refrigerabatur et filtrata materiam dabat ochrae similem, quae pro singulis cantharis pondere efficiebat granum $1\frac{3}{4}$. Constanti quadam exsiccandi methodo opus est, antequam residua bilanci committuntur, alioquin ingens ponderis

b) Conf. Analysis Aquarum, §. VIII, A, B.

ris diuersitas facile oriri potest, ideoque singula heic collecta per quindecim minuta igni 100 graduum exponebantur. Ebullitionis calorem vbique facillime inuenire et vsurpare possumus, qui igitur ad finem obtinendum maxime videtur idoneus.

Eodem caloris gradu siccanda sunt filtra, dein mox ponderanda, vt in illis collecta postea simul balance queant aestimari. Non quidem perfecte euitari potest, quin nonnullae molecule subtilissimae aliquando filtra transeant, sed longe imperfectius separari possunt, quae illis retineantur, et qua partem penetrarunt chartam albam, non aluminatam, quae huic scopo in primis conuenit. Itaque noto filtri pondere subtracto a pondere filtri cum suo contento, perquam exacte innotescit pondus contenti. Ceterum hac via longe facilius exsiccatio peragitur, nam filtrum cum contento in aëre siccatum, tandem conuolutum in laguncula vitrea commode ebullitionis calori exponitur.

Prima haec filtratio instituebatur ad experiendum, vtrum calcis aut magnesia albae, acido aëreo solutae, quidpiam adesset, hae enim calore supra memorato copiam acidi, ad solutionem necessarii, amittunt, separantur et cum ochra in filtro remanent. In praesenti nullum eartum notabile inuentum fuit vestigium; nam residuum ne minimam quidem cum acidis effervescentiam ostendebat. Continuabatur deinde coctio vsque dum nouem, ex decem aquae primum infusae partibus, euaporauerant, et filtratione iterata inuentum est pro quouis can-

tharo (cui mensurae omnes numeri sequentes respondent, nisi aliter expresse fuerit scriptum, quod iam semel indicasse sufficiat), siccum residuum $2\frac{3}{4}$ granorum. Reliquum prorsus euaporatum et exsiccatum grana 16 porrigebat, summa igitur habetur $20\frac{1}{2}$ granorum, quorum natura iam est examinanda.

§. VI.

Martiale adest et aëratum, et vitriolatum.

Ferrum huic aquae inesse, ochra testatur, nec non sapor, color niger cum adstringentibus et caeruleus cum alkali phlogistico. Metallum vero heic parcam admodum subire solutionem in acido volatili, sed potius in graui valde et fixo, perspicitur ex aqua, quae quantumuis diu libero aëri exposita, cum iusta tamen adstringentium portione nigrescendi facultatem retinet^c), immo neque per coctionem haec adfectio perit, sed ad vltimam guttam persistit. Haec igitur aqua vitriolica quoque est, nam ferrum, acido aëreo vnice solutum, ebullitione totum quantum separatur. Sed ex aqua, vitriolo martis foeta, in vase aperto ochra sensim et continue secernitur, etenim prout phlogiston, ab aëre

- c) Probe obseruetur oportet, nimium tincturae gallarum confusionem quamdam facile procreare, etenim haec tinctura praecipitatur ab aqua vulgari, quamvis omni spoliata martiali, modo calcem contineat aëratam. Hoc sedimentum ex albo flauet, tarde fit conspicuum, et, si martiale adest, violaceo immixtum post viginti quatuor horas viriditatis speciem affectat.

aëre cupide attractum, basi metallicaе euellitur, acidum iners redditur, et tantumdem, quantum antea, retinere nequit: ferrum namque soluendum tanto copiosius requirit menstruum, quanto magis materia eiusdem inflammabilis minuitur. Calor phlogistici abitum accelerat. Si respectu aquae soluentis valde exigua sit vitrioli martis portiuncula, hoc modo ita debilitari potest, vt tandem eiusdem praesentia nec tinctura gallarum, nec alkali, quod phlogisticatum appellatur, inuestigari possit.

Credunt nonnulli chemicorum nostri aevi, aquam martialem certe continere vitriolum viride, vbi cumque cum alkali phlogistico caeruleum generat Berolinense, quod tamen experientiae contrariatur, nam aqua destillata, ferro aërato impraegnata, eundem pariter dat colorem, sed paullo tardius, quod non mirum videbitur illi, qui diuersam nouit vim acidorum, quibus heic ferrum adhaeret; immo vitriolum martis exacte saturatum segenius et parcius praebet genuinum sedimentum caeruleum, quam acido abundans, illud enim, quod in priori casu deiecitur, ab initio vel nigrescit, vel albescit, in posteriori autem mox eximie caerulescit. In casu praesenti acidum vitrioli longe tutius per alias vias sese prodit: scilicet materiis intra minus spatium redactis, plumbum quidem acetatum additum subtilissima praebet grana angulata, quae aceto non soluuntur; sed hoc iam non sufficit, si vero per alkali fixum vegetabile ferrum praecipitatur, verum per crySTALLISATIONEM dein obtinetur alkali vegetabile vitriolatum, quae fieri non possent, nisi

acidum adesset vitrioli, in casu priori cum plumbo, et in posteriori cum alkali sese coniungens.

Copia ferri explorari potest ita, vt color, tinctura gallarum prouocatus, quaeratur tentando aequales aquae quantitates, quae diuersa vitrioli susceperunt pondera, et eundem guttarum tincturae numerum, dum enim idem prodit tinctus, et tam aquae, quam adstringentis doses conveniunt, ferri quoque concordent oportet. Sed solutionis notum est contentum, ergo etiam datur copia eiusdem quaesita in aqua exploranda. Haec certe methodus non est damnanda, sed, si erit fida, molestam requirit adcuracionem. Nonnulli totum residuum post elixationem, aqua pura factam, exsiccatum et ponderatum, suffundunt aliquo trium vsitatorum acidorum mineralium, quo postea decanthato, massa lavatur, exsiccatur et denuo ponderatur, vbi differentia indicat pondus ferri. Haec quidem methodus prospere satis procedit; sed caute obseruandum est, ne nimium, aut nimis forte adhibeatur acidum, aut iusto diutius infusum permaneat, vt enim gypsum singulis horum trium solui potest, ita pro re nata plus vel minus, immo tota gypsi quantitas, simulabit, si in residuo adsuerit, et operatio non satis prudenter instituatur. Tutissime omne ferrum per alkali phlogisticatum praecipitatur.

Ex aquae Danemarkensis cantharo vno martialis sedimenti hac via 16 fere grana obtinentur, quae 14 circiter vitrioli viridis grana indicant, quum huius salis crystallisati 100 partes exhibeant caerulei Beroli-

rolinensis 115. Quantitas ferri, acido soluta aëreo et hinc subtrahenda, vix ultra $\frac{1}{4}$ grani efficit, nam 100 pollices cubici 4 tantum grana fuscipiunt^{d)}.

§. VII.

G y p s u m.

Quando ferrum ex residuo separatur per acidum, albida comparet materia pondere 14 granorum. Haec omnes fere *gypsi* proprietates ostendit, quod etiam in ochra primis collecta filtrationibus adest (§. V.), haec enim residua, praecipue posterius, ad tubum ferruminatorium facillime cum ebullitione quadam super carbone in globulos liquescunt, quae a magnete attrahuntur, si non nimis diu in igne manserint. Materiam hanc *gypseam* esse, difficilis eius solutio per aquam satis probat, atque etiam habitus in igne, siue sola fuerit, siue aliis commixta; praesertim vero hoc docet decompositio via humida per alkali fixum; sic enim vera calx praecipitatur, et per crystallisationem tartarus obtinetur vitriolatus, vel sal Glauberi, prout ex vegetabili aut minerali regno alkali fuerat desumptum.

Melius gypsum ab ochraceo pulvere separatur aqua destillata, quae residuum siccum quingentes pondere superat, haec enim ebulliens salinam solvit partem, cuius quantitas e pondere remanentis ochrae exsiccatae facile cognoscitur.

L 4

§. VIII.

d) Comm. de Acido aëreo §. XIV.

§. VIII.

Pulvis siliceus.

Si non modo omne ferrum, sed etiam gypsum acido soluitur (§. VI, VII), dimidium circiter granum remanet pulveris tenuissimi, qui ne quidem per coctionem acidis soluitur. Hic lotus atque exploratus materiam plane refert siliceam.

§. IX.

S a l e s.

Aqua ad elixandum adhibita (§. VI), lente evaporando, perfectas tandem ponit crystallos salis Glauberi, circiter 3 granorum, quae non plus ferri continent, quam quod aquam crystallisationis comitari potuit. Lixivium postea reliquum subuiri-dem habet colorem, neque facile in crystallos crescit, sed per exsiccationem tandem dat massam salinam 2 granorum, in aëre deliquescentem, adstringente simulque salso praeditam sapore. Haec institutis experimentis, in primis praecipitantibus, vitriolum maiori ex parte esse deprehenditur, sed valde phlogisto spoliatum, et pauxillo salium Glauberi et culinaris commixtum. Horum posterius partim sapore, partim vna vel altera crystallo cubica, sed praecipue acido vitrioli concentrato infuso, proditur, humido enim corpore superne admoto, fumus oritur griseus et acris, odore acidi salis communis.

§. X.

Aquae Danemarkensis principia proxima.

Ex allatis constat cantbarum vnum aquae mineralis Danemarkensis continere:

Acidi

Acidi Atmosphaerici	7	poll. cub. Geom.
Ferri aëratı circiter	$\frac{1}{4}$	gran. §. VI.
Vitrioli Martis —	14	— §. VI, IX.
Salis Glauberi —	$3\frac{1}{2}$	— §. IX.
Gypsi — —	14	— §. VII.
Salis culınaris vix	$\frac{3}{4}$	— §. IX.
Silicis fere —	$\frac{1}{4}$	— §. VIII.

Summa est $32\frac{3}{4}$ granorum, quae totum residuum siccum multum superat (§. V), sed haec differentia ex aqua crystallisationis heic connumerata, quae in casu priori maxima ex parte per calorem erat separata, est deriuanda. Hisce partibus ingredientibus analytice detectis, eademque proportionem cum aqua destillata, quae empyreuma suum amisit, adunatis, solutio obtinetur sapore ceterisque qualitatibus naturali prorsus similis; quae igitur synthesis plane confirmat analysin in praecedentibus descriptam. Praeterea tamen aliquantulum continent extractiui vegetabilis acidulae Danemarkenses, a radicibus forte, quas in viis suis subterraneis offendit. Hinc quoque claritatem non nihil obscurari vero perquam est simile (§. III). Proditur hoc mucilaginosum praesertim fusco quodam combustibili, quod nonnulla sequitur residua, et in specie siliceum (§. VIII), immo ramenta quaedam vegetabilium interdum nudis oculis observantur.

Superficies multicolor non est pinguedo quaedam mineralis, sed ferrum, phlogisto ad certum gradum priuatum. Tales, in solutionibus salium quorundam metallicorum aëri expositis, enatant,

quin etiam a ferro, in aqua per acidum atmosphaericum soluto, separantur. Aër purus principium inflammabile fortiter attrahit, multisque comper- tum est experimentis, calces metallicas ex mutata phlogisti quantitate variare colorem. Odor hepaticus leuissimum certe est specimen ipsius modi, quo natura ad hanc aquam particulis mineralibus imprae- gnandam vfitur.

Talia sunt contenta fontis acidularis Danemar- kensis. Aquae huius vtilitatem et vsum explicare, nostri non est instituti, in genere autem perspicuum est, eam efficacia differre ab aliis subtilioribus, quae martiale, acido aëreo vnice solutum, tenent. Quam- vis autem, quod hisce quotidie praestatur, vix ac ne vix quidem efficere valeat, verisimile tamen est, eam in aliis casibus, vbi vitriolum requiritur, maiori vi et facultate eisdem antecellere.

De cetero vitriolum et gypsum proprie heic agunt, reliquae enim materiae tam tenui adsunt quantitate, vt parum aut nihil in augenda aquae salubritate valeant. Ad gypsum quod attinet, depre- henditur illud in aqua Pyrmontana, salisque bene multis, medendi virtute celebratissimis, sed num sanitati proficuum sit, optimo iure dubitatur.

Index Paragraphorum.

§. I. De aquis medicatis in genere	pag. 158
§. II. Situs fontis Danemarkensis	160
§. III. Qualitates fontis physicae	161
§. IV. Acidi aërei quantitas	ibid.
§. V. Principia euaporatione collecta	162
§. VI. Martiale adest, et aëratum, et vitrio- latum	164
§. VII. Gypsum	167
§. VIII. Pulvis siliceus	168
§. IX. Sales	ibid.
§. X. Aquae Danemarkensis principia proxima	ibid.

V.

DE
AQUA PELAGICA*)

Mari late patenti saporem incoqui salis, quia exhausto inde dulci tenuique, quod facillime trahat vis ignea, omne asperius crassiusque linguatur: ideo summa aequorum aqua dulciorem profundam.

PLINIVS.

§. I.

Aqua in profundo maris hausta.

Experientissimus Medicinae Doctor ANDREAS SPARRMAN, qui cum FORSTERIS nuper australem visitavit oceanum, ibidemque mirandas naturae diuitias cum sociis infatigabili studio inuestigavit, collegit et descripsit, in sua, e promontorio, quod Caput bonae spei audit, in Europam navigatione, qualitatem aquae marinae, ex ingenti haustae profunditate, cognoscere tentavit. Plures ampullae vitreae, quarum angustum collum subere optime erat clausum, successiue demergebantur, initio Iulii anni 1776, in latitudine circiter Insularum Canariensium. Ampulla e profundo 80 orgyiarum retracta, ambientis aquae pressione, qua partem inflatam fracta reperiebatur: alia ad 30 tantum orgyiarum

*) Hoc commentariolum Actis Reg. Acad. Stockholmensis pro anno 1777 insertum reperitur.

rum profundum demissa, suber quidem paullum depressum monstrabat, non tamen ita, vt quidquam aquae intrare potuerit, quae ideo iterum ad profundum 60 orgyiarum submersa primum, et dein in nauem recepta, aqua inueniebatur impleta vsque ad tertiam colli partem, vbi suber vi intrusum restabat, liquori incluso exitum perfecte denegans. In eodem profundo postea plures implebantur, quas in patriam redux mihi obtulit D. SPARRMAN, rogans, vt vellem hanc aquam qua heterogenea adcurate explorare.

§. II.

Habitus cum reagentibus.

Aqua marina mihi tradita nullo gaudebat odore, sapore autem intenso salso, non quidem grato, nec tamen nauseam mouente, vt illa, quae in superficie hauritur.

A) *Papyrus Fernambuco* tincta parum hac caerulefcit, et illa, quae *Heliotropio* colorem debet, fit paullum saturatior. Haec phaenomena debilia monstrant cuiusdam materiae alkalinae vestigia, magnesia nempe acido aëreo solutae. *Tinctura Heliotropii* non mutabatur sensibiliter.

B) *Acidum sacchari* mox puluerem album deiecit, constantem calce saccharata.

C) *Alkali fixam* mox albam praecipitabat terram, quae explorata magnesia prodebat indolem.

D) *Ter-*

D) Terra ponderosa salita statim spathum ponderosum deturbavit.

E) Alkali phlogisticatum nulla extricavit coloris caerulei vestigia.

Hinc igitur distincte colligi posset praesentia calcis (*B*); magnesiae (*C*); acidi vitriolici (*D*): de muria nullum erat dubium.

Vt principia proxima exactius, et qua indolem, et qua quantitatem innotescerent, examen inceptum continuari modo sequenti.

§. III.

Principia evaporatione collecta.

Cantharus huius aquae, quae gravitate gaudebat specifica 1.0289 respectu destillatae, ad siccum vaporans dedit residuum, quod probe exsiccatum in bilance aequivalebat vnciis tribus granisque 378.

A) Hoc residuum alcohole vini bene lotum et exsiccatum pondere 380 granorum diminutum fuit.

Solutio aqua destillata diluta demisit, addito alkali minerali, magnesiam, et liquor evaporatione dedit muriam.

B) Vt cognoscerem, num quidquam adesset magnesia vitriolatae, massae salinae, alcohole lotae, pauxillum aquae ferventis adfudi et subito iterum decantaui. Haec aqua, examine instituto, nec sapore, nec praecipitatione, quidquam prodebat magnesia vitriolatae, et nihil, praeter exiguam muriarum portiunculam, solutum tenebat.

Magne-

Magnesia vitriolata aqua ebulliente facillime solvitur, muria pura vero feruida vix magis suscipitur, quam frigida. Methodo igitur adhibita commode separantur. Contendunt quidem recentiorum nonnulli, aquam frigidam calida plus muriae soluere, sed haec adsertio rei naturae contrariatur, ideoque non potest non experientiae repugnare. Adcurato experimento didici quantitates muriae, iisdem aquae destillatae ponderibus, altero ebulliente, altero calore medio gaudente, solutas, esse in ratione 77 ad 71.

C) *Muria* aqua frigida soluebatur, adeo tamen parca, vt nihil ultra suscipi posset, ideoque restabat pulvis albus, qui gypsi monstrabat indolem.

D) Hoc *gypsum* in aceto concentrato perexiguam excitabat efferuescentiam, cito transeuntem, sed vix sensibilibiter diminuebatur.

E) Singulis collectis et ponderatis contenta huius canthari prodeunt

Muriae	—	—	Vnc. 2, gr. 433
Magnesiae salitae	—	—	380
Gypsi	—	—	45
			<hr/>
			Vnc. 3, gr. 378.

Magnesia, quae gypso adhaesit, acido aëreo antea fuit soluta, et iam adeo exiguae molis reperta, vt octauam grani non attingeret.

§. IV.

Vsus aquae pelagicae.

Si aqua marina, e maiori hausta profundo, eius semper est indolis, ac iam examinata, hinc concludere

cludere licet, eandem nauseoso priuatam esse sapore, quod aliis praeterea bene congruere videtur phaenomenis. Scilicet innumerabiles illi piscium, animalculorum et vegetabilium exercitus, qui in pelago nascuntur, degunt et moriuntur, dum primum putredine corripuntur, tument, et vel tota enatant, vel saltem partes aqua extractae. Ad superficiem iusta adest muriæ copia et liber aëris accessus, quæ momenta putredinem mirum quantum promouent. Est hæc destructio necessaria in oeconomia naturæ, et res circumstantes ideo coniunctis viribus teterrimam iuuant operationem, cuius ni fallor indiuisus est comes hic, nauseam mouens, sapor, e collectis iuxta superficiem particulis putrescentibus ortus. Sed quaecumque sit causa, modo constans vbique reperitur phaenomenon, non spernenda hinc redundat vtilitas in commodum illorum, qui mare traiciunt, potest enim hæc in profundo hausta, saltem aequali aquae dulcis quantitate diluta, in confectione ciborum adhiberi, quo medio dimidium aquarum dulcium penu seruabitur, et urgente necessitate plus forte lucrari licebit.

Index Paragraphorum.

§. I. Aqua in profundo maris hausta	pag. 172
§. II. Habitus cum reagentibus	173
§. III. Principia euaporatione collecta	174
§. VI. Vfus aquae pelagicae	175

VI.

D E

AQVIS MEDICATIS FRIGIDIS,
ARTE PARANDIS*).

— — *Si quid nouisti rectius, istis Candidus imperti,
si non, his utere mecum.*

HORATIVS.

§. I.

Instituti ratio.

Aquarum mineralium quatuor in primis species, Seydschützenfes nempe, Selteranae, Spadanae et Pyrmontanae ab exteris oris in Sueciam transvehī solent, quippe quas sanitati fractae vel vacillanti adeo proficuas experti sunt Machaoniae artis magistri, ut magna quotannis copia praescribantur et hauriantur.

Quum autem hieme et vere vel omnino desiderantur, vel saltim recentes apud nos haberi nequeant memoratae aquae, etsi hoc tempore multis valetudinis infirmitatibus meliorem ignorent medici medelam: quum pauperis non sit tanti emere aquas salutare, quanti hae vulgo constant: quum praeterea

*) Haec Commentatio Actis Stockholmensibus anni 1775 inserta est, suecico conscripta idiomate. Postea in Danicum translata vidi.

terea in itinere plus minus virtutis amittant: quum denique haud spernendam pecuniae summam e regno extrahat earundem vsus ^{a)}), operae pretium duxi accuratissimo, quo possem, examine principia expiscari constitutiva, sperans fore, vt, hisce rite cognitis, vbique possent praeparari. Num scopum attigerim propositum, ex sequentibus iudicent periti aequique harum rerum aestimatores. Sed primum penitus cognoscendae sunt hae aquae, dein inuitandae.

Analysis aquae Seydschûtzensis.

§. II.

Principia euaporatione collecta.

A) Aqua Seydschûtzensis perquam ingrata et amarissima, in ebullitionem calore redacta, pulverem secernit albidum, qui in filtro collectus, lotus et siccatus sinceram exhibet calcem aëratam ^{b)}), nam acido vitriolico saturatus in gypsum totus quantus abit.

B) Maxima dein parte in vapores resoluta, pellicula prodit gypsea, quae sedulo est auferenda, donec

a) Rationes vectigalium maritimorum anno 1772 ampullas 29168, pretio 1459 imperialium suecicorum aestimatas, memorant: anno 1773 ampullae 23405 importatae fuerunt et 1248 Imperialium aestimatae. Quantum cuiusvis aquae speciei in regnum peruenit, latet, quum summa tantum notetur. Ast nullus dubito, quin longe maior harum aquarum quantitas Sueciam quotannis intret.

b) Comm. de acido aëreo §. XI.

nec nulla ulterius huius salis vestigia appareant sub progressu euaporationis. Gypsum collectum, aceto concentrato lotum, paulum effervesceat, idque ex immixta magnesia alba, quam etiam e menstruo hocce acido praecipitat alkali tartari. Paulum gypsi nihilo minus restat in aqua, licet pellicula nequeat distincta oriri.

C) Quod reliquum est, fuscum induit colorem et repetitis euaporationibus ad ultimam fere guttam crystallos porrigit salis amari, qui aqua calcis totus decomponitur, adeoque genuina constat magnesia vitriolata ^{c)}, nam, qui a Glaubero nomen mutuatur, alkali minerale continet, quod acidum vitrioli calcis minime cedit. Crystalli collectae, et aqua parca solutae, in fundo vasis paulum gypsi relinquunt, quod supra memorauimus. Sed iis praeterea inest magnesia salita, quae partim cum aqua crystallisationis compagem intrat, partim externe adhaeret: haec spiritu vini est separanda.

Calx salita persistere nequit in aqua, quae magnesiā vitriolatam simul tenet, etenim adfinitate duplici principia proxima innox permutantur, adeo ut acidum vitrioli calcem arripiat, magnesiā acido salis relinquens.

Repetita operatione didici, diuersas materias aequae, immo melius separari posse, euaporatione primum ad siccum continuata, et dein vnam post alteram auferendo.

M 2 D) Vt

c) Conf. Diff. de magnesia alba §. V.

D) Vt quantitatem aëris fixi, in aqua hospitantis, explorarem, initio vas adhibui cylindricum cupreum, limbo instructum conico A B C D (Tab. II. fig. 1), in quod aliud paullo minus E F G H immitti potest, inferius apertum, tribusque minutis pediculis insistent, superne vero clausum, excepto tubulo I, cuius orificium infra superficiem liquidi, vas implentis, dimidio saltem pollice demersum esse debet. Operatio modo sequenti peragitur. Vas exterius, cum altero immisso, aqua examinanda primo implendum est, quo facto lagena vitrea, aquae feruidae plena et ita inuersa, vt nullae intrauerint bullae aëreae, mediante cochleari L collocatur supra tubum I, vti figura monstrat. Dein prunarum ope ebulliat aqua, donec non nisi vapores bullarum forma adscendant. Interea aqua, interiore vase contenta, aëreum, dum feruet, dimittit, quod per tubum enatat et in lagena colligitur. Si opus est, lagena prope euacuata, mediante cochleari tollitur, in patina aquae feruidae plena collocanda, in cuius locum alia plena est substituenda, qua fieri potest celeritate, ne interea aërei quidquam dissipetur. Tandem spatium aëreo occupatum, in vna pluribusue lagenis, metiendum est adhuc 50 graduum calore dotatum, ne nimium absorbeat aqua.

Hoc volumine cum illo comparato, quod vas interius includit, patescit circiter, quantum aërei contineat data aquae mensura. Modum iam descriptum initio adhibui, vti antea dixi, sed licet aqua lagenae ad quinquagesimum vsque gradum esset calefacta, ea tamen acidi aërei plus minus absorberi didici,

dici, ideoque postea hydrargyro vsus sum, quod, operatione rite instituta, quaesitam quantitatem exacte determinat^d). Idem volumen variat pro diverso atmosphaerae pondere et calore, ideoque quantum fieri potest, certi gradus sunt eligendi.

Obseruetur praeterea aëreum collectum duo diversa plerumque continere fluida elastica: alterum cum acido aëreo, perfecte congruens, alterum vero cum aëre puro, h. e. respirationi et igni alendo idoneo. Aqua vulgaris prius absorbet, non vero posterius, quum illo dudum sit saturata et hac via quodammodo separari possunt

E) Singulae materiae, quae analyfi iam memorata obtinentur, qua quantitatem ita se habent. Cantharus nempe suecanus (hoc est spatium 100 pollicum geometricorum) continet

Calcis aëratae	—	—	4 $\frac{1}{2}$	grana
Calcis vitriolatae	—	—	24 $\frac{1}{2}$	—
Magnesiae aëratae	—	—	12 $\frac{1}{2}$	—
Magnesiae vitriolatae			859 $\frac{1}{2}$	
Magnesiae salitae			21 $\frac{3}{4}$	
			<hr/>	
			922 $\frac{3}{4}$	

Aëreum calore expulsum vix ultra 6 pollices cubicos efficit, quorum circiter quatuor sextae acido constant aëreo, reliquum aëre puro.

F) Quum acidi aërei 100 pollices non nisi 27 grana calcis aëratae in vno aquae cantharo soluere
M 3 que-

d) Conf. Diff. de analyfi aquarum, §. VIII, A, B.

queant, quatuor vix ultra 1 fuscipiant oportet, ideoque maxima pars mechanice immixta, sua subtilitate suspensa haeret ^e).

Magnesia salita, sola ad siccum euaporatione, decomponi potest qua partem, hinc omnis, quae obtinetur, magnesia libera, non ideo semper sub hac forma in aqua adfuit, sed acido marino nupta, maior minorue portio, pro gradu caloris, quo euaporatio peragitur, facileque haec discernitur, quum lente et sine effervescentia acidis solvatur ^f).

§. III.

Aquae Seydschützenfis cum reagentibus habitus.

A) *Tinctura heliotropii* ope aquae destillatae facta et ita diluta, vt plane caerulea appareat ^g), admixta Seydschützenfi minime rufescit, quod exiguae acidi aërei quantitati conuenit, *papyrus* vero *heliotropio* tincta, magis hinc caerulescit, quod calci et magnesiae aëratæ est adscribendum ^h). Si salis alkalini liberi quidquam adest, illud facile dignoscitur mediante papyro, quam *Curcumae* radix luteam fecit, etenim haec eo distincte et mox badia fit, a terris vero aëratæ non mutatur.

Papyrus fernambuco rufata mox caerulescit, aqua Seydschützenfi illita.

B) *Tin-*

e) Diss. de Aquis Vpsalienfis, §. III, F.

f) Diss. de Magnesia alba, §. XIX.

g) Comm. de acido aëreo, §. VI.

h) Ibidem §. XI et XII.

B) *Tinctura gallarum* spirituosa, aequae ac *alkali*, quod *phlogisticatum* vulgo audit, nec colorem aquae Seydschützensis mutant, nec quidquam praecipitant metallici.

C) *Alkali vegetabile* causticum mox claritatem turbat et floccos spongiosos albos deiicit. Quod heic secernitur, est *magnesia*, cui *acidum salis* et *vitrioli* eripitur.

D) *Guttae* nonnullae *acidi vitriolici* concentrati nullam visibilem efficiunt mutationem: particulae calcis et *magnesiae aëratae* nimium distant, quam ut effervescentia queat obseruari, quae tamen fit manifesta, si euaporatione intra minus cogantur spatium, quamvis etiam calcareae dudum penitus secesserint, quod modico caloris gradu accidit.

E) *Acidum sacchari* solum, vel *alkali vegetabili* nuptum, minima mox prodit calcis praesentis vestigia, quocumque demum acido sit vnita ¹⁾. Tanta nempe vi calcem attrahit hoc acidum, ut ipsum vitriolicum, omniaque alia hactenus nota, expellat, cum basi adquisita salem formans aegerime solubilem, qui ideo statim instar pulueris albi decedit. Acidum memoratum, aquae instillatum Seydschützensi, primo momento calcem saccharatam praecipitat.

F) Quod *oleum calcis* vocari solet, ex aqua Seydschützensi gypsum, sed lente, secernit, idque

M 4 vi

i) Diss. de acido sacchari, §. VI.

vi duplicis adfinitatis, quum magnesia vitriolata cum calce salita principia proxima commutet.

G) *Fruſtulum aluminis* puri aquae Seydſchützensi immiſſum, intra horae quadrantem ſtratum terreum prope fundum prouocat, quod examini ſubiectum argillaceum eſſe reperitur. En rationem. Acidum vitrioli ſuam deſerit baſin, magnesiā arripiens aëratam.

H) *Solutio lunae* mox aquam Seydſchützenſem congrumat, etenim acidum et vitriolicum, et marinum praefens, nitroſo argentum eripit.

I) *Solutio hydrargyri* turpethum minerale heic deiicit, eo albidius, quo ſub ſolutione minus dephlogiſticatum fuit metallum. Si quieta relinquitur miſcela, nubecula alba ſupra turpethum colligitur, quae nihil eſt aliud, quam hydrargyrus ſalitus.

K) *Mercurius ſublimatus corroſiuus* lente ſedimentum albidum ſecernit, quod calce hydrargyri aërata conſtat ^{k)}, mediante et calce et magnesia aërata facile praecipitanda.

L) *Saccharum ſaturni*, vel rectius plumbum acetatum, puluerem album deturbat, qui eſt vitriolum plumbi, e magnesia vitriolata decompoſita ortum. Eiuſdem albedo abſentiam omnis ſulphurei demonſtrat.

M) *Vitriolum martis* ſub ſolutione in ochram conuertitur: ratio in eo latet, quod calx et ochra aëratae

k) Comm. de acido aëreo §. XII.

ratae eiusdem acidum auferant et aër purus in aqua hospitans, basin derelictam phlogisto residuo spoli-
liet. In lagena plena et optime clausa similiter
ochram praebet vitriolum. Singula itaque iam me-
morata phaenomena, quas antea determinauimus,
materias indicant.

§. IV.

Gravitas specifica.

Aquam Seydschützensem cum optima vulgari,
quae leni igne fuit destillata, comparaui, idque, dum
calore gaudebat medio, hoc est $+ 15$ graduum se-
cundum thermometrum suecanum. Iterata tenta-
mina gravitatem specificam dederunt 1,0060.

Quamuis gravitas specifica solutionis, ponderi-
bus partium ingredientium simul sumtis raro per-
fecte congruat, sequens tamen comparatio non pror-
sus inutilis erit.

Aquae e niue purissima lente destillatae cantha-
rus pondere proxime aequalis est granis 42250.
Seydschützenensis vero 42503, est itaque differentia
253 granorum. Sed nuper e cantharo 922 $\frac{3}{4}$ grana
obtinuimus (§. II), qui numerus prioris quadruplum
superat. Quaeratur autem iam aqua crystallisatio-
nis, quae efficit in centenario calcis aëratae 11, cal-
cis vitriolatae 22, magnesiaë aëratae 30, magnesiaë
vitriolatae 48 et magnesiaë salitae circiter 40, vnde,
calculis subductis, materierum in cantharo praesen-
tium aqua crystallisationis erit 431 granorum. Hinc
patet $923 - 431 = 492$, sed $492 - 253 = 239$ ad-

M 5 huc

huc satis notabilem efficit differentiam, quae tamen fere tota evanescit, posita generatim salium gravitate specifica 2,000, et quod, secundum accuratissima experimenta, nulla locum habeat penetratio mutua. Scilicet 492 grana cantharo aquae destillatae immissa, tantum aquae volumen extrudent, quantum eorum dimidio ($\frac{492}{2} = 246$) aequiualet. Itaque pondus canthari aquae destillatae, in quo 492 grana heterogeneorum suscepta sunt, erit $42250 + 246 = 42496$, sed $42503 - 42496 = 7$. Quum autem 6 pollices cubici aërei 3 grana praeter propter efficiant, obtinetur tandem $7 - 3 = 4$ granis, quae indicant quantum circiter sub operatione in vasis et filtris fuerit deperditum.

Analysis aquae Selteranae.

§. V.

Principia euaporatione collecta.

Aqua selterana praeter subtilem titillantemque aciditatem, saporem leuiter salsum et alkalinum mitem in lingua prodit.

A) Subita ebullitione calcem aëratam deponit, acidi aërei abundantia antea solutam, quae statim in filtro collecta vix quidquam magnesiae aëratae continere reperitur, quippe quae et facilius soluitur, et pertinacius necessariam mensurui volatilis quantitatem retinet.

B) Sub continuata dein euaporatione magnesia secernitur alba, quum autem hoc fiat continuo, seorsim

sim colando colligi nequit. Itaque primo ad sic-
cum vaporet, massa residua aqua destillata feruida
lauetur, tandemque in fundo restabit magnesia sola.

C) Quae aqua feruida obtinetur solutio, crystal-
lisando praebet duplicem salem: alterum alkalinum,
qui cum acido vitrioli verum purumque conficit
neutrale, Glauberi vulgo nomen gerentem, ideo-
que nihil aliud est, quam genuinum alkali minerale:
alterum cubicum, cum sale culinari puro perfecte
congruentem.

Magnesia salita, quae salem culinarem fere sem-
per sequitur, heic deest, nec adesse potest ob alkali
liberum praesens.

D) Qua pondus memoratae materiae ita se ha-
bent, vt quilibet cantharus exhibeat

Calcis aëratae	—	—	17 grana
Magnesiaë aëratae	—	—	29 $\frac{1}{2}$ —
Alkali mineralis crystallisati	—	—	24 —
Salis communis	—	—	109 $\frac{1}{2}$ —
			<hr/>
			180 —

Aëreum non numquam 60 pollices cubicos im-
plet, qua maximam partem acidum, nam vix vltra
vnum pollicem aër purus efficit.

§. VI.

Reagentium cum aqua Selterana habitus.

A) *Tinctura heliotropii* caerulea parua aquae
Selteranae portione rufescit, sed in aëre aperto sen-
sim,

sum, et calore paullum intensiore mox redit caeruleus color.

Papyrus heliotropio tincta magis caerulescit aquae nostrae immissa; *fernambuco* rubra caerulescit, et *curcumae radice* lutea parum mutatur, sed principiis euaporatione in minus coactis spatium, ex fusco rufescit distincte.

B) *Tinctura gallarum* et *alkali phlogisticatum* nulla produnt vestigia metallica.

C) *Alkali vegetabile* crystallifatum nihil, sed causticum album deturbat puluerem, qui in acido vitrioli efferuescit gypsum formans: est igitur calx aërata menstruo volatili necessario priuata.

D) *Acida* fortiora instillata innumeras excitant bullulas, quae nihil aliud sunt, quam acidum aëreum ab alkali et terris aëratissimis expulsum.

E) *Acidum Sacchari* calcem mox arripit et fundum petit.

F) *Terra ponderosa salita* nullum praecipitat spathum ponderosum, quod acidi vitriolici absentiam certissime euincit, tanta enim auiditate memoratam terram attrahit, ut omnem aliam basin deferens cum eadem coëat in atomos aqua forsan insolubiles.

G) *Calx salita* non nisi vno alteroue elapso nyctemero puluerem exhibet calcareum, alkali minerali praecipitatum, quem acidum aëreum, quamdiu

diu sufficiente copia in aqua hospitatur, suspensum tenet.

H) *Alumen* itidem decomponitur alkali libero.

I) *Solutio argenti* aquam Selteranam mox lacteam efficit, partim in lunam salitam abiens, partim alkalino sali suum cedens menstruum.

K) *Hydrargyrus acido nitri* frigide solutus praecipitatum exhibet copiosum album, qui vero igne adiuuante menstruo susceptus est, luteus deiicitur.

L) *Mercurius sublimatus corrosiuus* non nisi post vnum alterumue diem puluerem album exhibet. Si aquae circiter pars tertia euaporatione fuit dissipata, antequam additur sublimatum corrosiuum, nulla quidem mox observatur mutatio, sed mora aliquot dierum sensim prodeunt crystalli subnigrae, de quibus dudum alio loco egimus¹⁾.

M) *Saccharum Saturni* crystallisatum statim praecipitat sedimentum album, quod aceto totum quantum solui potest, quale etiam e plumbo vel acido salis coniuncto, vel alkali fixo deturbato oritur. Vitriolum plumbi acetum non subit.

N) *Vitriolum martis* albidum deponit sedimentum, quod lente flauescit, etiam in lagena plena et probe obturata.

§. VII.

Gravitas specifica aquae Selteranae.

Respectu aquae destillatae eandem in calore medio inueni 1,0027, vnde pondus vnius canthari sequitur

1) Comm. de acido aëreo §. XII.

quitur 42363 granorum, quod, e materiis ingredien-
tibus concludendo, erit $42250 + \frac{180-31}{2} = 42324\frac{1}{2}$,
quum aqua 31 circiter grana efficiat, cuius alkali cen-
tenario 64, muriaeque 6 libras tribuendo, et reli-
quis vti antea (§. IV). Pondus 60 pollicum cubico-
rum aërei praeter propter 30 grana attingit, ideoque
 $42363 - 42324\frac{1}{2} - 30 = 8\frac{1}{2}$ gr. differentiam indi-
cant ponderum canthari, quorum alterum e graui-
tate specifica, alterum e contentis heterogeneis de-
ducitur.

Analýsis aquae Spadanae.

§. VIII.

Principia euaporatione collecta.

Aqua Spadana sapore gaudet martiali, subalka-
lescente, miti et parum titillante. Libero per ali-
quot horas aëri exposita pelliculam nitentem varie-
gatamque in superficie contrahit.

A) Subita ebullitione puluerem fecernit ferru-
gineum, qui percolatione collectus et paulum vstus
aceto immittatur, nam hoc menstruum terras im-
mixtas soluit, ferrum vero dephlogisticatum inta-
ctum relinquit. Dein ex aceto quod alkali praeci-
pitatur, nihil est aliud, quam calx aërata.

B) Sub progressu euaporationis ad finem vsque
puluis albus continuo separatur, qui ex residuo sic-
co sufficienter prudenterque loto obtinetur. Hic
plerumque cum efferuescentia in aceto soluitur et
magne-

magnesiae aëratae indole gaudere reperitur, sed aliquando quidquam intactum remansit, quod genuinum fuit gypsum, vix pro cantharo granum attingens.

C) Aqua, qua lauatur residuum, crystallizando exhibet alkali minerale paucis commixtum cubis salis communis. Alkali memoratum acido vitrioli unitum genuinum conficit salem, a Glaubero denominatum, sed nonnumquam crystallis quibusdam inquinatum, quae alkali vegetabile vitriolatum referunt.

D) Experimenta hactenus instituta in cantharo quouis adesse testantur

Ferri aërat	—	—	$3\frac{1}{4}$	grana
Calcis aëratae	—	—	$8\frac{1}{2}$	—
Magnesiae aëratae	—	—	20	—
Alk. min. crystallifati	—	—	$8\frac{1}{2}$	—
Salis communis	—	—	I	—
			<hr/>	
			$41\frac{1}{4}$	—

Aëreum collectum raro spatium 45 pollicum cubicorum occupat, quod totum quantum est acidum et aqua absorbetur. Aëris puri nihil reperi, nec forte diu adesse potest cum martiali aërato, quum huic phlogiston eripiat euoletque.

§. IX.

Habitus aquae spadanae cum reagentibus.

A) *Tincturae heliotropii* partes 25 aquae spadanae vnica plerumque rufescunt. Papyrus heliotropio

pio tincta saturatio fit et fernambucata caerulescit, sed curcumae radice lutea vix mutatur, nisi antea euaporatione in minus volumen coacta fuerit aqua.

B) *Tincturae gallarum* prima gutta purpurascit aqua, et *alkali phlogistico* caeruleum Berolinense prodit, sed paullum lentius. Aqua Spadana cocta ne hilum quidem ferri hisce reagentibus, vel vlllo alio modo, prodit.

C) *Alkali fixo* caustico post 24 horas puluis albidus calcareus, sed parce separatus, inuenitur: crystallato vix aliud quid efficitur, quam saporis hebetatio^m).

D) *Acida concentrata* magnam bullularum copiam prouocant.

E) *Alkali vegetabile saccharatum*, et acidum quoque sacchari solum, calcem praecipitat, sed parce.

F) *Terra ponderosa salita* rarissime, et, si vinquam, tardissime quidquam secernit, quod absentiam acidi vitriolici vel tenuissimam quantitatem innuit.

G) *Calx salita* sedimentum exhibet post 24 horas, *alkali fixo* deturbatum.

H) *Alumen* suam deponit terram.

I) *Solutio argenti* album subtilemque demittit puluerem.

K) *Solutio hydrargyri* in frigore facta praecipitatum praebet ex albo luteum, sed, quae coctione fuit parata, ex fusco luteum.

L) *Sub-*

m) Comm. de acido aëreo, §. V.

L) *Sublimatum corrosivum* post 24 horas pulverem griseum secernit, qui in aqua, prius euaporatione concentrata, ex fusco luteus prodit.

M) *Plumbum acetatum* albam efficit praecipitationem.

N) *Vitriolum martis* albidum praebet pulverem, qui sensim hauescit.

§. X.

Aquae Spadanae gravitas specifica.

In calore 15 graduum gravitas specifica huius aquae est 1,0010, unde pondus unius canthari 42292 grana efficere debet. Iam vero aqua residui circiter $14\frac{1}{2}$ granis aequialet, et pondus 45 pollicum cubicorum aërei $22\frac{1}{2}$, ergo $42292 - 42250 + \frac{41 - 12}{2} + 22\frac{1}{2} = 5$, differentiam quaesitam exhibet.

Analysis aquae Pyrmontanae.

§. XI.

Principia euaporatione collecta.

Gratissimo haec aqua sapore praedita est, subacescente titillanteque, fere instar vini Campaniae, sed simul martiali et paullum amaricante. In aëre pelliculam contrahit vti Spadana.

A) Ebullitione ferrum aëratum vna cum calce aërata secernitur, sed aceto posterior a priori facile separatur, modo antea descripto (§. VIII, *A*).

B) Percolatione facta euaporatio vsque ad siccum continuatur. Residuum aqua destillata sufficien-

ter elutum aceto immittitur: quod eo soluitur, magnesia alba monstrat proprietates, sed quod intantum remanet, gypsum esse reperitur.

C) Aqua, qua lotum fuit residuum, euaporando veram initio exhibet magnesiā vitriolatam, sed versus finem sale communi inquinatam, qui lentissima euaporatione quodammodo separari potest.

D) Singulis rite ponderatis in quouis aquae Pyrmontanae cantharo adeste reperitur

E) Ferri aëratī	—	—	3 $\frac{3}{4}$	grana
Calcis aëratae	—	—	20	—
Calcis vitriolatae	—	—	38 $\frac{7}{8}$	—
Magnesiae aëratae	—	—	45	—
Magnesiae vitriolatae	—	—	25	—
Salis communis	—	—	7	—
			<hr/>	
			138 $\frac{3}{4}$	—

Aëreum collectum interdum spatium explet 90 pollicibus cubicis maius, quod acido aëreo totum constat, plerumque tamen longe minorem quantitatem promit.

§. XII.

Reagentium cum aqua Pyrmontana habitus.

A) *Tincturam heliotropii* intensius rufat aqua Pyrmontana, quam Spadana. Papyrus heliotropio tincta fit saturatior et fernambucata caerulefcit, sed curcumae radice lutea non mutatur, ne quidem aqua euaporatione multum coarctata.

B) *Tin-*

B) Tinctura gallarum et alkali phlogisticatum ferrum mox produnt, sed aqua Pyrmontana cocta nulla huius metalli vestigia retinet.

C) Alkali fixi caustici prima gutta terram albam deiicit, quae examinata magnesia monstrat qualitates.

D) Acida concentrata efferuescentiam prouocant.

E) Acidum sacchari calcem statim et copiose deturbat.

F) Terra ponderosa salita acidum vitrioli distincte indicat, nam spathum ponderosum decidit.

G) Calx salita sedimentum deponit gypseum, post 24 horas plerumque visibile.

H) Alumen decomponitur, etiam post separationem calcis, adeoque ope magnesia aëratae.

I) Solutio argenti congrumationem lacteam prouocat.

K) Solutio hydrargyri frigide praeparata praecipitationem efficit ex albido luteam, illa vero, quae ope caloris facta est, et copiosius, et magis luteum promit sedimentum. In utroque casu, si instillatio fit sine ulla quassatione, nubecula alba supra fundum suspensa haeret, quae hydrargyrum salitum indicat.

L) Sublimatum corrosiuum post 24 horas ochraceum exhibet sedimentum, acido vitrioli solubile: aqua Pyrmontana euaporatione multum coarctata albidum sublimati ope demittit puluerem.

M) Plumbum acetatum puluerem album praebet, cuius magna pars aceto resistit.

N) Vitriolum martis mox albidum praebet praecipitatum, quod tandem, sed lente, flauescit.

§. XIII.

Aquae Pyrmontanae grauitas specifica.

Grauitas specifica aquae Pyrmontanae respectu aquae destillatae 1,0024 reperitur, in calore medio, est itaque pondus vnus canthari 42351 granorum. Quum autem aqua residui efficiat grana $36\frac{3}{4}$, et acidi aërei 90 pollices cubici 45, erit $42250 + \frac{138\frac{3}{4} - 36\frac{3}{4}}{2} + 45 = 5$, differentia, quae pondus canthari, e grauitate specifica deductum, illud excedit, quod e contentis heterogeneis elicitur.

§. XIV.

Comparatio aquarum examinatarum.

Vt simultaneo quasi intuitu easdem contemplemur, ordine sequenti singulas materias ingredientibus proponemus.

		Seydseh.	Selt.	Sp.	Pyrm.
Calcis aëratae	grana	$4\frac{1}{2}$	17	$8\frac{1}{2}$	20
Calcis vitriolatae	—	$24\frac{1}{2}$	—	—	$38\frac{1}{2}$
Calcis salitae	—	—	—	—	—
Magnesia aëratae	—	$12\frac{1}{2}$	$29\frac{1}{2}$	20	45
Magnesia vitriolatae	—	$859\frac{1}{2}$	—	—	25
Magnesia salitae	—	$21\frac{3}{4}$	—	—	—
Alkali min. aëрати	—	—	24	$8\frac{1}{2}$	—
Alk. min. saliti	—	—	$109\frac{1}{2}$	1	7
Ferri aëрати	—	—	—	$3\frac{1}{4}$	$3\frac{1}{4}$

Summa $922\frac{3}{4}$; 180; $41\frac{1}{4}$; $138\frac{3}{4}$

Acidi aërei maxima

quantitas poll. cub. 1; 60; 45; 95

Aëris puri — — 1; 1; — —

Grauitas specifica 1,0060; 1,0027; 1,0010; 1,0024

§. XV

§. XV.

*Coniectura de modo, quo natura has prae-
parat aquas.*

Inter iam exploratas *Seydschiützensis* acidi aërei vix plus continet, quam quaelibet aqua fontana, ideoque eiusdem genesi talis sufficit venarum situs, ut in terrae gremio latex strata penetret, quae calcem aëratam, gypsum, magnesiāque, non tantum aëratam, sed etiam vitriolatam et salitam continent, qualia pluribus locis dudum sunt detecta. Aqua transeundo eam sensim acquirit dosin, quam erumpens exhibet.

Tres reliquae tanta scatent acidi aërei copia, ut ex atmosphaera eandem non potuerint haurire. Triplici praesertim modo haec aura abundanter liberatur, fermentatione, igne et acido fortiori ⁿ). In subterraneis maeandris prima vix operari potest causa, secunda autem et tertia, quin vel seorsim, vel coniunctim agant, nihil video, quod impediat. Scilicet ignis subterraneus e lapide calcareo, et adhuc facilius e magnesia alba, illud extorquet, quod dein aquae occurrens eo avidius absorbetur, quo haec in suis venulis magis est diuisa, quo magis friget, et quo denique magis ab subtilissimo elasticoque fluido comprimitur. Neque grauiorem molestiam parit tertius modus, nam licet in telluris superficie aqua vix libero quodam acido minerali imbuatur, in eiusdem tamen gremio, sulphuris de-

N 3 flagra-

n) De acido aëreo, §. II.

flagratione, vitriolicum compedibus liberant Vulcani, et forsan e magnesia et calce salitis etiam muriaticum expellunt. Quid valeant sales terrestres et metallici, alkali minerali vel terris alkalinis decompositi, mox videbimus.

Consideremus iam primo *Selteranam*, disquirendo, an alkalino medios sales destruenti, suum debeat acidum aëreum, de quo heic praesertim quaeritur, nam cetera principia in globi nostri latebris reperiuntur? An alkalinis, acido directe solutis? An denique soli aestui subterraneo illud profliganti?

Vt examinetur primus modus, ponatur, aquam, calce vel magnesia salita grauidatam, alkali minerali aëratum attingere. Quum igitur aquae *Selteranae* cantharus salis communis grana $109\frac{1}{2}$ contineat, in quibus circiter 46 alkali mineralis puri adsunt, haec vero 37 fere acidi aërei ad saturitatem postulant^{o)}, hinc 74 pollices cubici emanant, nam quilibet pondere aequivalet dimidio circiter grano. Ast hac alkalini salis quantitate deici possunt calcis purae grana $45\frac{1}{2}$, quae tamen acidi aërei 28 mox absorbent. Similiter aequali portione magnesia purae ultra 35 praecipitantur, quae ad minimum acidae aurae $19\frac{1}{2}$ inter cadendum recipiunt. Calculis ita subductis patet, in priori casu non nisi differentiam $37 - 28 = 9$ granis = 18 pollicibus cubicis, et in posteriori $37 - 19\frac{1}{2} = 17\frac{1}{2}$ granis = 35 pollicibus cub., aquae aërandae

o) De acido aëreo, §. VIII.

dae restare, quae minime sufficiunt (§. XIV). Non igitur muria, in aqua Selterana praesens, hac via oriri videtur, posito quod simul 60 poll. cubicos acidi aërei recipiat; si autem acido marino fuerit imbutus latex, 109½ granis salis communis directe producendis necessario, scopus egregie obtinetur, quum singuli 74 pollices sine diminutione eidem inferuire queant. Quin acido aëreo, igne expulso, succedere possit, nullum est dubium. Iam ad binas martiales.

Salis communis 7 grana in cantharo vehit *Pyrmontana*, quae, si vel maxime e magnesia salita, ope alkali mineralis praecipitata, ponantur orta, vix tamen acidi aërei ultra 3 pollices cub. aquae praebent. Calx et magnesia vitriolatae nostro negotio nihil profunt, nisi in ipsa aqua genita, vel mediante acido vitriolico libero, vel, quod forte ad fidem pronius est, vitriolo martis destructo.

Cantharus aquae Pyrmontanae continet 38½ grana gypsi et 25 magnesia vitriolatae, qui duo sales coniunctim tantum acidi vitriolici fouent, quantum circiter 67 grana vitrioli viridis crystallini. Fingamus igitur aquam, hac vitrioli portione ditatam, attingere 20½ grana calcis aëratae, nec non magnesia aëratae fere 11, et sales memorati prodibunt, simulque sub hac operatione e basi priore acidi aërei 16½ pollices; e posteriori autem 6; sed 22½ vix ultra quartam voluminis necessarii partem efficiunt. Additis 7, qui e 7 muriae granis adquiruntur, si in ipsa aqua generantur, magnus nihilo minus erit defectus. Aliam igitur tentemus viam.

Ponamus aquae cantharum 276 vitrioli granis oneratum, (quod nullo modo implicat, quum ultra 6000 recipere queat), calcis aëratae 235 granis occurrere, et non tantum 100 acidi aërei pollices relaxabuntur, sed simul etiam ferri praecipitati et gypsi tantum soluetur, quantum saturitati sufficit. Habemus ideo Pyrmontanam completam, additis 25 granis magnesia vitriolatae.

Cum *Spadana* aliter se res habet. Haec quae salini contenti quantitatem est valde inops, et quae eiusdem indolem talis, ut necessario acidum aëreum extra se liberatum requirat. Praeter alkali minerale, calcem, magnesiam et ferrum, quae singulae materiae acido aëreo haec sunt iunctae, nihil aliud adest, quam vnicum in cantharo salis marini granum. Hinc igitur haud obscure elucet, nec acido muriatico saturando, nec salibus mediis in ipso latice decompositis, Spadanam posse aëdari. Ast in vicinia fontis Spadani nulla adsunt Vulcani vestigia, quomodo itaque latex in sinu terrae acidum aëreum liberum attinget? Obseruamus primo, haec vestigia olim satis conspicua, temporis iniuriis non raro ita deleri, ut aegerrime dignoscantur: praeterea ignis subterranei gradus, qui subtili huic acido laxando sufficiunt, vigere posse, quamuis nulli oriantur terrae motus, nullae eruptiones, idque perquam diu et per saecula, si causae ita temperantur naturae cura, ut effectus maneat fere idem: tandem in confinio non opus esse foco, est namque planetae nostri exterior cortex multifarie pertusus, unde canales et maeandri procreantur, qui fluidum elasticum in loca maxime

xime diffita deducere possunt. In nostro casu ipsa quoque rei natura anfractus eius longitudinis postulat, vt in itinere euanescat notabilis calor. Ceterum, solum martiale vitriolum aqua solutum et strata penetrans, vel alkalinum salem, vel calcem magnesiamae continentia, sufficientem sub decompositione copiam prouocare potest, quae longe lateque a prima origine deducta, venulis aliis sine dubio saepe occurrit, et quarum tum latex illa imbutus ne minima quidem gerit iudicia materierum, eiusdem aërationi inseruientium.

Aliquando gypsi portiunculam in aqua Spadana reperi, vnum circiter in cantharo granum. Sed quomodo hoc persistit cum alkali minerali libero, (vel rectius, nulli acido, praeter aëreum, iuncto,) quod acidum vitrioli fortius attrahit? Obseruandum primo est, quod gypsum, dum adest, in quolibet pollice cubico non nisi $\frac{1}{100}$ grani efficiat, et alkali purum vix ultra $\frac{1}{10}$, nam acidum aëreum, eidem vnitum, per se non decompōnit. Materiae itaque adeo rarae tardissime in se inuicem agunt, praesertim quum alkali aëratum sit valde hebes. Quantum impediatur acidum aëreum, alio exemplo ad oculum patet. Sit magnesia vitriolata in aqua soluta, instilletur aquae calcis portiuncula, mox magnesia praeceps ruit, calci suum porrigens menstruum. Si vero particulae quaedam cretae vel spathi calcaei solutioni immerguntur, ne quidem coctione vlla obtinetur decompositio, vnde facile perspicitur, cur in aqua Seydschützenfi cum magnesia vitriolata persistere queat calx aërata.

Praeterea saepissime omnino desideratur in aqua Spadana gypsum, siue haec ex alio fonte fuerit hausta, siue etiam in eodem non sit semper idem principiorum numerus. Quod in genere eorundem mutua proportio haud raro variet, nullus fere dubito, confirmante hanc thesin et rei natura, et quotidiana experientia.

§. XVI.

Num arte imitari liceat aquas in antecedentibus examinatas.

Peractam quamlibet analyfin completam esse nullo alio argumento efficacius potest probari, quam perfecta per synthefin imitatione, quippe quae non tantum vera principia proxima detecta esse euincit, sed etiam genuinam eadem coniungendi methodum. Videamus igitur, quid in praesenti negotio arte possit praestari. Ex praecedentibus patet, duobus praecipue momentis artificium comprehendere. Primo nimirum requiritur, vt aqua pura omnique destituta sapore quasi viuificetur acido aëreo, quod genuinum constituit spiritum mineralem, vti loqui amant auctores. Hinc latex fit saporis gratus, subtilis, penetrans et mira dotatus virtute. Sed eiusdem efficacia praeterea aliis crassioribus materiis est armanda, quibus peculiaris prouocatur indoles, adeo vt haec Selteranam, illa Spadanam, et alia denique Pyrmontanam mentiatur. Harum prima, qua naturam et virtutem necessario a reliquis multum differt, sed ne quidem binae martiales exacte conueniunt. Non igitur mox feliciter aquas hasce mine-

minerales imitatur, qui aërationem solam nouit; cetera simul cognoscat oportet principia cuilibet propria, ex quibus specialis vis et natura pendet.

In conficiendis aquis salutaribus peculiare, nescio quod fermentationis artificium, ut loqui amant, latere, numquam arte imitandum, multis est persuasissimum. In hoc vero negotio satis versati aliter iudicant. Res in eo posita est, ut exacte cognoscamus heterogenea contenta, et ut simul eadem aquae rite possimus adunare. Parum refert, utrum haec in naturae officina sparsa colligat aqua, strata terrae permeans, an vero ars eadem iusta dosi addat. Manus materias ingredientis propinans nihil certe confert.

§, XVII.

Quomodo aërandam sit aqua.

Simplicissima illa est methodus, quam adhibuit Celeb. VENEL, illicque, ni fallor, conformis, qua ipsa natura saepe uti videtur (§. XVI). Sed ut in aqua generentur sales neutrales vel medii, qui inesse debent, paululum molestior requiritur materiarum ingredientium cura, quum nec facili et commoda via menstruorum vis, nec quantitates iisdem saturandis necessariae hactenus dimetiri liceat. En igitur aliam, quam initio adhibui.

A B (fig. 2) est lagena vitrea parum ultra dimidium crassiore cretae purae puluere et aqua impleta. Tubus A C D orificio ita est infixus, ut circum circa nullus pateat vel minutissimus exitus. Tubus lateralis

ralis obturaculo vitreo F exacte clauditur, quoties acidi vitriolici fortis nonnullae defluxerint guttae. Acidum instillatum mox debilius aëreum e creta expellere incipit, quod instar fluidi elastici per tubum in aquam lagenae G H ducitur, sub forma bullularum aërearum enatans. Angusta, sed alta eligitur lagena, ut eo melius emergens aura sub itinere absorbeatur. Praeterea collo tuboque alligatur vesica madida, ut vi quasi retineatur erumpens aura, cauendum tamen est, ne nimium intendatur resistentia, quum in hoc casu nullum prouocetur acidum aëreum^{p)}, ideoque foramine, acu K facile claudendo, pro re nata temperetur oportet exitus. Cessante efferuescentia denuo acidum modo descripto adfundatur, quod eo usque est iterandum, donec desideratam receperit aqua mensuram, sapore, vel paululum adcuratius heliotropii explorandam tinctura. Primam praeparavi aquam aëratam hac methodo, quae multo fieri potest commodior infundibulo O (Tab. I, fig. 2), quod more Domini LAVOISIER bacillo vitreo P ita clauditur, ut acidum infundibulo immissum sensim sponteque defluat. Adhibui quoque massam parvam fermentantem, uti monstrat fig. 7, in Tabula II, idque optimo effectu, sed postquam quassationis usum ex scriptis Domini PRIESTLEY cognouerim, duplici via faciliiori metam attingi.

A) Figura 4 priorem melius, quam longae verborum ambages, explicat. A B est lagena vitrea, tubulo

p) Comm. de acido aëreo, §. II.

tubulo laterali et obturamento vitreo instructa, in qua ope cretae et acidi vitriolici excitatur effervescentia. Est ampulla vitrea vulgaris, quae optima aqua primum impletur, dein subere ita clauditur, ut nihil aëris includatur, demum inuertitur, afferculoque G F (paterae H I, aqua impletae imposito) immittitur et tandem forcipe (fig. 6) obturamentum eximitur. Acidum aëreum mediante vitriolico expulsum in ampullam ducitur per canalem A C D, cuius structuram fig. 5 clarius monstrat. Tubus L N O vitreus ipsum corticem subereum traiecit: P Q etiam vitreus est, priori adfixus mediante tubo O P e tenui resina elastica formato et utrique adligato. Hic etiam e flexili corio consui potest, sed e limbis sibi impositis interiorem non nisi qua dimidiam crassitiem acu penetrare licet, quum alias totidem exitus parentur. Flexilem hunc articulum O P ideo adhibeo, ut lagena A B quassari queat, quo medio separatio fluidi elastici multum acceleratur, hoc vero modice fiat, ne quidquam cretaei tubum A C intret, dein aquam facile inquinans. Ob eandem rationem paruae tantum acidi vitriolici portiones instillari debent quavis vice, etenim nimio tanta bullularum copia prouocatur, ut per canalem secum rapiant magna cretaceum. Semel heic monuisse sufficiat, quod nulla, ne minutissima quidem foramina, quibus acidum elasticum clanculum dissipatur, eidem patere debeant, ideoque obturamentum tubuli lateralis optime claudendum sit; in collo praeterea tam circum obturamentum subereum, quam ipsum transeuntem tubum, tandemque circa articulum O P omnis rima elabendi prae-
cauen.

cauenda est. Extremum Q ampullae collo, ope forcipis, facile et immittitur et extrahitur.

Hiscē positis aërationem ita perficio. Acido aëreo paulum ultra dimidium ampullae impleo, quo factō discum ligneum K demitto, qui plumbo, margini excavato infuso, ita est oneratus, ut in aqua mox fundum petat. Dein ampullam caute e foramine asserculi eximo, adeo ut orificium semper maneat infra superficiem aquae in patera fictili, ventremque vehementer per aliquot minuta quatio, collo insistente lamellae orbiculari K. Sub hac operatione spatium apparenter vacuum minuitur, quum aqua per concussionem amplissimam praebet superficiem, qua acidum aëreum cito absorbetur. Prima tamen vice numquam ampulla perfecte impletur, etenim aëris vulgaris quidquam restat cum aqua unionem respuens. Itaque ope forcipis obturamentum sub aqua intrudo, ampullam erigo, vacuum aqua expleo, iterum inuerto, dimidiam acido aëreo impleo, tandemque modo nuper descripto quatio, quo factō plerumque plena obtinetur. Quoniam aqua expulsa diluitur illa, quae paterae inest, debilior necessario ampullam intrat, ideoque, quum aequale circiter volumen recipiat ^{q)}, tertia vice euacuetur oportet, ut saturetur aqua. Praeterea hinc facile percipitur modus eandem qua lubet portione minore imbuendi.

In genere notandum est, quod quo frigidior aqua, eo melius absorbeat, et eam quoque ob causam

q) Comm. de acido aëreo, §. IV.

sam in loco frigido peragi debet operatio, et manibus calidis parce attrectari ampullae venter.

Ampullas vsurpo pro re nata diuersae magnitudinis, quae plerumque dimidium, interdum tamen temporis lucrandi gratia, duos, tres vel quatuor cantaros capiunt, sed magnae et pondere molestae sunt, et facile vel ipsae diffiliunt, vel pateram perdunt, nisi prudenter tractantur.

Hac via saturari potest ampullae aqua circiter 10 horae minutis. Ceterum, si ampulla, qua dimidiam partem acido aëreo impleta, in suo asserculo inuersa relinquitur, sine omni motu sponte ascendit aqua in loco frigido, sed lente, vti alibi antea monui.

B) Altera methodus longe est facilior maiori-que quantitati simul aërandae inferuit, sed ea laborat difficultate, vt ingentem massam fermentantem requirant. Vbi talis haberi potest, paretur vas illi, in quo massa cereuisiae, cidro vel vino necessaria fermentat, simile, sed minoris diametri, adeo vt maius illud capere queat. Altitudo spatii in maiori vacuo ita adaptatur, vt minoris fundo ad superficiem fere massae fermentantis demisso, eiusdem limbus supremus sit saltem 3 vel 4 pollicibus maioris supremo limbo inferior.

In medio ad perpendicularum axis ita erigitur, vt mediante manubrio in eodem situ rotare queat. Hunc tres vel quatuor lamellae lignae, aliquot pollices latae, traiciunt, diametro vasis paulum breuio.

breuiores, quarum singulae inaequali a fundo gaudent distantia, suisque planis ad horizontem 45 circiter gradibus inclinant. Tali vase supra massam fermentantem ita suspenso, vt eam fundo fere tangat, frigidaque impleto, axis rotans suis alis vel potius remis aquam in gyrum agit, quo medio superficies multum aucta et continuo mutata celerime acidum aëreum absorbet. Hinc vnico saepe horae minuto ingens aquae massa ad saturitatem vsque aërat.

§. XVIII.

Observanda circa salium additionem.

Aquae, qua decet quantitate acidi aërei imbutae, ampullisque infusae, mox addantur materiae, quae quamlibet determinant speciem. Quid, quantumque, ex analysi antea tradita patet. Alkali minerale reliquique sales eligantur sinceri et nuper crystallisati. Terrae adhibeantur crystallinae, acido aëreo plene saturatae et in subtilissimum comminutae puluerem, quae alias tarde soluuntur. Ferri adhibetur vel recens limatura, nodo linteo inclusa, vel lamina superficie et ampla et nitida, fini idonea. Nodus, aequae ac lamina, filo suspendatur intra aquam, vt commodè extrahi queat. Ampulla quaelibet rite onerata perfecte claudatur et in cella per vnum alterumue nyctemerum inuersa reponatur. Hoc tempore aqua sales suscipit, et mediante acido aëreo non tantum calcem magnesiàmque solvit, sed etiam ferri portiunculam. Noui equidem Celeb. D. MONNET contendere, quod aqua per se fer-

ferrum fuscipere queat, sed vulgares aquae semper quidquam acidi aërei continent^{r)}, et eo expulso ne micula quidem metalli eas subit, nisi ferrum eius fuerit indolis, quod ignitum sub malleo frangitur, hoc enim numquam non acido vitriolico inquinatum reperitur.

Eadem limatura diu inseruire potest, modo nodus extractus mox immergatur aquae frigidae, in qua relinquitur, usque dum aëratae iterum immittitur, etenim aëri exposita rubiginem cito contrahit, quae omnem respuit solutionem. Ob eandem rationem superficies lima est purganda, quoties nitorem amittit lamina.

Methodo iam descripta aquae obtinentur iis, quae ab exteris oris ad nos sunt transuectae, et sapore, et virtute congruentes. Sed quum nonnullae materiae, quae easdem ingrediuntur, omni iure sint suspectae, quales sunt calcareae et gypseae, has omnino eliminandas existimo, certo persuasus, nemini cretam et gypsum salutare esse, sed hinc potius graues oriri obstructions. Aqua Pyrmontana eas satis magna quantitate continet, unde etiam haec multis est molesta. Canthari namque duodecim, quae apud nos diebus viginti et quatuor hauriri solent, calcis aëratae semunciam continent, et gypsi vnciam vnā cum dimidia, qua certe dosi non cui-libet stomachum impune onerare licet.

Quod

r) Diff. de aquis Vpsaliensibus.

Quod ad magnesiā attinet, hanc quidem minime noxiam esse puto, sed quum lente solvatur et qua effectum facile alio modo suppleatur, eandem quoque eo tutius omitto, quo certius teste experientia constat, aquas ita correctas, et qua saporem, et qua virtutem, genuinis esse aequiparandas, si non anteferendas. Ad saturitatem usque aëratas plerumque adhibeo.

Quod aquae exterae antea examinatae sub transvectione paullum mutantur, nullum fere est dubium. Narrat experientissimus SEIP, e magnesia vitriolata aquae Pyrmontanae, destillatione sine additamento elici posse et acidum vitrioli phlogisticatum, et verum sulphur. Vt dimidia obtineatur huius salis libra, quam ad experimentum requirit, ultra 115 aquae canthari forent vaporandi, quod nondum mihi licuit. Interea minores tentavi portiones, sed ne atomum quidem inemorarum materiarum vidi. Annon igitur magnesia, in aqua recente acido vitrioli phlogificato nupta, dein sub itinere inflammabile amittit principium, adeo ut Sueciam attingens eius parum vel nihil retineat, eodem modo ac sal, qui sulphuratus Stahlī vocari solet, aetate in alkali vegetabile vitriolatum vulgare abit? Contendit ingeniosus explorator, cui acidum aëreum fuit ignotum, acidum vitrioli phlogisticatum esse genuinum spiritum mineralem, qui in Pyrmontana ferro adhaeret, dum haec aqua in lucem prodit, dein vero vi fortioris attractionis magnesiā arripit, quod tamen in clausis angustisque subterraneis meatibus fieri non posse autumat. Haec explicata

plicatio, quamuis a plerisque approbata, propius examinata rei naturae repugnare inuenitur. Fin- gamus namque aquam tanta vitrioli quantitate one- ratam, quanta opus est, vt generetur magnesia vi- triolata 25 granorum, hoc est 21 vitrioli martis gra- na aquae destillatae 3 pollicibus cubicis soluta: hanc solutionem immittamus lagunculae eius capacitatis, vt additis magnesia 10 $\frac{1}{2}$ granis omnino plena eua- dat, et hoc facto mox perfecte obturetur. Lagun- cula clausa subinde quatiatur et cito magnesia eua- nescet, eius vero loco decedit multum ochrae, e viridi cinerascens, quum eidem inhaereat et aci- dum aëreum, et multum phlogisti, idque sine omni motu vel bullularum generatione. Post horulam lagenae apertae aqua omni vitriolo spoliata reperi- tur, 25 magnesia vitriolatae granis foeta, acido- que aëreo et ferro aërato satiata. Ratio est in promptu. Magnesia grana 10 $\frac{1}{2}$ circiter 3 pollices cubicos acidi aërei continent, quos totidem aquae pollices recipere possunt, tale igitur obstaculum heic non occurrit, et multo minus in toto cantharo, quale alibi memorauimus ^{s)}, eodem itaque momento, quo acidum vitrioli expellit aëreum, aqua illud ab- sorbet. Vitrioli adhibita quantitas in sinu fouet vl- tra 4 $\frac{1}{2}$ grana ferri paulum calcinati, iam vero aqua aërata 100 pollicum eius 3 $\frac{1}{2}$ tantum soluit, ideoque 3 vix ultra $\frac{100}{1000}$ grani recipient. Laguncula aperta, alcohole vini mox separari potest magnesia vitrio- lata, quod etiam valet de aqua Pyrmontana. Aci- dum vitrioli phlogisticatum similiter ac vulgare e

O 2

magne-

s) De acido aëreo, §. II, pag. 7.

magnesia aëreum extorquet. Ergo corruiat tota haec hypothesis, fundamento destituta, et aqua Pyrmontana, aëri exposita, sensim turbatur, pristinamque exuit virtutem, non ob transpositionem principiorum, sed propter abitum elastici menstrui ^{t)}).

Acidum vitrioli cum inflammabili via sicca sulphur generat, sed unde tantum phlogisti in magnesia vitriolata aquae Pyrmontanae? Si illi immixtum manet ferrum separatum, ense non opus est, ut solvatur nodus, nam hoc leuiter calcinatum adhuc multum retinet phlogisti, si vero, hoc penitus demto, nihilo minus sulphur prodit, obscura causa, qua decet adcuracione, in loco natali est inquirenda.

§. XIX.

Fata aquarum medicatarum, arte praeparatarum, in Suecia.

Anno 1770 grauissima correptus colica haemorrhoidali ultra octoginta exterarum aquarum ampullas ebibere coactus fui, quibus paullum leniebantur symptomata, diros adferentia dolores. Interea harum aquarum indolem et principia eo scrupulosius examinaui, quo vehementius earundem perfectam desiderauim imitationem. Nam praeterquam quod carae apud nos vendantur, primo vere, quo non tantum in genere innumera egerminant mala, quorum sub longa diraque hieme fata sunt semina, sed etiam, quae me speciatim vexant, molesta haemorrhoida-

t) Ibidem, §. XIV, pag. 33 et 34.

rhoidalia molimina quasi reuiuiscunt, nullo pretio haberi possunt recentes et efficaces. Strenui mei laboris cito exoptatum reportavi fructum, nam anno sequenti arte paratas naturalibus substitui, et non tantum ipse hausi insigni cum sanitatis emolumento, sed etiam plures mecum amici. Aërationem tum eo modo perfeci, quem antea descripsi et fig. 2. delineatum exhibet, anno demum 1773 Priestleyanam cognoui, qua paullum mutata postea usus sum. Eodem anno in breui de acido aëreo commentatione, quam suis inseruit actis Regia Scientiarum Academia Stockholmenfis, alicubi obiter et in transcurso memoro, memet per aliquot annos, et mihi, et amicis quibusdam, arte praeparasse medicatas aquas, genuinas omnino referentes, et qua saporem, et qua usum. Hinc occasionem arripiens Celeb. D. BAER, qui Parisiis degit, per litteras ad illustrem D. WARGENTIN, mihi amicissimum, datas petiit, ut methodum a me usurpatam describerem, quod etiam praestiti, Regiae Academiae Stockholmenfi anno 1774 disquisitionem mittens, quam anno sequente in suis actis diuulgauit.

Ex huius quidem rei natura facile elucet, tale inuentum, quamuis per se utilissimum, non tamen omnibus mox posse placere. Plerique eiusdem veritatem diiudicare nequeunt, ideoque non immerito nouitati diffidunt: multi heic naturae imitationem impossibilem esse contendunt, quamuis, cognitis principiis constituentibus, haud obscure pateat, successum minime a manu eadem adiicientis pendere: nonnulli exteras vendentes vel praescri-

bentes aquas solius lucri caussa artificiales damnant: alios aliae mouent rationes, quas iam exponere parum interest. Huc accedit, quod insuetae manus, vel praeceps negligentia, vel denique materiae impurae totam operationem facile reddant inutilem. Aqua etiam ipsa, sapore praedita ingrato, eundem post praeparationem retinet, quo artificium fit suspectum. Ceterum vel optime praeparata, immo etiam naturalis, exigua alkali mineralis additione fit fatua ^{u)}), licet in se aequae bona et efficax maneant, nam nihil perdit, acidi tantum aërei titillandi vis quasi ligatur.

Haec tamen omnia obstacula non potuerunt impedire, quo minus artificiales aquae in prouinciis, etiam maxime dissitis, fuerint egregio cum successu paratae, haustaeque, quamuis easdem non nisi in casu necessitatis et ubi naturales haberi nequeunt, usurpandas proposuerim. Qui primo anno ne quidem earundem commemorationem aequo animo ferre poterant, sequenti saepe non tantum commendauerunt, sed etiam ipsi vfi sunt. Est hodie multis apud nos ita familiaris haec ars, vt foeminae, tam sublimioris, quam vilioris sortis, non raro aërationem mira perficiant dexteritate.

In genere eosdem praestant bonos effectus, ac naturales, immo easdem non numquam virtute superare videntur. Mea valetudo, quamuis etiamnum multum vacillans, tamen hisce solis vltra omnem spem fuit restaurata. Quotannis media hieme, initio

^{u)} Commun. de acido aëreo, §. V.

tio aestatis et autumnō, septem circiter cantharos tribus septimanis haurio, idque ita, ut primo aliquot cantharos Selteranae bibam, quum haec sit omnium optime resoluens: dein Spadana utar, quae suo alkali libero Selteranae magis adfinis est, quam Pyrmontana, qua semper curationem finio. Non nisi tertiam canthari partem quouis mane bibo, plurimum namque annorum experientia didici maiorem desin stomacho fieri molestam. Omne nimium nocet.

Varias quoque aliorum valetudinis infirmitates hoc medio vel penitus sublatas vel saltim leuatas vidi: iucundissimo, quem vehementer exoptavi, huius laboris fructu. Puer septennis heic Upsaliae per aliquot retro annos graui laborans arthritide, nullo remedio potuit liberari: anno 1775 per quatuor septimanas aqua Selterana, ex meo praescripto a patre praeparata, usus est, perfectamque recuperauit valetudinem, qua in hunc usque diem fruitur.

Studiosus iuuenis viginti trium annorum arthritide ita grauatus, ut ne baculo quidem adiutus ex vna sella in aliam posset peruenire, Selteranam primo bibebat et dein Pyrmontanam, utramque arte paratam, et hinc intra mensis spatium conualuit.

Ceterum febres intermittentes, quae annis proxime praeterlapsis per totam Sueciam grassatae sunt, saepe eius fuerunt pertinaciae, ut nec cortice Peruviano, nec aliis consuetis mediis potuerint penitus fugari, sed aquis artificialibus, praesertim Seltera-

nis, fere semper cedere coactae sunt, nisi vitia ob-
stiterint diaetetica.

Alia exempla satis numerosa, quae in dies quo-
que augentur, iam sicco, vt aiunt, pede praetereo,
quum peculiarem haec requirant descriptionem.
Non possum tamen heic reticere memorabile quod-
dam phaenomenon: scilicet haemorrhoides, quibus
laboro, dum valeo, sponte aperiuntur praeter pro-
pter vigesimo quouis die, sed adeo parce, vt pau-
cae tantum effluant guttae. Saepe tamen obstruun-
tur, praesertim ingruente frigore, et tum varia pro-
vocant molesta molimina, quibus hactenus nullo
alio medio felicius obicem ponere potui, quam aqua
Selterana artificiali per aliquot dies vsurpata, octauo
enim, quo iam illa vtor, anno, haec me numquam
sefellit. Aperiuntur nempe intra sextum diem,
non numquam tertio vel quarto, haemorrhoides
antea pertinaciter occlusae, quo ipso semper leniun-
tur, et non raro auertuntur graues morbi huius
impetus. Artis machaoniae peritis hoc phaenome-
non explicandum relinquo, quod non tantum apud
me constanter obseruaui, sed etiam apud plures alios
haemorrhoidarios, quos, vt huic momento attentio-
nem praeberent, monui. Et quum idem sequatur
effectus, siue naturalis, siue artificialis sit aqua,
Selteranae nomine insignita, de vtriusque conue-
nientia, iure dubitari nequit, quod etiam de reli-
quis valet.

Index Paragraphorum.

§. I. Instituti ratio	pag. 177
§. II. Principia aquae <i>Seydschützensis</i> euaporatione collecta	178
§. III. Habitus cum reagentibus	182
§. IV. Grauitas specifica	185
§. V. Principia aquae <i>Selteranae</i> euaporatione collecta	186
§. VI. Habitus cum reagentibus	187
§. VII. Grauitas specifica	189
§. VIII. Principia aquae <i>Spadanae</i> euaporatione collecta	190
§. IX. Habitus cum reagentibus	191
§. X. Grauitas specifica	193
§. XI. Principia aquae <i>Pyrmontanae</i> euaporatione collecta	ibid.
§. XII. Habitus cum reagentibus	194
§. XIII. Grauitas specifica	196
§. XIV. Comparatio aquarum examinatarum	ibid.
§. XV. Coniectura de modo, quo natura eas praeparat	197
§. XVI. Num arte illas imitari liceat	202
§. XVII. Quomodo aërandi sit aqua	203
§. XVIII. Obseruanda circa salium additionem	208
§. XIX. Fata aquarum artificialium in Suecia	212

VII.

DE

AQVIS MEDICATIS CALIDIS,
ARTE PARANDIS*).

Emicant benigne passimque in plurimis terris, alibi frigidae, alibi calidae, alibi iunctae. PLINIUS.

§. I.

Diuersa aquae calidae indoles.

Creator sapientissimus, nobis benignissime providens, praeter salutare frigidas, in globo nostro calidas quoque instituit scaturigines. Et quemadmodum illarum non vnicus est vsus, sed multiplex et diuersissimus, ideoque innumeris fere modis variata indoles, ita etiam harum par est ratio. Nonnullae aquae, per naturam calidae, respectu salubritatis nulla eminent singulari virtute, dum aliae plures morbos et feliciter et celeriter profligant stupendo miraculo. Vt aqua notabili quadam efficacia in corpore humano operetur, sine conditione necessarium videtur, vt sit imbuta aura quadam subtilissima et elastica, quae non tantum per se potens in primis viis extricata proficuas perficit mutationes, sed etiam alia comitantia heterogenea ita acuit, armat et quasi viuificat, vt penetrent, quo alias non

*) Haec commentatio suecice conscripta in Actis Acad. Stockh., pro anno 1778, impressa reperitur.

non pertingerent, vt valeant, quod sibi relictæ efficere non possent. Quod in frigidis tale sit acidum aëreum, euentissimis documentis in antecedentibus extra dubitationis aleam positum esse confido, iam examinandum restat, vtrum idem similiter calidis contineatur, et earundem vis eo exaltetur, an vero aliud requiratur fluidum elasticum?

In explorandis thermis salutaribus generatim duplex in sensus incurrit differentia, etenim nonnullæ, vti Carolinae in Bohemia, nullo peculiari modo nares feriunt, et vix, praeter humidum suffocantemque vaporem, quidquam eructare videntur. Aliae, vti Aquisgranenses, olidum ingratum subtilissimum longe lateque spargunt, illi congruens, quod putrescentia praebent ova, vel adcuratius, quod hepar salinum aqua solutum emittit, praesertim acidis instillatis. Priores acido aëreo revera suam debent efficaciam, ideoque iure vocantur *thermae aëratæ*, posteriores vero longe alius sunt indolis et non incongrue ex odore *hepatifatae* appellari possunt: vtriusque generis naturam paullum curatius exponere conuenit, si de imitatione certitudinem adquirere poterimus. Tanta vero vtrumque gaudet volatilitate, vt sola refrigeratione percat praecipua virtus, ideoque nullo artificio hactenus cognito in dissitas regiones transportari possunt salua efficacia, quod etiam mihi occasionem eripuit, aquas hasce calidas propriis examinandi experimentis. Quantum vero fini iam proposito necessarium est, aliorum industria refarcitum et dilucide descriptum invenitur.

§. II.

Thermae aëratæ.

Quod thermae Carolinae, aliaeque eiusdem indolis, acido aëreo abundant, mox sapor et numerosae sub agitatione conspicuae bullulae innuunt, sed alia luculentioraque criteria perfectam pariunt convictionem. Aqua tincturam heliotropii fugaci imbuunt rubedine et aquam calcis praecipitat, quae quidem phaenomena adhuc quidquam ambiguitatis fouent, si quodlibet seorsim consideratur, sed coniuncta valent. Scilicet fugax rufescentia alio, quam aëreo, acido prouocari posse creditur ^{a)}, et aquae calcis deturbatio alkali quoque fixo aërato efficitur, quod suum acidum aëreum calci purae secundum leges attractionis praebere tenetur, adeo ut calx aërata generetur, decidatque ^{b)}, sed simul sumpta plenam demonstrandi vim exercent. Alkali namque aëratum in aqua adesse nequit cum alio acido libero, quam cum aëreo ^{c)}. Praeterea halitus harum aquarum collectus non tantum memoratos praestat effectus, sed etiam sub aëris forma animalia suffocat et aqua frigida absorbetur, quae hoc medio aërata prodit ^{d)}. Adeo tota harum thermarum vicinia abundat aëre mephitico, qui pluribus locis erumpit, ut aqua meteorica, in soli cavitatibus per breue tempus

a) Comm. de acido aëreo, §. VI, pag. 12.

b) Ibid. §. XX, B, pag. 45.

c) Diff. de Analyfi aquarum, §. VIII. D, pag. 114.

d) D. BECHER, in tertio Commentationum Pragensium tomo, egregia adfert tentamina, quae praesentiam euincunt acidi aërei in thermis Carolinis.

pus commorata, grata aliquando titillanteque aceditate imbuatur.

Aqua quoque sub refrigeratione et calcem et ferrum fecernit more Pyrmontanae, sed longe citius. Et certe fugacem harum thermarum virtutem non mirabitur, qui nouit, quam sit volatile acidum aëreum, etiam in frigida hospitans, quantumque calore augeatur euolandi nifus.

Stabilita thermarum aëratarum existentia, ad alteram properamus variationem, cuius efficax aura licet facillime dissipetur, notabiliter tamen fixitate superat acidum aëreum.

§. III.

Thermæ hepatisatæ.

Hæ, quamuis simul aëratæ esse possint, et reuera saepe sint, vt Aquisgranenses, toto tamen habitu et ingratisimo foetore facillime distinguuntur. Hepar odore referunt, argentum denigrant, immo in canalibus et laquearibus genuinum extra aquam deponitur sulphur, licet hætenus exactissima analysis in latice nec hepatis, nec sulphuris minimam detegere valuerit moleculam. Hunc gordium iam soluere potest ars spagyrica. Scilicet hepar sulphuris salinum, accedente acido quodam fortiori, aëris quamdam speciem procreat, aëris hepatici insignientem nomine, si modo cum DOMINO PRIESTLEY generatim aër vocetur, quidquid fluidum et elasticum manet, etiam frigori expositum. Aquæ, hoc nouo aëris genere imbutæ, thermas hepatisatas referunt.

ferunt. Continet vero aër hepaticus verum sulphur, sed ita subtilisatum, ita expansum, vt visum fugiat et aëris vulgaris induat speciem. Haec mutatio non potest non tenuissima, simulque efficacissima requirere media. Talia quoque sunt phlogiston et caloris materia. Noui equidem, quod plures primi ordinis physici phaenomena ignis et caloris vnice ab intestino particularum in corporibus motu deriuanda existiment, sed, singulis rite perpensis, mihi certo persuadeo et idem aliis accidere confido, calorem a distincta et propria oriri materia^e), per totum mundum corporeum distributa, et quidem generatim in duplici statu. Hanc nempe materiam primo liberam consideremus, quae instar fluidi elastici subtilissimi omnia permeat corpora, densissima aequae ac rarissima, continue ad quoddam tendens aequilibrium. Pro sua copia in animalibus sensum diuersorum caloris graduum excitat: omnia dilatat, distendit et ad fluiditatem disponit, varie pro re nata. Platina, vt fluat, concentratissimam requirit, alia rariorem, et hydrargyrus adeo exiguum quantitatem, vt in atmosphaera fere nunquam desideretur, testantur tamen nonnullae recentissimarum obseruationum, in Sibiria illum aliquando naturali frigore in corpus firmum concreescere. Vtrum alicubi detur perfecta priuatio caloris, vel absolutum frigus, haecenus ignoratur. Ibidem, ni fallor, ipse aër atmosphaericus rigesceret, nam fluiditas omnis a calore pendere videtur.

Calo-

e) Conf. egregius Domini SCHEELE libellus de igne.

Caloris materia, aequae ac aliae omnes, attractionis imperio est subiecta, et hinc eiusdem status ligatus egerminat, qui non potest non mutata adferre faciem. Nonnullae facultates nouo connubio obscurantur, immo euanescent, aliae prodeunt antea incognitae. Et eodem fere modo, ac acidum, alkalino sale saturatum, nec reactione, nec sapore, nec aliis dignoscitur proprietatibus, ita etiam caloris materia cum libertate principalem suam calefaciendi virtutem amittit, quae tamen minime destructa, sed ligata tantum putetur, quum integra redeat, rupto vinculo. Aquae exemplo haec eximie illustrari possunt, quippe quae modica priuatione in glaciem abit. Niui adfundamus aquam ad determinatum gradum calefactam, et uti notum est, cognito vtriusque calore, facili calculo eruitur calor miscelae.

Sed in casu praesenti semper obseruatur defectus, hoc est, minor inuenitur (72 circiter gradibus, secundum suecanum thermometrum,) calor miscelae, quam calculo congruenter esse deberet^f). En rationem. Calor aquae niuem penetrat, moleculas distendit, separat, paucis: e statu firmitatis in liquorem redigit, quo ipso particulae segregatae quae superficiem multum increscunt. Iam vero aqua materiam caloris attrahit, idque eo vberius, quo latior contactus, illam autem quantitatem, quam proxime tangit, pertinacius retinet, et ita ligat, ut, quamdiu adfixa manet, calefacere nequeat, et hinc 72 graduum defectus. Hanc portionem saturantem
non

f) Cel. WILCKE in Actis Stockh., 1772.

non amittit nisi in puncto congelationis, et tum liberata etiam mox in thermometro quamdam efficit eleuationem, quamuis ambiente penuria celeriter et pro re nata irregulariter distrahatur. Quo magis increfcit frigus in vicinia, eo minuitur magis caloris materia, quae inter aquae particulas libera manet, et, vt aequaliter distribuatur, vi elasticae naturae exit, tandem vero ita rarefcit, vt non nisi portio saturans earum contactum impediat, et, hac etiam ablata, omnis cessat mutua particularum mobilitas. Sine dubio omnes materiae igne fusibiles, eo ipso momento, quo singulae molecule mobilitatem adquirunt debitam, certam quoque materiae caloris portionem figunt, sed gradus nondum determinati sunt.

Ab alia parte dum aquae calor continue increfcit, maior copia minimarum molecularum auget distantias, vapores generans elasticos, et tandem ebullitionis praecipue feruore aquea flamina ita expanduntur et mutantur, vt mirum in modum aucta superficies maiorem longe quam antea recipere valeat quantitatem materiae caloris, eandemque vi attractionis figere. Hinc frigus vel diminutio caloris sub euaporatione.

Corpora, quae caloris materiem ligatam tenent, mensuris indita, soluendi virtute praeditis, aestum generant plus minus insignem, pro illa copia, quae iam potentiore attractione liberatur. Calx nuper vsta et aquae immissa notabilem procreat calorem, quum eius materiae magna pars terrae compedibus laxetur mediante aqua, quae fortius attrahitur: quod restat

reflat materiae caloris in calce extincta, acidis expelli potest, et hinc ex aequali eiusdem calcis portione, etiam maior cum acidis, quam cum aqua calor, quum priora totum, calorem expellant posterior autem tantummodo partem. Sed haec breuiter et in transcurso, vt illustrentur varia in antecedentibus loca, et melius in sequentibus proponenda intelligantur. De compositione materiae caloris nondum quaestio est: sufficit heic, quod haec figi, iterumque relaxari queat.

Iam redeamus ad aërem hepaticum, qui constat sulphure, mediante phlogisto, materiae caloris aduato. Quum in sequentibus huius analyseos demonstratio occurrat, eandem heic omittendam existimo. Hic in atmosphaera sponte decomponitur ab aëre puro, qui phlogiston tanta appetit vi, vt ipsi acido nitroso illud eripere valeat. Haec est ratio crustarum sulphurearum, quae ad Aquisgranum occurrunt, demto enim supra aquam principio colligante, tota dilabitur compages et molecule sulphuris liberatae proximo adfiguntur corpori.

Hunc aërem hepaticum suscipere potest aqua, et eo dotata genuinam possidet Thermarum hepatifarum indolem, quod comparatione facillime elucet. Vt autem pateat, quantum huic soli sit tribuendum, quantumque heterogeneis crassioribus, aquam destillatam, eo ad satietatem vsque imbutam, examinare iuuat. In calore medio cantharus aquae destillatae 60 circiter aëris hepatici pollices cubicos recipit, qui acido nitroso decompositi, 8 sulphuris grana praebent. Aqua fontana Vpsaliensis aëre hepatico

Bergm. Opusc. Vol. I. P tico

tico satiata paullum opalescit, lenteque perexiguam deponit sulphuris portiunculam. Hoc phaenomenon initio miratus sum, sed in memoriam reuocans aëris puri praesentiam^{g)}, causam intellexi, eamque firmat, quod eadem cocta et refrigerata ab aëre hepatico minime turbetur.

§. IV.

Aqua destillata aëre hepatico satiata.

Quo haec saturatio perficiatur modo, in paragrapho sequente explicabitur, heic frigidam et rite saturatam ponimus.

A) Odore foetet hepatico, grauissimo, in patera vix viginti quatuor horis, et in lagena quiescente sed aperta, ne pluribus quidem septimanis dissipando, argentum denigrante, acido nitri confestim delendo.

Sapore gaudet forti, subdulci, illi haud dissimili, quem praebent oua corrupta, sed grauiore.

Claritas persistit inuariata, si aqua nuper fuit destillata, adeo vt nondum ex atmosphaera aërem purum potuerit absorbere.

B) Tinctura heliotropii, et papyrus eadem tincta, paullum rubent, nisi aqua imbuatur aëre hepatico loto.

Papyrus fernambucata non mutatur.

C) Acida nihil mutant, nisi in ipsa aqua singulari gaudeant phlogiston attrahendi virtute, quales est

^{g)} De aquis Vpsaliensibus.

est praesertim *nitrosum* optime concentratum. Hoc namque instillatum, foetorem mox tollit, claritatem turbat et tenuissimus pulvis albidus tardissime subsidet, qui collectus et siccatus purus putus invenitur sulphureus. Phlogisto per acidum erepto, vinculum tollitur, sulphur materiae caloris iungens, destruitur ergo aër hepaticus, et sulphur sub forma vulgari prodit. Quod acidum nitri in liquido etiam phlogiston appetat, satis notum est artificio, quo acidum vitrioli fuscum purificant nonnulli, nitri paulum addentes, quod mox decompositum, acido nitroso libero phlogiston colorans deuorat.

Instillatis nonnullis acidi nitrosi guttis mox compescitur foetor, sed post pauca minuta iterum redit, idque pluries, adeo ut aquae huius quadranti 200 guttas addere necessarium fuerit, ante quam penitus omnis destrueretur aër hepaticus. Dum aqua simul alkali fixum tenet, acidum parum valet, quamdiu hoc liberum manet, sed illo plene saturato, aër hepaticus deponitur. Ratio est, quod alkali mox arripiat acidum instillatum, ligetque. Hinc facile colligitur, quo modo sulphur ex aqua thermalis Aquisgranensi possit praecipitari, quod haecenus nemo, quod sciam, praestitit.

Acidum vitrioli aliaque vulgaria nihil valent.

Acidum muriaticum dephlogisticatum sulphur deiicit.

D) *Alkalia* nullo modo mutant.

E) *Argentum nitratum* congrumationem provocat, quae mox fuscescit. Acidum heic et basis

metallica simul phlogisto onerari videntur, quo vtrumque fit solutioni ineptum, sine dubio sulphur quoque metallo adcrefcit. Argentum metallicum in hac aqua nigrefcit.

F) *Hydrargyrus nitratus* frigide fufcum, calide vero paratus album porrigit fedimentum. Haec differentia inde oriri videtur, quod in posteriori cafu basis fit eo vsque dephlogifticata, vt phlogifton obuium praecipitato colorando fit infufficiens. *Hydrargyrus* viduus, aëri hepatico expofitus, vti argentum nigrefcit.

G) *Hydrargyrus falitus* corrofiuus etiam deturbatur albidus, ob rationem modo allatam.

H) *Plumbum acetatum* nigrefcens deiicitur. Acetum aëris hepatici decompositionem non iuuat, ideoque hinc patet vis folius bafeos metallicaë. *Plumbum* tamen nitidum aëri hepatico expofitum, non plene nigrefcit, fed tantum fufcatur. Idem valet de ferro, cuprum nigrefcit, fed ftannum, vifmutum, antimonium et zincum non mutantur.

I) *Vitrioli zinci*olutio parce congrumatur et album praebet fedimentum: *cupri* ex flauo fufcefcit et tale quoque lente deponit fedimentum: *ferri* nigrefcit. Odor hepaticus mox destruitur, fi proportioncs liquidorum mixtorum rite adornantur.

K) *Arsenici albi* granum aquae immiffum fenfim flaufcit et tandem auripigmenti indolem adquiret. Idem accidit cum arfenico, aqua foluto.

L) Aqua

L) Aqua hepatisata, cui limatura *ferri* est indita in vase bene clauso, post aliquot dies cum tinctura gallarum purpurascit. Dum ferrum ope acidi solutum ingeritur color magis fit violaceus. Encaussas, quae una cum tincturae gallarum copia, diversas efficiunt apparentias. Praeterea notetur oportet, quod aqua, ope aëris hepatici ferrata, nullo modo turbetur vel mutetur alkali phlogificato, et si illi postea additur vitrioli martis mica, haec initio cinereum praebet sedimentum, quod superne sensim pallide caerulescit, sed tardissime, et post aliquot demum dies nigrescit. Si aqua martialis hepatisata, instillato alkali phlogificato, mox caerulescit, hoc certo indicat acidum menstruum adesse. Haec momenta in aquis explorandis probe sunt observanda.

V.

Modus, quo praeparari possunt aquae medicatae calidae.

In hoc processu plura peragenda sunt, nimirum aura elastica aqua est imbuenda; soluenda sunt heterogenea crassiora, dum quaestio est de imitanda certa specie, et denique calefacienda est sine virtutis detrimento. Singula momenta seorsim pertractentur.

A) Aura efficax iam adhibenda est, vel acidum aëreum, vel aër hepaticus, prout thermae desiderantur aëratae vel hepatisatae. Prius obtinetur methodo antea sufficienter descripta^{h)}. Posterius eodem

P 3

h) In commentatione sexta.

dem modo peragitur, exceptis paucis circumstantiis iam memorandis.

Loco cretae adhibetur hepar sulphuris ex cineribus clauellatis, aequali sulphuris ponderi admixtis, tritis, et in crucibulo fufis, conflatum. Hepar in puluerem redigatur oportet, ante quam lagenae immittitur; nam alias acidum vitriolicum, alkali saturans, in quouis superficiei puncto procreat alkali vegetabile vitriolatum, parca aqua insolubile. Sed talis crusta maiores circumdans nucleos, acidi ad interiores partes ingressum impedit. Massa e tribus limaturae martis cum duabus sulphuris partibus colliquatis orta, eidem fini, et fere melius inferuit.

Ampulla inuersa qua dimidiam capacitatem est euacuanda, quamuis minus recipiat aëris hepatici, quam acidi aërei. Si aqua simul est aërandae, octaua vel quarta pars cretae hepatis admiscenda est. Dum quassatione aër hepaticus non vltius diminuitur, aqua est satiata.

Quum foetor sit perquam grauis et respirationi minime idoneus, vti pluries sum expertus, qui operationem peragit ita collocatus sit oportet, vt aëris quoddam flumen auram auferat noxiam.

B) Si certae quaedam thermae sunt imitandae, exempli loco antea memoratae Carolinae et Aquisgranenses, harum singula contenta, et qua indolem, et qua copiam, determinata esse debent. Priores in cantharo fouent calcis aëratae circiter grana 24, alkali mineralis vitriolati 240, muriae 32, alkali

kali mineralis ficcati 68, et ferri aëratı inquinamentum ⁱ⁾). Posteriorum cantharus e balneo Imperatoris praebet calcis aëratae 27 grana, muriae 29 et alkali mineralis 70 ^{k)}). Calx aërata sola euincit in Aquisgranensibus praesentiam acidi aërei.

Nominata heterogenea, praeter calcem aëratam iure excludendam, facillime soluuntur, non igitur opus est, vt prius aquae addantur, quam cum mox est bibenda. Itaque pocillo, quo hauriuntur, immitantur successiue eiusdem capacitati adaptatae doses, quae calida celeriter suscipiuntur.

Si quis praesentem quoque cupiat calcem aëratam, primum aërandam est aqua, et eius ope calx in frigore soluenda, vti antea descripsi, dein hepatifanda. Et in hoc casu pro illa ferranda simul addi debet limatura martis, quae alioquin, si calx negligitur, sub calefactione indita, quantum satis aquam intrat.

C) Vt aqua aërata vel hepatifata calefieri queat, sine virtutis detrimento, olla requiritur perfecte claudenda, quales sunt quae ab inuentore Papinianae vocantur. Scopo nostro praesertim conueniunt, quae ex praescripto Domini WILCKE e cupro conficiuntur ^{l)}). Harum talis eligatur, quae requisitam potionis quantitatem exacte capit: haec, indita

P 4 aqua

i) D. BECHER Besch. vom Carlsbade.

k) D. BLOM, in actis Stockh. 1766.

l) Acta Stockh. pro anno 1773.

aqua aërata vel hepatifata, optimeque clausa, suspensa haereat in aqua maioris ollae, consuetae figurae, tamquam in balneo, quod sensim incalescat et papinianae requisitum impertiat calorem.

Quamuis aqua aërata frigida sit admodum sanitati proficua, teste experientia, et idem sine dubio valeat de hepatifata frigida (§. VI) interim tamen ad fidem pronum est, quod calor, volatilitatem augens, magis subtiles et penetrantes, ideoque in certis casibus efficaciores reddat. Quinam optimus sit gradus nondum constat. Thermae Carolinae nostri thermometri hydrargyrum ad gradum $+ 73$ eleuant, Aquisgranenses ad $+ 62$, quod interno vsui nimium aestum indicare videtur, quum vix digitus in illa commorari queat, quae ad $+ 50$ calet. Sed haec quaestio non huius est loci: sufficit scire, quod aqua quemlibet gradum possit sine decremento virtutis acquirere.

Sales vna cum aqua ollae immitti non debent, nam plerique ipsum metallum adgrediuntur, ferrum autem sine omnis incommodi metu addi potest, ut martiale impertiat inquinamentum.

Vt quavis vice pocillum queat impleri, et tamen nihil euolare virtutis, in suprema ollae parte epistomium ferrumine adfixum esse debet, quo aperto in pocillum effluere potest calida, et nihilo minus occlusa manere tota massa.

Ad balnea maior requiritur copia. In hunc finem thermarum Carolinarum vsus desit: quae sit causa nescio. Aquisgranenses crebro vsurpantur et hepa-

hepatifatio ingentis massae aquae calidae haud difficulter obtinetur tubo mobili et flexili, qui aërem hepaticum ad fundum emittit. Haec operatio sine incommodo continuari potest, quavis aegrotans in balneo insideat, ita tamen operatio est instituentda, vt, quantum fieri potest, minime grauetur respiratio.

§. VI.

Appendix de aquis hepatifatis frigidis.

Aquae martiales frigidae recentes fere semper quidquam hepatici spirant, praesertim in lagena clausa paulum quassatae, plerumque tamen adeo debilis est haec aura, vt paucis euanescat momentis. Quod non numquam altiores figat radices hepaticum, nuper didici. Scilicet generosus Regiae Cancellariae Consiliarius et Regii ordinis Wasei Commendator, Dom. CL. ALSTRÖMER mihi duodecim aquae Medviensis cantharos misit, rogans, hanc vellem qua contenta explorare. Hae ad Medvi in Ostrogothia, sitae acidulae, a remotissimis temporibus inclytae fuerunt stupendis curationibus. Easdem anno 1677 detexerat Celebris V. HIERNE, et ab illo inde tempore quotannis, maximo cum emolumento sanitatis, frequentatae sunt, sed qua veram indolem hactenus parum vel nihil cognitae. En experimenta harum aquarum, quae naturam reuelant.

Aqua Vpsaliam attingens volatilia principia amisse videbatur, sed ad ipsum fontem Medicinae Doctor Dom. P. DVBB, modo alibi descripto ^{m)},

P 5

colle-

m) De aquis artific. frigidis, §. II, D.

collegerat e quouis cantharo 13 pollices cubicos fluidi elastici, quod tincturam heliotropii distincte rubabat, ideoque sine dubio acidum erat aëreum. Quod tamen simul aëris hepatici portionem fouerit, infra dicenda satis perspicue innuunt. Ceterum 13 pollices per aquam collecti et incarcerationati veram non indicant quantitatem, quum aqua calida etiam absorbeat, et sensim expulsa secum exportet. Si igitur in hydrargyrum fuissent deducti, vix dubito, quin saltem 30 effecerint.

Aëris puri nihil adesse potuit, etenim hic cum martiali soluto persistere nequit. Hepaticus autem etiamnum qua partem restabat in liquore residuo, e 10½ cantharis, euaporatione ad ipsum fontem, in duos fere quadrantes coarctatis. Ampulla enim, in qua transmissum erat hoc residuum liquidum, aperta, mox odor grauis hepaticus nares feriebat. Portio huius liquoris, instillatis nonnullis *acidi nitri* concentrati guttis, mox albescens paulum congruabatur et post 24 horas tenuissimum deposuerat puluerem sulphureum. Habemus igitur heic aquam frigidam hepatifatam, quae adeo pertinaciter hoc foetidum principium retinet, vt non obstante diutina coctione, et quassatione sub longo itinere, notabilem tamen volatilis aurae partem seruauerit.

Vt principia fixa cognoscerem, primum reagentia adhibui. Antea vero notetur oportet. aquam transmissam paulum flauere parum quidem, sed tamen sensibiliter, praesertim comparatione iustituta cum fontanis Vpsaliensibus. In liquore residuo color magis fuit conspicuus, et fere turbidus.

Sapore

Sapore et odore puram referebat aquam, residuum vero liquidum paullum ferri et hepatici prödebat.

Papyri *heliotropio* vel *fernambuco* tinctae nihil detegebant, adeo vt nec alkali, nec acidum iam praeualere constaret.

Alkali phlogisticatum nec aquam ipsam, nec residuum liquidum mutabat, et ad ipsum fontem idem accidit (§. IV, L).

Tinctura gallarum in aqua quoque nihil valebat, sed in residuo colorem efficiebat dilute purpurascentem, quem tamen ipsius aquae tinctus, e flauo fuscus, paullum mutabat.

Acidum sacchari non nisi post nycthemeron quidquam deturbatum monstrauit, sed in residuo liquido mox calcem saccharatam geuerauit.

Alkali fixum aëratum aquam non turbat, mox vero residuum. Sedimentum erat album et qua naturam calcareum.

Terra ponderosa salita nihil, ne quidem in residuo, deiicit, acidum igitur vitriolicum omnino desideratur.

Aluminis portiuncula post plures horas decomponitur, quod sine dubio calci salitae est tribuendum. Aër hepaticus nullo modo turbat aluminis puri solutionem.

Argenti nitrati solutio aquam parum turbat, sed in residuo vberior hoc medio prouocatur lactescen-

scientia, hepatico leuiter fuscata. Adest igitur acidum muriaticum.

Hydrargyrus nitratus frigide paratus, nec non *plumbum acetatum*, similiter se habent, et idem ac argentum nitratum monstrant.

Hydrargyrus salitus corrosiuus nihil valet.

Allata tentamina praeter martiale inquinamentum, gallarum tinctura in conspectum veniens, exiguum tantum calcis salitae portionem adesse testantur.

Euaporatione dimidium residui liquidi quadrantem ad siccum perduxì, sed non nisi 5 grana obtinui pulueris fusci, qui parum in aëre humectabatur, et ne quidem aqua addita soluebatur praeter vnum alterumue granum, adeo vt maxima eiusdem pars esset ferrum calcinatum. Aqua, residuo sicco adfusa, fuscescit ab extractiuo mucilaginoso, nam ad siccum iterum vaporans fuscam exhibet materiem, quae ignita albescit. Quum igitur $10\frac{1}{2}$ canthari dederint euaporatione duos quadrantes residui liquidi, per se patet 2 circiter grana cuilibet cantharo esse adscribenda, quorum calx salita vix dimidium grani efficit. Paucas muriae simul obseruaui micas.

Residuum siccum, quod, coctione per horulam secernitur e quouis cantharo aquae recentis, secundum experimenta D. DVBB, 2,75 granis pondere aequiualeat, quae nihil aliud esse videntur, quam martiale, et quod notandum, qua partem magneti obediens. Hepaticum sine dubio hanc ei impertit facultatem.

Concludimus igitur Cantharum aquae Meduiensis recentis continere *ferri*, partim acido aëreo, partim aëre hepatico soluti,

$$\begin{array}{rcl} & & 4\frac{1}{4} \text{ grana} \\ \text{Calcis salitae} & - & \frac{\frac{1}{2}}{4\frac{3}{4}} \end{array}$$

Acidi aërei forte 30 pollices cub.

Aëris hepatici saltem 40 — —

Muria et *extractium* adeo exiguum efficiunt pondus, ut heic merito negligatur.

Haec aqua non potest non eximia esse, nam 1) perquam efficacia continet principia vnita, quorum alterum solum frigidas nobilitare solet, alterum calidas. 2) Nihil adest noxium. Nouimus plerasque calcem fouere aëratam, immo tantum celebratas Pyrmontanas, et calce aërata et gypso esse gravidatas, quae materiae minime conueniunt nostro ventriculo. Hoc de virtute aquae Meduiensis iudicium, e compositione deductum, experientia totius saeculi satis superque confirmat.

Quo modo sit arte imitanda haec aqua, e praecedentibus elucet.

Index Paragraphorum.

§. I. Diuersa aquae calidae indoles	pag. 218
§. II. Thermae aëratae	220
§. III. Thermae hepatisatae	221
§. IV. Aqua destillata aëre hepatico satiata	226
§. V. Modus, quo praeparari possunt, aquae medicatae calidae	229
§. VI. Appendix de aquis hepatisatis frigidis	233

VIII.

DE

ACIDO SACCHARI*).

Magni omnino res fuit, naturae latebras dimouere, nec contentum eius conspectu introspicere et in deorum secreta descendere. SENECA.

§. I.

Quomodo e saccharo extricari potest acidum.

Quum instar salis essentialis merito consideretur saccharum, acidum quoddam in eodem adesse, nemo facile inficias ibit, et hoc etiam sequenti modo separari, formaque crystallina exhiberi potest.

A) Sacchari albissimi puluerati vncia vna immittatur tribus acidi nitri fortis, grauitatis specificae circiter 1,567, respectu aquae destillatae, idque in vase retorto tubulo instructo.

B) Solutione peracta, acidique nitri parte maxime phlogisticata exhalata, excipulum aptum adglutinetur et solutio leniter coquatur. Magna heic aëris nitrosi copia erumpit.

C) Dum

*) Haec Dissertatio in Auditorio Gustauiano publice fuit ventilata anno 1776, die 13 Iunii, Respondente I. AFZELIO ARVIDSSON, iam philosophiae Magistro, chemiam docente, dexterrimo.

C) Dum badium adipiscitur colorem liquor, 3 iterum acidi nitri vnciae adfundantur, et ebullitio dein eo usque est continuanda, donec acidum fumans et tinctus memoratus euanuerint penitus.

D) Tandem in amplius effundatur vas, et sub refrigeratione prismata 4 latera, gracilia, crystallisatione oriri reperiuntur, sibimet inuicem haud raro ad angulos 45 gr. adfixa, quae collecta et in papyro bibula exsiccata, drachmam $1\frac{1}{2}$, cum 19 granis, efficiunt.

E) Lixiuum restans cum 2 acidi nitri vnciis in eadem retorta iterum coctum, donec rarefiant vapores rubri, per refrigerationem modo descriptam acicularum salinarum $\frac{1}{2}$ drachmam cum granis 13 exhibet.

F) Liquido, quod superest, glutinoso praedito lentore, diuersis vicibus acidi nitri insillantur parvae portiones, quae simul sumtae 2 vncias efficiunt, tandemque mediante coctura et euaporatione ad siccum massa prodit salina, fusca, glutinosa et deliquescent, quae perfecte exsiccata $\frac{1}{2}$ drachmae aequiualeat, cuius tamen in depuratione dimidium fere amittitur.

G) Crystalli modo iam descripto adquisitione iterata solutione et crystallisatione depurantur, quod in primis necessarium est vltimae collectioni (mom. *F*). Lixiuum vltimum alias cum acido nitri digestum et solis calore ad siccum vaporans, prismata exhibet prioribus similia (mom. *D* et *E*), adeoque haec via crystallisationum mundantium numero minuendo inseruit.

H) Ut

H) Vt itaque huius salis 1 pars comparetur, sacchari requiruntur 3, et acidi nitri fortis 30, adeo vt carissimis merito adnumeretur. Probe vero tenendum est, crystallorum quantitatem longe minorem separari, si vel tantillum vltra iustos terminos protrahatur coctura.

I) Sal hicce nobis *Acidum Sacchari* audit, non quod vnice huic insit materiae, sed quod haec illud purius copiosiusque, quam aliae hactenus a nobis exploratae, praebeat. Scilicet, Gummi Arabici 100 partes cum 900 acidi nitri tractatae, initio coctionis valde spumescunt, et tandem sub refrigeratione vix vltra 21 acidi sacchari, prismatum forma crystallisati, porrigunt. Sed simul solutio, vsque ad finem, calcem secernit saccharatam (§. VI), quae collecta pondere aequiualeat 11 partibus, et acidi nostri 5 circiter continet. Spiritus vini rectificatissimi partes 8, cum 24 acidi nitrosi, 3 quidem exhibent acidi sacchari, sed plerumque squamosi et multa onusti humiditate. Mel praeterea, et quidquid saccharum continet, eadem via, idem acidum praebet, cui tamen, licet sapore et squamosa crystallisatione quodammodo simile *acidum tartari*, nitroso similiter solutum coctumque, paullum quidem maiorem acquirit albedinem, sed praeterea immutabile manet, in igne postea, aequae ac antea, carbonem praebens.

Quod acidum sacchari etiam in regno animali occurrat, et calculos renum vesicaeque vna cum glutinoso constituat, in alia dissertatione dedita opera demonstrabitur^a).

§. II.

a) Haec Dissertio quarto Opusculorum tomo inferetur.

§. II.

Qualitates acidi Sacchari aliis acidis communes.

Hic sal proprietatibus gaudet, partim singularibus, partim quibusdam tantum aliis acidis communibus, licet qua modum vel gradum plus minusue differentibus, et hasce iam sumus consideraturi.

A) Sapore instruuntur acerrimo crystalli, solutio vero, quantum satis diluta, perquam gratam in lingua excitat sensationem, grana 20 cantharo aquae sensibilem impertiunt aciditatem.

B) Colores e regno vegetabili caeruleos, excepto indigoneo, omnes rufat. Vnicum granum, 4 aquae vnciis solutum, papyrus cyaneam, sacchari conis inuoluendis inferuentem, quae a debilioribus acidis non mutatur, mox rubedine imbuunt, et grana 12, cantharo aquae suscepta, idem in papyro, heliotropio tincta, praestant.

C) Alkalia, terras, variaque metalla adgreditur, idque cum effervescentia, si materiae aëreo acido sunt unitae. Haec connubia in sequentibus seorsim describuntur, quum acidum nostrum ab omnibus aliis luculentissime distinguant (§. III. XXIV).

D) Aqua destillata ebulliens proprio ponderi crystallorum aequale soluit, in calore autem medio, 15 graduum, non nisi dimidium, et quamuis initio paullum turbida appareat solutio, perfectam dein recuperat pelluciditatem. Posterioris solutionis saturatae grauitas specifica est, 1,0593. Vapores prioris cocturae erumpentes acido non contaminantur, et ipsum liquidum sensim frigesactum magnam cry-

stallorum deponit copiam, quarum plura prismata haud raro ex vnico puncto paullum diuergunt: quodlibet quatuor instruitur lateribus, oblique positis, vt in spatho, alternis angustioribus, e quibus 2 plana quadrilatera, plerumque inaequalia, in formam tecti conniunt, apicem constituentia in alterutra vel vtraque extremitate. Nonnumquam tantae breuitatis prismata occurrunt, vt tessellis spathaceis, angulis acutis parallelae truncatis, omnino congruant, vnde de forma primitiua facile iudicari potest.

Interdum prisma orthogonium est, et apicis plana aequalia; variat etiam figura apicis planis ex angulis prismatum surgentibus. Si sub depositione quies necessaria, forteque etiam solutae materiae quantitas desideratur, prismata prodeunt truncata, irregularia, 5 vel 6 instructa lateribus.

E) Cum aliis acidis vnionem non respuunt crystalli modo descriptae. Acidum vitrioli concentratum hinc paullum infuscat pinguedinem arripiens, tandemque penitus destruit, praesertim coquendo: dilutum vero, licet etiam facile soluat, crystallos tamen iterum reddere potest, sed sub forma acicularum, quam in alios itidem sales inducere solet mutationem. Acidum nitri sacchari acidum auide suscipit, et coctum hinc flauescit, sub refrigeratione iterum crystallos secernens, sed plerumque irregulares: si saepius repetatur solutio et igne adiuuetur, acidum Sacchari plene destruitur et nullae tandem prodeunt crystalli. Acidum salis et acetum egregie quidem crystallos nostras soluunt, sed, et qua

indo-

indolem, et qua formam, nullo modo mutatas iterum reddere possunt.

F) Spiritus vini 100 partes sub ebullitione acidi nostri 56 circiter suscipiunt, sed in calore medio non ultra 40. Solutio paucillum turbida fit et sedimentum mucosum deponit, ponderi $\frac{1}{40}$ acidi soluti vix aequale. Sub refrigeratione concresecunt crystalli squamosae, irregulares et suaueolentes, quae probe exsiccatae albescunt. Vt, quid valeat hoc acidum ad aetherem formandum, pateret, 2 crystallorum drachmae, totidem spiritus vini rectificati (gr. sp. 0,8581) solutae, in parua retorta leni coquebantur igne. Dum striaeoriebantur oleosae aliud excipulum adaptabatur, et $\frac{1}{2}$ drachma in praecedente dudum collecta non nisi spiritus erat, phlegmate superfluo priuatus. Qui comparentibus striis confluebat, paucis tantum granis liquorem primum pondere superabat; acidus erat et euaporatione facta acidum sacchari praebuit crystallisatum: aqua calcis adfusa, praeceps ruebat calx saccharata, tenueque innatabat aetheris stratum, et cupri, et auri (cupro forte adhuc inquinati) calcem colore caeruleo solventis. Hic liquor, si aetheris vere tuetur nomen, a vulgari multum differt, quum nec nisi calefactus accendi queat, nec alba, sed caerulea flamma ardeat, quae in superficie tantum albescit, nec denique nisi debili fragret odore. Forte maiori quantitate institutum experimentum melius succedet. Cesantibus striis, liquoris acidi drachma, qui aqua calcis praecipitabatur et acidum sacchari crystallinum euaporatione dabat, simulque dimidia circiter olei

Q 2

eodem

eodem grauioris, transiit. Residuum acido sacchari crystallino constabat ponderis gran. 29. Hoc empyreuma parum olens, cum 2 iterum spiritus vini drachmis similiter tractatum, strias oleosas paucas monstrauit, et pauxillum olei. Residuum nigrum, pondere granis fere 12 aequale, crystallos exhibuit fuscas, et in igne album pungentemque efflauit fumum.

H) Aether vitriolicus acidum sacchari crystallinum soluit, sed aegre.

I) Olea, tam essentialia, quam vnguinosa subit, prudenti euaporatione crystallinum iterum separandum, secedit quoque vehementiore igne acidum sacchari, ultra superficiem eleuatum.

K) In calore, medium excedente, sensim crusta alba, opaca obducuntur, tandemque in puluerem album totae quantae fatiscentes, ponderis $\frac{3}{8}$ circiter amittunt, quae in aëre aperto humido cito recuperantur. Crystalli vetustae laxa quasi lanugine vestiuntur, qualis fere sub destillatione in luto compareret, sed qua indolem nullo modo ab ipso acido diuersa.

In vasculis destillatoriiis, humilibus, clausis, leni igne primum crystallisationis aquam, quae totius circiter $\frac{3}{8}$ efficit, fundit acidum nostrum; intenso autem mox liquefcit et fuscatur ebulliens, paululum phlegmatis in excipulum pellitur, in luto excipulum adglutinante puluis acidus efflorescit, crusta alba salina sublimatur, immo vehementi igne eiusdem in excipulum quidquam transire cogitur, maxima vero
pars

pars destruitur, in retorta fuscā vel griseā relin-
quens massā, crystallorum propemodum $\frac{1}{30}$ aequi-
valentem, quae empyreuma olet, acidum vitrioli
concentratum fuscū et nitrosū flauū facit, sed
a marino absque mutatione soluitur. Hoc residuum
in vase aperto ignis ope euanescit, et in vitro non,
nisi macula alba, remanet. Acidum sacchari subli-
matum facile crystallinā recipit formā, nullam-
que aliam mutationem subiisse videtur, quam ut pu-
rissimum prodeat, tanto pinguedinis priuatum, quan-
to sine destructione spoliari potest. In recipiente li-
quor confluit acidus, qui aquam calcis praecipitat,
et praeterea acidi sacchari prodit indolem, sed in
crystallos non facile abit. Vaporum elasticorum in-
gens oritur copia, quae vasis separatis pungente
et empyreumatico odore infestat. Haec aura e qua-
vis semuncia crystallorum, sub destillatione colle-
cta, 100 fere pollices cubicos efficit, et qua dimi-
diam partem acido aëreo constat, aqua calcis facile
separando, qua alteram vero flamina mox accen-
ditur et caerulea ardet.

Acidum sacchari semel sublimatione eleuatum,
eidemque operationi denuo subiectum, album euo-
mit fumum, qui, sub refrigeratione, in excipulo
collectus liquorem hyalinum acidum, sed non crys-
tallifabilem, exhibet. In lateribus et collo simul
quidquam acidi vix mutati sublimatum reperitur. In
fundo griseae restant reliquiae.

Quod tertia vice sublimatum fuit, excipulum va-
poribus elasticis diffregit, sed in eodem nihilo mi-
nus paulum liquoris acidi fuit collectum, quod ad

siccum vaporans residui quidquam praebuit. Reliquiae in retorta canae erant. In vase aperto mutationes iam descriptae ignis ope celerius perficiuntur, fumus erumpens albus pulmonibus, naribusque magnam parit molestiam, et residuum albidiorum acquirit colorem. Carbonis heic nulla occurrunt vestigia, quo ipso sacchari acidum a tartari qualitate omnino discedit.

§. III.

Alkali vegetabile saccharatum.

Acidum sacchari alkali vegetabili exacte saturatum aegre crystallos praebet, quae tamen facile obtinentur ingredientium alterutro parum excedente. Alkali plene aëratæ partes 2, acidi sacchari 1 combinatae, euaporatione rite peracta, egregia exhibent prismata, eadem fere forma instructa, ac ipsum acidum. Hae crystalli papyrus heliotropio tinctam paullo saturatius caeruleam faciunt, sed in tinctura heliotropii, vel syrupo violarum, coctae rufant. Aqua facile solvuntur, spiritu vini aegre. In calore fatiscunt. Calx, terra ponderosa et magnesia, purae acidum iisdem eripiunt, acida vero vitrioli, nitri, salis, fluoris, arsenici et phosphori etiam mutant, sed basin attrahendo alkalinam. Alkali vegetabile acetatum, itemque formicatum, decomponitur ab acido nostro. Ignis solus acidum Sacchari ex qualibet basi perfecte expellit. In calce detegenda, aquis quocunque modo inhaerente, haecenus nihil alkali vegetabili saccharato praestantius innotuit. Acidum sacchari fortissime attrahit calcem, et ex quo-
libet

libet alio acido euellit, salem formans difficillime solubilem, qui instar pulueris albi fundum petit (§. VI). Licet hoc fiat acido solo, duplex tamen adfinitas operationem accelerat, et numquam saltem impedit.

§. IV.

Alkali minerale saccharatum.

Alkali mineralis nuper crystallisati partes 2, acidi sacchari 1, copulatae, salem constituunt difficulter solubilem, qui sub ipsa combinatione qua partem secernitur, quod vero remanet, sub euaporatione grana praebet crystallina. Hae crystalli aqua feruida perfecte soluuntur, non vero spiritu vini; tincturam heliotropii non mutant, sed syrupum violarum viridant. Eadem acida, eademque terrae hunc decomponunt salem, ac praecedentem, sed praeterea ab alkali vegetabili expellitur minerale.

§. V.

Alkali volatile saccharatum.

Acidi sacchari pars 1 suscipit 6 alkali volatilis puri (ex 1 salis ammoniaci cum 4 calcis viuae et 3 aquae destillati), et haec unio lenta euaporatione prismata exhibet 4 latera, e variis plerumque punctis diuergentia. Hae crystalli non tantum heliotropium, sed etiam syrupum violarum rufant: in calore fatiscunt, $\frac{7}{8}$ circiter ponderis amittentes, sed paullo tardius, quam acidum sacchari: aqua eadem facile soluit, non vero spiritus vini: destilla-

tione primum alkali volatile praebent concretum, dein quidquam alkali volatilis saccharati, residuum vero carbonaceum destructionem, et hinc aërei liberationem indicat, causamque concretionis alkali volatilis. Principiorum nexus tollitur alkalibus fixis, nec non acidis, et terris, quae praecedentes laxant combinationes (§. III, IV).

§. VI.

Calx saccharata.

Acidi sacchari partes 82 suscipiunt 100 spathi calcarei pellucidi, sed vix directe, quum superficies acido saturata ad nucleos particularum accessum impediat. Optime calx nitrata acido sacchari praecipitatur instar pulveris albi, aqua insolubilis, 119 pondere exhibens, quarum circiter 72 mox fundum petunt, 47 autem sub liquidi euaporatione in conspectum veniunt. Hinc patet eiusdem centenarium continere 48 acidi, 46 calcis purae et aquae crystallisationis 6. Itaque acido sacchari non tantum calcis in aqua praesentia, sed etiam quantitas haud difficulter indagari potest.

Tanta nempe vi acidum nostrum calcem attrahit, vt eandem omni alii eripiat, ideoque haec vnio, nec aliis acidis, nec alkalibus, nec terris, haecenus notis, sed igne solo diuelli potest.

Hinc quoque intelligitur necessitas aquae calcis in depurando saccharo. Scilicet, succus arundinis sacchariferae acidi abundantia laborat, quae siccam impedit concretionem, immo ipsum saccharum perfectum

fectum aqua solutum, addito acido sacchari, nequaquam grana-crySTALLINA format. Iam vero nihil potentius calce hoc acidum attrahit, quae praeterea, vnione facta, insolubilis fundum petit, vel spumae inuoluta natat, ideoque aqua calcis praestantissimum porrigit medium, quippe quae fortissimum impediementi magnetem exhibet, et quidem ita solutum, vt et facile immisceri possit, et, superfluo remoto acido, nihil relinquat peregrini. Calcis quidquam in saccharo remanere crediderunt multi, sed si rite instituitur depuratio, nulla eiusdem restare vestigia, et materierum indoles, et operationis circumstantiae, et denique adcuratissima analysi, satis superque euincunt. Saccharum bonum totum quantum soluitur aqua destillata, quod certe non fieri potest, si quidquam vel calcis crudae, vel acido sacchari vnitae continet, quippe quae nec per se, nec saccharo immixtae, aquam subeunt. Alkali quidem vegetabile acidum nostrum etiam absorbet, sed saltem praebet haud difficulter solubilem (§. III), et praeterea lixiuium causticum, iusto copiosius, sacchari portionem soluere valet. In calce saccharata basis praepollet, nam in syrupo violarum coctus hic puluis eundem viridem facit.

§. VII.

Terra ponderosa saccharata.

Acidum sacchari terra ponderosa saturatum cito crystallos pellucas angulatasque deponit, quum aqua aegre soluantur. In aqua destillata coctae fatiscunt, puluerem praebentes opacum, sub refrigeratione

ratione vero portiuncula soluta iterum in crystallos concrefcit, acido abundantes. Haec namque vnio, nifi excedente acido, numquam cryftallina prodit, abundantiam vero maximae parti aufert feruida, fimulque folubilitatem, fed reftat faturitati neceffarium acidum. Spiritum vini vix fubeunt. Suum menftruum calci portigunt. Lixiuio alkali vegetabilis puri immiſſa terra ponderoſa ſaccharata, cruſta obducitur opaca, tandemque in puluerem reſoluitur, et alkali acido ſacchari inquinatum reperitur, fed excedente tantum.

§. VIII.

Magneſia ſaccharata.

Acidum ſacchari magnefiam ſoluit, ſalem medium ſub forma pulueris albi efficiens, nec ſpiritu vini ſolubilem, nifi abundet acidum. Huius centenarius magnefiae purae 35, acidi et aquae 65 circiter partes continet. Acidorum illud tantum, quod e fluore minerali expellitur, hanc combinationem decomponit, ex terris calx et terra ponderoſa. Magnefia pura ſalibus alkalinis acidum ſacchari eripit.

§. IX.

Argilla ſaccharata.

Terrae aluminis probe lotae partes 42 acidi ſacchari 53 ſub digeſtione ſoluuntur. Haec ſolutio vaporans nullas praebet cryſtallos, ſed maſſam flauoſcentem, pellucidam, ſapore dulci et ſimul adſtringente, quae exſiccata in aëre humido deliqueſcit et pon-

ponderis $\frac{2}{3}$ augetur. Heliotropium rufat, non vero syrupum violarum; spiritu vini parce soluitur. In igne tumet, acidum auolat sub ignitione et argillam fuscā relinquit. Centenarius 44 circiter argillae, acidi et aquae 56 continet. Acida vitrioli, nitri et salis, etiam alkalia, calx, terra ponderosa et magnesia argillam saccharatam decomponunt. Ferrum quoque salis nostri solutio adgreditur, acido sacchari unitum dein secedens (§. XVI).

Alumen acido nostro non decomponitur, nec argilla nitrata vel salita basin suam eidem cedit.

§. X.

Aurum saccharatum.

Aurum sub digestionē non mutat acidum sacchari solutum, alkali autem fixo praecipitatum et aqua feruida optime lotum, nigrescit, sed vix soluitur.

§. XI.

Platina saccharata.

Platina non soluitur, nisi alkali praecipitata. Quum alkali vegetabile cum platina soluta qua partem copuletur, salem formans aegerime solubilem, qui ideo instillato alkali mox decidit quasi praecipitatus, quamvis re vera aquam regis vel saltem acidum salis contineat. Confusionis euitandae causa platinam minerali alkali deiectam adhibuimus et sufficienter lotam. Noui equidem illustres chemicos adseverare, quod hoc nobile metallum alkali minerali mini-

minime cedat, sed quilibet facile contrarium experiri potest. De hac re alibi fusius, iam ad solutionem acido sacchari factam redeamus: haec flavescit, et flavas quoque exhibet crystallos.

§. XII.

Argentum saccharatum.

Argentum alkali fixo praecipitatum soluit acidum sacchari, sed parce: ipsum metallum non adgreditur. Haec unio alioquin commodissime obtinetur ex saturata solutione argenti, acido nitri facta, quae acido sacchari deturbatur, instar pulveris albi, qui lotus ne heliotropium quidem mutat, vix aquam, et multo minus spiritum vini subit, acido tamen nitri solubilis: radiis solaribus infusatur. Decomponit quoque vitriolum lunae acidum nostrum, non vero argentum salitum, quantum hactenus certo determinare potuimus.

§. XIII.

Hydrargyrus saccharatus.

Mercurius viuis aequae, ac praecedentia metalla, intactus relinquitur, nisi qua partem phlogisto spoliatus, in hoc vero statu soluitur, praebens salem puluerulentum, album, aqua vix solubilem, nisi abundet acidum, et solis radiis expositum nigrescentem. Idem sal ex hydrargyro, acido vitrioli et nitri soluto, acquiritur, addito acido sacchari, quod mox praecipitat: mercurius sublimatus corrosivus hac via pulvisculum quoque praebet, sed lente, parvissime et luce non infuscandum.

§. XIV.

§. XIV.

Plumbum saccharatum.

Plumbum in acido sacchari digestum obscuratur, vix autem soluitur, nisi calcinatum, praesertim alkali praecipitatum. Solutio saturitatem attingens turbatur ob grana crystallina, quae fecernuntur et subsident, qualia itidem solutiones plumbi nitrata, salita et acetata praebent, instillato acido sacchari. Hae crystalli 55 circiter plumbi partes in centenario continent; spiritum vini non subeunt, et vix aquam, nisi acido acuatur. Solutio plumbi vitriolati acido sacchari non praecipitatur.

§. XV.

Cuprum saccharatum.

Cuprum ipsum adgreditur acidum sacchari, facilius vero solutum et alkali praecipitatum. Vtrumque in pulverem abit dilute caeruleum, quem aqua vix suscipit, nisi abundet acidum. Cupri partes 21 acidi requirunt 29. Idem ex cupro vitriolato, nitrato et salito sacchari acido praecipitatur. Solutio huius salis colore gaudet ex caeruleo et viridi mixto, in zinco et ferro cuprum deponens. Cuprum acetatum ita decomponit acidum sacchari, ut acetum concentratum seorsim colligi possit, cupro tamen adhuc paullum inquinatum.

§. XVI.

Ferrum saccharatum.

Acidum sacchari ferrum cum effervescentia adgreditur, quae ex separato phlogisto oritur. Solutio

lutio dulcedine gaudet adstringente, et sine calore peracta crystallos exhibet prismaticas, ex flauo vire-scentes, aqua facile solubiles, acido praeditae ex-cedente, et tamen in calore fatiscantes. In centena-rio acidi 55 partes et ferri 45 adsunt. Acido igne expulso massa restat ferruginea, squamulis hyalinis, nitidis, in superficie distincta, nucleus vero paulum in fuscum vergit.

Calx ferri itidem soluitur, sed aeque ac solutio praecedens digesta, non nisi puluerem flauum prae-bet, qualis etiam ex vitriolo martis praecipitatur aci-do sacchari, et in praeparatione acidi nostri colligi potest, dum acidum nitri adhibitum ferro scatet. Est hic pulvis aqua fere insolubilis, sub decoctione tamen ochram fecernit.

§. XVII.

Stannum saccharatum.

Stannum in acido sacchari, adiuuante calore, primum nigrescit, et tandem cano puluere tegitur. Solutio vapores elasticos emittit, austero gaudet sa-pore et prismaticas praebet crystallos, sed ad siccum raptim vaporans tantummodo massam corneam, quae soluta alkali instillato copiosum porrigit prae-cipitatum. Calx stanni facile quoque soluitur, sed vtraque vnio heliotropium rufat.

§. XVIII.

Vismutum saccharatum.

Regulus in acido sacchari paulum obscuratur, sed calx tantum soluitur. Hic sal puluerulentus et
albus

albus est, vix aqua solubilis, cuius dimidium pondus ex metallo. Si solutioni vismuti nitrati instillatur acidum sacchari horulae spatio grana polygona pellucida in fundo concresecunt, quae eadem gaudent indole ac pulvis supra memoratus, nec opacitatem in aqua contrahunt, vti vismuti nitrati crystalli.

§. XIX.

Niccolum saccharatum.

Regulus sub digestionem in acido sacchari crusta ex albo virente tegitur, tandemque totus similiter tinctus fatiscit. Calx viridis eundem colorem nanciscitur, etiam sine calore. Haec unio duplo maiorem acidi, quam metalli quantitatem continet. Acidum sacchari talem quoque salem praecipitat e niccolo, acidis vitrioli, nitri vel salis soluto, qui aqua parum soluitur colore flauo, vix viridi contaminato, eodemque modo tinctae sunt crystalli.

§. XX.

Arsenicum saccharatum.

Regulus sub digestionem vix soluitur, sed arsenicum album, absque caloris ope facile susceptum, sub euaporatione prismaticas exhibet crystallos, quae leni igne liquefactae abundans acidum mittunt, et elegantes porrigunt vegetationes. Hae aqua et spiritu vini facile soluuntur, heliotropium rufant, et leni igne sublimantur, sed fortiori destruuntur, acido sacchari primum eleuato, et dein arsenico, focatore alliaceo.

§. XXI.

§. XXI.

Cobaltum saccharatum.

Cobaltum et cum et sine calore adgreditur acidum sacchari, illud in puluerem dilutissime roseum conuertens. Solutio magis flauet et similes exhibet crystallos, acido abundantes, ideoque facile solubiles; puluis vero roseus, qui heliotropium non mutat, vix aquam subit. Acidum sacchari in calore medio cobalti praecipitati vltra aequale suscipit pondus. Solutio addito sale communi attramentum praebet sympatheticum.

Acidum sacchari omnibus hactenus notis acidis cobaltum extorquet, puluerem supra memoratum conficiens.

§. XXII.

Zincum saccharatum.

Regulus cum acido sacchari vehementer effervesceit et puluere albo cito tegitur. Hic puluis salinus in centenario 75 partes metallicas continet et aquam vix subit, nisi abundante acido. Calx similem praebet, et talis quoque e zinco, acidis vitrioli, nitri vel salis soluto, sacchari instillato acido, subsidet.

§. XXIII.

Antimonium saccharatum.

Regulus ab acido sacchari sub digestionem nigrescit, sed calx et vitrum, parce tamen, soluuntur. Solutio

lutio semper acido abundans exhibet grana crystallina, quae aquam difficulter subeunt. Ex vitro antimonii acetato similia praecipitat acidum sacchari, non vero ex butyro, sed acido vitriolico antimonium eripit.

§. XXIV.

Magnesium saccharatum.

Magnesia nigra cum acido sacchari efferuescit, etiam sine calore; solutio autem saturata puluerem deponit albidum, aqua vix solubilem, nisi abundante acido. Hic sal igne nigrescit, sed adfuso iterum acido in lacteum vertitur puluerem, qualem etiam, at subtilissimis granis crystallinis mixtum, ex magnesio, acidis vitrioli, nitri vel salis soluto, deiecit acidum sacchari.

§. XXV.

Acidi sacchari attractiones electivae.

Ex haecenus allatis sequenti ordine materias appetere videtur acidum sacchari. Scilicet primus locus *calci* competit (§. VI), secundus *terrae ponderosae* (§. VII), sequentes, *magnesiae* (§. VIII), *alkali vegetabili* (§. III), *alkali minerali* (§. IV), *alkali volatili* (§. V), tandemque ultimus *argillae* (§. IX). Respectu aliorum acidorum saccharinum *alkalia* cedit vitriolico, nitroso, marino, arsenicali, fluoris et phosphori (§. III), *calcem* nulli (§. VI), *terram ponderosam* vitriolico (§. VII), *magnesiam* acido fluoris mineralis (§. VIII), *argillam* vitriolico,

lico, nitroso et marino (§. IX), *argentum* (§. XII) et *antimonium* (§. XXIII) acido salis, *plumbum* vero (§. XIV) et forte *stannum* vitriolico (§. XVII), sed *hydrargyrum* (§. XIII), *cuprum* (§. XV), *ferrum* (§. XVI), *vismutum* (§. XVIII), *niccolum* (§. XIX), *cobaltum* (§. XXI), *zincum* (§. XXII) et *magnesium* (§. XXIV) nulli, quantum huc vsque explorare licuit. Metalla quod attinet, licet in attractionum simplicium serie ab omnibus collocentur, vi mutuarum eorundem praecipitationum, proprie tamen huc non pertinent, quum praecipitationes eorum duplici re vera perficiantur adfinitate. Si vero quispiam iisdem locum reservatum cupiat, sciat, ordinem fere eundem manere, quocumque demum soluta fuerint menstruo ^{b)}).

§. XXVI.

Num nitroso ortum debeat acidum sacchari.

Haftenus proprietates acidi sacchari consideravimus, restat, vt paucis de ortu eius differamus. Heic vero in primis quaeritur, *utrum saccharo vere insit et perfectum, an accedente acido nitri sub decoctione generetur?* Non negamus primo intuitu acidum nitri videri quidquam ad ipsam genesin conferre, quum sine hoc variis modis illud extricare huc vsque frustra tentauerimus. Est acidum nitri phlogisti avidissimum, ideoque in hac operatione saponaceam sacchari compagem ita pingui spoliari existimauimus, vt tandem eiusdem salinum principium

b) Conf. Disq. de Attractionibus electiuis.

cipium nudum prodeat. Hanc tamen metam, nec sacchari destillatione, nec detonatione cum nitro, nec digestionem et decoctionem cum acido vitrioli, nec cum acido salis dephlogisticato, nec denique cum magnesia nigra, attingere potuimus. Licet autem irritum conatu haec instituta fuerint experimenta, hinc tamen minime concludere audemus, nullam dari methodum acidum extricandi sacchari sine nitroso. Nullo saltem idoneo argumento, ne probabiliter quidem, evinci potest, nitrosum acidi nostri compositionem intrare. Saccharum e succo quorundam vegetabilium vel sponte secernitur, vel artis ope elicitur, adeoque iure instar salis essentialis consideratur. Tales vero, quotquot novimus, suo gaudent acido, quin igitur idem valeat de saccharo vix negabitur, si vel maxime alias ignoraremus rationes. In vulgari saccharo abundans quidem acidum sub ipsa praeparatione ita tollitur, ut sensus nostros plane fugiat, sed nihilo minus de delitescente artis spagyricae peritis nullum superesse potest dubium.

Adest igitur in saccharo acidum, et eo iam devolvimur, ut inquiramus, *num hoc fuerit acido nitri mutatum?*

Si ipsam operationem, ea qua par est attentione, examinamus, nullam aliam nitrosum acidum mutationem experiri reperimus, quam ut phlogistonum rufescat, magis fiat volatile et eneruat, immo eiusdem pars aëris, nostro tempore aëris nitrosi nomine notae, induat naturam. Vicissum nihil

R. 2

aliud

aliud requiri videtur, vt acidum essentiale pingui irretitum denudetur, quod etiam acerrimum tandem obtinetur (§. I. mom. g.); licet adhuc tanta inflammabilis materie copia grauidatum, vt solidas exhibeat crysallos, dum alia acida eo priuata, semper liquida sunt, et haec quoque qualitas nostro vltius pauperato competit (§. II, m. i).

Ipsam acidi sacchari indolem si contemplamur, eandem nullo fere alio momento acido nitri conuenire videmus, quam iis adfectionibus, quae omnibus acidis sunt communes. Ceterum, nitrosum calci, terrae ponderosae, magnesia vel metallis vnitum, expellit (§. XXV), alkalia sola illi cedens (§. III): vbi nitrosum facile solubiles vel deliquescentes procreat sales, plerumque saccharinum tales praebet, qui aquam vix subeunt (§. VI, VIII, XII, XV, XVI, XIX, XXI): alkalia nitrata cum phlogisto ignito detonant, sed eadem saccharata nullum deflagrationis signum monstrant, quod tamen addita minima acidi nitri molecula, manifesto obseruatur: stannum et antimonium corrodit, vix soluit, nitrosum, sed saccharinum eadem feliciter adgreditur: acidum nitri phlogisticatum, alkali vegetabili vnitum, deliquescit, crysallos non format, acetique, immo ipso sacchari acido, phlogisto magis onerato, promte expellitur, quae singula de eodem alkali saccharato nullo modo valent. Plures comparanti se facile offerunt differentiae. Adeoque naturam non tantum diuersam, sed in multis prorsus contrariam possident haec acida. Si quis omnem phlogisto adscribat discrepantiam, non equidem

dem negabimus, subtilissimum hoc principium mirum esse diuersitatis fontem, sed illa, quae in casu iam obuiο adest, re propius expensa, eidem vix tribuetur. Scilicet, acidum nitri eneruatur et longo fit volatilius inflammabili vnitum, sed saccharinum multo fixius, tanta adhuc dotatum copia, vt in crystallos queat concreescere, nitrosum fortissimum vndique fere expellit, vti experimenta testantur, praetereaue acidum nitri phlogisticatum cum iisdem materiis, a saccharinis diuersissimas, parit combinationes. At ex ignotis, fictis vel tantum forte possibilibus vniendi modis, nihil diiudicare debemus. In omnibus igitur, quae de sacchari acido haecenus certo explorare potuimus, nulla de eiusdem ex nitroso deriuatione occurrunt vestigia.

Rinemur vero vltcrius, veritas in alto iacet: consulamus in primis ipsam naturam, non oscitanter et leuiter, cetera fictionibus supplentes, sed candidē, vti decet, multis, idoneis, adcuratisque experimentis, alioquin eius responsa erunt incerta vel ambigua, vti fictilium Deorum oracula.

Sed quocumque demum modo prodeat sacchari acidum, hoc nihilo minus distinctum et ab aliis diuersum putetur, oportet, quum semper sibi simile haberi possit. Singulares eiusdem proprietates, quarum nonnullae in chemia eximium pollicentur vsum, illud maxima attentione dignum monstrant. A Stahlī temporibus multi acida nitrosum et marinum instar sobolum vitriolici respexerunt, si vero singuli hac fisi theoria, quae tamen quoti-

die nouis infringitur obseruationibus, horum acidorum, vti deriuatorum, examen neglexissent, multa de iisdem egregia hodie ignoraremus, quae sensim innotuerunt, quum plerique eadem tamquam distincta, diuersaque considerauerunt.

Index Paragraphorum.

§. I. Quomodo e saccharo extricari potest acidum	pag. 238
§. II. Qualitates acidi sacchari, aliis acidis communes	241
§. III. Alkali vegetabile saccharatum	246
§. IV. Alkali minerale saccharatum	247
§. V. Alkali volatile saccharatum	ibid.
§. VI. Calx saccharata	248
§. VII. Terra ponderosa saccharata	249
§. VIII. Magnesia saccharata	250
§. IX. Argilla saccharata	ibid.
§. X. Aurum saccharatum	251
§. XI. Platina saccharata	ibid.
§. XII. Argentum saccharatum	252
§. XIII. Hydrargyrum saccharatum	ibid.
§. XIV. Plumbum saccharatum	253
§. XV. Cuprum saccharatum	ibid.
§. XVI. Ferrum saccharatum	ibid.
§. XVII.	

§. XVII. Stannum saccharatum	pag. 254
§. XVIII. Visinutum saccharatum	ibid.
§. XIX. Niccolum saccharatum	255
§. XX. Arsenicum saccharatum	ibid.
§. XXI. Cobaltum saccharatum	256
§. XXII. Zincum saccharatum	ibid.
§. XXIII. Antimonium saccharatum	ibid.
§. XXIV. Magnesium saccharatum	257
§. XXV. Acidi sacchari attractiones electivae	ibid.
§. XXVI. Num nitroso ortum debeat acidum sacchari	258

IV.

D E

CONFECTIONE ALVMINIS*).

Intrandum est in rerum naturam, et penitus. quid ea postulat, peruidendum.

CICERO.

§. I.

Multiplex aluminis usus.

Natura perexiguam aluminis natiui praeparat quantitatem, quod heterogeneis varie mixtum, pulueris, pruinae vel plumarum instar, super mineras fatiscentes efflorescit, raro crystallinum occurrit. In Aegypto, Sardinia, Hispania, Bohemia, aliisque locis tale reperiri perhibetur^{a)}: in schisto aluminari Lapponiae et Vestrogothiae spontanea minerae decompositione aliquando ortum vidi. Aquis dein atmosphaericis solutum non numquam in fontibus^{b)} et thermis^{c)} colligitur, sed perquam raro. Quo primum tempore arte confici coeperit mox videbi-

*) Haec Dissertatio publice ventilata fuit in Auditorio Carolino Maiori, die I Aprilis anni 1767, Respondente G. SVEDELIO, Vestmanno. In germanicam linguam translata prodiit, sed nondum vidi.

a) E. BERTRAND, Dict. Oryct.

b) MARGGRAF, Chym. Schrift. tom. II, pag. 191.

c) CARTHEVSE, Hydrol. pag. 86.

debimus, multifario huius salis usu antea obiter per-
lustrato.

In Pharmacopoliis varia alumen ingreditur me-
dicamina: liquores, collyria, gargarismata, em-
plastra, bolos, pillulas, pulueres, et quae sunt re-
liqua^d). Leni acescentia lac coagulat, et praeterea
egregia adstringendi virtute pollet.

In artibus quoque et oeconomia priuata frequens
huius salis est usus. Sebo additur, vt candelae fiant
duriores; puluilli typographici eo vsto fricantur, vt
adhaereat pigmentum nigrum, itemque ob similem
causam formae, telis figuras impressurae; ligna
alumine, quantum satis, imbuta, non ardent, quod
etiam de charta valet: quae ideo puluerem pyrium
optime seruat, humiditatem aëris simul excludens.
Papyro aluminatae inseruit; pollincturis; argento
dealbando; aeri pellicula argentea frigide tegan-
do; lacti butyrum difficulter secernenti; opuscu-
lis variis conglutinandis; pyrophoro; coriis prae-
parandis et sexcentis aliis.

In chromaticis summae est necessitatis, et mate-
rias tingendas saepe praeparando, leni corrosione
superficiem purgans porosque dilatans; et molecu-
lis colorantibus aptum praebendo fundamentum, qui-
bus plerumque decomponitur alumen; et tinctum
denique semel adquisitum figendo.

Pigmentorum, quae instar cretae sicca vsurpan-
tur, corpus constituit, vt loqui amant artis periti,

R 5

pro

d) Conferantur Dispensatoria.

nam plerumque tenerrima constant aluminis terra, pro lubitu tineta. In conficiendo caeruleo Berolinensi impedit, ne basis vitrioli martis, acidis solubilis, praecipitetur alkali superfluo, hoc est, materia colorante non saturato, quippe quae acido vitriolico, firmitus, quam argillacea, adhaeret, et immixta viriditatem sua flauedine efficit: pro dosi quoque albissima terra aluminis nimis saturatum et fere nigrum colorem diluit, numerosas procreans intensitatis variationes. Reliquis vtilitatibus enumerandis supersedeo.

§. II.

Confectionis aluminis brevis historia.

Graecorum *συμπνεία* et Romanorum Alumen, natua erat materia, et a sale, qui nostris diebus hoc nomen gerit, multum differebat. Quas DIOSCORIDES memorat aluminis variationes, stalactitas referunt, qui, si quidquam fouerint aluminis, hoc saltem admodum fuit parcum et vitriolica materia ex omni parte involutum^e). PLINII descriptiones difficilius extricantur, quum non ipse viderit, quae haec adumbrat, sed tantum ex aliorum excerpserit scriptis^f).

Factitium, quod nostris temporibus alumen audit, in oriente primum innotuit, sed quando, vbi et quomodo, latet. Ob stypticam facultatem, vsumque in arte chromatica et coriaria, similem, nouus sal
vete-

e) Mat. Medica.

f) Hist. Nat. L. XXXV, c. 15.

veteris retinuit nomen, qui dein Misy, Sory, Chalcanthum vel atramentum futorium vocatus fuit.

Inter officinas, alumini conficiendo destinatas, vetustissimas, illa iure numeratur, quae in oppido Syriae Roccho, Edessa olim nuncupato, instituta fuit. Hinc alumen Rochae, quae appellatio vulgo adeo male fuit intellecta, ut idem ac rupeum significare multi etiamnum credant^{g)}. Constantinopolis plures habuit in vicinia officinas, itemque Phocaea noua, hodie Foya noua, haud procul a Smirna. Harum pluribus conductionis pacto utebantur Itali, qui circa medium saeculi decimi quinti artem in patriam eo maiori zelo transportarunt, quo crebrior salis huius fuerit usus, quoque maiores pro illo emendo ad infestissimum Christianorum hostem, Turcarum gentem, quotannis exiuerint pecuniarum summae.

BARTHOLOMAEVS PERDIX vel PERNIX, mercator Genuensis, qui saepe Rochae fuerat, primus alumini detexit mineram in insula Ischia, circa annum 1459, et ibidem confectionem instituit. Eodem tempore IOHANNES DE CASTRO, qui Constantinopolitanas visitauerat officinas, mineram ad Tolfam agnouit ex Illice Aquifolio, quam similiter in collibus, Turcicis adiacentibus, crescere obseruaue-

rat,

- g) *Constat alumini coquendi artem vix trecentis abhinc annis, a Rocca Syriae in Europam rediisse, (unde alumini Roccae, non intellecta vulgo appellatio), atque in Italia primum exercitam, serius in Germaniam penetrasse. LEIBNITII Protog. pag. 47.*

rat, et haec coniectura sapore lapidum firmabatur. Ad Viterbium tentamina a Genuensibus instituta egregium habebant successum, similiterque ad Volaterram. Confectio igitur Italica brevi tempore mirum in modum increuit, laboremque non paruum excitauit, quod Papa PIVS II. vsum aluminis orientalis prohiberet, reditusque ex Italico ad Turcos debellandos destinaret.

Sed ars non intra Italiae limites permansit. Saeculo decimo sexto ad Alcamaron Hispaniae, in vicinia Carthagenae, fuit exstructa officina, quae etiamnum persistit.

In Germania plures reperiiebantur ad annum 1544, quarum illa ad Schwemsel Misniae adhuc viget. Tempore dudum AGRICOLAE alumen coquebatur ad Commotau in Bohemia.

Prima Angliae officina, imperii habenas tenente Regina ELISABETH, fundata est ad Gisborough, a THOMA CHALOMER^{h)}.

In Sueciam sero admodum penetrauit ars alumen conficiendi, quamuis enim hodie septem habeamus officinas, nulla tamen harum fuit instituta ante saeculum decimum septimum.

Antiquissimae, in Scania ad *Andrarum* anno 1637 aedificatae, viginti duobus ahenis simplicibus, vel quod eodem recidit, vndecim duplicibus, salem nostrum

h) Pleraque haecenus allata momenta mutuatus sum a Gel. I. BECKMAN, qui historiam confectionis aluminis egregie enodauit in Commentatione coram R. Soe. Goettingensi lecta, cuius sciagraphia in nouellis Goetting. occurrit.

nostrum coquendi ius competit. Quid sit ahenum simplex et duplex, mox explicabitur. Schisti aluminaris stratum heic insigni gaudet profundo, 360 saltim pedes excedente. Non omnia vsurpantur quouis anno ahena. Anno 1765 tonnae aluminis 2735 adquisitae fuerunt; 1766 autem 3099; 1767, 2423 et 1768, 1427. Tonna aluminis 344 libris ponderis vectigalis aequiualeat.

Iuxta Calnariam in Smolandia ad *Lofver* constructa est alia officina anno 1721. Praeter vnum purificationibus destinatum, quatuor haec tantum adhibet ahena dupla, quamuis priuilegium quinque concedat. Minera ex Oelandia apportanda, et ligni penuria, molestiam parit haud spernendam. Anno 1765 confectae sunt tonnae 1020; 1766, 926 et 1767, 800; medium per decem annos fuit 1000 tonnarum.

In Vestrogothia quatuor sitae sunt. Prima anno 1724 prope oppidum Schoefde, in praedio *Mulltorp* instituta est, quae vel a loco Mulltorpens, vel etiam a conditore Caroli officina audit. Haec duo tantum ahena simplicia habet, et mineram in vicina. Anno 1765 heic comparatae sunt tonnae 90, et 1766 non nisi 71.

Ab hac dimidium milliare distat alia ad *Oltorp*, in paroecia Dimbo, anno 1726 priuilegio trium ahenorum simplicium munita. Vocatur plerumque officina Iohannis Christinae ab Institute Iohanne Menzer, eiusque vxore Christiana Falckenberg, interdum Tidaholmensis a praedio principali familiae Menzerianae. Minera schistosa in confinio effringitur.

gitur. Reditus anni 1765 fuerunt 157 tonnae et 1766, 300.

Tertia ad *Kafvelas* anno 1748 ius duorum ahenorum simplicium obtinuit, quod 1765 duobus auctum fuit. Quarta miliaris parte abest minera. Anno 1765 haec porrexit tonnas 312 et 1766, 293.

Quarta ad *Haensaeter* in Kinnekulle ius adquisiuit duorum ahenorum simplicium, anno 1766. Minera in confinio reperitur.

Maxima ad *Garphyttan* in Nericia anno 1766 decem ahenorum simplicium immunitate instructa fuit, qui numerus anno 1769 ad triginta augebatur. Haec coctura ipso schisto accenso feliciter peragitur, mediante peculiari furnorum structura, et praeterea haec officina siue laborum magnitudinem, siue vtenfilium apparatus, siue denique bonitatem spectamus aluminis, quod etiam tale praestari potest, ut Romano antecellat, reliquis palmam eripit et vix parem habet.

Praedium *Ljung* in Ostrogothia priuilegio quidem aluminis coquendi a pluribus retro annis gaudet, sed nondum operi manus est admota.

Trigesima quaeuis tonna prouentus fisco regni est persoluenda.

Ahenum simplex latitudine gaudet $5\frac{1}{2}$ pedum, longitudine 11, et profundo antice 3, postice $2\frac{1}{2}$: 1663 cantharos cum 6 quadrantibus capit. Cum hoc conuenit *duplex* profundo et longitudine, sed latitudo 10 pedes attingit: contentum cubicum 3025 cantharos efficit.

§. III.

Aluminis puri principia proxima.

A) Alumen est sal medius imperfectus, compositus acido vitriolico et argilla pura, qui crystallisatione insignem aquae quantitatem suscipit, et, si nullum adest obstaculum, completa praebet octaëdra, pellucida, instar aquae coloris expertia.

B) Acidum *leuiter abundat*, adeo ut solutio tincturam heliotropii, itemque papyrum ea tinctam, rufet. Hic excessus essentialis est, nam eo sublato, simul perit fere omnis sapor, solubilitas, totaque pristina indoles.

Sequenti modo *proportio principiorum* eruitur. Aqua expellitur leni igne: massa opacitatem induit, inflata spumat, tandem immobilis persistit, spongiosa et fragilis. Baseos terrestris quantitas alkali tam fixo, quam volatili praecipitante, determinari potest. Hisce mediis centenarius aluminis crystallini exhibet acidi vitriolici 38, argillae 18 et aquae 44. Notetur tamen oportet, quod praecipitatum terrestre vix omni spoliatur acido, instillata enim solutione alkalina, primum acidi abundantia domatur, et hoc facto magna pars pauperata, non penitus spoliata, decedit. Hinc praecipitatum, ope ignis, varios qua partem decomponit sales, et diutina requiritur in lixiuio alkalino digestio, ut omne auferatur acidum.

C) De *indole et vero nomine terrae aluminis* disceptarunt Chemicis. Ex argilla vulgari illam primi
extra-

extraxerunt Domini GEOFFROI et HELLOTⁱ⁾), dein idem praestitit D. POTT, qui tamen hanc basin potius vt productam, quam eductam respicere videtur^{k)}). Celebris tandem MARGGRAF luculentissimis docuit experimentis, argillam quamlibet, in telluris superficie obuiam, duo numquam non exhibere principia mechanice commixta, quorum alterum genuinam constituit aluminis basin, a terra calcarea, gypsea, metallica^{l)} et magnesia diuersissimam^{m)}). Num a calcarea, aliaue deriuari queat, ignoro: diuersa numerosaque experimenta hactenus instituta, vt succedat, ne quidem coniecturae ansam praebent. Similitudines quarundam proprietatum vagae non sufficiunt veritatem serio quaerenti, nullisque hypothesis fasciis obuelato. Quum itaque terra aluminis diuersas constantesque possideat facultates, ab aliis distinguatur oportet; et ponamus hanc a calcarea, aliaue nota re vera ortam, hoc sine dubio aliquam requirit principii cuiusdam additionem vel separationem, nam nuda particularum, qua magnitudinem vel figuram mutatio vix ac ne vix quidem, tantas prouocabit differentias. Primitiuum et derivatiuum semper sunt distincta et nullo iure confundenda.

Praeterea, quum a proposita argilla vulgari, mediantibus diuersis acidis, extrahi queat aequalis terrae

i) Mem. de l'Acad. de Paris, 1739.

k) Lithogegn. I, pag. 32.

l) D. BARON eandem metallicam esse credit. Mem. de l'Acad. de Paris, 1760.

m) Mem. de l'Acad. de Berlin, 1754 et 1759.

terrae aluminis quantitas, haec necessario fuit tantummodo immixta; nam si menstruorum ope sub operatione generaretur, sine dubio varia et sibi dissimilis, pro horum diuersitate, prodiret, sed hoc experimentis, qua decet adcuracione institutis, omnino repugnat, quippe quae, et qua copiam, et qua indolem, eandem praebent terram solutam, eandemque residuam. Ceterum synthesis plenam parit conuictionem, nam terra aluminis et debitae subtilitatis puluis siliceus, si iusta commiscantur proportionem, argillam vulgarem regenerantⁿ).

Quaeritur iam, quo iure basin aluminis argillae purae nomine insignire liceat? Respondeo. Quum terra, quae vulgo argilla audit, eo in primis dignoscatur, quod humectata fiat tenax et plastica, quod sub exsiccatione rimas agat et denique igne idoneo siliceam adquirat duritiem, et hae specificae proprietates minime fundamentum habeant in particulis siliceis, quippe quae nec emolliri, nec indurari possunt, sed vnice in terra aluminis, luce meridiana clarius hinc patet, siliceum esse heterogeneousum, quod abesse possit, salua indole argillacea, ideoque reliquum genuinum illud esse, quod naturam eius constituit. Nihil impedit, quod rarissime argilla pura in terrae gremio occurrat omni priuata siliceo, etenim contenti peregrini varia dosis satis indicat eisdem fortuitam praesentiam. Est namque haec terra tenerrima, quae facillime heterogeneousis adhaeret et immiscetur, vti illam examinanti luculentissime patet,

n) MARGGRAF, Mém. de Berlin, 1759.

tet, sed simul qua intensitatem facultatum mirum in modum diues et notabilis. Scilicet argilla vulgaris non raro dimidium, immo tres quartas et vltra filicei continet, sed nihilo minus haec exigua, quae inest, portio argillae purae ita toti massae suum imprimit characterem, suas communicat qualitates, vt nullus dubitet de eiusdem argillacea indole. Vnanimi consensu saepe argilla vocatur terra, quae mechanica lotione vltra septuaginta e centenario demittit libras filicei, quamuis nullum adhibeatur acidum. Interea per se patet, hoc peregrinum non posse non pro sua copia argillae purae facultates temperare. Argillaceum exsiccatione et igne valde contrahitur, immo in dimidium volumen, vnde huius in tigillo deposita massa necessario a parietibus retrahitur, si idoneus illam torquet ignis gradus, nec illis adcrefcere potest, nisi incepta fusione, quae in puro argillaceo ne quidem speculo caustico obtinetur. Ad-ditum filiceum hanc totius massae contractionem ita inhibet, vt iusta quantitate volumen maneat fere idem, quod laterarios non latet, hoc artificio laterum sub coctione praecauentes rimas. Qui terram aluminis rite depuratam, immixtione argillae vulgaris apyrae e. g. Colonienfis, fusibilem fieri contendit, vel argillas cum spuris, ne miculam argillae continentibus, confundit, vel manum huic experimento numquam ipse adinouit. Certe, si hoc accideret, terra aluminis tigillo adcrefceret. Idem valet de aliis qualitatibus fictis: alumen intumescit, non argilla pura: terra aluminis, omni et acido, et alkalino, sub praecipitatione adhaerente, spoliata, cum calcarea non colliquescit, nisi addito filiceo,

vti

vti docuit Celebris MACQVER °). Cauendum tamen simul est, vt calcarea nihil foueat filicei, quod interdum accidit et experimentum turbat, minima enim huius portiuncula quamdam fusibilitatem binis memoratis commixtis impertit.

D) Aluminis crySTALLINI centenarius in calore medio 1412 libras aquae destillatae requirit, vt solvatur, sub ebullitione autem non nisi 75. Itaque aquae cantharus in calore medio 2992 aluminis grana suscipit, ebullitionis autem sub feruore 56333. Sapore gaudet subdulci, adstringente.

Grauitas specifica aluminis, ex augmento voluminis respectu aquae destillatae, cui immittitur, eruta, prodit 2,071, si remouentur bullulae aëreae, quae sub solutione enatant; si vero connumerantur, 1,757 ^p). Hoc aëreum sub antlia pneumatica non aufertur, ast sub solutione in aqua, itemque igne tortum, illud emittit, quod exploratum nihil fere aliud, quam acidum aëreum esse reperitur.

§. IV.

Minerae aluminis.

Minerae, e quibus arte conficitur alumen, generatim duplicis sunt indolis, vel enim hunc continent salem dudum formatum, vel tantum principia, quae sub vstione coëunt. Hae seorsim considerentur

§ 2

o) Mém. de l'Ac. de Paris, 1762.

p) R. WATSON, Phil. Tr. 1770.

tur oportet, et primo quidem posteriorem vulgarissimamque examinabimus.

A) Schistus aluminaris nihil aliud est, quam schistus argillaceus, petroleo exsiccatò ad nigredinem vsque imbutus. Oleum destillatione haud difficulter elicitur. Si, mediantibus mensstruis, compagem penitus resolvimus, plures in conspectum veniunt materiae ingredientes. Nimirum argillaceum martiale, non raro tres quartas efficiens; siliaceum, sexta totius pars vel ultra; terrae calcareae, et plerumque etiam magnesia, exigua portio; reliquum pyritaceum est.

Sub vltione bituminosum abigitur, et pyritaceum decomponitur, ita vt pars acidi adhaerescat ferro et reliqua argillae purae. Hinc et vitriolum viride et alumen prodeunt, itemque, si magnesia et calx adsunt, hae vitriolantur.

E schisto, vel optime pulverato, salini quidquam aqua extrahi nequit ante vltionem, nec sapor vlla detegit vestigia, adeo vt hinc etiam pateat, illud sub ipsa operatione generari, et omnino nihil illa quoque adquiri, nisi insit pyrites, qui non nunquam visibiles nucleos praebet variae magnitudinis, plerumque tamen instar minutissimarum molecularum, per totam massam sparsus reperitur. Pyritae itaque idonea copia et distributione minerae huius bonitas est demetienda.

Qui pyriten continet adeo copiosum, vt oculis queat discerni, reicitur, quum nimio contaminetur in martiali. Interea densissimus grauissimisque schistus
maxi-

maximi aestimatur, quippe qui pondere prodit delitescens pyritaceum, sine quo nihil obtinetur aluminis. Generatim heic magna occurrit differentia, sine dubio ob inaequalem pyritae distributionem. Hinc stratum, optimo contiguum, saepe nihil vel parum valet. Minera, quae e centenario minus, quam quatuor aluminis libras, exhibet, apud nos elixationis et coctionis impensas non fert.

Interdum quidem haec minera sales exhibet, quamvis nullus antea adhibeatur ignis, sed, quod probe observandum est, tum semper fatiscentia plus minus correpta, numquam sana.

Frustrulum flammae in carbone, mediante tubo ferruminatorio, expositum, non raro decrepitat, semel autem bene calefactum fumat odore bituminoso et haud difficulter funditur. Cum alkali minerali strenue efferuescit et diuiditur, sed non totum soluitur: a sale microcosmico suscipitur, quamvis tarde: cum borace citius deuoratur. E compositione haec phaenomena facile explicantur.

Non numquam haec minera per naturam diuisa reperitur et sub forma frustrulorum vel crassioris pulveris coaceruata in pluribus locis, sed qua indolem praecedenti variationi congruens.

B) Altera minerae species, quae aluminis non tantum principia proxima continet, sed eadem quoque dudum vnita, non nisi in regionibus vulcanicis occurrit. Huc illa pertinet, quae ad Tolsam prope Centumcellas effringitur, pro excoquendo alumine, quod vulgo Romanum audit. Ad fidem prouum

est, hanc olim igne subterraneo fuisse induratam, simulque vapore acidi vitriolici phlogisticati penetratam et dealbatam ^{q)}. Massa lapidea venis quarzosis instructa reperitur, quae magnam interdum adferunt duritiem. Sapore cruda rarissime alumen prodit elixatione extrahendum.

Non numquam particulas fouet calcareas, sed raro. Habeo plura frusta, quae saltim selibram efficiunt simul sumta, nulla vero in illis comparent calcarei vestigia. Vstione ne minimam quidem cum calce monstrat similitudinem, etenim aqua postea nec incalescit, nec in puluerem resoluitur, sed rimas tantum agit, quibus efflorescentia et elixatio iuuantur.

In carbone ope tubi ferruminatorii explorata per se non funditur: cum alkali minerali initio momentaneam monstrat efferuescentiam, sed non diuiditur, multo minus soluitur: cum borace et sale microcosmico efferuescit et tandem tota suscipitur, omnino vt alumen vstum. Haec phaenomena satis indicant alumen dudum inesse formatum, sed copioso argillaceo inuolutum. Haec ideo minera, in subtilem redacta puluerem, et more consueto cum acido vitrioli tractata, fere tota in alumen mutatur, quod nemo certe cum lapide calcareo praestare valet: exiguum portionem, quae remanet, saepius filiceam, quam gypseam, inueni.

Ad

q) De productis ignis subterranei.

Ad Solfataram Neapolitanam mediante acido vitrioli phlogificato etiamnum dealbatur vetusta laua, argillaceum fit aluminosum, massa fatiscit et in terram albam resoluitur, ex qua salinum aqua extrahitur. Centenarium terrae albae exploravi, et in illo reperi 8 libras aluminis perfecti, 4 praeterea argillae viduae et reliquum siliceum. Sed haec proportio minime constans putetur, quum pluvia sale emixum soluat et auferat, unde silicei proportio continue increfcit et forsan alicubi alumine penitus spoliatur.

C) Reperiuntur etiam *aliae variationes* mineralium aluminarium. In Hassia et Bohemia hic sal obtinetur e lignis bitumine imbutis; in Scania ad Helsingborg turfa occurrit, e radicibus vegetabilium contexta, cum nucibus auellanis, culmo et foliis, tenui saepe cuticula pyritacea circumdatis, quae elixata alumen praebet ^{r)}; immo pyrites sulphureus plerumque argillaceo contaminatus est, quod per menstrua separari potest, unde etiam ad Dylta in Nericia, vbi sulphur e pyrite destillando primum acquiritur, et dein e residuo, aëri ad efflorescentiam vsque exposito, vitriolum martis elixatur, olim e lixiuio magistrali alumen obtineri potuit. Deposito nempe per crystallisationem vitriolo, restat alumen cum vitriolo adeo dephlogificato, vt concrefcere nequeat. Huius itaque basis cinerum lixiuio fuit deturbata, quo facto solutio rite euaporata alumen exhibuit (§. X, B).

S 4

§. V.

r) Act. Stockh. 1767.

§. V.

Confectio aluminis plures inuoluit operationes.

Hiscæ praelibatis singula facilius considerare licet momenta, quibus confectio absoluitur. Mechanica, quæ huc non pertinent, sicco, ut aiunt, pede prætereunda existimo. *Prima* hæc occurrens *chemica operatio* est inter principales, ipsa nempe præparatio, qua minera vel sit aluminosa, vel saltem idonea elixationi. *Dein* in eo cardo rei vertitur, ut alumen aqua extrahatur, *tum* ut crystallifetur et *tandem* depuretur. Nisi hi singuli labores, quæ decet sollertia et adcuracione peragantur, alumen tandem acquisitum vel copia, vel qualitate peccat. Memoratas igitur quatuor operationes seorsim examinabimus, intrabimus, quantum vires permittunt, in harum rerum naturam, et quid res ipsa postulet, perspiciemus.

§. VI.

Mineræ fatifcentia et vstio.

Minera bituminosa in statu sano continet quidem et acidum vitrioli, et argillaceum, sed non dum connubio iuncta. Ut pyritaceum huic scopo suum impendat acidum, necessario destruendum est, quod duplici fieri potest via: lenta et spontanea fatifcentia, vel vstione, quæ minus requirit temporis spatium.

A) Destructio pyritæ eo recidit, ut illius sulphur suo phlogisto priuetur, hoc enim fugato, acidum

dum liberatum partim ferrum, partim argillam obviam adgreditur. Aetate quoque vitriolicum genitum eo usque phlogisto pauperatur, ut argilla marti menstruum euellere possit (§. X, B). Pyrites vero talem non patitur mutationem, quamdiu ficcus manet et ab accessu aëris liberi segregatus. Hinc igitur conditiones fatiscendae necessariae haud difficulter perspiciuntur.

1) Nimirum laxior minerae compages, ut tam ab humiditate, quam ab aëre queat penetrari, hac igitur via Suecicae ob firmitatem vix tractari possunt, nisi antea pulveratae, quod nimiam pareret molestiam. Terreae vero huic non tantum aptae sunt, sed etiam vitioni minus idoneae, quum ignem suffocent.

2) Determinatus humidi aërisque accessus, nocet enim dosis et iusta maior, et iusta minor. Nimia aqua inundat et aërem excludit, parca non sufficit et lentius agit. Hinc etiam aceruorum optima moles pendet. Modicus aëris accessus maxime proficius est, nam liberrimus magis, quam conuenit, exsiccat. Experimenta rite variata in quouis casu optimum cito monstrant.

3) Fundus, in quo accumulatur minera fatiscenda, argillaceus esse debet, vel saltem adeo compactus, ut aqua aegre penetrari queat. Praeterea canali vel fossa circumdatus sit tali, quae aquam caelestem copiosiore ex acervis ad puteum deducit, quorum parietes et fundus salino, forte elixato, transitum denegent. Si tecto subest minera, vltimae cautelae superuacaneae sunt. Quum et minerarum in-

doles, et momenta localia multum discrepent, regulae generales non vbique valent, sed in quouis casu sunt eruendae, et haud difficulter eruuntur ab illo, qui naturam materierum et operationis nouit.

B) *Vstio* breuiori tempore idem praestat, quae ideo in Suecia adhibetur, et sequenti fere modo peragitur. Super virgularum seriem accensam schisti nigri frustula sternuntur, (suecice: *lôpes suart materia*) ad dimidii pedis crassitiem, quae, virgulis combustis, tegitur frustis antea vstis et quater elixatis (*rôd materia*), ad aequalem fere crassitiem. Talia successiue ponuntur strata alterna eius crassitie, eisque temporis intervallis, vt ignis sustentari queat, totaque massa bene incalescat, fumetque, non vero in flammam erumpat. Strata rubra superne crassitie augeri possunt interdum ad duplam, quum ignis dudum inualuerit. Octo circiter stratis positis, iuxta primam seriem alia parallela et contigua similiter collocatur, et, hac completa, tertia, et ita porro, vsque dum magnitudinem iustam obtinuerit cumulus (suecice *Fyr* dictus), rarius latitudine vltra decem comprehendens series. Semel vstulata minera tantum adhuc continet materiae inflammabilis, vt aqua parum valeat, his vero vel ter igni exposita, liberalius desiderata praebet principia, immo cum lucro iteratur vstio, vsque dum tota in puluerem fuerit redacta. Bituminosum ignem alit, et hanc ob causam alterna ponuntur strata e schisto crudo, nondum vsto, quae ob eandem rationem tempore pluvioso maiorem requirunt crassitiem. Cumulus, qui

ad

ad basin 20, superne 2 pedes est latus, et in quavis ferie per 26 vices auctus, duabus tribusue hebdomadis perficitur, duos vero vel tres requirit menses, vt rite peruratur, et tres hebdomadas, vt refrigescat. Maiores nuclei pyritacei explodunt instar bombardarum.

Ignе moderato et quodammodo clauso sulphur pyritae lente consumitur, et acidum phlogisticatur massam penetrando ambientem figitur, quo facto residuum phlogiston sensim dissipatur. Praecipuum heic in moderando igne positum est artificium, vt bina extrema tuto euitentur, alterum nimirum, dum debiliori gradu insufficienter, vel saltim nimis tarde praeparatur minera; alterum vero, dum vehementiori aestu vel acidum profligatur necessarium, vel etiam frustra colliquefcunt et semiutrificantur. Has scorias (suecice: *Stekar*, *Kalfuar*) aqua penetrare nequit, adeoque in officinis inutiles sunt, et iure reiiciuntur. Vehementioribus ventis, vel forti igni nimium clauso, hae ortum debent, aperienda namque sunt in stratis rubris foramina, vt in nigra mox imponenda transeat ignis.

Ad *Garphyttam* noua adhibetur methodus. peculiari nempe furnorum structura, a Cel. RINMAN inuenta, ipsa minera accensa ardet et coctioni, loco ligni, inseruit. Postea vero, aequae ac illa, quae consueta vsulatur methodo, elixata alumen praebet. Defuit mihi haecenus occasio quantitates salis comparandi, quae ex vtraque elici possunt. Ad fidem pronum est, aperta flamma acidi plus dissipari, sed, quamuis etiam minus praeberet sub ahenis vsurpata,

pata, respectu tamen ligni, quod alias consumeretur, et laboris notabile erit lucrum. Cumuli ita perficiuntur. Primum schistus e furnis ardens ad 4 pedum crassitiem. (Hoc stratum suecice vocatur *Sättning*). Virgulta adduntur, si ignis languet. Dein imponitur stratum schisti elixati, tenue (suecice *Våg*). Tertium constat schisto nigro vel non vsto, et quartum elixato, ad $1\frac{1}{2}$ pedis crassitiem (suecice *Lag*). Postea iterum ardens, et reliqua, ut dictum est. Vulgaris cumulus, ut peruratur, mensum requirit.

Fateri tamen conuenit, quod etiam heic commoda suis non careant incommodis. Tanta enim sub ahenis flammæ sustentandæ requiritur schisti copia, ut tota elixari nequeat, unde ingentes exsurgunt quotidie aucti cumuli, numquam vsurpandi, quamdiu consuetus viget processus.

In quibusdam exteris officinis primum ignis adhibetur, et dein spontanea fatiscencia. Quonam optime resoluator medio, generatim determinari nequit, etenim hoc ex indole minerae et rebus circumstantibus est diiudicandum.

C) Quod ad mineras attinet duras, quae bituminoso carent, quales ad *Tolfam* effringuntur, hae per plures horas vsulantur, eodem fere modo ac lapides calcarei, super ligna coaceruatae, ut dehiscant, ut aquae fiant penetrabiles et efflorescant. Dum albescit flamma et odor acidi vitrioli phlogificati incipit, mox ignis exstinguitur. Minerae frigefactae frustra aliter collocantur: quae igni maxime

xiime fuerunt exposita, in ambitu, et contra, extima intime reponuntur. Ignis iterum accenditur. Praestat iusto minus, quam iusto magis, comburere, ne expellatur acidum vitriolicum. Satis vsta est minera, quae manibus frangi potest. Dein minera iuxta fossas coaceruatur, aqua pluries irriganda, non tamen vltra quinquies per diem, potissimum dum clarus splendet sol. Diutina pluuia cum coelo nebuloso operationi obest. Minera, dum manu in pultem cogi potest, decoctioni est idonea ^s).

Minerae huius generis puluerulehtae interdum nulla egent praeparatione, eas tamen ita ditare solent *ad officinas Puteolanas*, vt maiora frustra accumulent, vbi vapores acidi vitrioli phlogificati erumpunt, eo enim satis penetrata, maiorem postea aluminis copiam praebent.

§. VII.

Minerae elixatio.

A) Minera alumine ditata et aquae penetrabilis elixatur, et quidem varie in diuersis locis. Puteolis

- s) Variant descriptiones. D. MAZEAS minerae vstae aquam adfundi per *quatuordecim* dies narrat (Mém. des Scav. Etrang. tom. V); D. FOVGEROVX DE BONDAROI, quem secutus sum in plerisque circumstantiis, per *quadraginta* (Mém. de l'Ac. de Paris, 1766); D. ANGERSTEN, per *quatuordecim*, maxime *viginti* (Iter ms.). Similiter de tempore vstionis, quod D. FERBER *tres* horas efficere dicit (Briefe); D. FOVGEROVX ad minimum *duodecim* requiri autu-

teolis hoc commodiffime peragitur: ahenum plumbeum in terra defoffum, minera impletur, (faepe pro defodiendo aheno fublata,) et aqua adfufa, calore foli, qui heic + 46 gradibus eft aequalis, fale defiderato infigniter locupletatur ^{t)}. Ad Tolfam minera calcinata, aheno iniicitur et aqua adfufa coquitur.

B) In noftris et plerisque exteris officinis elixatio adhibetur frigida. Methodi, quae anno 1772 ad Garphyttan vigeat, ideam exhibebo. Receptacula huic fcopo deftinata lapidibus caefis ftrata funt et glutine idoneo rimae occluduntur, alibi lignea vfurpantur (fuecice: *materie-kar*). Quivis ordo (fuecice: *kar-lag*) quatuor continet receptacula quadrata, in formam quadratam difpofita circa quintum, reliquis profundius (fuecice: *Öskar*). Primum receptaculum fchifto vfto oneratur, et aqua immiffa cum illo commoratur per nyctemeron, in quintum tum mediante canali aperiendo effluit, et ex hoc hauritur in fecundum, fchiftum quoque numquam lotum continens, ex quo, poft viginti quatuor horarum quietem, per quintum in tertium, et fimiliter in quartum. Lixivium dein in quintum redit et tandem per canales in puteum illi recipiendo deftinatum: vocatur vulgo crudum (fuecice: *grud*).

autumat, et iteratam memorat; D. FERBER de additione vrinae et calcis loquitur, de qua apud reliquos nihil reperi. Plura ftudio praetereo. Forfan diuerfis temporibus proceffus difcrepauit.

t) D. NOLLET, Mém. de l'Ac. de Paris, 1750.

cice *Rålut*). Quater contentus schistus noua aqua successiue lauatur.

Alibi, et initio quoque ad Garphyttan, aqua primum lauat schistum, antea ter lotum per sex horas, dein bis lotum, tum semel lotum, tandemque nuper vsum. Existimant, qui officinis hisce praesunt, contentum aluminosum, quod aqua, primum lauans schistum nuper vsum, suscipit, perire, si dein haec antea elixato adfunditur. Phaenomenon attentione dignum, si verum, non dum mihi examinare licuit.

C) Vt, quantum fieri potest, ligno parcatur, cura est maxime necessaria. Magni igitur interest, vt lixiuium, antequam cocturae subiiciatur, desideratum salem large contineat, quo enim ditius ahenis infunditur, eo etiam citius iustam acquirit saturationem. Prius itaque aqua aheni immitti non debet, quam frigida fuerit fere satiata. Hic saturationis gradus in quibusdam locis omnino negligitur, vbi singula peraguntur ex more primum instituto. Alibi sapor sufficit. Qui adcuratius volunt examen, bilancem adhibent. Scilicet pondus aquae lagunculam vitream implentis, in 64 partes diuidunt, quarum quaelibet nummulus vocatur (*suecice panning*). Superpondium, quo lixiuium, lagunculam implens, differt ab implemento aqueo, soluti quantitatem determinare credunt et hinc iudicant ^u).

Haec

Haec methodus, vti decet correctâ, fini egregie inferuire potest. Diuisio in partes arbitraria est, respectuque ponderum vsitatorum et calculorum subducendorum commodissima est eligenda. Formulas igitur generales iam exhibendas existimo. Sit lagenae capacitas pollicibus cubicis expressa m ; n numerus partium, quo illam diuidere placet, et aquae destillatae pollex cubicus pondere aequiualeat $422,5$ granis; erit vnus nummuli pondus $422,5 \frac{m}{n}$; totius capacitatis, aqua impletae $422,5 \frac{m}{n}$; totius capacitatis aqua impletae $422,5 m$; et aluminis eiusdem ac nummulus voluminis $874,9 \frac{m}{n}$. Dum iam lixiuim, lagenam implens, pondere efficit $422,5 m + 422,5 \frac{m}{n}$, hinc mox concluditur, quantitatem eorum, quibus oneratur aqua, esse $422,5 \frac{m}{n}$ granorum, sed irritò, nam recentissimis congruenter experimentis, sales soluti volumen semper augent^x), et, si hoc fit eadem continue proportionè, totumque simul augmentum aluminosum ponitur, $422,5 \frac{m}{n} + 452,4 \frac{m}{n} = 874,9 \frac{m}{n}$ exprimet verum contentum solutum. Et generatim, si p indicat numerum nummulorum, ponderatione inuentum, erit aluminosum contentum in lagena, huic operationi adaptata, $874,9 \frac{mp}{n}$, et in cantharo $87490 \frac{p}{n}$.

Sed redeamus ad praxin vulgarem. Contentunt nempe, qui hisce praesunt operibus, lixiuim frigide non vlterius esse ditandum, quam vt superpondium sit quinque nummulis aequale, quod ex
nostro

x) R. WATSON, Phil. Trans. 1770.

nostro calculo indicat aquam onustam esse ponderis proprii $\frac{1}{3,7}$: si superpondium est sex nummulum crystallos deponi adseuerant, et in hoc casu solutum efficit ponderis aquae soluentis $\frac{1}{4,8}$. Hae propositiones non per totum, quo laboratur, tempus aequaliter valere possunt, quum atmosphaerae temperatura interea multum variet. Indicauimus antea (§. III), aquam destillatam in calore medio recipere sui ponderis circiter $\frac{1}{14}$, quod, calculis rite subductis, $2\frac{1}{2}$ nummulos indicat, non igitur nisi in temperatura, mediam superante, $\frac{1}{3,7}$ suscipi potest. Obseruetur tamen oportet, quod in mineris bituminosis semper praeter alumen adsit vitriolum martis, eo solubilius, nec non saepissime magnesia vitriolata, et quod particulae terrestres subtiliores, mechanice sub operatione admixtae, diu inhaereant, nisi lixiuium ponderandum filtro coletur.

Generatim ditatur aqua sufficiente minerae praeparatae copia. Quod etiam calida magis praebeat, quam quae refrigerata iniicitur, vero videtur simile, sed negant, qui has quotidie instituunt operationes.

D) Ceterum, ex hactenus allatis haud difficulter colligi potest, quod ad officinas aluminares, opera, quae *gradatoria* vocari solent, vix cum fructu adhiberi queant, quum alumen inter lixiuii contenta sit reliquis difficiliter solubile.

Congelatio heic quoque nihil valet, nam aqua alumine satiata in glaciem abit fere vt sola aqua, et omnes alii sales illud magis, quam alumen, impediunt.

Ingruente pluuiā *lixium* optimum *tegendum* est, ne diluatur, nullibi tamen ad officinas hanc cautelam adhibitam vidi.

§. VIII.

Lixiui decoctio ad crystallisationem.

A) Ponamus iam *primam vernalem decoctionem* instituendam esse. *Lixium* crudum iustae spissitudinis e puteis ope canalium in domum deducitur, coctioni destinatum, et quidem in athena plumbea, quorum etiam posteriori lateri adiacet receptaculum, e quo postea in ahenum continue intrat *lixii* crudi tantum, quantum ebullitione in vapores resolvitur, adeo ut hoc artificio in ahenō *lixii* superficies nec adscendat, nec descendat, sed immota maneat.

Signum consummatae decoctionis nonnulli ex recenti ovo natante desumunt. Gravitas specifica talis oui est circiter 1,081, nonnullorum tamen dierum aetas, in primis calida aestate, notabilem adfert mutationem. Sed ponamus eandem constantem nihilo minus non spernenda oritur differentia, nisi simul aestimetur magnitudo partis emergentis.

Alii portiunculam paterae immittunt, obseruantes, num sub refrigeratione in crystallos abeat.

Alii denique ponderant *lixium* in laguncula antea memorata, et iustum attigisse terminum autumant, si ponderis augmentum 20 nummulos efficit, quod ex nostro calculo indicat aquam oneratam esse sui ponderis $1, \frac{1}{69}$. Vidimus tamen illam suscipere posse
ultra

ultra aequale pondus vnā tertiam (§. III), quod 27 fere nummulis aequiualeat. Sed eo vsque lixiuium onerare non licet, etenim quiete est depurandum, ante quam vllae deponantur cryſtalli.

Lixiuuium euaporatione ſatis concentratum per canales in frigidaria (Suecice: *Sual-karen*) deſluit, vbi intra horae ſpatium, per ſubſidentiam craſſioribus heterogeneis liberatum, hinc in receptacula vel lapidea, vel ex aſſeribus lignea (Suecice *Saffianskar*) immittitur. Octo vel decem interiectis diebus reſidua aqua lixiuiosa, vulgo dicta magiſtralis (Suecice: *Mutter-vatten*), deſluit in puteum magiſtralem (*mutter-brun*), remanentibus cryſtallis, quae plerumque paruae et impurae (Suecice *Saffian*) fundum et latera incruſtant. Hae ſeparatae et collectae in domum lotionibus deſtinatam portantur, vbi aqua frigida heterogeneis externe adhaerentibus liberantur. Impuritates in receptaculis cryſtallificationis et ſub lotionem remanentes (Suecice *Ibarning*) adſeruantur ſeorſim.

B) CRYSTALLI lotae in ahenō purificatorio (*raffiner - pannan*) ſoluuntur aqua adeo parca, vt ebulliēſ et totam ſalis maſſam ſuſcipiat, et ea, quantum ſatis fiat onerata, ideoque mox lixiuium in magnum deducitur dolium, quod contentum aheni capit. Sedecim vel octodecim tranſactis diebus, vincula viminalia laxantur, quibus continentur tabellae laterales, et annulo ferreo firmatur aluminosa compages nudata: poſt viginti octo dies foramine emititur ſolutio reſidua (Suecice *Fat-vatten*), quae in ſuo puteo colligitur. Moles haec aluminosa dein

T 2 ſicca-

ficcata vocatur *alumen depuratum* (*rassinerad alun*) et implet ad Garphyttan viginti sex tonnas.

C) Iam vetro respiciamus ahenum pro prima crystallisatione euacuatum. Hoc mox qua duas tertias impletur lixiuio magistrali quod ad ebullitionem perducitur, et dum eam attingit, tertia pars adhuc vacua oneratur lixiuio crudo, cuius dein continue tantum influit, quantum euaporatione aufertur. Ebullitione consummata impuritatum aluminosarum certum quantum additur, quo soluto sub continua agitatione lixiuium, vti antea est dictum, emittitur. Prima, quae vere instituitur coctio, solo lixiuio crudo peragitur, reliquae modo iam descripto.

Quod ad tempus, crystallisationi destinatum, attinet, ei sine dubio parci potest, praesertim vbi superficies respectu massae est exigua, vti in nostris officinis, nam receptacula pro prima crystallisatione sunt profunda et superne admodum angusta, quod adhuc valet de altera. Massae igitur, calore ad temperaturam ambientis atmosphaerae reducto, euaporatio, et consequens depositio, admodum parca erit, nisi ferueat canicula, et praeterea aperturae vel ianuae ita sint dispositae, vt continuum aëris flumen superficiem verrat. Longe aliter se res habet in paruis experimentis, praesertim in pocillis conicis, vbi respectu massae magna est superficies. In Italia conica receptacula adhibentur, et quidem satis commode.

D) *Vt eo purius obtineatur alumen*, in altera crystallisatione, nonnullis in locis additamenta vsurpan-

pantur alkalina, calx vel vrina. Scilicet multorum annorum experientia compertum est, lixiuium aliquando tantam acquirere consistentiam, (quod in officinis pinguescere dicitur), vt et crysalli aegre fecernantur, et quae prodeunt, variis heterogeneis irretitae reperiantur. Hisce incommodis, alkalinis praesertim obicem ponere tentatum fuit, quum lixiuium aciditate abundaret. Cineres clauellati et calx, siue vsta, siue cruda, acidum absorbent, et si iusta adduntur dosi, peregrina noxia re vera praecipitando minuunt, quod, cognita lixiuiorum indole (§. IX), luculentius patebit, vrina autem nihil efficit, nisi quatenus alkali volatili praedita. Negari tamen non potest, quin noui sales peregrini immisceantur, nimirum alkali vegetabile vitriolatum, vel alii, pro diuerso additamento, sine dubio sublatis magis innocui, sed nihilo minus pro alumine non vendendi.

E) Quum alumen Romanum aliis praestet, *Brunsvici* nostris temporibus alumen confici coepit, illi merito substituendum, si inuentores audiamus. Hoc chemice explorauit et cobalto tinctum inueni^y). Quin cobalti minera vsta lixiuio immitatur, vix dubito, tum enim acidum liberum calcem metallicam adgreditur, et roseam generat solutionem, sub crySTALLIFICATIONE tingentem. Hoc alumen, aqua solutum, cum alkali fixo vrinosum, cum phlogistico non ferrum, sed cobaltum prodit, quod etiam, eiusdem basin praecipitatam cum borace fun-

T 3 den-

y) Cel. ERXLEBEN idem reperiisse video in eiusdem commentationibus.

dendo, violaceo innotescit colore. Dignoscitur quoque suis crystallis, totis tinctis, acerbis, minusque, quam Romanae, acidis. Crystallus aluminis Romani in carbone, mediante tubo ferruminatorio flammæ exposita, mox obscuratur, intumescit, spumat, sed cito immobilis persistit spongiosa massula alba, Brunsvicensis autem minus tumet, vix spumat, sed funditur et tandem viridis fit, simulque statim ab initio arsenicalem fumum copiose efflat.

Non diffiteor me aliquando cum aluminis Romani basi rosea caeruleum obtinuisse vitrum, quo cobalti praesentia euinceretur, modo semper accideret, sed dein vel centies idem frustra tentavi. Dubium itaque adhuc est principium colorans, sed quod ex hoc bonitas minime pendeat certi, nouimus. Aluminis Brunsvicensis in arte tinctoria habitum nondum mihi explorare licuit.

F) Ad *Tolfam* lixiuium in aheni agitatum coctione viginti quatuor horis spissatur^{z)}, quo facto ignis extinguitur, terrestre instrumentis aufertur, et depuratione per subsidentiam finita, latex, foramine aperto, defluit in receptacula quercina, vbi quatuordecim diebus crystallisatur, dein vero lixiuium in alia latiora, sed humiliora receptacula deducitur, vt denuo crystallos deponat, tandemque in puteum

ma-

- z) Non conueniunt autoptae de metallo aheni. D. ANGERSTEN cupreum dicit fundum et latera lapidea; Cel. FERBER simpliciter ahenum cupreum memorat; D. FOUGEROUX fundum plumbeum; D. MAZEAS ahenum plumbeum.

magistrale. Nulla huic adhibetur crystallisatio depuratoria, ideoque alumen Romanum non raro in centenario quinque, et ultra continet terrestres rosei libras. Mineræ centenarius numquam duas exhibet aluminis libras.

Lixiuum magistrale pingue apparet et aegre crystallos ponit, in vasis tamen amplis et humilibus genuinum præbet alumen, quamvis opus sit lenta euaporatione spontanea.

Puteolis lixiuum, calore soli digestum, tandem in superficie crystallos format, quæ collectæ in receptaculo conico lapideo, aqua calida iterum soluuntur, et ibidem puriores crystallifantur, euaporatione, naturali calore peracta. Minera hæc sæpe præbet ultra quadraginta aluminis libras e centenario, sed martiali plerumque contaminati.

§. IX.

Lixiua propius examinata.

Vt accuratius diuersa cognoscantur lixiua, tria in primis exploranda existimo: illud nimirum, quod mediante minera vsta frigide salino satiatur et crudum vocari solet: dein illud liquidum, quod, alumine altera vice crystallisato, remanet: tandemque vltimum lixiuum, magistrale vulgo dictum. Hæc lixiua non possunt non in diuersis locis pro indole mineræ et variatione operationum plus minus discrepare, immo etiam, posita minera eadem, æqualiterque vsta, primum nihilo minus maiori atmosphaeræ calore ditius euadet, secundum per to-

tum annum minimam patitur differentiam, tertium vero maximam, quum a primo vere in serum autumnum continuo materiis peregrinis oneretur. Quamuis igitur magna necessario occurrat varietas, non tamen inutilis erit descriptio experimentorum, quibus lixiuia, anno 1776 ad Garphyttan hausta mense Septembri, et dein probe clausa Vpsaliam transportata, qua contenta exploraui.

A) Lixiuum crudum ea in calore medio grauitate gaudebat specifica, vt volumen aquae destillatae 215 granorum, pondere aequiualeret 245 granis, quod 9 nummulos denotat.

Puluis lutescens ad fundum ampullae collectus erat. Lixiuum flauiebat parum virescens, sapore praeditum aluminoso, sed paullo magis austero vel terrestri. Papyrus heliotropio tincta, hoc lixiuio illita mox rufescit, sed intense caerulea, quae sacchari conos circumdat, non mutatur.

Alkali phlogisticatum mox caeruleum Berolinense deiicit, 930 grana e cantharo, quod fere 809 grana vitrioli significat.

Alkali fixum, sensim instillatum, deturbat primo puluerem e luteo ferrugineum, dein album, ita tamen, vt, quod a paucis guttis initio cadit, paulatim iterum soluatur, vnde iudicari potest de abundantia quadam acidi, quanta vero haec sit, e sequentibus patebit. Acidum sacchari vix vlla monstrat praecipitationis vestigia.

In hoc lixiuio adsunt praeter vitriolum, et alumen, et magnesia vitriolata, qui sales difficillime
a se

a se inuicem separantur. Spontaneam euaporationem primum tentavi, qua, si crystallizando fieri potest, distinctae prodire solent crystalli. Longius quidem requiritur tempus, et interea quoque atomi in ambiente atmosphaera volitantes immiscentur, sed, vt haec euitem incommoda, patinas adhibeo amplas, in quibus solutio magnam aëri offert superficiem, et cum euaporatio, ceteris paribus, in ratione superficierum procedat, per se patet hinc moram multum contrahi. Puluis peregrinus excludi potest tela tenuissima sericea, vel magna campana vitrea imposita. Hoc medio obtinui e cantaro 1933 grana aluminis crystallisati, et massae salinae informis, acidae 5790, quae in charta bibula erant exsiccata. Ipsae quoque crystalli, addito alkali phlogificato, dabant caeruleum Berolinense. Alia igitur via sales commixtos felicius segregare conatus sum.

Primo alkali phlogificato martiale notae mensurae deturbavi. Dein, alkali fixo terrestre praecipitavi, vt acidum excedens auerterem: terram collectam lotamque iterum acido vitriolico soluebam: gypsum ad fundum restabat, liquidum filtratum ad siccum crystallisatum ponderabam: salis adquisiti partem aluminosam creta plene destruebam et residuum tandem liquidum, filtroque colatum, in crystallos coëgi, quae mihi magnesiā vitriolatam solam praebuerunt.

Excedentis acidi quantitatem ita determinavi. Immisi nempe salis sodae crystallisati portiunculas, quae mox rufescebant a martiali deturbato, sed pri-

num inditae sensim totae soluebantur sine residuo, continuaui igitur vsque dum praecipitatum restaret insolutum. Simul acidi vitriolici, olei nomine vulgo insigniti, notum pondus eodem alkali satiaui, et hinc abundantiam cum huius olei quantitate comparare didici.

Haec experimenta innuebant in cantharo huius lixiuii crudi adfuisse gypsi 15, magnesia vitriolatae 3889, aluminis 2933, vitrioli martis 809, et acidi liberi tantum, quantum 72 granis olei vitrioli vulgaris aequiualeat.

B) Lixiuuium, facta depuratione, residuum, in calore medio ea gaudebat grauitate specifica, vt aquae destillatae volumen 215 granorum, pondere efficeret 228 grana, quod 13 circiter nummulis conuenit.

Ad fundum ampullae nihil pulueris depositum reperiabatur. Lixiuuium flauebat.

Sapor intense acidus vix aluminosum prodebat, sed acido euanescente perquam austeram sensationem in lingua excitabat.

Non tantum papyrus heliotropio tineta hoc rufescebat, sed etiam saccharina caerulea.

Alkali fixum satis magna quantitate absorbetur cum efferuescentia, idque, ob excedens acidum, sine vlla praecipitatione. Quod primum decidit e luteo ferrugineum est, dein vero alba deturbatur terra.

Euaporatione spontanea e cantharo obtinui aluminis crystallisati, martiali tamen contaminati, grana 4518, et magnesia vitriolatae, vitriolo adunatae, 4775. Acidum liberum exsiccatione in charta bibula quodammodo fuit sublatum, et cum illo quidquam solutionis.

Adhibui quoque methodum antea descriptam, qua cantharo inesse reperi, gypsi 10, magnesia vitriolatae 3200, aluminis 4540, vitrioli 1596, et acidi excedentis copia, 785 olei vitrioli granis congruens. Obseruetur oportet, quod alumen, secundae subiiciendum crystallisationi, antea frigida fuerit lotum (§. VIII, A), sed nihilo minus tantum acidi retinuerit, vt memoratam abundantiam aquae soluenti impertire potuerit.

C) *Lixiuum* vltimum, *magistrale* dictum, in calore medio ea gaudet grauitate specifica, vt volumen aquae destillatae 215 granorum pondere efficiat 559, quod fere 26 nummulis aequiualeat.

Ad fundum ampullae nullum inueni sedimentum.

Sapor initio erat intense acidus, remanente postea in lingua forti amaritie cum adstringentia martiali.

Color lixiuii viridis, laetus.

Charta caerulea saccharina eo rufabatur.

Alkali phlogisticatum e cantharo deturbabat 7532 $\frac{1}{2}$ grana caerulei Berolinensis, quod 6550 granis vitrioli aequiualeat.

Alka-

Alkali fixum diu cum effervescentia suscipitur sine vlla praecipitatione.

Euaporatione spontanea nullum obtinui alumen distinctum. Magnesia vitriolata, quae prima prodibat, quamvis optime lota, colorem tamen in viriditatem declinantem monstravit. Tota massa salina e cantharo collecta et in charta bibula exsiccata pondere effecit 20007 grana.

Methodo supra memorata adquisivi gypsi 25, magnesia vitriolatae 13060, aluminis 395, vitrioli 6550 et acidi liberi, oleo vitrioli vulgari aequiparandi, grana 2859.

Peculiaris heic indolis est vitriolicum immixtum, nam nullam coctione deponit ochram, nec sub spontanea ad siccum euaporatione, sed laetum suum colorem retinet lixiuium. Quod tamen ferrum contineat, phlogisto valde pauperatum, facile colligitur e colore ferrugineo martialis, ope alkali fixi deiectioni. Longe aliter se habet vitriolum vulgare solutum.

§. X.

Num excedens acidum crystallisationi aluminis noceat.

E praecedente paragrapho fatis patet, in lixiis plus adesse acidi, quam alumini est necessarium, iam quaeritur, num hoc crystallisationem impediat? Vel forte promoueat? Prius cum Celebri MARGGRAF vrgent plerique, at experimentum quod-

quoddam a Dom. BARON, diuulgatum anno 1744, posterius quibusdam suggestit. Scilicet acidum vitrioli concentratum, aluminis solutioni vberius instillatum, aquam subtrahendo alumen praecipitat, quod celeriter crystallisatum in solutione intense acida, spiculares non raro praebet aciculas crystallinas, e puncto diuergentes instar stellarum. Hoc sub iisdem conditionibus pluribus accidit salibus. Acidum vitrioli optime concentratum, non tantum aquam solutionis, sed etiam crystallisationis, alumineripere valet. Tali nempe acido immergatur frustulum aluminis pellucidum, et intra pauca momenta illud albescere et opacari reperietur. En alumen via humida vstum, si ita loqui conuenit. Hoc phaenomeno consummata acidi vitriolici concentratio satis commode dignoscitur.

Sed in praesenti nulla est quaestio de tanta acidi copia, quae salem solutionis aqua spoliare valet. Acidum vitrioli concentratissimum duplo circiter aquae satiari videtur, saltem ex atmosphaera non plus attrahit, iam vero quaeritur de illo, quod longe ultra duplum sibi adunatum tenet, adeoque non potest non tamquam excedens leuissime adhaerere.

Quotidiana testatur experientia, alkali vegetabile vitriolatum et gypsum copiosius solui, si aqua acidi vitriolici portiuncula acuitur, immo acidum nitri idem praestat, et generatim hoc valet de omnibus salibus, nullis aliis, quantum hactenus constat, exceptis, quam tartaro tartarifato, et qui
illi

illi in adole congruunt. Hic namque sal, aucto acido in tartarum abit, longe difficilior solubilem. Vix operae foret pretium prolixius demonstrare, quod alumen cum reliquis conveniat, nisi illud fuisset in dubium vocatum. Sequentia, ut opinor, hanc rem, quantum satis, dilucidabunt ^{a)}).

A) Duodecim elegi pocilla vitrea conicae figurae, quantum fieri potuit, et similia, et aequalia. Primo nihil acidi vitriolici concentrati indidi, secundo guttas 4, tertio 6, et ita porro, uti monstrat columna prima, ubi pocillorum numerus indicat guttas cuius instillatas. Centum guttae pondere circiter 113 grana efficiebant. Hoc facto per filtrum in quodlibet colabatur solutionis aluminis feruidae aequalis mensura. Alumen adhibui Romanum, ideoque ad separandum terrestre opus fuit filtro. Pocilla posita erant in loco, ubi hydrargyrus Thermometri, sub toto experimenti tempore, quod per 25 nycthemera duravit, inter + 6 et + 10 gradus variabat. Quidquid crystallisatum reperiatur post primum, secundum, sextum et vigesimum quintum nycthemeron, paruo cochleari argenteo colligebatur, et in charta bibula multiplicata per 10 horas exsiccatum, balance qua pondus explorabatur. Ad evitandas minores fractiones in columnis pondera exprimo libris docimasticis, quarum 400 aequivalent granis 215.

Pon-

a) Conf. Acta Stockh. 1776, ubi haec experimenta primum divulgavi,

Pondera crystallorum collectiarum,

Pocillor.	post numerus 1 nyct.;	post 2 nyct.;	post 6 nyct.;	post 25 nyct.		Summa
0	50lib.	5lib.	3lib.	18lib.	=	76lib.
4	39	13	2	17	=	71
6	38	11 $\frac{1}{2}$	2	18	=	69 $\frac{1}{2}$
8	30	14	1 $\frac{1}{2}$	16	=	61 $\frac{1}{2}$
12	30	13	1	17	=	61
16	20	19	1	18	=	58
20	20	16 $\frac{1}{2}$	1	20	=	57 $\frac{1}{2}$
24	14	22	1	20	=	57
30	14	22	1	20	=	57
40	15	18 $\frac{1}{2}$	1	23	=	57 $\frac{1}{2}$
50	12	23	$\frac{1}{2}$	23	=	58 $\frac{1}{2}$
100	16	25	$\frac{1}{2}$	24	=	65 $\frac{1}{2}$

B) Idem repetii experimentum, quinque tantummodo adhibens pocilla: cuilibet 1 $\frac{1}{2}$ mensuram solutionis aluminis filtratae indidi, et acidi guttas eo numero, quem monstrat prima columna. Centum guttae iam circiter 92 $\frac{1}{2}$ grana efficiebant. Mora experimenti fuit 23 dierum, quo tempore omne humidum in primo pocillo exsiccatum fuit. Temperatura interea variabat inter + 15 et + 20 gradus.

Pondera crystallorum collectiarum.

Pocillor.	post numerus 1 nyct.;	post 7 nyct.;	post 12 nyct.;	post 23 nyct.		Summa
0	199lib.	30gr.	44lib.	56lib.	=	329lib.
25	190	21	52	64	=	327
50	172	29	53	66	=	320
75	166	17	52	67	=	302
100	163	26	50	58	=	297

Ex allatis facile patet, quod minima acidi additio crySTALLIFICATIONEM impediat. Comparatio columnae tertiae, quartae et quintae plures tamen monstrat irregularitates, quae curuis varie flexis exhiberi possunt, si ordinatae, numeris cuiusvis columnae proportionales, ad axin perpendiculares erigantur, et numeri primae correspondentes instar abscissarum habeantur. Hae vix omnes ab inaequalitate pocillorum, sed sine dubio, saltim qua partem, pendent a diuersis aluminis, aquae et acidi mutuis proportionibus. Plures quoque guttae perfecte aequales ponere non licet. Sed hoc non turbat principalem conclusionem, etenim, si forte, ubi differentia est exigua, 4 pondere aequiualerent 6, non sine notabili negligentia idem accidere potest, dum magis discrepant.

Praeterea, quantum potui, curauī, vt solutio, quae vltimo infundebatur pocillo, aequae esset calida, ac primo indita portio, si autem quaedam heic locum habuit varietas, illa necessario eo collineauit, vt posteriores fierent ditiores, quod e contractione voluminis sub refrigeratione dilucide sequitur.

Quod per totum temporis spatium, hisce tentaminibus tributum, simul sensibiliter operata fuerit euaporatio, amplae superficies innuunt et singula phaenomena extra dubitationis aleam ponunt. Aliiter se res habet in officinis nostris (§. VIII, C).

C) Ne tamen illi exceptioni locus superesset, quae a guttarum inaequalitate desumi posset, sequenti modo experimentum institui. Aluminis puri grana

grana 215, aqua destillata, in parua cucurbita soluebam et ope ignis euaporabam, donec superficies in angusto collo attingeret duo opposita signa, quae congruenter tentaminibus antea factis indicabant, feruidam solutionem crySTALLISATIONI esse idoneam, quam ideo in pocillum effudi. In eadem cucurbita lota iterum eodem modo soluebam et euaporabam 215 grana, additis tamen acidi vitrioli concentrati $24\frac{1}{2}$ granis. Hanc solutionem in secundum pocillum effudi, primo simile et aequale. Idem tertia vice repetii nulla alia variatione, quam quod instillarentur acidi 53 grana. Pocilla iuxta se inuicem collocabantur in loco, vbi temperatura fuit $+ 10$ gr. Post 56 horas, quidquid interea crySTALLISATUM erat, collegi, et, in chartis bibulis multiplicatis deposita, per 12 horas intacta reliqui. Hoc tempore transacto, ponderando inueni e primo pocillo adquisita fuisse $155\frac{3}{4}$ grana, e secundo 130, et denique e tertio non nisi $111\frac{1}{4}$.

D) Vltima, quae mihi facta fuit obiectio, huc redit. Acidum vitrioli aquam valide attrahit, non igitur aliter crySTALLISATIONEM impedit, quam aquam solutioni necessariam retinendo. De modo, quo agit acidum, iam quidem nulla est quaestio, ideoque salua mea thesi, haec coniectura concedi posset, sed ansam oblatam ita arripiamus, vt simul, quid verum sit, eruatur. Duas itaque elegi lagenas aequales et similes A et B, vtrique 8 aquae destillatae vncias immisi, harum autem alteri B soli $50\frac{1}{2}$ grana acidi vitriolici concentrati. Postea vtrique aequales aluminis puluerati portiones indidi et mox probe ob-

turavi. Cum nihil restaret insolutum, denūo addidi, et ita continuavi, donec per plura nycthemera quidquam remaneret, cui suscipiendo liquidum erat impar. In B aequales portiones semper citius soluebantur: in A non nisi $339\frac{1}{2}$ aluminis grana aquam subibant, sed in B 373, et praeterea $80\frac{1}{2}$, additis rursus $134\frac{1}{3}$ granis acidi.

Quum igitur solutio sit quasi contrarium crystallisationis, et in lagenis fere plenis, iuxta se inuicem positis, beneque obturatis nulla euaporationis differentia locum habere possit, concludo, acidum per se solubilitatem augere, seu quod eodem recidit, crystallisationem impedire.

§. XI.

Quomodo noxia lixiii aciditas optime tollatur.

Postquam pluribus experimentis euicimus, superflua aciditate crystallorum depositionem impediri, quaestio oritur de eadem modo conuenientissimo auferenda.

A) Alkalina, salina vel terrestria, sine dubio eam domant, sed peregrinos simul immiscent sales. Accidit interdum, vt alumen aegre firmas praebeat crystallos, quod primus obseruauit D. MARGGRAF, illique incommodo pauxillo alkali vegetabilis obuiam eundum docuit. Me quidem minime fugit, etiam completas adquiri posse sine additione, sed plerumque magna pars, quae post quasdam perfectas depositas remanet, non nisi magna salinum praebet, nisi lentissime vaporet. Notatu quoque dignum

dignum est, quod hoc crystallisationis obstaculum alkali volatili aequè tollatur, non vero alkali minerali et calce. Hinc quaedam elucet similitudo inter alkali fixum vegetabile et volatile, itemque inter alkali minerale et calcem, quam etiam alibi reperimus ^{b)}). Ceterum alumen, non tantum vulgare, sed etiam Romanum, alkali volatili praecipitatum, liquorem exhibet, qui non tantum ammoniacale continet, sed etiam haud raro alkali vegetabile vitriolatum, quod, priori per sublimationem separato, solum haberi potest. Hoc alkali, quod inest, vel ex ipsa argilla repetendum, quae vegetabilium putrefactorum residuis fuit inquinata, vel ex cineribus studio additis, vel denique sub calcinatione et vitione casu immixtis. Interea hinc constat, quod alumen et alkali vegetabile vitriolatum connubium facile ineant, quo sal oritur triplex. Alumen hoc inquinamento spoliatum pyrophoro generando ineptum est, quod facile experiri licet, nam magna aluminosum, distinctam respuens crystallisationem, nullum praebet pyrophorum, modo consueto tractatum, quamvis idem, addito alkali vegetabilis pauxillo, eximium porrigat ^{c)}).

Allata momenta suspicionem mouent, alkali vegetabile alumini perficiendo esse necessarium, ideoque omne alumen perfectum instar salis triplicis respiciendum. Sed haec coniectura vacillat, nam eadem perfectio obtinetur alkali volatili et spontanea

U 2

euapo-

b) De Platina, in tomo secundo.

c) Conf. D. SCHEELE de aëre et igne.

evaporatione. Non tamen improbandam puto additionem alkali vegetabilis, at depurati, nam heterogenea magis nocent, quam iuvant. Absit tamen, quod eo tota acidi abundantia sit saturanda, in hoc enim casu alumen sale peregrino nimium inquinaretur, et sumtuosa quoque foret haec operatio, sine vlla vtilitate. Abvrina abstinendum existimo, tam ob heterogenea, illi inhaerentia, quam ob alkali volatile, quod alumini in arte tinctoria peregrinas communicat facultates.

B) Quum autem argilla pura basin aluminis constituat, excedens lixiuii acidum nullo alio modo melius, quam ea domatur, quae superfluum noxium non tantum aufert, sed etiam salis quaesiti copiam auget. Hoc simplex et bonum remedium a nemine, quod sciam, antea propositum esse, magnopere miror.

Vt autem experiundo quodammodo pateret, quid sit expectandum, plura institui tentamina, quibus adsertionis veritas sufficienter confirmatur. Duo tantum memorabo, quum pluribus non sit opus. Lixivium magistrale adhibui, cuius excedens acidum illi fere quantitate conveniebat, quod antea descriptum est (§. IX, C). Huius cantharo duas addidi drachmas argillae coloniensis, in subtilem comminutae pulverem et paucis aquae guttis humectatae: calore ebullitionem prouocaui, quae per decem minuta continuata, et postea, refrigeratione peracta, residuam separavi argillam, lotam siccaui, tandemque ponderatione inveni $25\frac{1}{2}$ grana soluta, quae aluminis augmentum 141 granorum indicant

dicant (§. III, B). Alia vice lenem semihorae coctionem vsurpauit, qua 75 grana suscipiebantur, adeoque 416 aluminis grana prodierunt, vnde in aheni simplici vltra 1400 vncias orituras esse constat.

Nullus igitur dubito, quin additio argillae sit admodum proficua, et haec mox ab initio, dum lixiuum aheni immittitur, merito peragitur. Argilla requiritur, quae calce caret, quum haec gypsum generet, omnique praeterea vitriolico destituta. Quantitas generatim excedenti acido est adaptanda, simulque consideretur oportet, quod terra aluminis saepe non nisi quartam constituat partem. In casu obuio pauca tentamina haud difficulter limites indicant.

§. XII.

Quo modo purum obtineatur alumen.

Plura huc pertinentia dudum in praecedenti paragrapho dicta sunt, vbi in domando acido superfluo fuimus occupati.

Vulgare, quod conficitur alumen, licet altera crystallisatione depuratum, nihilo minus fere semper vitriolo dephlogistico inquinatum reperitur, vnde aetate flauescit et aqua solutum ochram deponit. Hoc, aequè ac purum, in variis artibus inferre potest, etiam in tinctoria, dum obscuri quae-runtur colores, qui non raro vitriolum viride postulant. Interdum tamen, vbi laetiores sunt provocandi, omne martiale est proscribendum, quippe quod plus minus obscurat. In his casibus Roma-

num eligitur. Quaeritur itaque adminiculum, *quo vulgare ita queat depurari, ut Romano bonitate aequivalent?* Vulgaris minera semper quidem martiale fouet, quod etiam re vera lixiuium intrat, sed non ideo animum despondeamus.

A) Alumen, *sine additione lixiui magistralis* confectum, et puritate, et efficacia, Romanum aemulatur, saepeque superat. Lixiuum quidem crudum etiam vitriolum continet, sed ea quantitate, ut altera crystallisatione penitus separetur. Alumen enim hac via comparatum, nec gallarum tinctura, nec alkali phlogistico, minimum martialis inquinamenti prodit. Duplici praeterea crystallisatione omne aufertur terrestre, quod Romano numquam non inhaeret. Meo suasu haec methodus in duabus officinis adhibita fuit, et alumen Romano praestantius confectum.

Ratio haud difficulter elucet. Heterogenea namque noxia ab initio in lixiuo magistrali remanent, hoc autem, quum sequentes continue intret decoctiones qua duas tertias, non possunt non peregrina remouenda magis magisque augeri, tandemque ita accumulari, ut alumen sub prima crystallisatione iisdem obrutum, sub altera non nisi imperfecte liberetur, immo saepe tertia et quarta requiratur operationis repetitio, antequam illi sit comparandum, quod sine lixiuo magistrali duabus obtinetur. Quam sit absurda haec continua lixiui magistralis additio, ex eiusdem indole satis liquet, et in sequenti paragrapho vltius illustrabitur.

B) Si

B) Si *lixivium vitriolo scatet dephlogificato*, quod et colore rufescente, et continua ochrae secretionem, haud difficulter diiudicatur, argilla addita illud destruit. Nec hoc attractionis legibus repugnare putetur. Veritati quidem congruit, quod ferrum, aluminis solutioni inditum, solvatur, basin terrestrem deiiciens, immo etiam quod e vitriolo et alumine, eidem aquae solutioni inhaerentibus, instillato sensim et sine quassatione alkali, primum praecipitetur terra alba argillacea, dein vero martialis virescens. Sed hoc tantummodo valet de ferro metallico vel parum dephlogificato, si enim ulterius minuitur principium inflammabile, debilitatur quoque attractionis efficacia eo usque, ut ferrum calcinatum argillae purae cedat acidum vitrioli. Assertionis veritas variis probari potest modis. In lixivio nempe vitrioli, multum dephlogificati, solvatur quidquam aluminis, instilletur postea alkali et mox ochra, non vero argilla, nisi post illam, deturbari reperietur. Praeterea, si tali lixivio argilla immittitur et decoquitur, in illo alumen nascitur, immo idonea quantitate omne destruitur vitriolicum.

Qui metamorphoses amant, easdemque ubique vident et inveniunt, heic potius terram martialem in argillaceam transmutatam perhibent. Addunt tamquam demonstrationis complementum, quod falsum, e colcothare vitrioli elixatus, non tantum crystallisationem respuat, nisi pauxillum admisceatur alkali vegetabilis, uti alumen, sed etiam hyalinas crystallas praebet, quae salem memoratum sapore adstringente referunt.

Phaenomena allata vera sunt, sed tamen conclusio erronea. Scilicet vitriolum martis, quo saepius soluitur et iterum in crystallos cogitur, eo magis spoliatur colore viridi, et tandem illum penitus exuit. Hinc hyalinus sal colcotharis, cuius sapor adstringens est vti vitrioli, sed tamen paululum discrepans, quum basis ferrea heic sit phlogisto valde pauperata. Quod praeterea sal colcotharis saepissime alumen contineat nullum est dubium, nam omne vitriolum vulgare pyritae ortum debet, qui raro argilla caret. Vt igitur heic prodeat alumen, nulla opus est metamorphosi. Vitriolum autem e ferro, cum acido vitriolico puro enatum, nunquam exhibet vel minima aluminis vestigia, et sal colcotharis ab illo ortus, alkali fixo addito non nisi ochram deponit, phlogificato vero totus quantus qua basin in caeruleum Berolinense abit.

Ex allatis, prono, vt aiunt, alueo fluit, lixivium aluminosum, quod vitriolo dephlogificato vnice inquinatur, sola argilla, vitriolico carente, non tantum ditari posse, sed etiam depurari.

C) Lixiuium, quod vitriolum continet perfectum, eo nec argilla, nec vtiliter alkali priuatur, etenim prior nullam efficit decompositionem, nisi quatenus diutina coctione dephlogificari queat vitriolum, posterius vero, quamuis vitriolum omnino destruere possit, hoc tamen non praestat, quamdiu quidquam restat aluminis, quod illi facilius suum porrigit acidum.

§. XIII.

Quomodo utendum sit lixiuio magistrali.

Heic necessario distinguendae sunt plures eiusdem variationes, a vitriolico immixto inprimis repetendae, quippe quod certis finibus alumen ineptum facit, et crySTALLIFICATIONE vix separatur, si paullo vberius adest. Sed respicienda quoque est magnesia vitriolata, quae non raro immixta reperitur.

A) Lixiuum magistrale, *quod solum continet alumen*, vix alibi, quam ad Tolfam occurrit. D. FOU-GEROUX DE BONDAROI obseruat, hoc in amplioribus humilioribusque receptaculis aëri magis expositum, sensim, sed tarde, genuinum praebere alumen, similiter ac argilla, arte vitriolata, quae si tantummodo laxas methodo consueta praebet crysallos, tamen lenta et spontanea exsiccatione completas porrigit. Quae sit huius phaenomeni ratio, nondum eruere potui, sed in antecedentibus indicaui, hanc crySTALLIFACIENDI facultatem etiam comparari, pauxillo alkali tam vegetabilis, quam volatilis, non vero mineralis, nec calcis (§. XI, *A*).

In lixiuiis magistralibus quaedam occurrit pinguedinis species, non tantum lubrica consistentia diiudicanda, quum haec forte e copia soluti posset diriuari, sed etiam eiusdem indole. Saturata enim solutio aluminis, aequae ac aliorum salium, quae in vitreo vase diutius commoratur vel coquitur, vitro talem impertit qualitatem, ut aquam repellat, haud fere aliter ac si oleo fuisset illitum et dein linteo detersum. Quamdiu, praeter pingua, alia ignora-

mus corpora, quae hac proprietate vitrum imbuunt, vero videtur simile, in ipso lixiuio quidquam latere, pinguis saltem analogon.

B) Lixiuum, *vitriolo perfecto inquinatum*, quamdiu hoc aluminis diues est, adhiberi potest, vti solet, sed tantummodo ad alumen vulgare. Si vero abundat vitriolicum, vel pro vitriolo est crystallisandum, vel etiam ita destruendum, vt eo alumen nascatur, quod modo sequenti fieri potest. Subigatur nempe lixiuum cum argilla in massam tenacem, quae in placentas formetur: hae dein sub tecto aëri libero exponantur, quo medio phlogiston, ab aëre puro valide attractum, ferro sensim eripitur, acidum vero fortiori attractione argillam adgreditur. Calcinatio igne acceleratur, est tamen prudenter peragenda, ne acidum expellatur. Multo fit vtilius hac via lixiuum, quam continua coctione, si nempe parum continet aluminis, vti in officinis nostris versus finem aestatis accidit, quum peregrina noxia in quauis decoctione augeantur^d).

C) Lixiuio, quod *vitriolo dephlogificato imbutum* est, argilla non sine fructu additur sub decoctione, et ratio dudum est explicata (§. X, *B*), adeo vt heic nihil vltius sit monendum.

D) Lixiuum, in quo et *vitriolum perfectum*, et *magnesia vitriolata* hospitatur, in nostris officinis est vulgatissimum. Hoc initio aestatis, et quamdiu continua

d) MONNET idem fere proponit in egregio libello, qui inscribitur: *Traité sur l'alunation*.

tinua accumulatione nondum ita accreuerint heterogenea, vt abundant, ad alumen vulgare more consueto adhiberi potest. Dum vero nimis aucta reperiuntur, magnesiā vitriolatā seorsim colligere conuenit. In hunc finem decomponendum est vitriolum, itemque alumen residuum, nam crystallisatione separari nequeunt (§. IX). Hoc optime puluere calcareo peragitur, non tamen vsto, qui etiam magnesiā vitriolatā decomponit, sed aëratō. Hic sensim addatur, ne mediante efferuescentia vltra vasis latera intumescat massa. Iusta dosi, adiuuante motu et calore, sales remouendos destruit. Alkali phlogisticato facile innotescit, si quid restat martialis. In eorum quidem locum oritur gypsum, sed huius perquam exigua portio in lixiuio remanet, etenim maxima pars ob defectum menstrui cum ochra et argilla fundum petit. Liquor subsidentia finita fit clarus: hic prudenter colligatur oportet in alio vase et coctione minuatur, donec gutta in corpore frigido deposita intra pauca momenta crystallos monstret. Dum hoc signum apparet, ignis est remouendus, vt sub refrigeratione magnesiā vitriolata concreseat.

Si in nostris officinis aluminaribus omne lixiuum magistrale, alumini porrigendo ineptum, hac tractaretur methodo, certe tantum adquireremus salis anglici, quantum in tota Suecia consumitur. Hoc sal in nostra pharmacopolia ab exteris aduehitur oris, quamuis si alia simul adhiberentur media, quibus apud nos facile confici potest, toti Europae possumus eo prospicere.

Per se patet, lixiuium, de quo iam agitur, etiam aluminis minerae, arte producendae, impendi posse, modo antea explicato.

E) Lixiuium magistrale semper *acido abundat*. Inuenimus in vnico cantharo fere vncias quinque, ideoque in aheno simplici eius adsunt circiter 250 librae ciuiles. Ceterum, vitriolum bene dephlogisticatum adeo laxè suum retinet acidum, vt modico igne facile expellatur. Nullus igitur dubito, quin tale lixiuium, antea per expansionem superficiei in strue virgularum, quae opus gradatorium vulgo audit, debito modo in angustum spatium coarctatum, cum emolumento possit destillationi subiici.

F) Tandem *ochra*, quae vel sponte secernitur, vel, addito alkali, decidit, varia, pro diuersis eadem tractandi methodis, exhiberi potest pigmentorum genera, tam crassiora, quam subtiliora, quod heic memorasse sufficiat.

§. XIV.

C o n c l u s i o.

Ex hisce breviter adnotatis satis euictum crediderim, in nostris officinis, impensis consuetis, et perfectius alumen, et maius eiusdem quantum, confici posse, si scite et prudenter operationes instituantur. Per summa eundo capita, methodos quoque huius obtinendi finis memet indicasse sperauerim. Furnorum vero optimas formas, aliaque artificia, quibus vtilissime et commodissime peragi possunt
opera-

operationes, iam sicco, ut aiunt, pede praetereo, quippe quae mechanicam potius constructionem, quam chemicam theoriam, tangunt, licet praeterea auxilias sibi inuicem porrigant manus.

Index Paragraphorum.

§. I. Multiplex aluminis vsus,	pag. 264
§. II. Confectionis aluminis brevis historia,	266
§. III. Aluminis puri principia proxima,	271
§. IV. Mineræ aluminis,	275
§. V. Confectio aluminis plures inuoluit operationes,	280
§. VI. Mineræ fatifcentia et vstio,	280
§. VII. Mineræ elixatio,	285
§. VIII. Lixiui decoctio ad crystallifationem,	290
§. IX. Lixiui propius examinata,	295
§. X. Num excedens acidum aluminis crystallifationi noceat,	300
§. XI. Quomodo noxia lixiui aciditas optime tolli possit,	306
§. XII. Quomodo purum obtineatur alumen,	309
§. XIII. Quomodo vtendum sit lixiui magistrali,	313
§. XIV. Conclusio.	316

X.

DE

TARTARO ANTIMONIATO*).

Paucis utatur Medicus remediis, iisque selectis.

§. I.

Pharmaca ita sunt praescribenda, ut quodlibet eadem semper gaudeat virtute.

In praescribendis medicaminibus aut dispensatoriis adornandis, in eo singularis opera est collocanda, ut seligantur et materiae et praeparandi methodi, quae in omni casu et statu, sibi similes esse possunt. Si enim compositiones, quae a pharmacopolis requiruntur, talia ingredi iubent artis magistri, quae sub iisdem nominibus non possunt non vi et efficacia differre, vel si etiam confectiones ita instituantur, ut, omni licet adhibita sollertia, non nisi casu fortuito, iteratis vicibus simili modo possint perfici, liquido certe patet, ex eadem formula remedia obtentum iri prorsus disparia, idque non in diversis tantum, sed in vna quoque eademque officina. Dum hoc malo debiliora adficiuntur praeparata, periculum quidem parui est momenti; ex iis vero, quae sequuntur, patebit, idem non raro illis

*) Haec Dissertatio anno 1773, d. 22. Dec. publice ventilata fuit, in Auditorio Gustauiano, Respondente I. A. LEVEL, Smolando.

illis etiam contingere, quae maiori praedita sunt virtute.

Si exempli loco emeticum, aut purgans pluries eadem formula praescriptum ponamus, et nihilo minus eueniat, vt pharmacum non numquam bene intentum praestet effectum, interdum parum aut nihil valeat, et alia adhuc vice *ανω και κατω*, vt aiunt, violentissime agat, tum sine dubio aegrotantis saepe periclitatur vita, multum de honore medici detrahitur, et compositiones alias heroicae, quae rite ordinatae felicissimo coronantur successu, atro notantur carbone, tandemque vsu plane excedunt.

Allata omnino valent de variis confectionibus, praesertim metallicis, quae eodem licet nomine insigniantur, qua efficaciae gradus toto tamen coelo differre possunt.

§. II.

Emetica antimonialia.

Ab antiquissimis retro temporibus antimonialia vi emetica innotuerunt, sed eandem non nisi soluta exserunt, in genere vero solutionem subire possunt, vel intra, vel etiam extra corpus.

Scilicet in primis sic dictis viis humores interdum occurrunt eius indolis, vt substantiam hancce semimetallicam fuscipiant; et hoc fundamento antimonialia sub puluerum forma olim propinabantur; quum vero nos plane fugiat, quatenam sit talis menstrui vel quantitas, vel qualitas, fieri non potest,

potest, quin pro harum varietate incerta sit dosis, et effectus quam maxime dubius. Exempla prostant eorum, qui reguli haud exiguas portiones sine vlllo incommodo potuerunt deglutire, ast idem forte aliis non succedit, qui acido laborant spontaneo. Eo, quo vivimus tempore, vsus mercurii vitae, hepatis, vitri puluerisati et reliquorum, multum euiluit, hae namque materiae iam soluuntur, vt salinam adquirant naturam, quo facto longe tutius porriguntur, sibi semper similes, praestantiusque agunt. Tartarus fere semper menstrui loco adhibetur, et hinc sal enixus *Tartarus emeticus* ab effectu, vel *Tartarus stibiatus* a compositione, vulgo audit. Ad eandem quoque normam *Tartarus antimoniatu*s vocari potest, quum Stibii nomen nostro tempore minus quam Antimonii sit cognitum. Hoc ipsum in sequentibus propius examinare nobis est propositum ^{a)}.

§. III.

Diuersae praeparandi methodi.

Maxime celebrata si euoluantur dispensatoria, circa salis nominati praeparandi modum magna statim se oculis nostris sistit diuersitas. Omnia tamen praeter Holmiese antiquum, quod *salem lixiuiosum* admi-

- a) HADR. A MYNSICHT, Archiater Megapolitanus, in suo Thesauro s. Armamentario Medico-Chymico, 1631 primus hoc emeticum introduxit, sub nomine *Tartari emetici*. Crocum metallorum ille adhibuit: ZWELFER vitrum antimonii, cum nitro fusum, et LEMERY hepar substituit.

admiscet, crystallos siue *cremorem tartari*, mensuri loco praescribunt, respectu vero materiae solvendae inter se differunt.

Crocum sic dictum *metallorum* seligunt Pharmacopoea Augustana renouata ^{b)}, Ultraiectina noua ^{c)}, Wirtembergica ^{d)}, Edinburgensis ^{e)}, Boruffo-Brandenburgica ^{f)}, Londinensis ^{g)}, et quae sunt reliquae, penultima autem nominatarum et antepenultima promiscue *vitrum antimonii* vsurpant, quam basin solam Holmienfis antiqua ^{h)} et Ratisbonensis ⁱ⁾, sed vna cum anatica *hepatis* (scoriis non liberati) parte, praescribit Parisiensis ^{k)}. Bateana antimonii flores recipit ^{l)}. Ad proportionem quod attinet, in Ratisbonensi, Augustana, Ultraiectina, Wirtembergica, Londinensi et Brandenburgica. Tartari, respectu soluendi, aequale sumitur pondus, duplum vero postulant Edinburgensis et Parisiensis. Aqua etiam dispari additur ratione. Vna tartari pars duodecim obtinet aquae in Augustana et Edinburgensi, sex in Wirtembergica, in ceteris, quantum solutioni sufficit, adhibetur. Ipsa mislura, digestionem vnus alteriusve nycthemeri absoluta, coquitur donec tartarus bene fuerit solutus, ad normam Brandenburgicae et plurimarum, Parisiensis vero duodecim horas, Edinburgensis decem et Londinensis dimidiam, expressis verbis requirunt. Dein percolatione facta

in

b) 1734.

g) 1753.

c) 1749.

h) 1686.

d) 1750.

i) 1727.

e) 1756.

k) 1738.

f) 1758.

l) 1688.

in Ratisbonensi et Londinenſi cryſtalliſatio praeſcribitur, in reliquis autem euaporatio ad ſiccum. In Holmienſi antiqua vncia vna vitri antimonii detonat cum duabus nitri crudi drachmis, poſtea additur alkali tartari vna et aquae purae vnciae nouem, in olla ferrea coquitur ad perfectam ſiccitatem, in puluerem redigitur maſſa, cui aqua adfunditur feruida, mox per chartam bibulam tranſmittenda, omnique humido in vapores reſoluto, reſiduum tandem in latere non viſto fortiter exſiccatur.

Quae breuiter iam ſunt allata Diſpenſatoriorum fatiſ euincunt diſſenſum: ſi omnia comparare vellemus, in volumen iuſto grandius excreſceret hocce opuſculum. Paucis tamen memoranda eſt alia methodus, olim pro emeſi mouenda adhibita, in ſequidem perquam commoda, ſi aequae fuiſſet fida. Vinum nimirum vel in calice vomitorio, e regulo antimonii, addito ſtanno, conſecto, per noctem infuſum, vel tantum globulos huius metalli, quos pillulas perpetuas vocabant, eidem immerſos per determinatum horarum numerum, reliquerunt. Quid de hiſce poculis ſit ſentiendum, quae in ſequentibus deſcribuntur experimenta, docent. Recenſitas, aliasque diſcrepantias perpendens, non certe mirabitur tartari emetici diſparem efficaciam.

Adcuratius examinanti facile patebit, debiliores eius varietates in centenario metallici vix quinque continere partes, fortiores vero harum viginti ſeptem et vltra praebere. Quamobrem et baſis, et menſtrum, et conſcificandi methodus ita, adcurato inſtituto examine, ſeligantur oportet, vt hoc me-
dica-

dicamen semper et vbique constantis indolis et virtutis praestare possit Pharmacia.

§. IV.

Quaenam eligenda basis.

Hepar, crocus metallorum et vitrum illae sunt materiae, quae plerumque basis loco ingrediuntur, primum itaque est inquirendum, annon harum singulae, ex iisdem praeparatae formulis, re ipsa aequali gaudeant phlogistii quantitate, hac enim variata, eorum parcius vberiorue in eadem menstrui portione reperitur solutio, simulque virtutis emeticae gradus. *Hepar*, quod maiori nitri dosi conficitur, necessario copiosius amittit inflammabile principium, quam illud, cui praeparando minus tribuitur. Et si vero (quod etiam plerumque fieri solet,) anatica in hunc finem eligitur proportio, a rebus tamen circumstantibus pendet, utrum et quantum regulina mutetur substantia. Instituitur detonatio aut demittendo in crucibulum excandescens, aut etiam in mortario frigido, accendendo et comburendo mixturam. In priori casu sulphur celerius destruitur vel auolat, ideoque non potest non subtilissima sua pinguedine magis spoliari semimetallum, quam in posteriori, ubi nulla adest fusio, nullus ignis externe operationem intendens. Hinc etiam hepar seigniori illa generatum methodo rubescit, dum vehementioris productum magis flavescit. At, licet perficiatur in crucibulo, fieri tamen non potest, ut ignis eiusdem gradus quauis vice habeatur, et ne quidem differentiam hactenus accurate possu-

mus eruere, vnde etiam evenit, vt, ceteris paribus, ex hoc solo fundamento nihilo minus indole differre debeant residua. Huc quoque accedit, quod antimonium crūdum et nitrum nullo modo adeo aequaliter commisceri possint, quin hoc loco prius, et alio posterius praeualeat, idque iteratis vicibus ratione infinite variata. Hac diuersitate necessario efficitur, vt in operatione regulus rarissime eodem adfectus modo relinquatur.

Singulae iam memoratae discrepantiae, quae dissimile necessario procreant hepar, indolem simul *Croci metallorum* commutant, cum hic nihil aliud sit, quam illius in aqua indissolubile residuum. Praeterea lotionē minus adcurate peracta, noua huius praeparati nascitur variatio, quidquam enim adhuc remanet, quod grauitatem augendo acidumque absorbendo, non tantum vim menstrui eneruat, sed etiam, quo minus idem pondus eadem partium antimonialium quantitate semper gaudeat, impedit.

Vitrum antimonii ex huius semimetalli calce colliquata obtinetur: siquidem vero et regulus, et antimonium crūdum, et quae sunt reliqua, seorsim, adiuvante igne, in calcem abeunt, quae pro re nata et diuersa materia maiorem minoremue phlogisti iacturam non potest non facere, prono, vt aiunt, alveo, hinc fluit, praeparationes, quas haec calx ingreditur, a se inuicem necessario differre.

Ast ponamus antimonium crūdum in finem iam propositum semper adhiberi, quod etiam plerique iubent, nullo tamen huc vsque cognito modo fieri potest,

potest, vt eadem plane ignis efficacia pro lubitu provocetur, hac vero variante non numquam calx phlogisto ita priuatur, vt difficillime vitrificationem deinsubeat, alia iterum vice tantam principii inflammabilis copiam adhuc retinet, vt fusione hepatis, quam vitro fiat similior. Hisce vero extremis numero infiniti interiacent gradus differentes. Qui haec omnia rite perpendet, mirari desinet, quod vitrum magis minusue pelluceat, quod colores habeat diuersos, cetera.

Ex allatis igitur concludimus, nec hepar, nec crocum, nec vitrum sibi similem tartaro emetico praebere basim, ideoque esse euitanda, si materies magis idonea potest reperiri.

Regulum iis praestare, quae iam maxime vsu vigent, quispiam forte crederet, sed si etiam certa pateret via, qua hoc semimetallum, quod igne est eliciendum, eiusdem semper indolis posset adquiri, et fida simul commodaque mensura suppeteret, qua menstrui acor soluendique virtus exploraretur, restat tamen indubitata experientia eruendum, num in statu regulino vim emeticam liquoribus acidis possit impertire.

Acetum quidem ebulliens illum adgreditur, sed de acido tartari adhuc dubito (§. VI, *A*; VII, *A*). Laudant plures vim emeticam vini, quod per nycthemeron vel puluerem reguli lauit, vel in calice, e regulo antimonii confecto, commoratum est. Ast heic facile error veritatem occultat. Scilicet reguli puluerati ob micaceam texturam in liquido haud difficulter suspensi haerent minutissimi

X 3

atomi,

atomi, qui ideo cum vino non numquam hauriuntur. Praeterea regulus vel nimio igne, in superficie phlogisti portiuncula spoliatus, vel hepate intus extraue contaminatus, vino emeticam impertire valet virtutem, quamvis perfecte regulina pars nihil conferat. Ut firma obtineatur conclusio, regulus adhibeatur oportet cum alkali fixo pluries bene fusus, et dein aceto sufficienter lotus. Ceterum, quod decanthatur vinum, per chartam bibulam albam coletur. Talem nondum mihi nisi bis experiri licuit. Regulum secundum Pharmacopoeam Londinensem eliquatum, in frustula diuisum et optime lotum vino Rhenano immisi, et per sex nychthemera in calore medio lagenam oclusam seruaui, sed postea vinum filtro colatum haustumque ne quidem leuissimo indicio emeticam prodidit virtutem.

Ceterorum antimonialium nullum tantam meretur attentionem, ac *pulvis ab Algarotto dictus*, qui etiam dudum praesenti negotio optime inseruiturus censetur^m). Quae in sequentibus describuntur experimenta ad propiorem illius cognitionem conducent. Interca per se patet, commixtis tribus antimonii crudi et quatuor mercurii sublimati corrosiui partibus, principia inuicem, adiuuantibus igne et duplici adfinitate, commutari. Hydrargyrus nimirum mercurio sublimato inest calcinatus et antimonium in forma regulina cum sulphure copulatum. Sub ipsa operatione antimonium hydrargyro calcinato suum cedit phlogiston, qui ideo reducitur in
vium,

m) A Domino MACQUER.

viuum, sed vicissim hydrargyrus acidum salis calci antimoniali porrigit, quae eidem vnita in vas recipiens transit sub nomine butyri, tandemque vehementiore igne ex connubio hydrargyri et sulphuris adscendit cinnabaris. Probe notetur oportet nec antimonii, nec vllius metalli regulum ab acidis suscipi prius, quam phlogistici certa, et, pro re nata, varia dose fuerit spoliatum, quod alibi demonstraturⁿ).

Butyrum antimonii aquae instillatum mox decomponitur: aqua maiorem acidum salis portionem arripit et metallicum relictum sub forma pulueris albi fundum petit, qui olim singularia immerito obtinuit nomina, nunc vero puluis Algarotti plerumque vocatur, in honorem Medici Itali, qui hunc summis extulit laudibus^o).

In hac operatione antimonium, iteratis licet vicibus, semper tamen eodem adoritur modo acidum salis, hinc aequalem quoque auittat oportet materiae phlogisticae quantitatem, quod nostro scopo adprime conuenit. Optime licet feruida aqua abluatur hoc praecipitatum, quidquam nihilominus adhaeret acidi, nam si distillatione torquetur, butyri antimonii exigua portio transit in vas recipiens. Acida vero inquinamenta euitari possunt, si alkali vegetabili, in aëre liquefacto, sensim saturentur, tum

X 4

enim

n) Conf. Disq. de attract. electiuis.

o) VITTORIO ALGEROTTO, celebris olim fuit medicus Veronensis: ille hoc praecipitatum nomine *pulueris angelici* insigniuit. PARACELSVS *mercurium vitae* adpellauit.

enim molecule albae et maxime diuifae fundum petunt, quae lotionē alkalino tantum sunt liberandae^{p)}. Hoc quidem priore, quod aqua acquiritur, est solubilius, sed completam supponit decompositionem, quae tamen quauis vice vix aequabiliter absoluitur, saltim negligentiae et fraudi heic locus est, cum et magis sumtuosa et molestior sit methodus.

Praecipitatum aqua obtentum, quamuis minori quantitate, perfecte tamen soluitur, ideoque praefendum existimamus, quippe quod re ipsa variationibus minus est obnoxium, et non nisi urgente necessitate fides laborantis tentanda.

Flores argenti melioribus non immerito adnumerantur antimonialibus, eorum vero praeparatio etsi difficilior, minus tamen fidam constituit basim, quam puluis modo laudatus.

§. V.

Quoddam menstruum est idoneum.

Qua menstruum, tartarus, ab eo tempore, quo primum innotuit hoc medicamen, in hunc usque diem, semper fere et vbique fuit vsitatus^{q)}; cum autem hic sal non simpliciter acida polleat natura, sed potius consentiente et analysi et synthesi chemica, instar tartari tartarificati, cum determinato excessu

p) D. DE LASSONE hoc commendat, quod vix ultra anaticam partem Cremoris tartari requirit.

q) Pharmacopoea Holmiensis antiqua, praeeunte ZWELFERO, alkali adhibet.

cessu acidi, considerandus sit, in aprico nondum positum est, vtrum in hac operatione acidum abundans solum agat, an vero ceterae simul partes ingredientibus quidquam efficiant. Varia, quae illustrationis ergo instituta fuerunt experimenta, iam ideo sunt commemoranda.

§. VI.

Quid valeat acidum tartari.

Acido tartari puro^r), cuius grauitas specifica ad aquam destillatam erat vti 1,230 ad 1,000, prima tentamina sunt facta.

A) *Regulus* ex formula Londinensi confectus et in subtilissimum praeterea redactus puluerem, sequentibus inferuiuit experimentis. Huius vna pars in phiala vitrea cum acidi supra nominati viginti et quinque partibus cocta fuit per 20 minuta, dein percolata et in frigido posita loco: sed vltiori euaporatione opus erat, qua peracta tandem in crustas et glebas sulcatas concreuit, quae in igne eundem monstrauerunt habitum, ac acidum tartari crystallisatum, sine vlllo visibili antimonii fumo. Vt hoc melius intelligatur, explicandum est, quomodo acidum hocce in carbone, mediante tubo ferruminatorio flammæ expositum, se gerat.

Huius acidi crystalli sub lenta euaporatione positae, pellucidas tenuesque lamellas referunt, quae

X 5 irre-

r) Dominus RETZIUS in Act. Stockh. 1770 methodum, qua acidum tartari obtinetur purum, descripsit.

irregularem ad se inuicem habent situm, qui mineralogis nostris cellulosus (*Suecice kistformig*) audit. Quam primum exterior et vaga flammæ pars talem attingit crystallum, mox in massam, aquae instar pellucidam, liquefcit, hæc verò fortiori calore caerulei conicique flammæ nuclei cum sonitu spumat, et aqua expulsa nigrescit, fumum spargit, flammam concipit caeruleam, tandemque fufcas et spongiosas relinquit scorias, quæ magis magisque vltiori igne contractæ vltimo prorsus albidæ euadunt. Hoc in acidis facile soluitur residuum et succos vegetabilium caeruleos in virides mutat, more alkalium, quod etiam de iis valet partibus, quæ carbonem non tetigerunt. Hisce pensitatis, acidum tartari semimetallum in statu regulino parum adoriri videtur, quod etiam pulvis in filtro collectus confirmat, quippe qui pondere vix fuit diminutus.

B) *Hepar* cum anatica nitri parte confectum, eadem quantitate, eodemque modo examinabatur, sed per quindecim solum minuta coquebatur. Ceterum, quæ restabant, et respectu crystallisationis et habitus in igne, conueniunt cum iis, quæ in præcedenti momento sunt descripta, hac tantum cum differentia, quod residuum in carbone rufofuscum fuerit.

C) *Croci metallorum* pars vna per duas horas in sex partibus acidi, aqua diluti ob euaporationem, cocta et colata post quatuordecim dies ad fundum vasis massam salinam radiatam deposuit, quæ ad tubum ferruminatorium paullum antimonialis fumi efflauit,

D) *Vi*.

D) *Vitri antimonii* vna pars, cum viginti et quinque partibus acidi per triginta minuta cocta, percolata et dein vltiori euaporatione diminuta, ad superficiem solutionis in vasculo, parua posuit grana crystallina, omne autem reliquum in gelatinam, gummi ceraforum persimilem, sensim indurabatur.

In igne, praeter phaenomena acidi tartari, non tantum intensum antimonii fumum, sed etiam varia grana metallica exhibuit. Gelatina et grana crystallina similiter se gerebant.

E) *Antimonii diaphoretici* vna pars cum viginti et quinque partibus acidi per triginta minuta cocta, dein vti praecedentes solutiones tractata, materiam tandem salinam albamque dedit, quae flammae exposita, parum fumi antimonialis emisit, et residuum subfuscum reliquit.

F) *Materiae perlatae* vna pars cum triginta partibus acidi per quindecim minuta cocta etc., crustam salinam dedit, quae in carbone vna cum fumo antimoniali corpus porosum flauo fuscum reliquit.

G) *Pulueris Algarotti* vna pars cum nouem partibus acidi per triginta minuta cocta et percolata fuit.

Haec solutio tota quanta in calore digestionis gelatinosa euasit, sed postea in loco frigido, mediante aëre non nihil humectata, variis ramis radiisque eleganter fuit distincta. Flammae exposita haec gelatina vehementer intumescens antimoniale fumum spargebat copiosum, nulla vero grana metallica prodierunt.

Alia

Alia vice pars vna eiusdem pulueris, aqua praecipitati, coquebatur per integram horam cum quinque acidi partibus, quae sine residuo soluta sub lenta euaporatione crySTALLISATIONEM ostendebat, sed irregularem.

H) Cum in antecedentibus solutionibus acidum valde abundaret, multum licet coctione peracta indissolutum plerumque remaneret, saturatio puluere Algarotti fuit tentata. In hunc finem vna pulueris cum tribus acidi partibus per duas horas coquebatur, quo facto adhuc quidquam in fundo restabat, nihilo tamen secius solutio et acido gaudebat sapore et caeruleos vegetabilium succos rubro inficiebat colore.

Haec experimenta euincunt, acidum tartari solum nihil fere in corrodenda substantia nostra semi-metallica valere, dum adhuc phlogisto plene instruitur, sed prout hoc diminuitur, magis quoque illa solutioni adaptatur, quod limites tamen agnoscit, nam etsi antimonium diaphoreticum procul dubio pauperius sit vitro, notabile nihilo minus circa horum dissolutionem occurrit discrimen.

§. VII.

Antimonialia tartaro tartarifato soluta.

Tartarum tartarifatum, qui sal est neuter, alias materias, praesertim metallicas soluendi facultate gaudere, non quidem statim vero videtur simile, sequentia tamen experimenta probant, quod non sine ratione fuerint instituta.

A) Re-

A) Reguli vna pars cum octo partibus eiusdem tartari tartarifati, prius aqua pura soluti, per quadraginta minuta coquebatur, et percolata in loco frigido ponebatur: congeries plurium crySTALLORUM ad fundum cito formabatur, quarum frustulum igni admotum intumescens nigrescebat, dein prior cum albo mutabatur color, tandemque massa a carbone absorbebatur, eodem modo ac tartarus tartarifatus, idque sine visibili vestigio antimonii.

B) Hepatis vna pars cum octo partibus eiusdem tartari tartarifati per triginta minuta similiter tractata, eodem se habuit modo, ac in momento *A* iam dictum est.

C) Croci metallorum vna pars cum octo salis partibus, per duas horas cocta, postmodum signa antimonii perquam obscura dedit.

D) Vitri antimonii pars vna cum octo salis partibus per quadraginta et quinque minuta cocta, evaporatione peracta, materiam ex spiculis salinis compositam secernebat, quae in carbone multum intumuit, copiosumque fumum antimoniale et plura grana regulina praebuit.

E) Antimonium diaphoreticum eadem proportionem experientiae subiectum per triginta et quinque minuta, crySTALLIFICATIONE facta, phaenomena in experimento *C* obuia ostendit.

F) Pulveris Algarotti vna pars cum quinque salis partibus per viginti minuta cocta et colata duplicis generis crySTALLOS dedit, quorum alterum completis

pletis constabat tetraëdris, quae ad tubum ferruminatorium multum fumi et numerosa praebuere metallica grana: alterum vero salina referebat spicula, quae nihil aliud esse videbantur, quam tartarus tartarificatus, qui a ceteris aegre separatus non numquam vestigia antimonii monstravit.

In alio experimento, vna parte pulueris Algarotti coctione semihorae duae cum semisse tartari tartarificati saturatae fuerunt, fusco-rufam efficientes solutionem, quae Heliotropii tincturam parum rufabat, et ad siccum sensim vaporans grana exhibebat crystallina, pondere tres partes cum semisse efficientia.

Hinc sufficienter patet, tartarum tartarificatum reuera antimonium soluere posse, etsi sal memoratus consulto ita fuit comparatus, ut alkali praeualleret, ne acidum abundans seduceret. Praeterea singularis huius cum acido tartari in eo elucet conuenientia, quod nonnullas, et manifesto easdem praeparationes, vel nihil, vel parum vel multum adoriatur vtrumque menstruum.

§. VIII.

Antimonialia cremore tartari soluta.

Viribus, et acidi tartari, et tartari tartarificati, exploratis, de efficacia tartari his compositi, quodammodo potest iudicari, attamen saepe vacillat ratiocinatio, nondum idoneo experimento confirmata.

A) Duae

A) Duae *Hepatis* antimonii partes cum vna tartari coctae, post primam crySTALLIFICATIONEM, non nisi insipidum gummi salinum prae-buerunt.

B) *Croci metallorum* vna, cum octo tartari partibus cocta, iu materiam gummosam fusco-flauescentem postea concrescit.

C) *Vitri* vna minimum tres tartari requirit partes, vt coctura soluatur, et crySTALLOS exhibeat.

D) *Antimonii diaphoretici*, e regulo confecti, tres partes, mediante coctione, duabus tartari partibus coniunctae, nonnullas prima euaporatione dederunt crySTALLOS, reliquum vero gummi constituit, quod bene exsiccatum nullam attrahit humiditatem.

E) *Materiam perlatam* vix tartarus adgreditur.

F) *Pulueris Algarotti*, aqua obtenti, centum, adhibita coctione septuaginta tartari postulant partes. Si copiosius adsit menstruum, et requisita aquae quantitas euaporatione auferatur, superfluum concrescit tartarus, cui vix magis adhaeret antimonii, quam quod aquam crySTALLIFICATIONIS potuit coniunctari. Haec combinatio Heliotropium rufat; vaporans primum crySTALLOS deponit, dein vero claram exhibet gelatinam; copiosa aqua sensim decomponitur calcem fecernens antimoniam.

G) Duae *florum argentinorum* partes cum vna tartari coctae etsi nullum praebeant gummi, crySTALLOS tamen procreant, quarum circiter quintam ponderis partem antimonium efficit.

H) *Be-*

H) *Bezoardicum minerale* non soluitur, facile vero antimonium aqua regis idonea solutum et alkali fixo praecipitatum, crystallos formans^s).

In genere, vt antimonialium facilius euadat solutio, partim alkali fixum, partim borax in auxilium potest vocari.

Flores argentini cum dimidia alkali mineralis parte fusi, in massam amaro flauo similem, crustaque viridi obductam coeunt. Tres fere huius partes in puluerem redactae, vna tartari soluuntur et tota massa fit gummosa.

Si vna tartari cum dimidia salis sedatiui parte copulatur, tres huius combinationis partes vnā vitri antimonii suscipiunt et gummi formant, quod prudenter exsiccatum in puluerem flauescens fatiscit, qui et virtute et solubilitate vulgari tartaro emetico palmam praeripere asseritur. Tartarus vero dicto modo armatus, in soluendo regulo, antimonio crudo et floribus argentinis, magis non valet, quam tartarus solus.

Borax prius calcinata et cum aequali croci metallorum portione liquefacta, massam hepatico colore instructam efficit, cuius quinque, octo tartari partibus, aqua solutis admixtae, mox colorem, quo gaudet kermes minerale, generant, et tandem vix duas partes intactas relinquunt, quae etiam memoratum

s) Dominus DE LASSONE in Mem. de l' Acad. de Paris 1768, plerasque antimonialium cum tartaro combinationes perscrutatus est.

raturum kermes referunt. Mediante euaporatione sal rubicundus et gummosus acquiritur.

Borax tartarifata antimonium crudum adgreditur, salem pellucidum gummosum, ambrae colore, constituens, qui vnam antimonii, octo tartari partibus vnitam habet ^t).

§. IX.

Praeparatio fidi emetici antimonialis.

Antecedentia duplicem monstrant viam, qua fidum emeticum confici possit antimoniale.

Basi Algarotti inseruiat puluis, cui semper eadem inest phlogisti quantitas, quod huic scopo adprime conuenit (§. V), et praesertim aqua praecipitatus eligatur, cum facilius sibi similis prodeat, quam qui mediante alkali obtinetur (§. IV). Quod acidi salis quidquam adhaereat, nihil nocet, modo eius semper adsit aequalis portio. Menstruum constituent vel Cremor tartari vel Tartarus tartarifatus, prout res ipsa exigit. Horum salium vterque in nostris Pharmacopoliis antimoniale medicamen virtutis constantis exhibere potest, quum autem, et propria indole, et quantitate materiae, quam suscipiunt, differant, diuersus quoque eorumdem erit effectus, saltem qua gradus. Heic solummodo de praeparationibus, quae eadem semper vi gaudere possunt, agitur, et hic finis vtroque memoratorum obtinetur. Praxis vero medica exploret horum vsum, et

t) Vide tract. Dni DE LASSONE l. c.

et vtrum tanta sit differentia, vt ambobus egeat, an alterutrum variata dosi singulis sufficiat casibus. Interea descriptio heic adnectitur, quomodo vtrumque debat praeparari.

Tartarus antimoniatuſ. Vnciae quinque cremoris tartari in puluerem redacti et duae cum duabus drachmis pulueris Algarotti, aqua feruida praecipitati, loti et siccati, per dimidiam horam in vitro leniter coquantur, addito dimidio aquae cantharo. Hac peracta parum remanere solet pulueris nigrescentis mercurialis. Tartarum non penitus saturo, nam in hoc casu pars solutionis in gelatinam lubenter abit, et sal enixus aqua diu suspensus facilius decomponitur, quod in praxi incommoda adfert non spernenda (§. IX, F). Praeterea debilioris medicaminis paullo maior dosis accuratius ponderari potest et partitis vicibus sine formidine vllius incommodi adhiberi. Solutio percolata in vase aperto (non metallico) ad pelliculam vaporet, et postea in calore digestionis teneatur, vt formentur crystalli, sensum separandae et in charta bibula humectata exsiccandae. Hae omnino nitidae tartarum adhibitum pondere aequant. Puriores crustae salinae, marginibus vasis adfixae, semunciam circiter efficiunt, quae aqua frigida bene abluantur et seorsum feruentur. Lixiuum vltimum rufescens et crassum abiiciatur.

Tartarus tartarificatus antimoniatuſ. Tartari tartarificati vnciae decem, pulueris Algarotti, qualis in praecedenti adhibetur praeparatione, tres vnciae, cum canthari aquae quarta parte, coquantur in vitro
per

per dimidiam horam, percolentur, lixiuium fusco rufum ad pelliculam vaporet, deinde digestionis calore exponatur, cryſtalli pedetentim ſeparentur et in charta bibula madida ſiccentur. Hae collectae dimidium tantum menſtrui pondus attingunt. Cruſtae ſalinae, quae lotionem poſſunt purificari, decimam partem tartari tartariſati vix ſuperant, reliquae vero cum lixiuio obſcure ruſcente abiiciantur.

§. X.

Proprietates tartari antimoniat.

Sal emeticus modo iam deſcripto praeparatus, qua figuram, (ſi particulis coeuntibus niſum inditum ſequi licet,) octaëdricus eſt, ſed pyramides paullo magis elongatae, quam in alumine. Cryſtalli ſunt coloris expertes, inſtar aquae, vel perfectae, vel ad partem tantum pellucidae. Antimoniale tertiam circiter ponderis partem conſtituit. In aëre nec fatiſcunt, nec humidum attrahunt, vetuſtae tamen opacam induunt albedinem: in igne ad tubum ferruminatorium decrepitant, comburuntur, fumum emittunt antimoniale et grana praebent metallica in carbone.

Aqua deſtillata in calore medio ſeu quindecim graduum, ſoluit ſui ponderis $\frac{1}{80}$, vel 3 fere grana in ſemuncia, ſine ullo claritatis et coloris detrimento. Solutione tinctura Heliotropii aegre in rubedinem vergit. Alkali tam fixum, quam volatile eam praecipitat, ſiue ſit cauſticum, ſiue acido atmophærico, vti vulgaria, coniunctum. Subtilis niueusque, qui ſecernitur pulvis, vaſculis vitreis,

in quibus operatio peragitur, pertinacissime adfigitur.

In lixiuio prima concoctione adquisito (§. IX), respectu praecipitantis notabilis obseruatur discrepantia, si enim omnino fuerit purum (causticum), pulvis albidus maxime diuisus et spongiosus separatur, qui tandem subsidet et immutatus manet, si vero alkali in sinu suo acidum fouet atmosphaericum, post horulas quasdam sedimentum in radios, e diuersis punctis, concreescere incipit, figurarum instar, quibus solem imitantur sculptores. Ast, si solutio, massulas hasce radiantes continens, triginta graduum calori exponatur, intra quartam horae partem omnis euanescit figuratio, non nisi amorphus restat puluis.

Quod alkali fixo vulgari praecipitatur, post lotionem flammae admotum, antimonium vix prodit, corpus spongiosum albidum relinquit, quod totum quantum acido salis communis suscipitur, acido vero vitrioli non tantum non soluitur, sed etiam ex acidi salis connubio deturbatur.

Mediante alkali volatili vulgari simile acquiritur praecipitatum. Quod autem alkali volatili puro obtinetur, nullas offert figuras solares, in igne vix vllum edit fumum, sed in cinereum, fusibile, ast fixum abit vitrum. Aqua calcis itidem praecipitat, mox autem, quae subsidet congruatio, iterum soluitur quassatione, nisi ab initio sufficiens aquae calcis addita fuit copia. Haec quoque figurationes memoratae prodeunt.

Acido vitrioli concentrato ingens materiae albiae quantitas fundum petit, quae agitatione facile denuo euanescit, collecta vero, lota et flammae exposita primo fit fusca et in massulas coit, quae dein in igne fumum antimoniale spargendo consumuntur.

Hepar sulphuris salinum solutioni instillatum sulphur auratum procreat.

Colorem huius lixiuii rufo-flauum ferro esse adscribendum, alkali phlogificato facile euincitur, hoc enim coeruleum mox generat Berolinense.

§. XI.

Proprietates tartari tartarificati antimoniati.

Stibium tartaro-tartarificatum rarius tetraëdricas, plerumque octaëdricas format crystallos, si nullum adest impedimentum. Harum variae pellucunt omnis expertes coloris, aliae paulum opaca gaudent albedine. Crystallorum et in aëre et in igne idem habitus, ac tartari antimoniati. Quintam circiter ponderis partem antimoniale efficit. Aqua destillata in calore medio soluit ponderis fere $\frac{1}{40}$, hoc est quinque grana cum semisse in semuncia, et dein aequae clara et colore priuata, ac antea, manet. Signa acidi abundantis perquam debilia praebet. Alkalia et acidum vitrioli eadem procreant phaenomena, quae in §. praecedenti descripsimus, sed hac tamen cum differentia, ut paullo parcius et segnius prodeant, nullaeque oriantur figurae solares.

Solutio primae coctionis ex fusco rufescit et magis adhuc lixiuium magistrale. Causae inquirendae ergo paullum aceti destillati et puri instillatum fuit, postea vero vnica gutta lixiuii phlogificati addita, qua momento coeruleus prodibat color. Sine acido ferrum heic delitescit, nam duplex requiritur affinitas, vt alkali decomponatur phlogificatum. Plura sine dubio lixiuia vltima, rufa, tenacia et aegre crysallos deponentia, ferro dephlogificato suas debent qualitates.

Vnde in praesenti casu adueniat hoc metallum, nondum satis patet. Cinis clauellatus in vase quidem ferreo ad ficitatem coquitur, sed cremor tartari in ahenis purificatur aeneis. Praeterea alkali tartari albidum cum puluere Algarotti in vitro coctum, tincturam itidem fusco rufescentem dedit.

Index Paragraphorum.

§. I. Pharmaca ita sunt praescribenda, vt quodlibet eadem semper gaudeat virtute	pag. 318
§. II. Emetica antimonialia	319
§. III. Diverse praeparandi methodi	320
§. IV. Quenam eligenda basis	323
§. V. Quodnam menstruum sit idoneum	328
§. VI. Quid valeat acidum tartari	329
§. VII. Antimonialia tartaro tartarificato soluta	332
§. VIII. Antimonialia cremore tartari soluta	334
§. IX. Praeparatio fidi emetici antimonialis	337
§. X. Proprietates tartari antimoniati	339
§. XI. Proprietates tartari tartarificati antimoniati	341

XI.
DE
MAGNESIA*).

Opinionum commenta dies delet, iudicia naturae confirmat. CICERO.

§. I.

Brevis magnesiae historia.

Ineunte saeculo iam currente, Canonicus quidam Regularis Romae vendidit pulverem, nomine *magnesiae albae*, vel *pulveris Comitissae de Palma*, quem panaceae virtute instructum esse perhibuit, eiusdem vero praeparatio instar arcani sollicitè fuit celata, usque dum modum, quo e nitri lixiuio ultimo, mediante calcinatione, separari potest, primus divulgabat MICH. BERNH. VALENTINI 1707^a), et duobus elapsis annis aliam melioremque viam monstrabat IOH. HADR. SLEVOGT, praecipitationem adhibendo^b). Postea de illo quoque scripsit LANCISI 1717^c), et FRID. HOFFMAN 1722^d), alique recentiores.

Y 4

*) Haec disquisitio anno 1775, die 23 Dec., publice ventilata fuit, Respondente CAROLO NORELL, Vestrogotho, in auditorio Gustauiano.

a) Dissert. de Magnesia alba, Gieslæe habita. In praxi sua medica hunc pulverem *laxativi polychrestis* nomine insigniuit.

b) Diss. Ienae habita 1709.

c) Annotat. in Mercati Metalloth.

d) Obseru. Physico-Chymicae.

tiores. Et ab hoc inde tempore sensim increbuit vsus huius pulueris, qui in plerasque iam introductus est officinas pharmaceuticas.

Plerique hanc terram calcaream esse existimarunt, praesertim, cum praeter eam, quae in acidis effervescebat, cognitam haberent nullam, vltiori praeterea examine penitus fere neglecto. F. HOFFMAN eandem tamen ab oculis cancerorum, conchis praeparatis, testisque ouorum differre obseruauit, nam materiae iam memoratae acido vitriolico ad saturationem unitae sales praebent nullius saporis, magnesia vero amarissimum. Tandem a duobus nostri aevi celebratissimis Chemicis magnesia albae natura, qua decet methodo, feliciter fuit denudata. Chemiae loquimur Professore Edinburgensem I. BLACK, qui experimenta sua publici fecit iuris 1755^e), et Academiae Berol. Directorem A. S. MARGGRAF, qui sua imprimenda curauit tentamina 1759^f), commentarii Blackiani, vti videtur, prorsus inscius. Ambo maxima adhibita adcuratione et diligentia, terrae huius indolem examinant, illamque a calce diuersam luculentissime demonstrant, eiusdem autem genesis, vtpote quae nondum ex indubitatis diiudicari potest experimentis, sicco, vt aiunt, pede praetereunt, proprietates constantesque characteres, quibus semper et certo ab aliis possit distingui, detexisse contenti. Et certe corporum generationes, reciprocaeque metamorphoses, altae adeo sunt indaginis,

e) *Essays and Obs. of the Society of Edinburgh.*

f) *Mém. de l'Acad. de Berlin.*

nis, ut e leui similitudine, vel imperfectis rudibusque tentaminibus, minime fingi debeant, quippe quae exactissima analysi et synthesi consentiente sunt eruendae. Si praeconcepris de ortu opinionibus observationes, experimenta, immo ipsam rerum indolem adcommodare liceret, breui de omni philosophiae naturalis praestantia et certitudine actum foret, vanaeque imaginationis vorticibus abrepta tota quanta in chaos teterrimum praeceptis rueret haec scientia.

Quae a nominatis duobus, peritissimisque chemicis studio sunt tractata, breuiter et nexus tantum seruandi causa relaturi sumus, circa ea vero, quae vel omiserunt, vel parum attigerunt, in sequentibus nostra praecipue versabitur opera.

§. II.

Praeparatio magnesiae.

Variis hic pulvis obtineri potest modis. Purissimus alkali fixo e sale deicitur anglico. Alkali tartari vix ultra dimidium requiritur pondus respectu salis anglici, sed cum nimis sit carum, plerumque adhibentur cineres potasini vel clauellati; quoniam autem hi tartaro vitriolato, nec non terra tam siliacea, quam calcarea vulgo sunt inquinati, portione fere anatica opus est. Vterque sal duplo ad minimum aquae purae solvatur, percolatione facta commisceantur, et igni, ut perfecte ebulliant, exponantur, deinde in quiete subsidat pulvis praecipitatus, limpida decanthesur aqua, alia denuo affundatur feruida, suo iterum tempore similiter auferenda, quod toties re-

petendum est, donec sedimentum omni liberetur heterogeneo, quod ablui potest aqua. Tandem totum residuum filtro aut linteo immittatur exsicandum.

100 partes salis anglici 42 circiter exhibent magnesiae aëratae, non vero nisi 25 talis magnesia, quae in acidis non efferuescit, aqua tamen est satiata, et haec differentia alkali debetur praecipitanti, prout hoc acido aëreo est vel saturatum vel spoliatum: in casu priori 58 partes alkali, in posteriori vero 45 fere requiruntur. Liquidum colatura obtentum per crystallisationem praebet circiter 30 alkali vegetabilis vitriolati, alias tartari vitriolati nomine cogniti.

Aetiologia operationis haec est: dupla aquae portio, respectu salium commixtorum, non iis solum soluendis, sed alkali quoque vitriolato, sub permixtione generato, adsumendo sufficit. Scilicet acidum vitriolicum, in sale anglico praesens, alkali additum adgreditur, et, si quid adest acidi aërei, expellit, quod cum magnesia derelicta intime coniungitur. Ebullitio vero impedit, quo minus magnesia portio, mediante abundantia subtilis huius acidi, aqua solvatur. En calculum: 58 partes alkali tartari 13 circiter continent acidi aërei, quantum $10\frac{1}{2}$ partibus 19 magnesiae purae saturandis sufficit, $2\frac{1}{2}$ igitur reliquae totae quantae uniuntur aquae, si haec 1388 partibus sit aequilibris vel vberior, etenim in calore medio saltem $\frac{1}{10000}$ proprii ponderis suscipere potest, quibus dein armata fere $\frac{1}{3}$ praecipitati solvere valet (§. IV), massam itaque quae-

quaesitam diminuens menstruum calore abigatur oportet, cum sit volatile. Ceterum primo intuitu perquam singulare non potest non videri, quod tantum alkali praecipitatio requirat perfecta, cum tamen vix ultra 30 partes tartari vitriolati obtineantur, quae maxime 17 alkali puri continent, sed probe, idque in genere est notandum, absolutae decompositioni tantum praecipitantis minime sufficere, quantum alias eidem materiae liberae, vel laxius adhaerenti, opus est: triplum, quadruplum, immo saepe sextuplum, compagi plene dissoluendae necessarium est. Praeterea alkali heic abundans ipsum tartarum vitriolatum magis solubilem efficit, unde eiusdem vera quantitas crystallizando aegre colligitur.

Lixiua nitri et salis communis vltima, quae crystallisationem respuunt, magnesiam continent acidis nitri vel salis solutam, quae praecipitando, vel evaporando ad siccum et calcinando, colligi solet. Si e nitroso acquiritur, *magnesia nitri* appellatur, cui etiam nomen *pulveris Sentinelli* olim fuit, quam vero exhibet marinum, *magnesia salis communis* vulgo audit. Prius insigni saepe heterogeneorum scatet copia, calce praesertim abundans, unde etiam tantum pulveris praebet, quantum lixiuii marini quadruplum, et quod excurrit, pondus^g). Ceterum

- g) Libra i lixiuii nitri per calcinationem 4, et per praecipitationem 5 vncias magnesia porrigit, teste Dom. Prof. SPIELMAN. Dom. MARGGRAF autem e libra i pond. ciuil. lixiuii marini, ope alkali tartari, vnciam i, drachmam $1\frac{1}{2}$, grana 10, et mediante alkali volatili ad summum vnciam i obtinuit. Si alkali adhi-

terum multum differt calcinatione parata magnesia ab illa, quae praecipitatione obtinetur; prior namque vix, ac ne vix quidem, omni liberatur acido minerali, et quae sit praeterea ignis vis, mox patebit (§. III).

§. III.

Magnesia pura.

Magnesia alba vulgaris ad excandescentiam ignita in nullo dein acido efferuescit, aëreo volatili ope caloris expulso. 100 partes magnesiaë, operatione rite peracta, ponderis sui 55 (summam aquae et acidi aërei) amisisse reperiuntur: igne violento diu adhibito, maior desideratur quantitas, quum impetu quidquam, alias fixum, dissipetur.

Post idoneam calcinationem puram voco, quoniam aqua et acido aëreo caret, sed perfecte pura vix nisi alkali volatili obtinetur, etenim fixa praecipitantia non raro calce, semper vero terra silicea inquinant, qua ipsum tartari alkali onustum reperitur, nisi probe crystallisatum (Cfr. Comm. de acido aëreo §. VII). Alkali minerale in crystallos reductum similiter siliceo caret. Magnesia calcinata in acidis, sed lente et sine efferuescentia, soluitur
omni-

adhibetur volatile, in liquore supernatante sal reperitur, tribus constans principiis, magnesia nempe, alkali volatili et acido vitrioli, quae crystallisatione disiungi nequeunt.

F. HOFFMAN in lixiuio ultimo salinarum Halensium magnesiā detexit.

omnibus; eandem circiter, quam antea, ad saturationem requirit quantitatem, et cum illis eosdem prorsus exhibet sales medios; aqua non incalescit sensibiliter, nec ea, vt calx, soluitur; re igitur vera est terra, quantum ex tentaminibus huc vsque institutis colligere licet.

100 partes magnesiae purae, aquae immissae, post exsiccationem non nisi 18, respectu ponderis, auctae inueniuntur, quamuis eadem acido aëreo saturatae 66 recipere queant (§. IV): in acidis pura non effervesceat, quae tamen proprietas sensim, at tardissime, in aëre recuperatur libero, ex atmosphaera acidum attrahendo aëreum. Cur ab acidis perquam lente solvatur, ex §. XIX. patebit.

Magnesia pura nullum alkali praeter volatile acido priuare potest aëreo, quum illis maiori adhaereat vi. Aquam calcis non deiecit, omnia vero metalla acidis soluta, ne platina quidem excepta, praecipitat: luna nitrata nigrum praebet sedimentum, et mercurius sublimatus corrosius obscure rufum. Sales ammoniacales etiam decomponit, sed lente, nam ab initio vix vllus percipitur odor, in lagena vero bene clausa per 24 horas feruetur, quantum satis humectata mistura, et, hac aperta, alkalinus volatilis minime dubius erumpere obseruabitur.

Igni fortissimo diutius exposita magnesia coalescere incipit, et fusionis monstrare vestigia, illa praecipue, quae e lixiuiis vltimis calcinatione fuit comparata. Borace, itemque sale microcosmico, facile funditur: cum silice et borace, anatica sumtis
por-

portione, egregium praebet in igne vitrum, topazio simile: cum filicis et fluoris mineralis pari pondere vitrum acquiritur, chrysolithi instructum colore: cum fluoris mineralis aequali pondere fusa crucibulum dissolvit et penetrat.

Magnesia calci, argillae purae et filici, qua fere libet proportione, simul admixta, igne fluit, et cum quadruplo vitri viridis massam efficit porcellanae similem, quae chalybi illisa scintillas edit. Praeterea vero nec aequale pondus filicis, nec calcis vivae, nec terrae ponderosae, nec vitri saturni, nec alkali tartari, nec denique tartari vitriolati, seorsim cum illa in igne liquefcunt, ast argilla vulgaris cum eadem in duram coalescit massam.

Vitrum in magnesia caementatum porcellanam mentitur.

§. IV.

Magnesia aërata.

Acido aëreo saturatam magnesiam, ad normam aliarum diu vsitatarum denominationum, vocamus aëratam, quum idem contineat acidum, quo scatet aër atmosphaericus. Talis est, quae alkali fixo crystallisato praecipitatur (§. II). In aliis acidis effervesceat, et per lentam saturationem ponderis sui amittit $\frac{25}{100}$, quae idoneo collectae apparatu, examinataeque acidi aërei qualitatibus gaudere deprehenduntur. Hinc sequitur, magnesia vulgaris 100 partes, 25 continere acidi atmosphaerici, 30 aquae et 45 materiae terrestri, quantum huc vsque constat, a reliquis cognitis distinctae (cfr. §. III et XIX).
Magnesia

gnesia plene aërata in centenario 30 libras acidi aërei abscondit. Est itaque verus sal medius terrestris, cuius, si plane crystallinus, aquae destillatae cantarus in calore 15 graduum grana 47 suscipit. Aqua acido aëreo saturata longe maiorem soluit quantitatem, nimirum ultra $1\frac{1}{4}$ semunciae, si hocce acido abundante foeta, magnesiā, momento praecipitationis subtilissime instar spongiae diuisam, ideoque vi menstrui quam maxime expositam, circumdat. Talis solutio in aëre libero, superfluo, quod auolat, sensim priuatur acido, vnde pars soluti non potest non secerni, idque in superficie praesertim, cum heic primum deficiat menstruum. Quae hoc modo concrefcit pellicula, magnesia, non calcis proprietates, examinanti monstrat.

Euaporatione lente peracta, crystalli quoque prodeunt, partim grana pellucida, partim duos radiorum fasciculos, ex eodem diuergentes puncto, referentes (Tab. I. f. 8).

Aqua destillata aërata, quae ad satietatem vsque magnesiā suscipit, sequenti se habet modo.

A) Chartam, succo *Heliotropii* dilute tinctam, saturatius caeruleam efficit; *Fernambuco* rubram, caeruleam facit et *Curcumae* radice luteam leuiter fuscet, adeo vt primo intuitu hae mutationes inquinamento alkalino, sub praecipitatione adhaerenti, et loturam eludenti, adscribendae esse videantur. Haec vero facile corruiť suspicio, si magnesia adhibetur alkali praecipitata volatili, quippe quod eosdem procreat colores, sed, quod probe notandum, paucis momentis,

mentis, vna cum caussa volatili disparentes, quos vero magnesia, hoc licet alkali deiecta, praebet, constantes sunt. Haec igitur reagendi vis a sola pendet terra.

B) Alia *acida* instillata innumeras, tenuissimasque excitant bullulas enatantes, ex acido aëreo, fortioribus expulso, ortas.

C) *Alkalia* fixa aërata nullam adferunt mutationem, nisi aqua magnesia et alkali simul solvendis sit impar, quo in casu illa disiungitur; ast pura, quae et caustica dici solent, iusta dosi addita, terram, in acidis efferuescendi virtute priuatam, statim deiiciunt (§. III). Haec itaque alkalia acidum atmosphaericum magnesia eripere valent.

Calx, quae peculiaris indolis alkali fixum quodammodo refert, heic quoque vt alkalia fixa, omnino se habet: acido aëreo saturata nullam magnesia solutae infert mutationem, sed aqua calcis sufficiens, vel, quod eodem redit, calx viua addita magnesiā, omni priuatam acido aëreo, praecipitat.

Magnesiae purae lubentius adhaeret acidum aëreum, quam alkali volatili, si enim illa huic aërato admiscetur in lagena, quae dein per aliquot dies bene clausa seruetur, tandem alkali reperietur causticum, et magnesia in acidis efferuescens, vnde de attractione facilis est conclusio. Hanc quidem aliud euertere videtur experimentum, etenim magnesia ope acidi aërei, in aqua soluta, deiicitur alkali volatili puro, sed obseruetur oportet, memoratum sedimentum in acidis efferuescentiam excitare, adeo.

adeoque non nisi superfluum arripuisse acidum, quo sublato, magnesia portio, hoc vnice adiuuante antea suspensa, necessario subsidere debet.

D) Omnes *sales medii*, terrestres et metallici, magnesia praecipitantur aërata, idque vi duplicis adfinitatis, quoties idem efficere nequit magnesia pura. Hoc modo deturbantur calx et terra ponderosa, aliis solutae acidis; etenim, dum harum menstrua magnesium arripiunt, ipsae fundum petunt, aëreo vnitae, quod tam pondere aucto, quam in acidis effervescenti facultate satis superque elucet.

Quae mediante magnesia pura prodeunt praecipitata, nullum ponderis incrementum exhibent, et, si metallica sunt, alium saepe, quam ope magnesia aëratae, induunt colorem: illa a mercurio corrosiuo sublimato calcem magis obscuram, quam haec, separat, sed paucis interiectis horis, vtrique sedimento idem est color rubro-testaceus.

Si magnesia aëratae, aqua solutae, instillatur mercurii sublimati solutio, mistura paulum lactescit et sensim paruum albi sedimenti demittit quantitatem, dein vero paulatim, in superficie primum et postea ad fundum tenues subnigraeque concreseunt crysalli, mercurio dulci et calce hydrargyri, qua partem aërata, compositae.

Hydrargyri, acido nitri ebulliente soluti, minima guttula statim copioseque deturbatur fusco-lutea in aqua, magnesia, mediante acido atmosphaerico, onusta, solutio vero eiusdem metalli in frigore facta album praebet puluerem, et post aliquot dies

incanefcentem, cum metallum parum amiserit phlogisti.

§. V.

Magnesia vitriolata.

Hic sal Anglicus, Epsomenfis, Seydlizenfis vel Seydschützenfis audit, quas diuerfas, a locis, vbi praeparatur, trahit denominationes, hi tamen omnes vix, nisi proportionem magnesia salitae semper immixtae, differunt. Ratione saporis vulgo sal amarus appellatur, indoli suae conuenienter, praesertim heterogeneis liberatus, nomine magnesia vitriolatae insigniendus. CrySTALLISANDO prismata ponit quadrangula, apicibus instructa pyramidalibus, itidem quadrangulis.

Hic sal adeo facile soluitur, vt aquae destillatae cantharus, in calore medio, 141 semuncias, coquendo vero 280 suscipiat, priusquam appareat pellicula, quae tamen posterior solutio, frigori exposita, in massam tota quanta coalescit. Aquae volumen addito sale et calore ebullitionis $\frac{40}{100}$ circiter augetur, quod in eiusdem quantitate determinanda probe est obseruandum; nam alias aquae ex solutionis mensura solent aestimari, quod semper fallit. Si pulchrae desiderantur crysalli, diutius non est euaporandum, quam vt gutta in superficiem frigidam demissa intra pauca momenta concreseat.

Hic sal in aëre sicco primum pelluciditatem amittit, tandemque in puluerem album fatiscit: perfecta calcinatione omnis aqua crySTALLISATIONIS auolat, quae dimidium fere ponderis nimirum $\frac{48}{100}$ efficit.

efficit. Hinc igitur patet, huius centenarium continere partes 19 magnesiae purae, 33 acidi vitrioli et 48 aquae (§. II).

Alkalia fixa illum celeriter deliciunt, aequae ac volatile aëratum, immo etiam, quod vulgo habetur purum, qui casus ultimus adfinitatis gradum dubium facere videtur, quum magnesia pura solutioni salis, ammoniaci secreti nomine noti, addita, et in lagena per aliquot dies bene clausa seruata, distinctum, eadem aperta, praebeat alkali volatilis odorem. Aliis igitur causis praecipitatio supra memorata est adscribenda. Scilicet alkali volatile perfecte purum aegerrime comparatur, vel enim aqua calcis inquinatum reperitur, vel etiam acido aëreo: praeterea purissimum aëri vel minime expositum libero, vel nuper ex pulmonibus efflato, portionem quandam acidi aërei mox attrahit, et hoc ipso, vi duplicis adfinitatis decomponendi facultatem acquirit. Sedimentum tamen, alkali deiectum volatili, instillato dein acido, efferuescentiae sub solutione plerumque perquam debilia monstrare vestigia, fateri iubet veritatis amor, adeo ut, si acido aëreo tribuenda praecipitatio, longe minorem eiusdem quantitatem huic effectui, quam saturationi, sufficere hinc eluceat. Sed hae causae accidentales sunt, en aliam, quae semper adest. Alkali nempe volatile cum magnesia et acido vitrioli arctissime copulatur (§. II, not. g), in hoc vero sale triplo acidum, antea magnesia soli addictum, inter illam et alkali volatile certa ratione diuidatur oportet, et hinc magnesia, nouam vnionem non intrans, secernitur fundumque petit.

Magnesium ab acido vitriolico separat aqua cal-
cis, quamvis calx aërata, vel nondum vsta nihil in
hoc negotio valeat, vnde luculentissime patet, quan-
tum solo acidi aërei connubio infringatur huius ma-
teriei efficacia.

Acidum sacchari, iusta adhibitum dosi, omnem
salis amari basin terrestrem a vitriolico auellit, sen-
sim sub pulueris albi forma fundum petens, prae-
sertim, si solutio lenta euaporatione spissetur, nam
mediante acido superfluo maior pars suspensa tenetur.

Similiter fere acido fluoris mineralis magnesium, attractionis vi, cedit inter fortissima vitriolicum.
Initio perquam exiguum sedimentum subsidet, sub
euaporatione vero magnesia fluorata successiue pro-
dit. Calor vero sollicitè euitetur, hoc enim vola-
tilius menstruum multum infirmatur. Acido phos-
phori vitriolicum quoque expellitur, saltem, aquoso
quantum satis euaporatione diminuto, spiritus vini
misturam eodem congruat modo, ac magnesium
phosphoratam.

Spiritus vini rectificatus salem amarum non su-
scipit, hoc igitur ab aqua separari potest. Quo sa-
turata magis solutio, quoque purior adhibetur spi-
ritus, eo celerior etiam accidit coagulatio, adeo vt
paucis momentis tota quanta mistura in solidam con-
crescere possit massam.

Sales, Seydlizenfis, Seydschützenfis et Epsomen-
sis^{b)}, ex aquis fontanis locorum, a quibus nomen

mutuan-

b) Salis Epsomensis notitiam primus dedit NEH. GREW
anno 1675. Quum autem e fontibus non nisi mo-
dica,

mutuantur, euaporando eliciuntur, ceteris igitur horum fontium simul scatent contentis, et pro diversa praeterea exsiccatione paulum differunt. Hinc seydlizensis aëris humidum vix attrahit. Qui Anglicus audit, ex aqua marina paratur, separato primum sale communi per crystallisationem, et deinceps coquendo, addito colcothare, vitrioli acido semper foeto, quod calcem martis deferens magnesiae ambigit connubium saleque praebet amarum crystallisatione colligendum. Hic, qui ad nos peruenit, acicularum crystallinarum forma, tantum magnesia salitae continet, vel cum copiosa crystallisationis aqua intrans, vel externe adhaerentis, ut atmosphaerae humiditate facile deliquefeat. Crystalli salis amari interdum adeo magnae concresecunt, ut pro alkali minerali vitriolato, alias sal mirabile Glauberi dicto, diuendi soleant, in Gallia vero vicissim, qui a Glaubero nomen mutuatur, crystallisationem turbando in minuta redigitur spicula, et pro Anglico venditur.

Hae quidem fraudes parum nocent, veritati tamen repugnant et haud difficulter denudantur. Sci-

Z 3

licet

dica, et illa, quae consumebatur, multo minor quantitas obtineri posset, artificialem compositionem strenue quaesierunt chemici. HANKWITZ e sale communi, vel eiusdem lixiuio ultimo, et vitriolo calcinato hunc sale Londoni praeparauit (Eph. N. C. Cent. III et IV). Alii eundem in diversis fontibus detexerunt, ut BERTRAMS in Creutzburgicis, GERHARDTEN in Oberneusulzensibus, et sic porro.

licet genuinus sal Glauberi aquam calcis nullo modo congruat, Anglicus vero in eodem suum mox acidum calci porrigit, vnde selenites vna cum magnesia derelicta fundum petit.

Magnesia vitriolata igne destillatorio suum non dimittit acidum.

Acidum vitrioli phlogisticatum magnesiam itidem soluit, sed qui hinc oritur sal medius peculiari quodam sapore haud difficulter ab Anglico dignoscitur: ceterum crystallos praebet graciliores, additoque alio acido, immo aceto, mox suffocantem pungentemque efflat auram. Spiritu vini ab aqua separatur, licet phlogisto adquisito ad inflammabile menstruum propius indole accedere videatur.

§. VI.

Magnesia nitrata.

Acidum nitri magnesia saturatum, idonea perfecta euaporatione, crystallos praebet prismaticas, quadrangulares, spathosas, nullisque instructas apicibus. Sapore gaudent acri, simulque amarissimo, et in aëre humido facillime deliquescunt. Papyrus solutione diluta si imbuatur, post exsiccationem incensa flammam monstrat virescentem, quem colorem eodem modo haud raro exhibet aqua fortis sola.

Acida, fluoris mineralis, sacchari, phosphori et vitrioli nitroso magnesiam eripiunt, quod tamen oculorum effugit plerumque aciem, quum nouae combinationes acido nitri sint solubiles, euapora-

tione

tione vero, vel etiam spiritu vini rectificatissimo instillato, in conspectum prouocari possunt, quippe qui aquam absorbendo easdem deturbat.

Magnesia nitrata igne destillatorio acidum amittit. Spiritu vini egregie soluitur, eiusdem vero dein flamma non viret, sed solito tantum amplior vehementiorque euadit.

Acidum nitri phlogisticatum magnesia saturatum sapore, et accedente alio acido, etiam vegetabili, odore se prodit. Haec vero principia instillato acido vitrioli phlogistico vix diuelluntur, saltem spiritus vini rectificatus, dein immixtus, nullam efficit coagulationem.

§. VII.

Magnesia salita.

Salis communis acido soluta magnesia perquam amarum exhibet saporem, in crystallos vero cogi nequit, nisi feruente calore maxime spissata frigori exponatur subitaneo rigidoque, quae vero iam concreescunt aciculae, mox iterum atmosphaerae humore deliquescent. Dum magnesiā suscipit acidum salis, pelluciditas paullum obscuratur, et saturatione peracta solutio in gelatinam aquei coloris cito concreescit, quae si feruida diluitur, massulas praebet spongiosas, ne acido quidem salis solubiles. Talis etiam gelatina prodit cum acido nitri, formicarum, aceto, aliisque, in solutionibus vero filtro purificatis non occurrit: dissipato namque quae magnam partem humore, hae instar gummi viscosam exhibent materiem, quae bene lota silicea

reperitur (§. XV), impuro alkali praecipitanti adscribenda.

Si magnesia adhibetur aërata, quod separatur acidum aëreum, qua partem saltim ab aqua ambiente absorbetur, quae hoc ipso armata magnesia portionem absque alio adminiculo suscipit. Hinc tandem solutio consummata inslar alkalinae colores probatorios mutat (§. IV, A), quod non tantum de solutione acido salis praestita valet, sed etiam de omnibus reliquis, nisi abundat acidum soluens. Si igitur exacta desideratur saturatio, magnesia pura haec facillime comparatur, aërata namque fini insertura adcuracione eget perquam molesta, aut enim ebullitione acidum aëreum superfluum expellatur, aut etiam tentando sensim saturatio est quaerenda.

Magnesia salita spiritu vini soluitur, et iisdem ac nitrata obedit adfinitatis legibus, nisi quod acido nitri dissoluatur quoque eiusdem compages, nam, hoc instillato atque euaporatione peracta, magnesia prodit nitrata. Praeterea acidum formicarum magnesia salitae intine vnitur, salem formans crystallisabilem, tribusque compositum principiis proximis. Igne destillatorio suum fundit acidum combinatio iam descripta.

§. VIII.

Magnesia fluorata.

Quod e fluore minerali obtineri potest acidumⁱ⁾, magnesiā initio vehementer adgreditur, appropin-

i) Hoc acidum in Act. Stockh. 1771 descripsit inuentor experientissimus Dom. SCHEELE.

pinquante vero saturatione, moleculee sensim secernuntur vix solubiles, tandemque eadem consummata, omne quod antea acido excedente fuit suspensum, simul dimittit aqua, magnesiā fluoratā aegerrime suscipiens.

Quod mediante acidi copia solui potest, sub spontanea euaporatione, supra liquorem, vasis lateribus instar mucoris pellucidi adcrefcit, filis crystallinis longis tenuissimisque conspicuum, in fundo vero spathosae remanent crystalli, difficulter solubiles, quas tamen non penitus respuit spiritus vini. Harum forma est prismatica, hexangularis, desinens in pyramidem humilem ex tribus rhombis compositam.

Magnesiā fluoratā nec acidum vitrioli, nec aliud via humida decomponit. Igne destillatorio, ne vehementissimo quidem, acidum non fundit haec unio pura et sola.

§. IX.

Magnesia arsenicata.

Acidum arsenici magnesiaē ad saturationem unitum aegerrime aqua soluitur^{k)}, ideoque eodem tandem modo, ac praecedens combinatio, tota quanta subsidet, iterum soluenda, si acidum additur superfluum; euaporatione dein nullas exhibet crystallos, sed massam instar gummi viscosam, quae spiritu vini

k) Conf. Dissertatio de Arsenico in tomo secundo occurrens.

vini nullo modo turbatur. Praeterea tamen notatu dignum est, quod acidum arsenici magnesia acetatae, quae sola itidem non nisi massam viscosam praebet (§. XIII), instillatum, sub euaporatione elegantes procreat crystallos prismaticas, quae solares vocari possunt, cum plures ex eodem puncto diuergant instar radiorum Solis. Ratio sine dubio haec est: acidum arsenici magnesiam, nisi abundans, suspendere nequit, superfluum vero heic omnem simul impedit crystallisationem, ast acetum soluit magnesiam arsenicatum, eandemque sub lenta euaporatione in crystallos concrelescere finit, et hic idem casus obtinet, si acetum per acidum arsenici a magnesia expellitur. Hae crystallos in diutino calore ad eum tandem fatiscunt gradum, vt opacae fiant albaeque. Quod de aceto iam dictum est, etiam valet de acido nitri, salis et formicarum, quibus magnesia arsenicata non decomponitur, sed soluitur et crystallos praebet solares. En nouam sales difficillime solubiles crystallisandi methodum (cfr. §. X, XV): acuatur nimirum aqua acido idoneo, quod salem propositum soluit, minime vero mutat.

Ab acido arsenici magnesiam diuellunt acida fluoris, sacchari, phosphori et vitrioli: tartari vero magnesiae arsenicatae vnitum, nouum triplumque salem conficere videtur.

Ignem hic non decomponitur sal, nisi accedente phlogisto, quo acidum intime imbutum regulum generat arsenici.

§. X.

Magnesia boraxata.

Salina materies, quae in borace minerali adhaeret alkali, salis sedatiui nomen, ab HOMBERGIO datum, etiamnum retinet, et licet debilia, haud tamen ambigua acidae indolis vestigia examinanti monstret, alkalina et nonnulla etiam metalla adgreditur, et quae sunt reliqua.

Si eiusdem solutioni magnesia immittitur, haec quoque soluitur, tarde tamen, cum valde hebeat menstruum. Euaporatione grana prodeunt crystallina irregularia. Hae coniunctae materiae laxae praeterea cohaerent, aliis acidis facile separandae via humida, et spiritus vini easdem itidem dirimit, sed acidam suscipiendo partem. Acetum et formicarum acidum solvunt hunc salem integrum, qui, humido dissipato, comparet in spiculis, quibus minora parallela ad angulos rectos vtriusque insistent. Igne funditur, idque sine decompositione, immo via sicca omnia acida, quae calore fiunt volatilia, a magnesia expellit hocce a borace denominatum.

§. XI.

Magnesia saccharata.

Peculiare, quod saccharo inest acidum, in dissertatione quadam praecedente describitur, una cum methodo, qua idem purum comparari potest. Hoc magnesiam solvit et abundans suspensam tenet; saturatum vero instar pulveris albi decedit, aquae respuent

spuens vnionem, quod antea de aliis dudum obseruauimus (§. VIII et IX): spiritu vini vix soluitur.

Acido sacchari magnesiā via humida eripit solum acidum fluoris mineralis.

Hic Sal ignitus omne mittit acidum, nec vlla monstrat carbonis vestigia, qualia sequens magnesia tartarifata exhibet.

§. XII.

Magnesia tartarifata.

Magnesiā eadem, ac praecedens, lege suscipit acidum tartari genuinum ¹⁾, et quidquid eiusdem abundantia suspenditur, tantum sub euaporatione in granis polygonis pellucidisque deponit, breuia referentibus prismata hexangularia, vtrunque truncata, plus minus irregularia. Spiritus vini hunc salem aegre adgreditur, ideoque solutioni aquosae instillatus cito grana crystallina deiicit.

Magnesiā tartarifatā decomponunt acida fluoris, sacchari, phosphori, vitrioli, nitri et salis communis.

In igne hic sal mox liquefcit, feruet, intumesceit, carbonem praebens, qui exustus tandem magnesiā relinquit liberam.

§. XIII.

Magnesia acetata.

Acetum magnesia, ad saturationem licet, onustum, aqua nihilo minus facillime soluitur. Quaecum-

1) De puro tartari acido conf. Act. Stockholm. anni 1770.

cumque adhibeatur euaporatio, nullae obtinentur crystalli, sed massa tandem viscosa et deliquescent oritur, quae in destillatione acetum amittit. Spiritui vini hic liquor salinus perfecte immiscetur.

Magnesium acetatum omnia decomponunt acida, exceptis vitrioli, nitrique phlogisticatis et aëreo.

§. XIV.

Magnesia formicata.

Acidum formicarum magnesia saturatum aquam deferens fundum petit, abundante autem acido solvendum et euaporatione crystallos deponens, quae saporis fere expertes aegerrime aqua solvuntur, in igne non funduntur, sed tument, parum decrepitant, subito nigrescunt, tandemque in pulverem fatiscunt album, in acidis effervescentem, quum acidum formicarum sub destructione magnesia praebeat aëreum. Crystallorum figura est hemisphaerica, plano secante sursum verso, paulum concavo, polito, striisque, oculo armato vix discernendis, e centro radiante: tuberculis lichenum perquam similes sunt. Hinc luculenter ab aceto dignoscitur acidum formicarum, cui alioquin indole proxime accedit, illi tamen, aequae ac acidis vitrioli nitrique phlogisticatis, magnesium eripiens. Huius salis dimidium pondus est ex magnesia: 1 eiusdem pars 13 requirit aquae, ut solvatur in calore 45 graduum: spiritus vini eundem non suscipit^m).

§. XV.

- m) Si vel tantillum calcis magnesia est immixtum crystalli oriuntur spathiformes et in aëre fatiscentes.
Conf. Dom. I. AFZELII Diss. de Acido Formicarum.

§. XV.

Magnesia phosphorata.

Acidum phosphori more fere praecedentis magnesiæ suscipit, quod vero superfluum sustinet acidum, initio sub euaporatione grana praebet crystallina, quæ paullo maiora prodeunt in magnesiâ acetata, instillato antea acido phosphori, ob causam supra relatam (§. IX), tandem vero liquor totus quantus in massam abit viscosam.

Via humida acidum phosphori singulis magnesiæ eripit, exceptis acido fluoris et sacchari, via autem sicca omnia expellit igne volatilia.

Solutio magnesiæ phosphoratae spiritu vini mox nebulas contrahit, quæ spirituoso euaporatione dissipato iterum disparent.

In genere iam adnotare iuuat, solutiones magnesiæ vulgaris, singulis factas acidis, opalescere ob filiceos atomos, qui percolatione in filtro restant, alias vero fundum sensim petunt et nonnunquam gelatinae instar concresecunt (conf. §. III).

§. XVI.

Num sale alkalino solubilis sit magnesia.

Nonnulla corpora eius sunt indolis, ut eadem appetant et acida et alkalina menstrua. Inter haec iam cuprum nominasse sufficiat, quod, praeter acida suscipiunt alkalia, praesertim volatile, cum hoc metallo salem efficiens crystallisabilem. Num etiam magnesiâ horum sit adscribenda numero iure quaeritur. Dominus MARGGRAF in praecipitanda
magne.

magnesia nimium alkalini falis addere prohibet, mineralis praecipue et volatilis, cum iis iterum minuitur, quod dudum separatum fuit sedimentum, pro eo vero candore, quo sua tentamina enarrat celeberrimus vir, fatetur simul directam eiusdem dissolutionem se non potuisse efficere, licet bullulae quaedam apparuerint, quae alias menstrui indicare solent actionem. Nostra quoque in hoc negotio omnis opera fuit frustranea. Ceterum iam terram hancce deiectam alio medio, auxilio nempe acidi atmosphaerici posse disparere nouimus (§. II), huic itaque et non sali alkalino per se tribuendus est effectus supra memoratus, qui praeterea rei naturae apprimè conuenit, nam in eodem pondere alkali volatile maxima scatet huius acidi copia, dein fixum minerale et minima tandem vegetabileⁿ).

§. XVII.

Magnesia sulphur soluit.

Magnesia sulphur adgreditur, et humida et sicca via, laxis tamen adeo connectuntur vinculis, ut cito in aëre libero sponte separentur. Duae tertiae lagenae libralis aqua destillata impleantur, florum dein sulphuris pugillus et magnesiae aëratae ana addatur, aër supra liquidum inclusus calore rarefiat, tandemque apertura probe et perfecte obturetur. Haec lagena postea balnei mariae calori per aliquot horas exponatur, et debita refrigeratione peracta, orificioque aperto hepaticus odor haud ambiguus
mox

n) De acido aëreo, §. VIII, pag. 20.

innox nares ferit, ipsa vero aqua filtrata addito lixiuio alkali fixi demittit sedimentum acidis solubile; solutione argenti turbatur nigrescens, itemq; saccharo saturni; euaporatione sponte facta fundus patinae tandem pellicula reperitur obductus, multis interstincta aciculis crystallinis, quam acida cum efferuescentia suscipiunt, excepto puluisculo griseo, qui in igne odorem spargit sulphureum, nullam vero monstrat flammam, eam sine dubio ob causam, quod impurum fit sulphur, salinis inuolutum particulis.

§. XVIII.

Magnesiae attractiones electiuae.

Quae supra suis locis indicauimus phaenomena, via humida sequentem attractionum electiuarum ordinem euincunt: supremum nempe tenet locum acidum fluoris (§. X-XV), hoc excipit acidum sacchari (§. VIII, XI, XV), dein phosphori (§. XI, XV, V), vitrioli (XV, V, IX), arsenici (§. IX, V, VI), nitri (§. IX, VI, VII), salis communis (§. VI, VII, XII), tartari (§. VII, XII, X), formicarum (§. X, XIV, XIII), aceti (§. XIV, XIII, VI), boracis (§. XII, X, XIV), vitrioli phlogificati (§. VI, V), nitri phlogificati (XIII, VI, V), aërei (§. IV), aquae (§. III), et sulphuris (§. XVII),

Via ficca aliter se res habet. Scilicet fixius debiliusque acidum, adiuuante calore, volatilius et alioquin fortius attractionis vi superat. Sit *M* quaelibet materia, quam duo appetunt menstrua, fortius in calore medio attractione electiua *A*, debilius via, ponaturque simul prius igne volatilius, eiusque ad abi-

abitum nifus exprimatur per V , posterioris autem per u . Hinc patet M a priori occupari vi differentiae $A - a$ aequali, intendatur vero fucceffive caloris gradus, continue quoque infringetur haec potentia, et cum iam V magis quam u crefcat, tandem erit $A - a = V - u$; aucto vero ulterius igne, etiam aequilibrium tollitur, et, quod antea debilius erat menftrum, praeualebit: fi hoc eft omnino fixum, erit $u = 0$, et cafus fit fimplicior. Modum, quo ignis volatilitatem auget, in difquifitione de attractionibus electiuis curatius perfcrutabimur.

Hinc acida per fe fixa, phosphori, arfenici et boracis, via ficca omnibus reliquis praepollere reperiuntur, et, praeunte experientia, ordo fequenti modo mutatus enafcitur: acidum phosphori, arfenici, boracis, vitrioli, facchari, nitri, falis, fluoris, formicarum, aceti, vitrioli nitrique phlogifticati, et tandem aërei. Acidum tartari heic locum vix fuftinet, quum igne fufficiente deftruatur.

§. XIX.

Magnesia a calce differt.

Materiae iam comparandae in eo quidem conveniunt, quod ab acidis cum effervefcentia folvantur, hac tamen proprietate etiam gaudent terra ponderofa et fales alkalini aërat, nihilque aliud, quam acidi aërei in fingulis praefentiam, indicat. Si quoque penitus examinantur, luculentiffima occurrit difsimilitudo, cuius iam praecipua breuiter notabimus momenta, vt vera magnesia indoles cuius eo melius innotefcat.

Magnesiam aëratam suscipit aqua (non vero calcem aëratam), ast post idoneam vsultationem insolubilis manet (calx soluitur): solum alkali volatile causticum efficit magnesia pura (calx etiam fixis illam impertit corrodingi virtutem): acido vitrioli saturata salem constituit amarum, aequali fere aquae pondere solubilem (calx seleniten praebet fere insipidum, cuius vnicae parti vix 400 aquae suffi. iunt): cum acido nitri prodit sal crystallifabilis (calx nitrata aegerrime in crystallos cogitur): acido salis liquor adquiretur, qui igne destillatorio menstruum facile fundit (calx non item): cum aceto crystallificationem respuit (calx vegetationes monstrat egregias): aliis ex acidis vitriolico non deiecitur (calx gypsum subsidens mox porrigit): acidum fluoris mineralis prae ceteris omnibus appetit, dein sacchari et reliqua ordine antea descripto (calx eadem menstrua longe alio ordine eligit): cetera, quae ex notis calcis proprietatibus, cum antecedentibus collatis, haud difficulter eruuntur.

Tanta haec est discrepantia, eademque constans, vt confundi amplius non debeant hae materiae. Cum magnesia nitri fere semper sit calce mixta, in examine instituendo haec impura frustra adhibetur, qui igitur veram rimari cupit indolem, basin salis amari eligat, quae rite praeparata numquam fallit.

Sed magnesia fortassis calx est transformata, pro re nata, iam illius, iam huius induens vel exuens omnem habitum. Eadem quidem materia adeo differentes vix, ac ne vix quidem, acquirit proprietates, interim tamen, quamdiu de possibilitate sola est

est sermo, nihil fere aliud monendum existimamus, quam quod huc vsque tanta laboret imperfectione. scientia spagyrica, vt, num vires naturae tali metamorphosi efficiendae pares sint, nec ne, tuto nequeat a priori diiudicari. Ast caue credas ex possibilitate nec remota, nec facile remouenda, realem sequi transformationis existentiam. Hac methodo metamorphosis, Ouidianas referentibus, amplissima aperitur porta. Ne deferamus igitur experientiam, verum illud Ariadnes filum. Vagis enunciationibus artis magistri non mouentur, experimenta requirunt adcuratissima, et analytica et synthetica, quaeque rite instituta eundem successum monstrant semper et vbique. Acidum vitrioli calce saturatum, gypsum, magnesia vero salem amarum praebet; idque constanter. Vt ex aqua calcis gypsum obtineatur, nullo alio opus est artificio, quam iusta saturatione, abundante enim menstruo, gypsum quidem itidem generatur, sed acido adeo penetratum, vt in aëre humescat, nitorem in igne diu conseruet facileque lique scat; hoc vero superfluo vel saturato, vel mediante spiritu vini separato, gypsum prodit perfectum, quod alibi in calce examinanda sufficienter demonstrabitur. Variationes a principio quodam proximo, vel abundante vel deficiente, ortae, proprie metamorphoses vocari nequeunt. Acidum vitrioli manet verum et in se minime mutatum, quod etiam de calce valet, pro variata tamen vtriusque quantitate tres in genere occurrere possunt casus, vel enim inuicem saturantur ambo, vel acidum abundat, vel deficit idem: in quolibet gypsum oritur perfectum, sed in se-

cundo, acido libero, et in tertio, calce non soluta onustum, unde etiam genuina eiusdem indoles plus minus superfluo immixto obscuratur. Rem ita comparatam esse per se patet, et praeterea haec bina principia iterum possunt separari, omnino talia, qualia ante coniunctionem erant, quod verae haud convenit metamorphosi, saltem, si eo usque extenditur huius vocabuli notio, omnes sales neutrales et medios eidem quoque subesse constat.

Eo, quo vera salis amari praeparatio ignorabatur, tempore, variae de illo sententiae fuerunt propositae, et inter alias haec, quod calx acido salis primum soluta et dein vitriolico deiecta, filtrata, ad pelliculam euaporata, et in crystallos demum concreta, sale amaram daret genuinum; ast manus operi admoventes haud difficulter reperiet, et illud, quod deiecitur, et aciculas dein depositas, spirituque vini lotas, nihil esse aliud, quam gypsum perfectum: hoc nuper quidem extractum et nondum liquido adhaerente priuatum, sapore gaudet acido simulque amaricante, ex acido salis, partim adhuc libero, partim calce dotato, sed liquore mediante papyro bibula, vel, quod praestat, spiritu vini sufficienter spoliatum, omnes gypsi exhibet proprietates, nisi magnesia fuerit calci antea immixta, quod interdum accidit, uti mox videbimus (§. XX). Hic igitur nulla vera metamorphosis, quae sine dubio pertinacius persistat oportet, quam ut ne mica quidem prodeat magnesiae vitriolatae.

Nec melius succedit, si ad aliorum praescriptum calx praecipitata acido nitri vel salis irroretur, et dein-

deinde qua lubet cautione calcinetur. Nihil certe hac via aliud elicitur, quam calx acido adperso plus minusue foeta, pro diuerso, quo torquetur, ignis gradu,

Magnesia sale alkalino e lixiuio nitri praecipitata, acido vitrioli egregie soluitur, salem praebens amarum, qui anglicus vocari solet, illa vero, quae euaporatione et calcinatione comparatur, in eodem menstruo nec efferuescit, nec minui videtur. Hinc magnesium in calcem ignis ope transformatam esse concluderunt nonnulli, sed longe alia heic adest phaenomenorum ratio. Scilicet magnesium calcinatam acidum quidem adgreditur, sed tardissime, nam menstruum proxime eandem ambiens post saturationem fit specificè grauius, ideoque in fundo restat, liberi accessum impediens. Sensim tamen penetrat acidum, adeo vt, si iussa adest portio, totam tandem suscipiat magnesia massam, quod nullo modo cum calce locum habet. Liquidi motus intestinalis omnem accelerat solutionem, et hinc quoque magnesia aërata celeriter quasi euanescit, quum acidum aëreum fortiori expulsum innumeris bullulis enatantibus singulas agitet particulas elocetque, adeo vt acidum liberum continuo magnesium tangat. Ob eandem causam calx et terra ponderosa segius soluuntur calcinatae, quam aëratae.

Alii ex argilla mediante acido vitrioli magnesium oriri contendunt, et ambabus manibus id mox largiemur, si quis modum, quo vera argilla ita possit immutari, monstrauerit. Coniecturae et opiniones adcuratis adcommodentur oportet

tet experimentis, at non contra. Eodem acido ex argilla vulgari aluminis terram conficiunt, quae tamen pulveri siliceo, qua decet cura, mechanice iterum immixta, argillam regenerat vulgarem. Sed de his alibi plura ^{m)}). Ex allatis igitur elucet, magnesium ab aliis distinctam esse terram: vtrum simplex, an composita sit, nondum certe definiti potest, idemque de calce quoque valet. Cum vero in omnibus experimentis hactenus institutis proprietates seruet constantes, nulloque modo decomponatur, primitiuis adnumeretur oportet, donec fida analysis, idonea confirmata synthesi, originem reuelet. Certe de scientia spagyrica optime merebitur magnusque erit Apollo, qui, non opinionum commentis, sed experimentis indubitatis, quae semper et vbique rigorosum sustinent examen, magnesium e calce vel argilla ortam demonstrare valuerit.

§. XX.

m) Conf. interea Dⁿⁱ MARGGRAF Chym. Schriften, e quibus sequentia tantum adferre liceat. In tomo II. pag. 49 concludit: *unsere Erde (magnesia) ist weder calcarea, noch aluminosa.* Pag. 10 et 11 ita habet: *Die mir von einem gewissen Chemico bey dem Alaun gemachten Einwürfe sind so schlecht, daß ich die Zeit unnütz anwenden würde, wenn ich selbige beantworten wolte: nur so viel will ich demselben zur Nachricht melden — daß der Thon allerdings aus seinen geschiedenen Theilen wieder zusammen zu setzen sey, und also das Acidum vitrioli weder an der geschiedenen alkalischen Erdart, noch an der zurück gebliebenen sandigen, als denen wahren Bestandtheilen derselben, nicht das geringste geändert, weit weniger aber neue Composita bey dieser Arbeit gemacht habe.*

§. XX.

Qualis in superficie telluris occurrit magnesia.

Magnesia aliis terris primitiuis minus est vulgaris, vel rectius, aliis ita immixta materiis, ut nec statim queat dignosci, nec saepe ab heterogeneis, nisi menstruis acidis, liberari. Magnesia aequae ac argilla est terra subtilissima, tenerrima et spongiosa; fieri itaque nequit, quin vel purissima massa in terram defossa, aliis cito contaminetur particulis. Magnesia, calx, terra ponderosa, argilla et pulvis siliceus subtilissimus, si una cum aqua conterantur, postea non nisi idoneis menstruis separari possunt, multum tamen a recta declinat via, qui hinc magnesiā, ceterasque in mistura completas contineri negat, easdem acidorum ope productas adseuerans.

Singulas, excepta vltima, quae acida vulgaria respuit, vel trigesies successiue solutas et praecipitatas nullo modo inuenimus mutatas; sola haec obvia variatio tres priores tangit, quae acido atmosphaerico vel liberatae, vel eidem iunctae, prodeunt, prout vel causticum, vel aëratum fuit alkali praecipitans. Praeterea memoratarum quinque terrarum nulla menstruorum ope, quaecumque hucusque adhibitae fuerunt encheireses, in aliam vere potuit transformari. Idcirco magnesiae, (licet etiam semper ita heterogeneis mechanice esset implicata, ut sine menstruis acidis liberari non posset,) pernegare existentiam, sanae prohibent ratiocinandi regulae. In plerisque aquis, quae ab amaritie no-

men sortitae sunt, acido vitrioli iuncta reperitur magnesia, et ab inclyto D:no MONNET detectus haud ita pridem est schistus, qui perustus et elixatus verum praebuit salem amarum, qualis etiam in schistis nostris aluminosis occurrit, sed parca tantum dosiⁿ).

Ad argenti fodinam Salbergensem in superficie ingentium cumulorum, ex terrestri in lauanda minera separato pulvere quotannis coaceruatorum, crustae concresecunt, quas, examine instituto, saepe in centenario 65 libras salis amari continere reperi. Ipsa nempe matrix lapide constat calcareo, qui praeter siliceos atomos interdum magnesiā quoque immixtam tenet, sed simul pyritae grana insunt, quae sensim sub fatiscentia mediante suo acido cum calce gypsum et cum magnesia salem amarum procreant.

In omni terra nitrosa cum acido nitri; copiosissime vero in fontibus salis reperitur et in magno globi nostri oceano, cum acido salis copulata, amaritatem efficiens palato ingratissimam.

In variis aquis mineralibus, Pyrmontana nimirum, Spadana, Selterana, aliisque, talis exacte adest, qualis in nostris prostat officinis, omni, praeter aëreum, destituta acido. Quodnam igitur acidum heic eam format, quae adhibita sola euaporatione potest secerni?

Dein-

Deinde argillis quibusdam vna cum calce et pulvere siliceo, immixta, singularem constituit margae varietatem. In terra Lemnia, cum argilla, silice et terra martiali adest. Variorum praeterea lapidum intrat compagem; in steatite et serpentino cum silice; in asbesto cum silice et calce; in mica cum argilla et silice; in lapide calcareo, particulis constante impalpabilibus, qui olim oceani submersus fuit aquis, itidem latet; inque aliis bene multis nondum satis examinatis.

Granati, aliis inclusi lapidibus, nullibi integros efficiunt montes, hinc tamen eorumdem existentia minime dubia haberi potest, et idem fere valet de quarzo puro, aliisque nonnullis.

Licet igitur crassa magnesiae strata, licet eiusdem moles congestas hucusque viderit nemo, tamen perfecta in superficie telluris occurrit, eamque partim mechanice cum aliis commixtam materiam, partim etiam solutam detegit terrarum lapidumque chemica analysis. Naturam rei mutat nec magnitudo, nec quantitas. Transmutationes antea memoratas deferere cogimur, quippe quae non tantum lubricae sunt, nullo idoneo suffultae experimento, sed vacillant quoque, immo sibimet inuicem repugnant; nam quidam e calce magnesiam fingit, ex argilla alius, dum tertius ex eadem argilla aluminis terram prouocat, idque, quod probe est notandum, in singulis casibus mediante acido vitrioli fieri posse autuant. Ast quid fieri possit non moramur, potius, quid re-

vera fieri luculenta monstrant experimenta, sollicitè quaerentes.

§. XXI.

Usus Magnesiaë.

Magnesia hæcenus non nisi in Pharmacopoliis fuit adhibita, diuersoque agit modo, prout vel cruda est, vel calcinata, vel acidis nupta. Cruda in primis viis acidum domat, sed suum simul mittens elasticitate dotatum (§. IV), quibusdam incommoda parit non spernenda °). Creta, chelis cancrorum, aliisque testaceis potentius carnis accelerat putredinem, bilis vero retardat p).

Calcinatae dimidia dosis aequè aluum laxat et acidum domat, ac cruda, idque sine ullo incommodo. Carnem non tantum diu conseruat, sed etiam bilem dudum putrefactam egregie restituit. Cum camphora, opio, guaiaco, storace, mastice, assa foetida, myrrha, scammonio, aliisque vel gummoso resinosis, vel pure resinosis, anatica circiter portione sumtis, in aqua trititando tincturas exhibet valde commendabiles; nam percolatione facta clarae, saturataeque obtinentur, nullo inquinatae

o) Quandoque flatulentias et morsicationes in immo ventre relinquit, si frequentius in usum trahitur, primaque regio progignendis corrosiuis succis, ut in hypochondriacis fieri solet, exposita est. HOFFMAN.

p) HENRY de magnesia.

tae caustico, quum magnesia calcinata solutionem respuat. Hae tamen tincturae non prius sunt praeparandae, quam iisdem indigemus.

Magnesiae vitriolatae vsus catharticus vix vllum fugit.

Quid valeat magnesia in oeconomia rurali, in examine terrarum geoponicarum est diiudicandum.

Index Paragraphorum.

§. I. Brevis magnesiae historia	pag. 343
§. II. Praeparatio magnesiae	345
§. III. Magnesia pura	348
§. IV. Magnesia aërata	350
§. V. Magnesia vitriolata	354
§. VI. Magnesia nitrata	358
§. VII. Magnesia salita	359
§. VIII. Magnesia fluorata	360
§. IX. Magnesia arsenicata	361
§. X. Magnesia boraxata	363
§. XI. Magnesia saccharata	ibid.
§. XII. Magnesia tartarifata	364
§. XIII. Magnesia acetata	ibid.
§. XIV. Magnesia formicata	365
§. XV. Magnesia phosphorata	366
§. XVI.	

§. XVI. Num sale alkalino solubilis sit magnesia	pag. 366
§. XVII. Magnesia sulphur soluit	367
§. XVIII. Magnesia attractiones electivae	368
§. XIX. Magnesia a calce differt	369
§. XX. Qualis in superficie telluris occurrit Magnesia	375
§. XXI. Vfus magnesia	378

I N D E X.

Numeri paginas indicant.

Acidulae merito ita vocantur III.

Acidum, eius qualitates generales 7; quomodo in aquis detegitur 90.

Acidum aëreum, quomodo purum obtinetur 3-5; sapore gaudet acido 10; instar acidi reagit 11; salibus alkalinis adunatum eisdem crystallifabiles reddit 13-21; terras adgreditur 21-32; item metalla 32-38; a liquoribus inflammabilibus absorbetur 38; alkalibus puris soluta deiicit 40; attractiones electivae 42-50; est verum acidum 50-58; gravitas specifica 58; ignem extinguit 61; animalia enecat 62; ratio denominationis 55; differt ab acido vitrioli phlogificato 58, 109; est verus aquarum spiritus mineralis 108; quomodo colligendum 107.

Acidum boracis 363.

— — *formicarum* 365.

— — *nitri* aërem hepaticum destruit 227.

— — *sacchari* quomodo extricatur 238; alkalibus unitum 246, 242; terris 248-251; metalli 251-257; attractiones electivae 257; num nitroso ortum debeat 258.

Acidum salis optime proditur argento nitrato 98.

Acidum tartari 329; cum antimonialibus 330-334.

Acidum vitrioli excedens crystallisationem aluminis impedit 300; optime proditur terra ponderosa salita 96.

Aër fixus, quid 2.

— *hepaticus* 222; ab aqua absorbetur 223; quomodo in aqua decomponitur 225; quomodo colligendus 112.

Aër inflammabilis ex aquis erumpens 82.

Aër

Aër mephiticus 3; in spelunca cauis et alibi 59.

— *purus* in aquis 82; quomodo detegendus vitriolo martis 101; quomodo colligendus 107-109.

Aether acidum aëreum in duplum spatium expandit 39.

Alcohol vini in aquarum analysi adhibetur 104.

Alkali quo fortius, eo minus acidi ad saturationem suscipit 18.

Alkali minerale aëratum 18; cur mercurium sublimatum corrosivum deicere nequit album 49.

Alkali minerale salitum 129.

Alkali minerale vitriolatum 128.

Alkali phlogisticatum non prodit ferrum, aëre hepatico solutum 229; reagens eximium 94.

— *Alkali vegetabile aëratum* 13; in crystallos cogi potest 13; Mercurium sublimatum corrosivum deicere potest album 16.

Alkali vegetabile nitratum 129.

— *vegetabile salitum* 129; quomodo distinguendum a muria 125.

Alkali vegetabile vitriolatum 128.

Alkali volatile aëratum 20; calcem aliis acidis eripit ope duplicis attractionis, quod purum non valet 48.

Alumen, usus 264; principia proxima 271; minerale 275; Brunsuicensis indoles 293; quid valeat ut reagens 97; quid in arte tinctoria 365; quomodo depurandum 309.

Antimonium saccharatum 256.

Antimonii regulus 325; hepar 323; vitrum 324; butyrum 327.

Aqua quomodo aërandi 203; aërata 8; eius exploratio necessaria 77; difficilis 79, fovet varia heterogenea 81; quomodo seligenda et corrigenda 134; quomodo di-

gno-

gnosenda, quae ferrum aëratum continet, a vitriolico 139; nivalis pluuiialis, fontana 84; fluuiatilis, putealis, lacustris, marina 85; dura 136.

Aqua calcis 23; acidum aëreum prodit 96; magnesiā vitriolatam destruit, non vero alkali minerale vitriolatum 124.

Aqua marina in profundo nauseosa amaritie caret 176.

Aqua medicata calida, aërata 220; hepatisata 221; artificialis 229.

Aqua medicata frigida, Seydschützensis 186; Spadana 190; Pyrmontana 193; artificialis 202; hepatisata 233; Meduiensis 233.

Argentum nitratum, acidum vitrioli sed praesertim muriaticum prodit 98.

Argentum saccharatum 252

Argilla aërata 31; pura basin aluminis efficit 273.

Argilla saccharata 250.

Arsenicum album ab aëre hepatico flauescit in auripigmentum abiens 103.

Arsenicum saccharatum 255.

Attractiones electivae acidi aërei 42; acidi sacchari 257; magnesiae 368; argillae et ferri 311.

Aurum saccharatum 251.

B

Borax peculiare fouet acidum 363.

Butyrum antimonii 327.

C.

Caeruleum Berolinense quantum ferri contineat 166.

Calor medius 6; a peculiari materia proficiscitur 23; ligatus *ibid.*

Calx

Calx aërata 22; pura 24; caussa incalescentiae cum aqua 26; pura destruit magnesiā vitriolatā non vero aë-rata 127, 315.

Calx nitrata 131.

— *saccharata* 248.

— *salita* 131; quid valeat vt reagens 97.

— *vitriolata* 130.

Cantharus suecanus 88.

Cauticitas num a philogisto 27.

Cobaltum saccharatum 256.

Color heterogeneorum in aquis index 87.

Crocus metallorum 324; cum acido tartari 330; cum cremore tartari 335; cum tartaro tartarifato 333.

Cuprum alkali volatili solutum non praecipitatur acido aëreo 42.

Cuprum saccharatum 253.

— — *vitriolatum* 132.

Curcumae tinctura alkali prodit 92.

Crystallisatio alkali vegetabilis diu cognita 16.

Efferuescentia 14, 94.

Emetica antimonialia 320.

Evaporatio aquarum 115 - 118.

Extractium in aquis 83; quo modo detegendum 100.

F

Fatiscientia minerae aluminaris 280.

Fermentatio spiritiuosa peragi potest sine accessu liberi aëris 6.

Fernambuci tinctura et acida et alkalia prodit 91.

Fer-

Ferrum aqua solutum reagentibus innotescit 94; aëre hepatico solutum quomodo detegitur 225.

Ferrum aëratum 32; quomodo in aquis detegitur 138.

Ferrum vitriolatum 132; aërem purum in aqua pro-
dit 102.

Flores argentini 328; 336.

Fons arcis, molendini, Sanduikensis 144; *Danemarken-*
sis 160.

G

Gallarum tinctura, eximium reagens 93; *ferrum aëre hepatico solutum* prodit 229.

Gravitas specifica aquae aëratae 9; *acidi aërei* 58; quo-
modo aërandi 88; *aquae destillatae, nivalis, Vpsalien-*
sium 147; *Danemarkensis* 161; *Seydschützensis* 185;
Selteranae 189; *Spadanae* 193; *Pyrmontanae* 196; *alu-*
minis 275.

Gypsum 230.

H

Heliotropii tinctura optime acida prodit 90; *rubedo fu-*
gax acidum aëreum prodit 11, 12; non virescit ab al-
kalinis 93.

Hepar antimonii 323.

— — *sulphuris in analysi aquarum parum valet* 103;
ab acido aëreo praecipitatur 40.

Historia analyseos aquarum 65-77; *aquarum medicata-*
rum artificialium 212; *magnesiae* —; *confectionis alu-*
minis 266.

Hydrargyri nitrati in analysi aquarum vsus 99.

Hydrargyrus salitus corrosivus parum valet in analysi
aquarum 103; ab alkali vegetabili praecipitatur albo
et flavo colore 16; ab alkali minerali nonnumquam
albus 50.

I

Indicum 93.

L

Lakmus vid. *Heliotropii tinctura*

Libra pharmaceutica Sueciae 90.

Liquor silicum ab acido aëreo praecipitatur 40.

Lixivia aluminosa 285; quomodo ponderantur 288; quid contineant cruda 296; quid post crystallisationem superfit 298; magistralia 299.

M

Magnesia pura 358; aërata 350; acidis iuncta 354-368; a calce differt 375; qualis in superficie telluris 378; usus 403.

Magnesium aëratum 35.

— — — *saccharatum* 57.

Materia perlata 331, 335.

Metalla quae acido aëreo non iunguntur 36.

Metallorum calces praecipitatae materia aërata 49; aëratae via sicca natae 50.

Minerae aluminis 215; schistosa 276; Tolfensis 277; Puteolana 279.

N

Niccolum saccharatum 255.

O

Odor heterogenea in aquis passim indicat 87.

Oleum oliuarum acidum aëreum absorbet 39.

Oleum Terebinthinae acidum aëreum absorbet 39.

P

Pes suecanus 90.

Pinguedo bituminosa aquis vix inhaerens reperitur 84.

Piatina saccharata 251.

Plum-

Plumbum acetatum in analysi aquarum adhibetur 100.

Plumbum saccharatum 253.

Pulvis Algarotti 326, 333, 335.

Q

Quantitas aquae explorationi subiiciendae 114.

R

Reagens quid 86; praecipua examinantur 90-105; necessaria 104.

Resina elastica 205.

S

Sal acetosellae calcem deiecit 95.

— *amarus* 130 ; quomodo in Suecia parandus

— *ammoniacus fixus* 131.

— *digestivus Sylvi* 129.

— *mirabilis Glauberi* 128.

— *colcotharis* 330.

Sapo quid valeat in analysi aquarum 103; num ab acido aëreo destruat 41.

Sapor heterogeneorum in aquis index 88.

Spiritus vini acidum aëreum absorbet 39; vsus in aquarum analysi 104; stannum saccharatum 254.

T

Tartarus vitriolatus 128.

Terra ponderosa 21; in aquis 96, 120, 125.

Terra silicea in aquis Vpsaliensibus 148, 168; in argilla 273.

Thermæ aëratae carolinae 220; hepatisatae Aquisgranenses 221; artificiales 229.

Thermometrum suecanum 6.

V

Vasa in explorandis aquis adhibenda 114.

Violarum syrupus 93.

Vismutum saccharatum 254.

Vitriolum album 132.

— — *caeruleum* 132.

— — *martis aërem purum* indicat 101.

Ustio minerae aluminaris 282.

Z

Zincum aëratum 33.

— — *saccharatum* 256.

— — *vitriolatum* 132.

Errata.

Pag. 133 l. 8. $\frac{15}{27} : \frac{33}{19} m$ leg. $\frac{45}{20} : \frac{15}{27} : \frac{33}{19} m$

— 184 l. vlt. ochra leg. magnesia.

